

# 黃平州志複製說明

黃平州志，十二卷，清嘉慶三年州人李臺請於署知州陶廷琬倡修，王孚鑄纂，於嘉慶五年歲事，同年付梓；後於道光十三年進行增補。原書板框高六市寸，寬四市寸。現據貴州省博物館藏增補刻本複製。缺頁及模糊不清之處，則據本館所藏舊鈔本補入。

本志修纂期間，正值平越裁府改州，黃平州由平越府改隸鎮遠府之際，複製校勘時，除乾隆貴州通志及民國黃平縣志作參考外，還據

黃平州志

複製說明

乾隆鎮遠府志、光緒平越直隸州志對有關文字作了校正；此外，還改正了部份我們能發現的錯別字。凡經校改之字，均按卷頁順序編入書末所附校勘記中，以供參考，歡迎讀者批評指正。

承貴州省博物館借給藏本，謹此致謝。

貴州省圖書館

一九六五年十月

黃平州志目錄

卷首

序

姓氏

凡例

輿圖

卷之一

方輿志

疆域

星野

附氣

沿革

山川

名勝

古蹟

附塚

里堡

風俗

黃平州志

卷首目錄

卷之二

建置志

城池

官署

壇廟

驛傳

坊表

津梁

卷之三

官師志

秩官

附前明指  
揮千百戶

名宦

武備

附所募  
屯堡

土司

卷之四

食貨志

田賦

戶口

徭役

經費

蠲卹

附優免

積貯

物產

卷之五

學校志

聖制

廟祀

禮典

書院

附義學

賓興

卷之六

選舉志

科第

薦辟附

貢監

援例

掾吏

軍功

封廕

卷之七

黃平州志

卷甫

目錄

二

人物志

鄉賢

忠孝

宦蹟

學行

尚義

卷之八

列女志

節孝

貞烈

賢淑

卷之九

藝文志

藝文上

卷之十

藝文中

卷之十一

藝文下

卷之十二

軼事志

祥異

寓賢

寺觀

仙釋

方技

雜記

苗蠻

黃平州志

卷首

目錄

三



黃平州志序

合一方之忻戚憂愉肫然周通如一身而後可以言治其疆宇則骨幹也其賦役則血脈也其性情風俗則精神也精神治而後血脈周血脈周而後骨幹立非是則痿且廢而事不可得而理黃平在黔為文物聲名之地科名輩出甲於他郡近年以來多稱其難治或至視為畏途余嘗攝理三

黃平州志

卷首序

一

閱月察其病在於血脈之不周思欲調其精神使之完密純固而後徐徐及之州之民亦似不余非也顧嘗念良醫之處方其用心必周乎人骨脈腠理之際使其疾如在己身而後方可效良吏之為治何獨不然數百里之間無智愚賢不肖皆知官之所為悉所以為我而無自私自利之心有不令之而行不禁之而止者乎信而後勞

其民此即處方和劑之法安得以為迂濶而惟所欲為哉惟其地當孔道往來之使絡繹官斯土者朝夕不遑日以廚傳供張為事計出入綜贏縮勢處於無可如何故不得不為一切苟且之政以求效目前嗟乎廚傳供張何事也一健僕能為之而士大夫至疲精憊神求盡於此以為稱職是尚得謂民之咎哉在黃平時州人王序東

黃平州志

卷首序

二

明府間以公事謁余余為道其言明府頗躉之時方創修州志明府實總其事以志稿屬為勘定明府正人也其書亦詳贍有法書成值余權守思州走書索序余因舉余前所以思治黃平之道述而記之不必可為典要也

賜進士出身奉政大夫同知判鎮遠府清江廳事署思州府知府前代理黃平州事長沙

周有聲撰



黃平州志

卷首序

三三

黃平州志序

志之異於史者謂其著美而隱惡故史期於直志期於厚此其體固然然惡者誅而善者益勸史未嘗不厚美者錄而否則沒焉志何嘗不直哉余謂志之體小於史而難於史何也史總一代之全典章政教功業行能可述者多患文不足著之耳志則拘於方隅雖有沈博之才無所於施故患

黃平州志

卷首序

四一

其陋也史據當時日錄及詔勅奏疏之文患繁冗不能斷耳志則窮鄉鄙屋有善必紀又溯之數百年湮沒之餘文字既無可資見聞復多不及故又患其遺也史所書之事若人於作者相關涉百之一二耳即論贊或徇好惡其事實不可得而增損志則一州邑之人皆有姻戚久故之好焉雖主之以守土之官假手於異地之士而十

年以前之事與人彼無從知采訪稱道者仍出此都之口耳故又惠乎其私也黃平為州為衛前分後併開創幾五百年前有周草亭先生衛志二卷載在明史藝文而州與其家皆無藏本繼是李別駕朱中丞王文學先後有述詳畧互異大率因省郡志所已載而稍詳其沿革備其溪阜物產於州之士女非崇祀旌表者多不錄蓋人

之耳目不能徧於一州雖有見聞嫌於私而不欲著也文學弟序東進士余鄉舉同年生也令朝城矢公勵勤獎崇善類稱良吏與俗齟齬罷歸且二十年於鄉人懿德美行聞輒簡記蓋不得施於世者欲以施之其鄉以就乃兄之業然慮見聞有遺未敢據也歲戊午余自安城罷歸過序東語及此以是告之時銀臺李笠山先生養疴

林下鄉之望也而會稽陶進士南園以清  
平明府來攝州事二公皆博學能文章樂  
道人善於序東有全心明府於是請於上  
官而序東迺倡新舊州之士醵資設局遍  
告閭里凡前人善行有家譜碑摹傳記可  
據及著在耳目者各具梗概送局既又屬  
同志士友周歷邨坊博采輿論然後序東  
總為纘輯而銀臺裁定焉會余主講濟陽

郵其稿謂余裏討論之事余謂前所云云  
以序東之公且勤可以自信况重以諸君  
子之公聽而並觀乎若余之謏陋既不能  
有所討論而志以紀實要不使蕪陋足矣  
固無待于文也

時

嘉慶四年仲秋望前一日甕安傅玉書序

黃平州志序

粵稽周官司徒掌邦土地之圖周知九州之域廣輪之數司險掌建九州之圖周知山林川澤之阻誦訓掌方志以知地俗所知之大小廣狹不同而不可不知則同其即後世直省通志及府州縣志之所由昉歟黔省自府若廳而外直隸州一州十四縣三十有四有志可考者十不得三四焉

黃平州志

卷首 序

七一

其山川人物之美忠孝節烈之行不特守土者來自異邦無從遽悉即生於斯長於斯者往往不能知之即有得於故老之傳聞及附見於省郡志中知之而不能詳載言之真憾事也黃平自有明創設州衛二治民苗雜處境屬衝衢素稱繁劇數百年來其式廓之增人文之啟庶類之蕃殆未易屈指計是不可以無志丁巳夏余奉

檄來署茲篆索州志不得為悵然者久之  
明年春州人王序東先生因公來謁余余  
告之故先生曰然是誠余州之急務也乃  
言及前中丞朱奎山先生曾輯志稿數卷  
藏於家雖未詳備而大畧已定蓋可踵而  
成之爰糾闔州紳士商之於李笠山先生  
乞為領袖遂復合詞籲請於余余雖不文  
不敢重違其請乃具文轉申各憲允准舉

行戊午夏將謀開局時余適有採辦滇銅  
之役尅期瓜代不克共勩盛舉勉効操觚  
庚申夏接王公郵書至滇知已將朱中丞  
舊稿詳核增補編次成若干卷陸續付梓  
將竣問序於余竊惟志者史之一體期於  
信今傳後考獻徵文而止無取鋪張揚厲  
為也黔之人向不聞有以輯志為急者間  
或有之非失之繁冗即病於疎漏可稱者



不數數覲今州之人士聞有是舉莫不踴躍趨事又幾經鄉先輩舊定善本諸君子釐訂成編洵稱完備其有關於政治資於考鏡者不淺是豈特州之人之幸抑亦守土者之樂於遙觀厥成也是為序

時

嘉慶五年歲次庚申七月中幹會稽陶廷璚書於滇南寓齋

序

地志盛於唐元和而華陽國志已導其先  
華陽晉記也晉近漢為確其志沂沅水一  
條與後漢書合又云元封元年置牂柯郡  
又蜀漢以馬忠為牂柯太守而皆統之南  
中後漢書云楚頃襄王遣將莊豪將兵伐  
夜郎軍至且蘭椽船於岸而步戰遂滅夜  
郎以且蘭有椽船牂柯處乃易其名為牂

黃平州志

卷首序

十一

柯是改且蘭為牂柯非改夜郎為牂柯也  
由今揣之夜郎與牂柯似為與國接壤大  
抵夜郎治不出遵義平越二境或者其民  
居無常處耶又按漢書地理志注沅水出  
牂柯入於江又曰無水首受故且蘭入沅  
舊志云且蘭涓甕黃施之交今灕水源於  
黃平舊州都凹山然則故且蘭即黃平舊  
州治牂柯江即灕水似為得之又新唐書

云貞觀十六年開山洞置溱州溱溪郡領  
縣五榮懿扶歡夜郎麗皋樂源樂源即今  
黃平舊州唐元和三年州廢依此則樂源  
即古牂柯牂柯即故且蘭無疑矣余以乾  
隆戊申司鐸黃平實駐其地覽山川之秀  
發井落之湊集田疇之平行人物之瑰瑋  
物產之豐腴要為黔地下游沃壤太白云  
蠶叢及魚鳧開國何茫然令人嗟然起三

代以上之想矣州舊無志創輯較艱歲戊  
午兩州人士慨然有志斯舉於是啟州守  
詳定其事濟以李納言為主裁王鴻軒傅  
竹莊為編纂余樂觀其成因畧考核地理  
質諸二三君子然與否與抑予竊嘆地志  
有三難耳目境接桑梓情濡趨避多忌一  
也諛墓輸金佳傳索米瓠壺瓦缶鼎鐘蒼  
黃二也阡陌交通米鹽凌雜一以為算簿

一以為郵程尺寸相資彌縫舊物三也去  
此三者乃信而有徵諸君子皆凜凜自持  
故絕無茲病然考古者殉今由前之說其  
有附會之見者存耶抑亦以地志者志其  
地不可不詳確也是為序

時

嘉慶五年閏四月既望貴陽許克家後田

氏撰

黃平州志

卷首序

三

黃平州志序

古者太史陳詩納賈以觀民風今州縣蒞任必詳覽須知之冊以其方輿地丁圖籍由郡而上之藩撫達之部曹因地施治未已也又必稽其城郭官署學校之因創形勝之險夷道里之遠近戶口田賦之多寡人物節行之端亮文章經濟之特達謠俗飲食被服之異同詳而列之為志所以備

黃平州志

卷首序

十一

參考明政治資化導也黃平為滇黔咽喉重區其山水瑰奇地當衝要惟奇也故名流踵興節烈輩出惟衝也故民苗雜處獄賦紛煩守土者不得以一須知了事也余以乾隆六十年調刺斯土求州志不得州人序東王先生以名進士為東魯名宰休沐歸里來謁詢之以為非無附志於省郡者然不詳不備是吾州之闕典也前中丞

奎山朱先生曾草創未就當偕孝廉周子  
繡章請於鄉先達笠山李先生訂正而卒  
成之嗣以軍需旁午置未暇理越三年而  
王公編次成帙出其分類撮要者與余商  
焉大約蒐羅必詳考核必確幽潛必發揚  
厲必真勿憚勞勿避怨務在徵實無有瞻  
徇期於傳信而止傳曰文獻不足則不徵  
顧獻非文不傳文非獻不著茲志之成其

有資於政治闕於化導非小補也是為序  
時

嘉慶四年小陽月望後楚北漢川劉世棟  
鶴亭氏書於黔之官舍

州志叙

志者史之一體周禮小史掌邦國之志今  
國史一統志是也外史掌四方之志今直  
省通志及府州縣志是也稽之實錄信之  
紅本其理博而詞不繁故史臣之志難而  
易廣之見聞考之紀載其體繁而物不博  
故府州縣之志易而難更有歷時未久其  
地理人物史家固無由詳又不可信心鑿

黃平州志


卷首序

十五

空以為一家之言則尤難之難者也吾黃  
創自明初設州衛二治始分而終合境界  
苗疆地既屬衝要而幅幘廣濶與他州大  
異迄今四百有餘年矣庶類蕃蕃人文蔚  
起宜有專志乃其事蹟僅畧附於省郡諸  
志非所以徵文考獻也嚮無州人起而修  
之者即有私著率簡畧不足觀乾隆間朱  
中丞公定元居母憂嘗輯州志六卷可云

具體但於舊城事采摭稍畧未為完善今  
兩城士眾一時同聲籲請修輯各願捐貲  
勸助斯志所賴以觀成者也頃諸友推余  
為領袖以董厥事而表弟王鴻軒孝鑪實  
擅創論之才洩之操觚渠亦慨自効不辭  
又洩襄贊諸友各司其事以蘄易舉其採  
摭大抵以朱公所撰及李公占春舊稿為  
底本而旁拾諸舊載之可信者寧密毋疏

寧詳毋畧要以不漏不誣為足傳信來茲  
而已矣余以耄耄癯叟既老且病欣逢盛  
舉藉手告成實無毫髮自任之力冒名簡  
端有餘愧焉謹序并書時年八十歲里人  
李臺





序

書之有序始於子夏之序詩其後劉向校書每成一編即綴一序左思賦三都成自以名不甚著求序於皇甫謐然皆一篇而止未聞有更迭為之者亭林顧氏之言曰府州縣志書成必推其鄉先生之齒尊而有文者序之否則官於其府州縣者也請者必當其人其人必審其無可讓而後為

之官於是者其文優其於是書也有功則不讓於鄉矣鄉之先生其文優其於是書也有功則官不敢作矣義取於獨斷則必自為之而不讓於鄉與官矣黃平州志之修也予牧黃之二年書適告成其序之也其鄉先生則有朱奎山中丞李笠山銀臺王序東明府是不獨在官矣其官於斯則有周希甫司馬劉鶴亭刺史陶南園明府

許後田廣文是不獨在鄉矣其秉筆獨斷則傳竹莊明府實任其事是鄉與官亦有不讓者矣乃都人士顧猶諄諄以序屬予夫兼斯三者而皆崇論閎議各抒藻麗為是書冠冕者極美且備予乃操秃管瓦硯勦說雷同以強隨其後乎予既不敢勦說雷同強隨其後則又何詞以塞都人士之雅意而伸予之鄙懷乎夫官署傳舍也守

官者過客也權攝之官又過客之倉卒者也予雖不敢存五日京兆之心然利所當興弊所當去法令之所當具教化之所當先自問無一實濟於民之事徒以手版腰帶僕僕衝衢既盡忠補過之未能亦考獻徵文之不暇則予之遜謝不敏也實於此書討論得失斟酌同異未有寸長思以藏拙而掩陋也抑古語云家有敝帚享之千

金自顧謏材薄植舉筆搗詞不能有所發明然質而言之論是書之所由作則奎山中丞之始功不可沒而踵而成之者各出其心手以共罄其緒餘擘擋立局矻矻累年自笠山銀臺序東明府而下諸君子贊襄檢校之勤何可負也夫昔之無志者而今有志其事屬創創則因而精求之詳訂之也不難矧黃平蘊山川之秀實產人文

由是興起蔚蒸鬱為

國華當更有大書特書屢書不一書者則予之不敢率爾操觚而又不能嘿嘿重違都人士之請者其苦心可以鑒矣  
嘉慶六年歲在辛酉夏月鄂江安嘉相書  
於黃平官署西偏之夢魚堂

黃平州志序前八行殘毀

李占春

太舟陳公紹英聿修府志黃平志亦經刪補丁亥春郡邑罹藍二難一切書史俱與城社同燼厥後孫慙竊據人人從鋒刃中偷生即諸生亦失去本業不講此志者久矣辛丑臘占春自滇回山居無事每從八十老父前叩諸往事父曰細語前朝固是傷心事然此時不之知後竟無據矣占春始將黃平規制不憚咨訪或翻遺文或詢前輩每有所聞即筆於紙如此者踰年始有頭緒遂憑臆見列為一十一志志下約有五

黃平州志

卷首 舊序

一

十六則凡藝文下序記等不與焉此占春芻蕘之見也曷敢言書異日戚揚斂錫翰楮流馨賢有云俯而詢及得以藉為郡志根本又安見占春芻蕘之見不亦有關於父母之邦也哉凡一人一物一句一字皆從三代之直道行毫不敢私有竄入存為信史占春志也惟是芳躅之未盡哀錄嘉言之多有遺亡是則占春之罪也已要此草創也曰討論曰修飾曰潤色則又在後之君子時壬寅臘月既望日也樸莊道人李占春書而藩之弟馥春男經同閱

黃平州志序

朱定元

稽之周禮掌邦國之志者有小史掌四方之志者有外史掌天下之圖籍者又有職方氏志顧不重乎哉况戶口田土旁及山川之形勢學校職官下逮地方之兵防悉關政體攸繫民瘼且忠孝節烈更足以起發人心振興風化志顧不重哉總緣黔處遐荒屢遭劫火不惟簡編殘缺並殘缺之簡編俱杳焉無存遂使入境觀風者問其因革並不知何者為因何者為革問其名宦人物亦不識某為此邦之名宦某為此邦之

黃平州志

卷首舊序

二

人物甚至節義無稽祀事缺考坐使士不通今更不達俗有志者興歎於文獻不足負此

重華之盛世心滋怒矣余前匏繫吳越宦遊豫東政事之餘即檄各屬纂修志譜黼黻

文治而顧聽桑梓之地杞宋無徵詎不更深愧報第歲奉

簡書南北奔馳有志未逮甲子丁艱在籍親友盧君玉青王君彩明俱以邑無記載為言遂不揣固陋於苦帷之中搜覽兼聽闔新舊二城之人文事跡登記簡冊斯時也余無官守言責敢曰

即以此為邑之志哉蓋有感於失今不輯後更無稽且志也者紀其實不襲其文如徒粉飾鋪張文過其實雖敷華採藻月露風雲識者且將從而疑之矣余固不文第求其實不徇門戶之私不因親識之請或仍其舊轍或加以新增訛者正之疑者闕之條分縷析編纂成書而廣搜博採體備詳明甚有望於後之賢君子也夫

黃平州志畧序

王學鐸

地之有志蓋要隘風俗物產賦役之事皆為攷之資而昔人之懿行嘉言亦足為後人觀感興起之助非徒欲誇耀為勝地已也吾州在宋元以前為縣為郡其沿革之詳不可考矣自元迄今數百年州衛分治而合并為州政教日新人士日盛而史傳及省郡志所載百不及一余私懼守土之善政與鄉人士女之懿美久而湮沒也爰於遠近耆舊好古而樂道人善者每見必訪有聞輒記積之歲月頗得其概乃合之史傳

黃平州志

卷首舊序

四

及省郡志所載者編秩為書名曰志畧恨見聞譾陋揆舉不文非敢云著述聊為後之作考噉矢云爾時乾隆甲辰秋七月

具呈黃平州紳士李 臺王孝鑣周卜年朱文  
虎鄭德彬陳遠修鄔秉鑑戴九德王德遠張廷  
魁徐懋迪劉奇相王錫祺張道統賈思達劉琬  
西吳會雲等呈為創修志乘以光文教以資考  
證懇恩詳請飭辦事竊惟

國家重熙累洽稽古右文四庫書薈萃淵涵纂述  
定千秋之論一統志搜羅完善車書徵萬國之  
同凡茲海澨山陬盡入

天璣甄度遐荒僻壤悉歸

盛世鴻圖誠哉德洽垂謨允矣治資鑒古惟我黃平

黃平州志

卷首

原呈

一

地雖隸乎邊隅俗久濡夫雅化遐稽宋代粵傳  
狼洞之名暨及熙朝移建興隆之衛既禮陶而  
樂淑風氣日新亦摩義而漸仁民苗稱樸顧山  
川形勝不難援古以證今而品物人文漸已增  
華而踵事以至城郭興廢之蹟津梁因創之原  
要皆今昔異宜後先殊致苟使簡編有缺紀載  
無聞則儒生考古得毋嗟文獻之無徵太史陳  
風不幾嘆輶軒之莫採誠士民所共憾亦閭里  
所滋漸者也今者民康物阜戶慶盈寧歲美時  
和人懷樂利矧際凱歌載道正修文偃武之時



欣逢

賢牧下車仰勵俗維風之治鑄等衆議捐貲修  
理合州志書凡有紳士耆民咸皆踴躍理合公  
呈稟懇

父臺俯順輿情轉詳

上憲如蒙允准俾獲興修付之剗剗以垂久遠  
則從川原品類之間源源可按城市圍屋之內  
井井堪稽將見挈領提綱一展卷而瞭如指掌  
庶幾信今傳後雖逾時而炳若日星功莫大焉  
典至鉅也幸惟垂察伏候

黃平州志

卷甫 原呈

二

鴻裁為此具呈須至呈者

黃平州正堂陶 批候據詳飭遵詳奉

平越府正堂郭 批當茲

盛世久興稽古之文况有名賢堪繼陳風之蹟所詳  
事屬可行仍候冬

憲批行到日另檄飭遵此繳又奉

糧儲道孫 批仰平越府飭候

兩院憲暨 藩司批示遵辦繳又奉

按察使司張 批據詳已悉仰候

兩院暨 藩司批示飭遵繳又奉

布政使司常 批據詳州屬紳士李臺等呈請  
修理合州志書緣由洵為盛舉應與施行仰平  
越府速即飭候

撫部堂

暨

糧道司

批示到日擇吉舉行仍俟工

竣刷送一套呈閱可也此繳又奉

巡撫部院馮

批據詳州屬紳士李臺等請修

志乘以備稽考而徵故實應否舉行及作何辦  
理之處仰布政司查議詳奪再黔首通志年久  
缺修亦應查核辦理仍候

督部堂批行緣又奉

黃平州志

卷言

原呈

三

督部堂鄂

批據詳州屬紳士通政使李臺等

家議呈請捐資修理闕州志書緣由仰貴州布

政司查議飭遵具報仍候

撫部院批示繳

黃平州志卷首

修志姓氏

鑒定

候補同知借補鎮遠府清江通判攝黃平州事周有聲

希甫湖南長沙人乙卯進士

黃平州知

州劉世棟

鶴亭湖北漢陽人庚寅舉人

署黃平州知州清平縣知縣陶廷瓌

南園浙江會稽人辛丑進士

署黃平州知州畢節縣知縣安嘉相

桂甫湖北江夏人庚寅舉人

總修

原任通政使司通政使李臺

笠山庚辰進士

黃平州志

卷首 姓氏

一

分修

原任江西安福縣知縣傅玉書

竹莊覽安縣人乙酉舉人

監修

黃平州儒學學正盧中理

竹溪開州人丁酉舉人

黃平州儒學訓導許克家

後田貴陽人甲午舉人

黃平州吏目郭嗣鈐

仙舟仁和人監生

署黃平州舊州巡檢丁鳳儀

桐岡大興人廩生

纂輯

原任山東朝城縣知縣王孚鏞

鴻軒丙戌進士

分輯

甲午科舉人候選知縣周錦世 繡章

庚子科舉人候選知縣周卜年 申之

戊午科舉人候選知縣陳善 孝先

戊午科舉人候選知縣盧超宗 嗣鳳

庚寅科副榜候選教諭李利仁 印川

己酉科副榜候選教諭張全仁 能山

恩貢生候選教諭黃龍光

廩貢生候選主簿戴德彬 均堂餘慶縣學

校閱

候選正八品徐榕 茂南浙江上虞人

黃平州志

卷首姓氏

二

廩貢生候選訓導吳掄元 春浦

附貢生陳遠修

恩貢生俞嘉謀

廩生林開泰 東陽

生沈德恆

生員陳嘉準

生員張大叙

縉為

大定府學增生吳大年

生員常龍光

生

員王杰遠

生

員陳曷緒

繪圖

生

施秉縣監

生陳清璧

生

員王孚邦

採訪

壬子科武舉候選千總劉奇萬

歲

貢

生唐祚厚

歲

貢

生楊世魁

廩

生張純心

黃平州志

卷首姓氏

二

廩貢生候選訓導吳掄元春浦

附

貢

生陳遠修

恩

貢

生俞嘉謀

廩

生林開泰東陽

生

員沈德恆

生

員陳嘉準

生

員張大叙

繕寫

大定府學增生吳大年

生

員常龍光

生

員王杰遠

生

員陳昂緒

繪圖

施

東縣監

生陳清輝

生

員王辛邦

採訪

壬子科武舉候選千總劉奇萬

歲

貢

生唐祚厚

歲

貢

生楊世魁

廩

生張純心

黃平州志

卷首

姓氏

王

廩

生王德遠

生

員張廷魁

生

員王萬里

生

員朱家陵

生

員李忠相

生

員張道統

生

員陳見龍

生

員楊尚元

生

員張景泰

生

員曹毓榮

生

員王恩遠

生

員王永隆

生

員張大崑

生

員韓啟才

生

員張啟元冠南

生

員鄧秉乾

生

員蕭友韶

職

員吳繼明

職

員李朝棟

職

員韓啟泰

黃平州志

卷首 姓氏

四

職

員閻燦章

總理局務

己亥科武舉候選衛守備劉奇揚霞舉

廩

生戴德樞嵐陵

從

九品職

銜劉琬西廷炎

貢

生朱縞

附

監

生朱國珍

監

生張啟鏐錦堂

生

員賈思達

生

員劉奇相士英

生

員戴光廷 允升

生

員徐懋迪 進齋

生

員戴九德 常吉

查對經書

吏

書周蘭亭

吏

書涂永春 從九品  
職銜

吏

書王鳳鳴

吏

書羅材

戶

書孟芳桂

戶

書張定邦

黃平州志

卷首 姓氏

五

戶

書張厚美

戶

書薛體元

戶

書張月海

禮

書聞人鵬

禮

書張見龍

禮

書羅萬象

禮

書王鳳翔

貴陽梓人

李世德

李世臣



黃平州志凡例

黃平舊無專志中丞朱定元創草稿六卷前此有雲南別駕李公占春遺稿一冊缺畧未全中丞固未之見也近王文學孚錄著有畧編尚未脫稿文學亦未見朱志三書互有異同皆可資以考正此書多本朱志參以李王二志復遠稽史乘旁采傳聞大為增益為綱者十為目者四十有八其附入者以類相從庶便觀覽

古者左圖右史六經之有圖者皆先圖後經例諸志乘自可從同今冠諸圖於首並各係以說疏

黃平州志

卷首 凡例

一

其原委

志以州名則非州不載我疆我理在所宜先通志首星野謂地統於天例固宜爾然欲知星文之所係先考郡國之所屬故首志疆域所以立主名而正經界也於是求端於天星野次之溯源於古而沿革又次之凡山川形勝之附於地者以次遞詳

疆域已定營建聿興所以重官守也城池公署壇廟坊表驛傳諸政皆建置之要者例得備書

官以牧民師以教士而固吾圉者武備也長貳靡

校之分台師旅屯堡之設立捍外戢內至詳且  
嘉士司亦所以約束苗民者若前明衛所指揮  
千百戶亦守土官也歷任世系可紀者書之不  
可考者缺之至名宦乃功德政教遺澤在人已  
奉崇祀故即於秩官後特標著之而近日循績  
可紀者亦附載焉

王政之考養先於教戶口田賦上以供

國用下以恤民艱所闢誠鉅而徭役經費胥有定制  
蠲恤優免迺

天家深仁厚澤也積貯以備凶荒物產以資財用故

黃平州志

卷首 凡例

二

加詳焉

衣食既足禮義斯興學校所由立也教莫大於尊  
王故首

聖制道必崇其所始故繼以廟祀黃平一州兩廟異  
於他郡縣尤所宜詳也祀則有禮故備載釋奠  
禮儀祭器樂章而凡祈年鄉飲之類雖非學校  
之事皆以禮典統之書院義學又今日造士之  
實政均得備載

賢良才人文斯盛科第薦辟貢掾例授皆選舉  
也可稽考者亦備載之至

封贈由於推恩壽考數乎

特典歿王事而

恩廕者亦附錄焉

鄉賢為州中人望即未列崇祀而德行政學象所  
推服亦其選也前史於特傳後循良儒林文苑  
孝友則以類為合傳後世郡縣志因之蓋史家  
遺法如是茲首鄉賢示準則也其人於忠孝學  
行宦蹟所表見不必盡同要有兼優者矣然國  
於天地必有與立故次忠孝皆大節凜然者也  
夫治世未嘗無忠臣愛民奉職皆忠也故次宦

黃平州志

卷首 凡例

三

蹟處常未嘗無孝子守身循理皆孝也故次學  
行其儒林文苑不復分屬後世人材日多踵事  
者將分而列之則前人之所長傳固可考也至  
質行過人凡足以勵俗維風者登之尚義以示  
勸焉

列女不第節烈也即孝慈亦得與焉范氏列女傳  
序云高士密清淳之風貞女亮明白之節其徽  
美未殊也已奉

旌表者固已備載無遺有事實可紀者節錄小傳其  
餘閭閻苦志或格於年例不獲褒旌或困於地

勢未能呈報與夫婦順母儀見聞確實者悉為採入以表幽光而勸淑行云爾

志列藝文均有關於政治搜羅不富則徵文考獻亦且無從今廣加採錄凡碑版金石之文剝蝕模糊不恤摩挲模印辯偽尋真其無闕切要者刪之其他撫景興懷篇章贈答擇其善者存之五行順逆見於災祥雖治世未嘗無也然休咎之徵必有其故故志之流寓之可稱者亦志之彼仙釋方技則游於方之外然亦有足稱者其他可驚可愕之事父老傳聞入於雜記而統以秩

黃平州志

卷首 凡例

四

事終焉

而蠻為土司所轄何以不合志以土司從職官之後而苗蠻不應在人物之前也然實土著之人習俗雖殊向化已久前此之風教所洽後此之撫綏有宜皆不可畧也故志之卷末云

裁衛歸州統於一屬不應彼此區分以符體制然

在昔有州衛之殊今亦有新舊之別通志載鼓

臺山距城南五里冷水河城東三里因未分晰

未免混淆今於山川里堡等條下註明舊城字

樣以便稽考

名宦鄉賢傳中雖先選各稱名史乘之公義也小序及山水各志所引則稱某公尊之也

凡例小序祇陳梗概至於門類區別義例攸終不可枚舉各加按語於逐條之末覽者詳之

記曰顯揚先祖所以成孝也又曰其先祖無美而稱之是誣也有之而弗知不明也知而弗傳不

仁也是州乘之載乃孝子順孫表彰先世之缺

案也若夫偽造其先世之節行冀以顯揚孝則孝矣毋乃蹈於誣乎洎訪之鄉評輿論則傳聞

異辭甚或大相刺謬究之涇渭妍媸不可掩飾

黃平州志

卷首 凡例

五

臚列簡端反滋物議亦何益之有哉載筆者所不得輕為附會也

一 人物列女藝文俱應以時代先後為次因採訪一時未徧故止據所見者列之如後此更有所得或其家開送到局謹俟續登但不能復論次序閱者諒之

里人王孚鏞謹識

黃平州志卷首

輿圖序

周禮大司徒之職以天下土地之圖周知九州之地域辨其山川名物與其邦國都鄙之數漢蕭何入咸陽收丞相御史圖藏之具知天下阨塞戶口多少強弱是圖書二者相為經緯書不能盡者圖以顯之此繪事所由重也黃平據沅水上游為莊蹻椽杙之所自省衛入州四城屹立二水襟流黔中一都會也顧東南壤接台拱焚客鬻人昔多梗化按圖者履昇平而仰聲教

黃平州志

卷首 序

一

地勢形便恍然於未雨綢繆之至計焉為圖者十各有說疏其布列周迴之大凡而州東飛雲巖為天下壯觀尤往來所具瞻而欣羨者亦附繪之俾巨公名士得展當前之遐眺憶懷古之幽情焉

# 金州界圖

黃平州志

卷首圖

二

黔之為州者十有四而黃平居省垣東北為入黔第一要區幅幘廣濶苗漢雜處為久任苗疆亦與他州異惟賢能者蒞之重安江界乎東南西門河襟其西北中則龍淵一水縈洄貫注蕩滌湮鬱四野含潤穆然見山高而水清蓋涵濡聖朝之德澤者百數十年矣金湯之扼要屯堡之控制道里之遠近一展卷而瞭如指掌焉惟太平里與龍溪距城較遠壤地繡錯山谷盤紆備載方輿諸志茲蓋撮其大畧云







天文分野之圖

黃平州志

卷首圖

四

易曰天垂象聖人則之聖王憲天立極自有欽若者  
在是以占驗亦歷歷不爽雖非管窺所能測然未可  
卒而不論也顧言天者憑虛則涉荒渺撫實又入穿  
鑿聖證紛紜莫可究詰董子云善言天者必有驗於  
人又感之機應若桴鼓滿論參贊存乎人而已考平  
越以上屬參井鎮遠則屬翼軫黔記又云屬鬼故併  
圖五宿以資仰觀者之推步云





# 全州城圖

黃平先為興隆衛明初建城時有指揮周公名興字隆岡者實為首庸故取其名字以為衛興隆之名由是始 國朝康熙移州治於茲即今州城也西南達滇黔東北通楚豫皇華之所咨度商賈之所經由闡闡連雲山環水遠誠勝地也城重修於乾隆二年歷年既久間有傾圮剝落皆隨時修補焉





舊城

州圖


黃平州志

卷首

八

城北三十里州舊城也周為且蘭宋為樂源郡元改黃平府初在城西北天官寨不知何時改卜于此羣峯外蔽沃塹中開東西四十里南北半之溪澗綺交田疇繡錯厥土為黃黃平之得名也其以是歟近南大阜隆起盤踞坡陀周遭近十里因阜築城環城為池蓋天然設險也西門河自沅水上溯即莊躡楸船處由陸路達會城較官道差近商費多由之城修于乾隆二年雉堞傾圮經袁公詳請列入緩修云





# 州署圖

州署居城西北隅地勢高爽俯臨一切蓋前明  
衛署也移州後屢加修葺既燬於苗乾隆二年  
金公作楫重修高公星煥修理大堂袁公治復  
增拓而一新之先是州中凡有修造皆假手胥  
役因緣生奸民以有樹為累以是四山多童袁  
公則發銀給匠人命其平買無抑勒派累之苦  
廿年來材木成林蔚然深秀皆公之遺愛也因  
圖州治而併及之








舊州倉

署全圖

官署之建自前明者自裁併後悉廢惟州署以倉穀故乾隆二年重建之今巡司署則故司馬廨址也蓋州屬田賦多在舊境鄉民去城遠者在百里外粟米之徵肩擔背負不欲遠勞吾民且州歲撥鎮遠兵米得浮牂柯江而下利莫大焉若賢刺史勞農問俗攸芋於是又非獨賓友吏胥會計守藏之地也寧不加之意哉





聖廟全圖


黃平州志

卷首圖

國家重道崇儒廟祀之隆

宸章屢煥禮樂之興實由于此他郡邑皆然黃平  
聖宮舊為衛學凡數遷而得斯地地勢尊嚴峰  
巒拱列形家謂州中科甲聯綿此亦有助焉  
理或然也基與州署隣其修培保護不無深  
望于後之賢刺史焉





文昌閣

院書游龍

龍游書院

名宦

育才

今古冠道

射圃

宮牆

地天配德

鄉賢

興賢

西廡

東廡

宮殿

池洋

東廡

明倫堂


學署

# 舊城文

# 廟全圖



粵稽前代郡縣莫不建學學莫不奉先師肖像之祀舊矣前明嘉靖朝以像教隣二氏易木主而黃平時為所有故范銅像得不並撤厥後疊經兵燹他廟皆燬像獨歸然康熙時州雖移而廟仍不廢州一而廟二焉乾隆初總督張公廣泗題請移訓導分駐其地典司祀事五十八年袁公治詳請重修以黃義學田畝交紳士經理隨時修葺廟宇聿新聖容肅穆為黔中罕觀云





學署


明倫臺




西廡

東廡



東齋



節孝祠



德配天地



宮牆萬仞

道冠古今



戟門

戟門


龍淵書

院全圖

城東魁星廟學宮舊基也往者玉清盧先生授  
徒於茲從學者恒百餘人廟宇不能容則傍閣  
為書舍者以數十遠方有志成就學焉中丞朱  
公因頽曰龍淵書院先生官廣文去閣亦漸頽  
刺史袁公惜其廢也謀於州紳士度學宮西文  
昌閣前之隙地而新之其捐措修脯膏火經費  
越十數年規模始備詳於公之碑記茲僅著其

緣起云







星山書

院全圖

黃平州志

卷首圖

十一

康熙時巡撫于公準請

頒文教遐宣額於黔

蒼之有義學書院者時州有黃義學亦得與焉

乾隆壬寅豹南常先生令江右致書於州人士

謀新之請於刺史袁公擇地於學宮右創建


顏曰星山書院以五星山特朝也司馬張公攝

州事亦捐俸落成堂皇宏敞堅緻後樓祀王文

成公以黔之理學始自姚江也附祀袁張二公

以不忘所自云





飛仙

雲島

白香山記冷泉亭曰東南山水餘杭郡為最就郡言  
靈隱寺為尤陽明子記飛雲巖曰天下之山聚于雲  
貴雲貴之秀萃于斯巖自明迄今名公鉅卿文人墨  
士莫不爭為表揚而雲巖之勝遂與靈隱埒巖當孔  
道之旁使節輜軒解囊修葺其間為亭為臺為橋為  
池為樓閣為紺宇珠宮上出下臨山若因之而益高  
水若因之而益深人巧極天工錯不其然歟





寶

相

靈

區

寺本李唐舊刹去舊城東二里許鼓臺銅釘之秀半  
毓于斯翠竹蒼松與岡阜平曠蔽虧揜映洞天福地  
不啻過之明神廟時燬于播賊郭青螺撫軍既平播  
賊復勘黎苗始建州設城故橋曰平播以紀成功洞  
曰靖黎用昭綏定適與釋子三空談禪有契遂復此  
寺而為之記覽斯圖者慨然想見前此之搶攘後此  
之安集軍旅之整暇修築之經營非獨呂古寺為可  
貴也





銅釘山

臺鼓

臺鼓

舊州東門

清黎

平橋

松林

松林

春 鳳

雲 嶺

黃平州志


卷首

圖

五

城南三十里為重安江江岸有山巋岷軒翥如飛鳳  
昂霄故名金鳳與玉麟山夾江對峙山頂建北帝宮  
登峯而望則州東南香爐山與清平爐山皆縹緲雲  
間遙相拱揖當清和晴雨之交吐霧興雲觸石膚寸  
蒼然不可名狀朱奎山中丞授徒重安時常侍太翁  
攜童冠遊此蓋其地既得江山之勝而一時名教之  
樂風雅之韻亦有足慕者焉





金山

香爐山

香爐山

玉麟山

漢十

對江塔



鼓

臺

月

山乃舊城十六景之首遙臨南郭上出重霄石徑數十折維以鐵環攀援乃得上上則廓然開敞梵刹在焉古木甘泉別有天地四望百餘里城市烟邨林邱澗壑近者如蟻垤蜂房遠則蛛絲鳥篆微茫可識深秋木葉微脫皓魄初升一片空明又不啻廣寒清暑也旁山曰賽鼓臺幾與之埒為舊治之鎮云





古松  
佛陰

黃平州志

卷首圖

三

城東北八十里距餘慶城十里而遙有異境焉千巖競秀衆壑爭流山中叢林為下游諸郡稱首昔人謂名山當餘慶福地自興隆者是也每歲季冬八日集遠近諸僧摩頂受戒與會垣黔靈山等連岡竹翠遠接蔚藍之天四柱松風疑隔混茫之海天朗氣清遙望兩邑人烟皆在莽莽蒼蒼之外而鳥語嚶嚶濤聲謖謖蕭然塵表令人有遺世之思焉





寶

珠

柏

翠

寺一名岑卡，在舊城西八里許，琴坡疊嶂至此而盡。稍東則松洞諸山，殊莫能窮其脈絡也。突起峯巒，都凹杜橋，二水左右旋遶，山如中流砥柱，修竹垂楊，近拂清波，古柏蒼松，遠混天碧。過其下者，不知有山無論寺矣。然寺寶更歷唐宋，兵火不經，殆如武陵源，幾與世人間隔云。





山 半  
雲 居


黃三州志

卷二 圖

三

舊城之西三十里山可數十尋宿雨初晴浮嵐起于  
山半如蓬萊五城隱現瀛海之上晴日則數里煙村  
籠罩山麓與翠竹青林交相揜映自城中憑高望之  
與都凹雲霧諸山縹緲天際明季蜀僧述中遊而樂  
之結茆山中名曰雲居至今稱藁林焉





西界

小寺本山塔山

場水

橋門西通

馬公河

大寺

老新河




溪浪

環洞

舊城北三十里層巒疊翠九曲溪迴人以小武夷稱之水由天生石梁而下有川魚躍浪之奇西則西竺寺石厂盤阿北則溫水塘平泉沸鬱龍門松洞二水之交石山矗起上有古刹相傳前明建文帝避居之食石穴出米後因名米寶寺其南平田百頃中有池畝許不盈不涸彌望青蕪步一隅則四維振動投巨石隱然有聲良久不聞其止浪洞之名所由昉也





黃平州志卷一

方輿志

疆域古蹟

星野里堡

沿革風俗

山川

名勝

漢班固作地理志後之志方輿者悉仿之而周官職方氏所掌尤詳則又漢書之所由昉也王政體國經野固天之時乘地之利盡人之力必自經界始故以辨疆域分星野為先黃平之名始於元自明以來廢置不一言古以証於今故沿革次之若夫山峙川流標名攬勝以至里堡之遠近風俗之淳漓古跡則地以人傳塚墓亦人因地著畫疆而理者於以識剛柔輕重遲速之宜生其間者當如何琢磨奮發耶

黃平州志

卷一 方輿

一

疆域

聖天子大一統之治溥海內外罔不率俾尚何此疆  
爾界之分哉顧自九州殊區九牧殊貢自昔為  
昭此郡邑所由分而疆域宜首志也且經營者  
域內之規模官師者域內之表帥賦役者域內  
之正供因地制宜一道德以同風俗於是乎在  
書云申畫郊圻慎固封守誠保釐善政哉

京師西南七千二百里曰貴州省會曰貴陽府東北  
四百三十里曰鎮遠府鎮遠西南一百二十里  
曰黃平州州境東西廣九十里南北袤一百一

黃平州志

卷一 疆域

一

十里

東驛道至楊柳卡施秉縣界三十里又至縣城三

十三里

南驛道至對江塘清平縣界三十五里又至縣城

三十八里

西至龍角寨平越州楊義司界三十里又至州城

六十里通志作抵甕安

北至馬龍坳餘慶縣界七十里又至縣城一十里

東南至革夷台拱分府界一百里至城四十里

西南至羅岑清平縣界三十里

東北至黑石施秉縣界五十里

西北至二哨甕安縣界六十里又至縣城六十里

由州城陸路三百一十里至貴陽府

由舊州水程二百三十里至鎮遠府

按黃平興隆州衛合併幅員寬廣據沅湘上

游為滇黔門戶西南一重地也惟查西北太

平一里孤懸於甕安餘慶湄潭之間距州最

遠越甕安四十餘里東北龍溪場界於餘慶

湄潭之間越餘慶三十餘里萬山莽互數邑

鈎連地既犬牙人多犇角經界既正民志於

以定爭端於以息願不善歟

星野

古之言天者曰地有山嶽以宣其氣精鍾為星  
星也者體生於地精成於天列屈錯峙各有適  
繫故順逆之行時見於上下必有人事以應之  
天人交感理固爾也是以黃帝有靈臺之測周  
官則保章氏掌之所由來遠矣顧元象幽遠未  
易窺尋象說紛紛不相畫一故博採而並存之  
以俟為甘石之學者決擇焉

貴州宣慰司參井分野一統志

興隆衛屬參井謝東山志

黃平州志

卷一 星野

(均屬卷內小節一  
題另起碼)

興隆衛黃平所俱井鬼分沈思充通志

黔地連楚蜀總之不出鷄首鷄火鷄尾之次又曰星

經載災惑主荊州主與鬼柳張黔實近荊州屬鬼

柳似近之郭子章點記

千越以上皆參井也萬歷庚子狼星入於東井占者

以為滅播之象已而果應非占在參井之一證耶

黔為參井翼軫分野平越參井之餘鎮遠翼軫之

餘衛既齊通志

鎮星王東井星經

梁州之西屬北斗開陽一星廣雅

北斗第二星曰璇其分為楚漢志主益州三曰璣其  
分為梁漢志主冀州四曰權其分為吳漢志主荆  
州宋史天文志

平越在荆梁南境梁分野屬井鬼連觜參荆分野屬  
翼軫故天文諸家以平越上附滇蜀下連荆楚或  
以為鬼柳或以為井參且或以為翼軫然平越惟  
興隆最近武陵雖參井之交亦軫度之餘氣也

井鬼入觜一度參八度漢書蜀分野屬西垣第四星天市  
故分野應兼觜參且天市垣屬西垣第四星天市  
西垣第四星曰巴黃平原隸重慶亦為巴地也

朱志

黃平州志

卷一星野

二

按通志平越屬參井鎮遠屬翼軫黃平距兩  
地皆一百二十里究何屬耶且參井去翼軫  
中隔鬼柳星張豈四宿又無所分耶黔記云  
屬井鬼自應以鬼為是

氣候附

黔地處而土瘠氣沴而候愆不可以中州例也  
嵐氣上蒸膚寸之雲即能致雨故有漏天之號  
山高箐深虧蔽日月一日之間乍寒乍暖百里  
之內此燠彼涼田功三月始犁四月播種五月  
插禾九十月納稼東作稍遲則苗不茂夏初無  
雨則收必歉入秋有大風則秀不實謂之青空  
農民歲入除正供外恆不敷食所賴山坡曠土  
雜種燕麥菠麥水稗旱稗之屬以佐饔飧故民  
鮮隔歲之蓄其亦氣候使然歟

通志

黃平州志

卷一 附氣候

三

貴陽北近蜀南近粵冬不祁寒夏無盛暑四時  
多雨少晴雨則寒晴則暖夏則晝熱夜涼田功  
之興遲於中土至華之開菜之熟百蔬之成則  
比中土差早通志按以上二條合省所同故節錄  
之

平越四面皆距本省地界氣候無異其耕種收  
穫先後亦不大殊通志按此條言平越一郡州舊  
屬平越故錄之

鎮遠近楚寒亦祁寒暑亦酷暑與中州同通志  
按此條言鎮遠一郡州今改屬鎮遠故錄之



黃平雖一州氣候有互異者重安距州僅三十里較新城差煖以近江故也蔬菜花菓之屬早於他處宜種棉花

舊州地勢稍平較州城亦差煖稻穀之屬佈種同而收穫約早旬餘斗米較他處重二三觔亦地氣使然也 按舊州與平越諸縣原屬播州蓋蜀之邊境新州接壤鎮遠之施秉則楚邊地也然新州寒反似平越以地高也舊州燠反似鎮遠雖以地平亦沅水發源都凹山遠西門而北故氣相類也

沿革

黃平之得名自元始唐虞以來雖曰梁州南境實荒服耳隋唐時更置紛紛宋為狼洞地元文府明為安撫司曰所曰州曰衛亦未畫一迨國朝裁省合併擴百里而大之規制一新足以永垂不易不詳書之何以悉其源流而昭法守耶唐虞梁州南境

周且蘭

周顯王三十年楚威王遣莊躋伐夜郎為巫黔地始通中國

黃平州志

卷一 沿革

一

按范蔚宗漢書楚頃襄王遣將莊豪由沅水上伐夜郎軍至且蘭楸船於岸而步戰遂滅夜郎

秦黔中郡屬

秦昭王二十七年取楚巫黔地置黔中郡

漢牂柯郡屬

漢高帝四年改黔中郡為武陵郡建元六年遣唐蒙通夜郎元鼎六年平且蘭置牂柯郡

隋牂柯縣境

唐播州境

貞觀元年以牂柯縣置朗州並析置恭水高山貢山邪施柯盈釋鷺六縣十一年州廢縣亦廢十三年復置州更名曰播亦復置縣改恭水曰羅蒙高山曰舍月貢山曰湖江柯盈曰帶水邪施曰羅為釋鷺曰胡刀十六年更羅蒙曰遵義以廢牢州之美蓉瑯川來屬顯慶五年省舍月湖江羅為開元二十六年省胡刀瑯川入美蓉元和二年置黔中採訪使

按胡刀瑯川二廢縣在今施秉縣江外俗名偏刀水播州地自遵義一縣外多在平越則

黃平州志

卷一 沿革

二

黃平應在此六縣中備錄以俟參考唐末沒於南詔太原人楊端以兵復其地世為州刺史又興隆或為蠻夷竊據故宋為狼洞地歟

宋樂源郡狼洞

大觀二年置樂源郡屬叙州狼洞地舊名龍淵以邑北龍巖山下有澄淵相傳有靈物居之故也

元黃平府

元憲宗討平溪洞置貴州等處長官司貴州之名於是始置黃平元帥府并置重安長官司隸播州黃平重安之名亦自此始

按元至元十四年播州安撫使楊邦憲言本  
族世守此土將五百年昨奉旨許令仍舊乞  
降璽書從之仍授安撫使領黃平府隸順元  
宣慰使二十八年改播州為軍民宣撫司志  
隸四川行省昇置平月長官司隸管番民總  
管後俱改隸湖廣行省

### 明黃平州興隆衛

洪武初改黃平府重安司俱為安撫司置黃平所  
仍隸播州傅頴公征狼洞苗設興隆衛隸貴州都  
司萬歷二十八年平播州設平越軍民府改安撫  
黃平州志

### 卷一 沿革

三

司為黃平州與黃平所興隆衛俱隸府領長官司  
二土吏目一土州同一土州判二

按土司同羅袍即安撫司平播後改土州同  
土州判一名楊位一名楊開運俱因附叛賊  
藍二伏誅袍以失守停襲

### 國朝因之

康熙十一年省黃平所入州二十六年移黃平州  
治於興隆衛並省衛入州雍正五年革朗城長官  
司乾隆初仍外領長官司一土吏目一嘉慶三年  
改屬鎮遠府

山川

環州皆山也層巒疊嶂筆不勝書而山下出泉  
細澗涓流復難枚舉然疆域阨塞之所在與夫  
舟楫灌溉樵牧之利皆度地居民所攸賴也至  
其秀奇顯著者雖別為名勝亦豈曰江山歷落  
登臨而懷謝公花竹清幽對酒而思白傳供筇  
杖適嘯歌為遊覽韻事耶抑惟是清淑磅礴育  
物降靈於是乎在載筆者所不敢遺也

奎山俗名行宮坡在城內東南學宮舊基也後有

巨石鐫奎山二字

黃平州志

卷一 山川

一

馬家坡在南門內

羅漢坡在州署前

梅花山在城東郭俗呼鼓角梅花

獅山城東三里偏寨堡其形如獅

尖山坡又名麒麟坡城東五里山形秀拔堪輿家

謂解樓下殿下多名墓

白馬峯在十里橋白馬壘側又名仙人掌

小東坡城東十五里

金竹巖在小東坡側

大東坡城東二十里

黃泥坡城東十七里巖高數十級上有磨崖秀石  
天南字

三臺山城東十二里有解中丞別墅

毡帽坡城東二十里山從平地突起為水口鎮山  
文筆山俗名筆確山在城東南五里尖峯挺特秀  
如玉笋為李氏祖塋朝山

黃飄山城東南十五里高聳峻嶒上亦有泉不竭  
李三寨山近黃飄山甚高山頂有二峯大小相附  
苗人呼為背蔥山

瓮谷隴坡城東南六十里

黃平州志

卷一 山川

二

蒙加山城東南十五里

白記山城東南十五里

重生半山城東南三十里相近有馬鞍山

五里墩坡城南關外又名鬼門關坡

轎頂山城南十三里與香爐山并峙為城中采龍  
近脈其下萬山昂藏起伏磊落聯屬奔赴城中  
俗名曰萬馬歸槽

對江坡城南三十餘里

真武山城西南三十里勢如天劈青巖欽崎險峻

上建真武廟山下有紅魚井

羅岑山城西南二十餘里方平廣大週圍數十里  
高千餘仞山半峭壁若城僅通一路山頂復然  
出霧興雲可占晴雨上有水田數十畝

金星山城西三里正臨兌方下有蟠桃洞

丫口寨坡城西二十五里通平越小路

雷公坡城西三十里與丫口寨相連湛露堡屯軍  
有分駐者

白雲山城西三十里許峯高接漢下臨深溪康熙  
中有明經羅士良結庵於此

萬峯山城西二十里村名張硎諸峯環抱松竹成

黃平州志

卷一山川

三

林土人崇祀觀音大士

見界山城西三十里

西山坡城西北五里秀峯繚繞山谷盤紆

架梁山城北三里自北而東橫亘十餘里通志謂

孤峯摩天一望千里或即榜山巔歟

馬鞍山城北十里與太翁山對峙巖石甚勝

綠蔥嶺城北十五里

太翁山城北二十里雄特出諸山之上

洞上城北五十里兩山壁立巔有文昌閣基址

其下有洞幽深莫測相傳有靈物居之

龍場坡環城東北朱中丞千山巖建塔曰貴人峯  
長嶺城東北三十里

龍頭寺東北三十里山蒼木古高出羣山上有古  
刹

舊州山

龍頭山城南為 聖宮後山

高山鋪城西南可瞰通城

倉坡在州署前

餘學坡為州署前案

紅坡在北門

小米坡水關前

涼傘坡城東里許為舊學宮遺址

七里谷在城東五里俗名七里冲兩山壁立中通

一路楊應龍叛時屯兵廿七營於此以窺黃平

天馬山城東六里其形如馬高出千仞環州遠近

俱見之

筆架山在城東十里形如筆架

鼓臺山見名勝側一山名賽鼓臺合銅釘山三山

並峙爭為雄長為州城主山

象山城東南五里形如象鼻兩相糾結



黑神坡在城西門外山形聳秀上下黃平皆可遍  
觀目為一州勝地

觀音巖出西門緣河而上約三里赤巖高百餘丈  
頗著靈異多書小兒名於巖上以祈福壽

轎子山城西三里如轎形特起為州城護山

金鐘山城西三里許小形圓秀特起若覆鐘然

燕子洞城南八里紫燕千百為羣潛藏於中故名  
岑東峯城西十里為州治賓山

白巖山城西南二十里綿亘五里巖俱白色如雪

黑土哨城西四十里高三里其土盡黑色如煤

黃平州志

卷一 山川

五

望城坡城北五里

五星山城北十里五峯聯聚備尖圓方直之形為  
書院對山故有星山書院之名

釣魚山城北十二里山形若魚翁在西門河下深  
潭側特起千仞

五龍山城北五里五山蜿蜒相向中有圓阜如珠  
俗稱五龍托寶

龍洞城北十里相傳可通龍門冲洞中鐘乳下垂

具諸物形似難以悉數泉流不竭可灌田數百  
畝乙卯苗變人匿其中被害無得脫者早年禱

雨極驗

琴坡在城北十里形如琴

躍魚洞浪洞之水口山也峭壁聳峙怪石參差上跨天生石橋河水經其下水勢衝激聲若雷霆罾網不能入春夏間江鱗欲上飛躍如雨一日嘗數次遠觀之紛紛如雪飛舞也

石林山城北八十里上有長松菴

九龍山城北九十里上有九龍菴相近有白花山圍巖山城西十五里有巖高出形極圓大

干河山城西十五里

黃平州志

卷一山川

六

大河山城西三十里在都凹一作山側

波洞舊名坡動都凹山水經其下有潭深不可測

相傳有靈物居之隔岸有山曰寶山每潭中水湧山輒動搖不止故名

小滴水城北順大河下五十餘里水從巖山飛下約有二十餘丈如懸匹練船經其側即三伏天寒氣侵人晶光炫目

兩眼洞新州城東北三十里一山綿亘下有巖穴

若雙自然高溪黃衍溪澗諸水至此合流從洞中穿出滙牂柯江

北門河有數源出丫口寨張洞野洞大雅河匯為  
小溪至州西十里曰仁里為處洞河又合龍潭  
水過西門洞頭河來注之繞北門龍洞及芷隍  
河來注之至五里橋老寨諸水注之經十里橋  
東坡逶迤三十餘里入施秉界其間溪澗不可  
悉數至施秉城東合牂柯江入於海水

洞頭河城南十里發源分水嶺至城南門外有橋  
曰折桂橋入北門河

芷隍河城北二里由曇子窰經白水冲合北門河  
昔建有橋今圯

黃平州志

卷一 山川

七

老寨河城東十里源出分水嶺之東至五里橋合  
北門河

烏凹河城東十五里源出蒙加黃飄山下東流為  
水槽河至犬龍頭入北門河

玉虹橋溪城東十二里發源白巖冲合北門河  
秀水溪城東二十里出飛雲洞下

重安江城南三十里源出平越嘛哈三江會流由  
清平亭羅入境經重安城外驛道所經設渡口

馬皎沙溪自東北注之過江口重生半山諸澗  
水注之至截洞入螃蟹凱里河自都勻來注之

至翁蕩崖鶯坐溪自東來注之東過崖門司城南至北壩入清江界古曰劍河又曰長河舊陷苗境舟楫不通雍正七年總督鄂公爾泰巡撫張公廣泗清釐苗人投誠題請開濬至湖南黔陽與沅水合計一千餘里江通甕洞船至截洞洞有巨石橫截不能行舟百貨於此起撥洞上小舟可通平越猪場

烏馬河即翁馬河城西三十五里發源平越楊義司之水洞經翁潘入境猴栗坪上下天生橋真武山下入平越青巖合重安江相傳明時有烏

龍馬於中出現故名

皎沙溪城南十五里匯南分水嶺兔留寨榔木哨諸水入重安江

崖鶯坐河城東南二十五里源出甕谷隴山下西流過壘至翁蕩入重安江

舊城西門河即古牂柯江沅水所從出也源於甕安連界之都凹山經兩岔河上塘諸水自西南注之至老里壩龍潭諸水注之過川心堡冷水河自東南注之至龍王閣小溪河來注之至寨洞也合朗許諸水逕金坑匯良田長嶺諸水至

老洞入施秉界至鎮遠名澗卽鎮陽江也江通舟楫百貨多由之

龍洞河合上塘過白巖經泥坑合李溪河諸水源出高岡飛流層疊可以瀉駁水色最佳至兩岔河入江

龍潭溪源出棉花地滙為龍潭杜橋水來注之行數里張旗冲溪水來注之合流至小河口入江

小溪河城北十五里由石板河至龍王閣入江

太翁河城東十三里有天星橋至翁界入牂柯江

羅朗溪城西南二十五里經良田長嶺至金坑入

黃平州志

卷一 山川

九

江

黃衍河城北二十五里源出高溪經龍頭山下兩

眼洞入江

金坑河城北四十里源出濫泥經干七湖水有龍

洞出清流可灌田百畝餘至中橋入江

朗許河城西四十四里源出鬼洞桐梓坪經菜地

河至寨網屯入江

韓家河城北四十五里出三岔冲滙平地秋合巖

琶河入江

巖琶河城北四十七里源出黑塘經流甕塘燕石

崖至中堡會韓家河入江

柳塘溪城北四十八里源出高坡高規二地經流  
上中二壩至洞上有伍家堰可灌田百餘畝會  
太陽河入江

白沙溪城北五十里源出施秉之千庄金龍山經  
三渡入黃平界有上下犀牛塘至三門塘入江  
九曲河城北二十五里一出龍門冲一出甕安藍  
家關之龍坑至老墳嘴至浪洞場與松洞水合  
流凡九曲一曲一村經平溪入餘慶境牛場河  
滙烏江入蜀

黃平州志

卷一山川

十

白廟河有數源一由施秉河上石蘭入巷巷田經  
上下塘至天香橋過牛大場左一由施秉長街  
過白蠟塘至排水塘入一由施秉上下古溪經  
平壩龍至兩岔河入三溪滙流統名曰白廟河  
經石版河入餘慶牛場河會烏江入蜀

袁家渡州西北二百餘里為南明河下流即烏江  
也由甕安境入經太平里良家渡狎狩渡落馬  
渡大鵬渡和尚渡崖門渡數十里皆黃平境

牂柯汧辨

王孚錄

後漢書云楚莊豪史記循沅水至且蘭楸船於

岸而步戰遂滅夜郎以且蘭有楸船牂柯處乃  
改其名為牂柯漢武征南夷置牂柯郡領縣十  
七首叙且蘭鄭旻牂柯解云漢使馳義侯發夜  
郎兵下牂柯江咸會番禺遂以烏撒七星關水  
為牂柯之源田中丞牂柯考云且蘭即今之遵  
義夜郎即今之桐梓牂柯即今之烏江又云甕  
湍且蘭舊地又云牂柯舊志在思南靖道謨云  
唐長安四年以龍標所析之夜郎置舞州即鎮  
遠按七星關水即今之盤江灘瀨險惡不通舟  
楫姑不具論烏江源於貴筑之南明河由貴定

開州會遵義諸水經甕安至袁家渡入黃平境  
數十里過巖門下注思南之水德江入蜀與沅  
水入楚者東西背馳未可以是以當循沅水之牂  
柯也班史稱夜郎最大自西徂東幾數千里今  
遵義及平鎮思銅黎石皆其地未可以桐梓有  
夜郎三站之名即以桐梓彈丸之地當之也漢  
牂柯守陳立據思邛召夜郎王將兵破之牂柯  
郡為十七縣統屬所治或在思邛又未可以思  
南有牂柯舊城址即以當楸船之牂柯也愚謂  
牂柯之名當以范史循沅水為確據水經注云

沅水出且蘭縣為旁溝水今黃平舊州都從  
山之水實為沅水所從出素通舟楫則循沅水  
而極船舍此別無他屬矣或曰沅水可至銅仁  
江口實近思南然沅水至辰州曰沅陵至常德  
曰沅江亦猶湘水出自廣西全州至長沙曰湘  
潭湘鄉至岳州曰臨湘耳若以銅仁江口下入  
沅陵為沅水則芷江不得稱沅州矣沅水之名  
以沅州為定則且蘭牂柯當以黃平舊州為定  
安得以從沅陵逆入之江口當之耶且由沅陵  
逆入者尚有黔之清江又曰劍江源於平越麻

哈入黃平為重安江合都勻凱里諸水逶迤境  
內數十里入清江至黔陽與沅水合亦可通舟  
楫然皆從沅水之下流沂入而非循沅水而至  
者也粵西通志載牂柯江由雲南土富州入土  
田州至潯梧下注番禺即盤江也然黔水之會  
番禺者不一從普安經定番境入西隆州曰洪  
水河從荔波入南丹州曰龍江從都勻獨山出  
者曰都江由三足壘經古州入懷遠更名融江  
至柳城與龍江合又至象州都泥江口與洪水  
河合至潯州與盤江合流入番禺粵志亦主發



夜郎兵下牂柯江會番禺之說故以由田州入  
之水為牂柯此又鄭旻之說之所自皆未思循  
沅水之文而悞者也昔年與鎮遠學博猶西樵  
劇論之鎮遠修志遂主此說非好為辯論亦以  
身所親歷未可隨聲附和云爾後西樵復以書  
來更引漢書地理志注沅水出牂柯入於江及  
無水首受故且蘭入沅二語此尤疏通證明者  
矣

名勝

名區勝地皆足徵造化之奇而適遊觀之樂若水經注及柳州諸記讀者輒神往其際非必登嵩華觀江海然後為美也州雖無名山大川而泉石之奇所在多有特無善長子厚其人為搜剔耳然飛雲一洞靈奇絕特為名公巨人所激賞聞者見者舉如在天台鴈宕間又何嘗不名實相副哉

西連楚道南極牂江邊方衝要之地苗蠻叢聚之墟一統志

黃平州志

卷一名勝

重岡疊擁二水環流東峙飛雲西雄鼓角控三省之邊藩為一方之保障通志

東連鎮遠西距龍角北通錦播南抵清平常畧苗之要衝扼滇楚之咽喉控制東南居然重鎮郡志北有葛浪洞為之蔽東有馬鬃嶺為之關南則打

鐵關險稱天塹西則岑口峭俯扼諸蠻斗壁巉崖大山深谷居中宏開一障四望廣有平原田稱膏腴郡誇雄要黃平元帥府志

峯巖突兀洞壑清幽牂柯通荆楚之輓輸重安為全省之扼要朱志

高山四拱沅水淵源東峙飛雲南雄金鳳西北遠  
控三巴東南近蟠九股中通大路皇華四牡所  
經為四達之要地實全省之繁區 王志

香爐山俗名冷屏山州東南十五里一州之鎮山  
也方正端嚴高出雲表為 聖廟特朝諸山無  
出其右者上有深池數畝先有禪林苗叅時為  
其所據因而毀之至今石礎尚存乃州景之一  
都凹山距舊城三十里羣峰聳峙高插層霄袤延  
黃甕之間澗澗水之源出焉即牂柯江也右旋入  
楚左旋入蜀為一方巨鎮云

黃平州志

卷一名勝

三

雲霧山距舊城西北三十里分都把山脈高與都  
垞埒崇岡峻嶺地僻境幽常有雲霧籠其巔昔  
產茶山僧藝之以為業後大為僧累今則根株  
悉絕矣

雲居山舊城西三十里山有叢林竹樹蕭疎與山  
谷相掩映每當宿雨初晴嵐光頓起山腰如濤  
如海一望蒼茫與黃山無異少許則炊烟香篆  
入戶侵窗飄飄氤氳不啻遊於雲漢間也

中華山舊城北四十里與餘慶接壤山僧以地僻  
嘗致不法州牧袁公治將田撥歸書院有碑記

七寶山舊城東北二十五里後倚崇山右臨絕壁  
環以深溪紆盤迴合亦勝地也因距州較遠山  
田則遊蕩諸僧典質幾盡山土則附近豪民侵  
佔無遺袁公治捐金贖歸概入書院勒之於石  
後袁公解任去屢行控府經平越郡伯郭公斷  
將田畝三分之一仍與寺僧收種有卷

古佛山城北七十里當興隆餘慶之間羣峯環繞  
石壑清奇順治時首創叢林踞一山之勝松竹  
蕭森雲烟掩映如歷瓊室洞天中有藏經樓購  
諸佛經貯之開壇講法頗多崇信者山僧食指

黃平州志

卷一名勝

三

殊繁然皆勤於樹藝自食其力焉

金鳳山城南三十里巍峩截竄如飛鳳凌空首昂  
青漢山間有王道洞山前三峭石卓立如笏  
如璋山巔建北帝宮登覽四望則冷屏峙於北  
玉麟拱於南重安江迴折而東西望清平爐山  
縹緲雲際悠悠然與浩氣俱也

玉麟山舊名阿婁山與金鳳山隔江對峙高稍遜  
於金鳳而山頂較為寬敞

八湯山即岑洲山由城北榜山綿亘而東約二十  
里吳兀而起山勢聳拔與爐山爭長為施秉縣

祖山上有仙人石石如人立上廣下削若移置者潛身其下以手撼之動搖欲墜亦靈異也崖隙有清水一泓汲之不涸不汲不溢

龍門冲溪水從石洞中出嘗有雲氣護之旁有穴土人燃炬入可五六七里有潭沙石清澈廣約數十丈隱隱有風雷聲相傳靈物蟄其中每晴朗時洞中有焰硝氣則濁流隨出三日後雷雨交作洪濤洶湧俗以為淘河也數年一過之歷試無爽洞出魚肥美春分時出秋初歸伺其歸而捕之所獲無算在舊城北十五里

黃平州志

卷一名勝

四

溫水塘城西北三十里自平地湧出塘約寬一畝夏溫而冬熱其氣蒸騰如湯在釜不可逼視淺深莫測也近流淺處造草紙者資之

浪洞舊城北二十里山勢磅礴下衍平田數百畝最中一田寬約數畝內分二池清泉微湧四時不竭蕪草平鋪其上臨覽者可望而不可即畧近之頓足則四隅震動池水鼓蕩不已拾石投之鏘然有聲其蘊蓄淵涵變動不測為一方之勝因命名焉

楚蜀分江城西北約二十里由都挖山羣峯疊聳

東至松洞舊名梭洞後衍為平岡綿亘十餘里  
高千餘仞右溪由張旗冲會牂柯江入楚左溪  
由松洞經浪洞平溪入餘慶牛場河會江入蜀  
琴坡北踰深溝有突兀而綿亘者則葛浪洞山也  
山麓紆迴與九曲河相委折層巒疊嶂上出重  
霄內一峯尤聳拔四面險絕石徑三層一綫旋  
繞而上有石厂如迴廊人即其間構寺則西竺  
寺也

重陽山舊城北三十餘里每歲重九日鄉人攜酒  
登之有目極千里之概

鼓臺山詳舊州十六景內

梭洞兩岸林木翳翳水至此由高而下激石飛珠  
二十餘丈旁有大松數十株故又名松洞

九曲河由官塘直下長潭水勢始曲如轉環至躍  
魚洞每一曲則桑田廬舍映帶左右河魚鮮美  
柔若無骨水味清冽田穀亦腴碩異於他處

躍魚洞詳藝文與上九曲河西竺寺皆浪洞勝景  
縉子窰文波寺在碧溪小橋幽崖古木間佳景也

仙竈巖距重安四里許烟樓曲突宛似人為洞內  
土石之氣相雜凝積如灰可以糞田五更時土

入列炬入取望之如場竈焉

城北石龍口即西門河水口

銅釘山在鼓臺山側

梯子巖城南五里

白巖城西十餘里

七里山城東七里

馬苑城東一里

陡巖在西門河之上

馬驥嶺城東二十五里

紙房潭沙洲城北一里

黃平州志

卷一名勝

五

城西兩岔河係上塘波洞水匯處

以上十處皆詳舊州十六景內

飛雲巖

中宇巖城北一里又名榜山

中丞橋

城東五角山俗稱五角梅花

玉虹橋城東十二里

中丞塔

龍淵城西三里

北門河沙洲

重安渡

西山坡

石人洞

以上十一處皆詳新州十六景內

龍溪興佛寺前桂一株大可尋許高七尺即分枝為八曠南而虛中廣幾十笏於中構小樓名桂花樓各枝團團上出仍合為葆蓋夏月暑氣不到蟬聲四起坐其上者如在華胥秋月花繁清香縹緲觴咏此間不異廣寒深處也其樓倚幹豎柱因枝布椽頗饒巧思云

黃平州志

卷一名勝

三五

清池在舊州北八十餘里與甕邑草塘里鄰平田數百畝中有二池清深如鏡久旱不涸橫而六不盈地以此得名池在朝陽寺前寺有石洞日出正對洞門故名朝陽

天鷲山在巖門司隔江岸上山形如雁昂首軒翼勢欲凌空山尾巖下圍石磊砢俗稱天鷲伏卵都凹且蘭水合張旗冲水為西門河下至偏橋界數十里中兩岸多石或壁或洞壁上宛懸圖畫洞中每成瓔珞十六景內不過摘取一二其實扁舟飛渡應接不暇也



新州十六景

榜山疑秀 州北里許山青而巖白石壁峻峭王  
公檉摩巖大書中字於其上山巔皆黃土春夏  
多雨土輒崩墮巖間赤白相間依稀蝌蚪鳥跡  
蒼古斑斕州人逢科試之年以為獲雉之驗  
帶水環流 溪水自南來經折桂橋滙仁里水過  
西門繞北旋折而東迴環如帶昔人贊桂州詩  
水似青羅帶於茲益信

東閣梅開 東門外不數武高峯矗立其巔五出  
若梅花然積雪未消瑩然在望無煩策蹇扶筇

黃平州志

卷一 名勝

六

恍若暗香浮動也

南樓春曉 即南門城樓循牆而南高百餘尺巖  
城之巔有叢茅焉經冬不枯初春早茂殆靈氣  
之所鍾而得氣最先者耶

雲巖仙島 州東二十三里有飛雲巖迺志嶺其  
玲瓏詭異為黔中第一奇境詳圖說碑記

玉峽晴虹 城東十二里道側雙巖陡削一水中

通破空下注巖畔為橋水色山光與日影相炫

燿不可名狀巖間鐘乳結為大士像瓔珞蓮座

宛然

寶塔凌霄 岳榜山南岸為東流一柱迴瀾蕩漾  
雲雁翱翔若蕪清波而書碧落為一州勝概  
龍潭布雨 州西三里有潭深不可測龍潛其中  
即龍淵也潭雲初起小雨欲來不崇朝而遍布  
有祈禱之無不應也水不在深有龍則靈信然  
舊名龍潭靈異

爐山端拱 州南十五里曰爐山高入雲表端正  
方巖 聖宮前案也烟霧常籠其巔縹緲氤氳  
晴既特佳觸石膚寸之奇雨中尤勝舊名爐山  
烟雨

黃平州志

卷一名勝

七

沙鏡空明 循北門河下流約三里有圓洲焉沙  
瑩若鏡積水空明日色由高山倒映烟樹迷離  
鳥語清幽雖盛夏經之幾忘酷暑若夜遊然舊  
名沙洲夜月

官渡安流 在重安汛城外為漠黔孔道水勢寬  
平深靜柱石於兩岸而竅其端亘以巨索自北  
而南豎短桅於舟首循索而渡不用篙楫與者  
騎者擔者負者雜沓河干稱要津焉舊名安江  
待渡

虹橋普濟 城雖在象山中而西北東三面複流

環遶平越遵義諸邑及蜀中來者俱由舊城達  
此初頗病涉未中丞捐貲修橋稱永賴焉從北  
一瞰之如彩虹飛渡城郭市肆皆疑蓬閣矣  
北嶺雄關 州北五里許有石人洞訛石為殺或  
曰其石狀如人也或曰軍興時殲敵於此然不  
可考矣嶺險峻截雲下通一徑上可屯數百人  
憑高俯瞰勢若建瓴往代州衛分隸黔蜀誠據  
險制敵之地今六合一家第存形勝云爾

西坡疊幃

在州西六里峯巒綺交或平或峭如

列屏聚笏欲雨則吞吐雲霧將晴則刻露烟嵐

黃平州志

卷一名勝

與屏山相對峙下有泉水逸麓穿石洞出山外  
木石壅則停而為淵人以為秀氣所鍾云

鳳嶺來青

任重安江岸山勢飛舞插漢昂霄若

鳳凰翔於千仞倒影入江則芳草華林掩映澄

碧嶺去城三十里當秋空晴霽登樓遠眺天外

青葱之色從斷霞飛鷺中排闥而至誠勝景也

靈巖掛瀑

飛雲層巖之上有泉懸焉振鷺上飛

白龍下飲與金枝翠旗相為輝映蓋瀑雖藉巖

之勝而亦以助巖之奇匡廬三瀑布不得專美

也

舊州十六景

鼓臺仙景 城南五里高數千仞險仄處維以鐵  
經登者挽之乃上山間多奇花異樹巖隙出泉  
甘香異常下瞰百餘里郊野山邨烟雲溪澗如  
身在蓬島然

銅釘筆峯 與鼓臺並峙高銳如筆山腰石間數  
處色赤如銅俗傳山將長與天並五丁以銅釘  
釘之乃止雖語近齊諧然山勢鋒穎凌雲竇一  
方之秀也過早官民禱以羊豕輒應謂其居異  
方為風雨所自出云

黃平州志

卷一 名勝

九

晴嵐擁郭 城東護山也綿亘十餘里嵐光四時  
不散城市邨廬皆在空翠浮藍之內舊名七里  
晴嵐

白鷺盈洲 城北一里芝坊潭沙洲也白鷺千百  
為羣翔集於上舊名沙洲鷺集

宜孃營壘 城南十里許山上平衍可容萬人相  
傳宋時楊再興之妹宜孃屯兵於此營壘故址  
尚存土人耕者恒鋤得古磚細潤可作研

繞子巔巖 城南五里許蜿蜒曲折高逼雲端望  
之若路入青霄境內奇觀也

寶寺鐘聲 前朝古刹也播亂燬於賊巡撫郭子  
章重修極壯麗寺有鐘聲聞數里相傳宋時古  
物也

白巖仙洞 城西二十里洞極敞朗內復深邃夏  
涼冬溫宛然仙境

翁播龍潭 城北十里兩岸壁立下有沉潭每遇  
大旱上下水道俱涸獨此淵涵如故巡撫郭子  
章立祠土人祈雨多應

寶珠古刹 即岑卡寺城西八里山高路曲古樹  
扶疎人跡罕至有寺相傳始自唐宋境內寺觀

黃平州志

卷一名勝

十

無有先於此者

馬苑桃花 出城東門循溪折而西至馬苑地勢  
平曠當時牧園所也水曲而清溪中小石累累  
作深紅色映水鮮妍若爛縵桃花落英蕩漾波  
際經其地者不啻人間世誤入漁郎也明時鼓  
臺山僧性祖又於兩岸植桃州牧楊鳳肅名之  
為小桃源

陡巖赤壁 西門河上遊兩岸削壁石色皆赤間

以丹楓碧草望之蔚然泛舟其下者率流連不  
欲去

馬駿峻嶺 城西北二十里形如飛馬馬腰有阜  
如鞍舊設嚴關於此

石塹游龍 城北河中綿亘石塹宛若游龍黃平  
水口此竇關之

兩岔漁歌 城西十里波洞上塘諸水滙流於此  
汪洋瀰漫兩岸居民網罟為業歌唱之聲朝夕  
不絕

萬坵占候 即城北琴坡山頂也前明時黔公沐  
英總兵南黨屯兵於此蕩平四境凱旋後溝塹  
猶存相傳謂之十萬坵高峯繚曲烟雨鬱盤占

黃平州志

卷一名勝

十一

陰晴者恒視之舊名萬坵陰晴

古蹟附塚墓

生子商周以溯虞夏古矣立乎唐宋則秦漢又古矣世愈遠而蹟之所傳愈可貴重嗟乎豈不以其人哉州在元時尚為羈縻地故古蹟尤少然如傅頴國王新建郭青螺諸公文武功業昭然前史此地非所披墾則所游息可勿記乎爰錄

國朝已前可考見者自楸船牂柯始

牂柯江漢書楚莊躋由沅水上伐夜郎軍至且蘭楸船於岸而步戰遂滅夜郎以由沅水考之當

黃平州志

卷一 古蹟

一

在州境蓋江源於州西之都凹山與甕安接壤會甕邑青明山諸溪水合流入澗溪下注沅水水經注云沅水出牂柯且蘭縣為旁溝水是也至舊州西門始可通舟楫

黃平舊城治西北四十里宋時為樂源郡元時為黃平元帥府明初為安撫司後設黃平所旋置黃平州康熙二十六年移州治於興隆衛雍正十一年設州同於舊城今改巡檢

舊城

學宮內有範銅

靈祿相傳來自唐宋後雖易木主不敢毀乾隆十一年移訓導於此每春秋釋奠將事者益增肅敬焉

狼洞州北門外今名龍洞明洪武二十二年狼洞西叛潁國公傅友德討平之建興隆衛即今之州城也

宜娘壘舊城南五里相傳楊再興之妹有武畧屯兵於此高廣寬濶俯視一切下有宜娘井

建文井州東門內相傳建文帝憩此偶渴思飲路南清泉湧出至今不竭雖陳迹已湮井欄猶在

黃平州志

卷一 古蹟

二

路北有馬跑井亦同時湧出者味差劣今在壽佛寺內

米寶寺舊城北二十里建文帝曾居此相傳大雄寶殿額為帝手書寺旁有大石石端有孔米從孔溢出以奉帝朝夕帝去後猶足以供寺僧寺僧嫌其小而鑿之米遂止至今其石尚存石孔反鑿痕宛然

王井州城南南洪武時岷王封於滇經此上疏乞

武岡駐輿隆待報於黃平驛後鑿得此泉味殊甘美因名王井



飛雲洞聖果亭記碑相傳明時王陽明先生親筆  
書寺僧勒之於石為亭於峯頂覆之文思古穆  
筆勢蒼勁摹榻者恒珍藏之

月潭公館在飛雲崖側明副使朱文瑞建陽明先  
生為之記名賢巨筆歷久如新今仍建公館數  
楹為登眺憩息之地過者每低徊不忍去云

草亭書院城北一里許明方伯周瑛讀書處今遺  
址尚存石壁鐫草亭書院四字瑛州人由明  
景泰甲戌進士仕至廣西布政使事詳人物

靖黎洞舊城東明巡撫郭子章定黎平師旋至黃

平此洞始開因名

王道洞州南金鳳山頂巉崖峻壑虎豹為羣人跡  
罕近忽聞有木魚聲居民相率持械攀附至山  
頂遇一洞聲自洞出見道人坐洞中誦經人乃  
爭致柴米為誅茅立利道人役虎守山門後忽  
不見

皂莢樹舊城西門外必勝營大數十圍高數十丈  
團團如車蓋陽年東南枝葉較茂陰年西北亦  
然

白菓樹州署前羅漢坡大幾百圍高數百尺相傳

能幻化昔人用鐵釘其根分枝處亦以大鐵箍圍釘之今其皮仍外合矣

白馬壘舊城北六十里平溪界綿亘十餘里上平有田有井可容萬人相傳為白馬將軍屯兵處仙人跡深溝夾馬巖路旁石上長尺餘指痕跌印宛然不數武有馬蹄印相傳為南黨留遺馬跡人踪經過不少獨此歷久如新不可解也

羊龍井舊城東冷水河右其水自石山流出下注處纍纍如珠居民於井畔恒見白羊故名

平龍礮以明郭子章平應龍名乾隆丁未重修於

黃平州志

卷一 古蹟

四

大石中得條石如龍者四大小不一鱗甲宛然然不見其首好事者取一石約長尺許嵌於橋側未久龍為人攫去鱗甲之痕尚存

小東坡路旁有石斜鋪方廣廿餘步上有字跡大小不一土人呼為大石版行路者謂之曰曬經石

龍門洞大東坡下兩巖陡峭水從中流昔人鐫龍門二字於上

草塘遺壘城東二十五里乃諸苗出入之衝前人之營壘存焉每當秋風月夜霜白草枯猶令人

遐想戍守之艱運籌之善也

天官寨舊城西北三里其命名之義無可考相傳  
元建黃平元帥府舊基也萬歷三十年新鎮道  
劉冠南請改元帥行府為

文廟崇禎末復遷建於城中今敗垣尚有存者

所堂鼓樓側明守禦所官署也基址尚存

帶水由張洞大雅諸水滙小溪至城西為處洞河

合龍潭水繞北門而東又合紙房老寨諸水入

於泮柯江而洞頭河由分水嶺至南門經折桂

橋西注於此稱為帶水唐貞觀時置播州改舊

黃平州志

卷一古蹟

五

柯盈縣為帶水即此

元黃平元帥府在天官寨今廢

明安撫司署守禦十所署後俱改州署

察院行署先為駐鎮通判署今廢

射圃本龍新參將行署明陳牧虞熙奉旨改建今

為舊州 文廟

省農亭舊城西北郭明楊牧鳳翥建三時官具酒

食勞農於此

重安江石碑明大學士夏公言曾過此刻詩於石

平播橋在舊城東明郭撫軍子章建

龍神祠在翁播龍潭上明郭撫軍經理設州值大旱溪泉俱涸此獨淵泓如舊遂建祠祀龍神潭為十六景之一

寶相寺舊城東唐刹也燬於播亂明郭撫軍為僧三空重建

寶珠寺舊城西宋刹也與寶相寺皆詳十六景內福智院元刹也今琉璃內殿及院額三字皆舊物云

十萬壘亦十六景之一即城北琴坡頂明初南總兵黨屯軍於此溝塹猶存或云傅穎國沐黔國黃平州志

卷一 古蹟

六

皆常養馬於此故城東又有馬苑之名太平寺在琴坡上南總兵建今移於坡下宜娘井在宜娘壘下

聖果亭在月潭寺舊名大雲寺泉名冷泉有古栢大可二十圍數百年物也苗人火其中而皮仍無恙

普陀菴在舊州署左明時軍人居此多惡疾掘地得鐘一內坐普賢像千戶張朝買其地建菴更塑一佛一菩薩並祀焉

鐘鼓樓舊所署左右各一凡操練徵調鳴鐘鼓以

集象云

保障樓舊州城南樓城中最高處往時官僚燕集於此後改名七星樓

旌善罰惡申明三亭俱在舊州署前

鼓樓在大街舊衛時立今圯

魁星樓在州署前亦舊衛治時立今圯

龍溪場側謝家巖壁立如削廣可數十步高三倍

上有鐫題字徑尺筆力蒼勁詩云仗劍飛虎穴

停輶憇洞天幽巖可鐫石何處不燕然年號明

神宗壬子歲大將軍陳璘征楊應龍過此題按

黃平州志

卷一古蹟

七

通志載此作劉緹題桃源洞詩洞在遵義城東

三里亦緹由綦江征播道而山川志止言洞有

仙詩不言緹作龍溪與餘慶隣正璘統湖廣兵

由偏橋白泥入播處而僻壤深山斷無作偽之

理其為當年真跡無疑也

新增亭臺附

維風亭在 玉閣前

懷遠亭在北門街

額豐亭在先農壇接官亭在東門外袁牧治建

許公東亭在五里橋南亭在南關外許牧錫昌建

榔木哨亭里人胡學瑗陳元章建

淌水溝亭在黃猴塘南 土地亭在石關上

五里亭在五里橋十里亭在十里橋今圯

滴翠亭在飛雲洞裴撫軍宗錫建

茶亭在楊柳卡西里人朱中丞定元建今圯

過街樓在東坡樓上奉大士後為關帝廟

勅書樓在中所街山東巡撫里人朱定元建以奉

宸翰并

御賜書籍貴人峯塔在城東北郭亦中丞建

塚墓附

黃平州志

卷一 古蹟

八

昔柳下季壘秦師禁樵採焉而趙武叔譽之觀  
九原也獨於隨會興誰歸之墓非僅平生知舊  
車過腹痛也吾州建置數百年來雖未敢上擬  
古賢而鄉先生名德可稱者亦自不乏凡塚墓  
可考皆著之且使後之覽者毋謂賢愚同盡遂  
徒望子孫清明一滴酒而甘自棄於荒烟蔓草  
之間也

明

總兵南黨墓 城北二十里金坑左

知州古德恒墓 舊城外社壇

指揮周興墓 城東十里橋

指揮狄勝墓 城東十七里小東坡

指揮常智墓 城南三十三里台灣

指揮蕭琳墓 城北蕭家坡

指揮權繼武墓 城北二里茴香壩

指揮余洪烈墓 城西五里鍾子窰

贈太僕卿周庸二墓

贈太僕卿周政墓

左布政司周瑛墓 城北一里

贈巡撫解鶴齡墓 羅寨

黃平州志

卷一 古蹟

九

巡撫僉都御史解立敬墓 城東十七里玉虹橋

指揮陳一德墓 尖山坡

千戶張朝墓 舊城東木星山

指揮李朝陽墓

副使余懋學墓 城東北半里

副使周洪德墓 城西南十五里張洞

副使張五瑞墓 城南十八里新龍塘

同知朱應旌墓 城東五里羅寨前坡

同知狄應期墓 城東十七里小東坡

同知胡松墓 城南十二里黃猴鋪

通判王民牧墓 城東五里羅寨長坡

贈朝議大夫知縣朱璣墓

通判王宗周墓 城東二十三里猫洞

鄉賢陳應熙墓 在舊州東七里石灰窰

知州陳于宸墓 在舊州南五里百花冲

教授陳于明墓 在舊州西安撫塘

知州張問德墓 在野洞

贈文林郎昭信校尉王世臣墓 在西山

指揮胡其仁墓

經歷周鎬墓 白馬壘

黃平州志

卷一古蹟

十

知縣周成德墓 長嶺

通判周應墓

知縣王國寧墓 江古

教授陳廷謨墓 舊城北十二里大章繳公田

通判陳廷章墓 舊城東南十里龍王閣大地坡

通判李占春墓

知縣陳良才墓 舊城西十五里魚井坡

行人陳良能墓 舊城西十三里新村

孝子周淳墓

國朝



教授王家雋墓 良田

贈文林郎教授陳善述墓 舊城西八里馬家塘

訓導陳以維墓 舊城西摩羅

教授張拱北墓 舊城西金猫山

贈文林郎王賜綬墓 城東北十五里黃衍

知府周九萬墓

贈通奉大夫知縣李運正墓 城西苗里

教授周廷适墓 白記

知縣唐紀墓 舊城北唐家屯

贈武義大夫知縣王樞墓 城北二十里羅朗

黃平州志 卷一 古蹟

十一

知府曹掄彬墓 城北長冲舖山

知縣張也明墓 舊城外一里瓦窰壩

知縣陳以縉墓 舊城西南十里何家塆

候選守備王槐墓 良撫寨

巡撫副都御史朱定元墓 城東五里麒麟山

知縣李運昇墓 城北良田

知縣吳輝璘墓 舊城東陞官坪

知縣戴琪墓 舊城北二十五里浪洞

知縣沈濬墓 舊城北二十五里浪洞跌馬崖

知縣劉世燾墓 舊城南十里高坡劉

同知王煥士墓 西山坡祖塋

解元知縣王修士墓 雷公坡

通判王楚士墓 羅朗

參將王焯墓 罈子窰

知州薛子璋墓 舊城北十里滾龍坡

知縣常維炳墓 舊城東瓦窰壩

通判徐而陵墓 舊城東毛栗坡

教諭李運隆墓 重盛

知縣鄒昇墓 舊州西寨壩

知縣劉汝翼墓 瓦窰壩

黃平州志

卷一 古蹟

知縣杜文衡墓

知縣石金炎墓

知縣王國泰墓 重安茅坪

教諭盧瑤墓

教諭王彬士墓 羅朗

教諭戴綬墓 月黑

教諭張鵬程墓 舊州螺螄灣

知縣李培墓 老寨祖塋

教諭孫盛墓 舊州劉甫屯

知縣周廷尚墓 格里

知縣周齊濂墓 蟠溪脚

知縣周學裕墓 桐木冲

知縣周學滢墓 大塘坪

教授盧嘉會墓 雷坪

知縣陳學溥墓 舊城南二十里乾溪

孝子張也恭墓 城北

孝子張千昌墓 蕭家坡

孝子張兆舉墓 十里橋觀音閣旁

教授周誌墓 金萬寨塘田

里堡

周制遂人經田野隣里都鄙有則此後世里堡之所由倣也黃平雖蕞爾微區若屯若邨若莊若寨名雖不一要皆星羅棋布環繞州治而拱向之且戶口由此生聚賦稅由此輸將今分東西南北而別其途路之遠近庶幾覽者寓目瞭然未必非臨蒞者之一助也

東偏寨堡

距城五里

五里橋

十里橋

藹棠哨

七里

金萬寨

十一里

盤谿

十二里

龍鰲

十二里

新寨

十三里

三臺莊

十四里

黃平州志

卷一 里堡

一

大塘坪

十四里

長興堡

十四里

小東坡

十五里

金竹厓

十七里

黃泥坳

十六里

吳小寨

十七里

皂角井

十八里

大東坡

廿三里

臺臘寨

二十里

楊柳汎

廿五里

東南洞頭

距城六里

老馬屯

五里

老寨

七里

新莊

十里

黃飄

二十里

李三寨

二十里

白繼

十八里

南五里墩

距城五里

老油莊

七里

燈草哨

十里

黃猴舖

十二里

馬場坪

十三里

石頭堡

十五里

皎沙

十五里

周家苑

十五里

金竹寨

十六里

免留寨十里 老吳宅十五里 班鳩寨十六里

涼水井二十五里 棚木哨二十里 福壽寨二十里

黃連坳二十里 朱家莊二十里 張家莊二十里

余家宅四十里 新龍塘二十里 舊龍塘二十里

苗堡廿五里 江古廿七里 馬溪屯二十七里

重安汛三十里 槐花樹三十里 窰上三十里

堡上三十里 天堂三十二里 臺灣三十三里

上馬臺三十里 茅坪三十三里 葛藤莊三十四里

鐵廠四十里 銅鼓寨四十里 阿成寨三十五里

對江寨三十里 中坡三十三里 官莊四十里

黃平州志 卷一 里堡 二

滴水崖四十里 馬田三十五里 冷水寨三十六里

江口四十五里 龍井三十二里 新寨三十三里

螃蟹壩三十里 白巖山三十五里 翁蕩汛五十五里

沈家林三十里 截洞屯五十里 重生三十三里

平地塘四十里 良虎寨六十里 老羊寨七十二里

西南小坡五十里 張洞二十里 章汴二十五里

小羊里二十五里 阿利寨七十里 代芝里二十八里

羅岑三十里 小羅寨八十里 大羅寨三十五里

西老王屯五十里 仁里八里 建界七里

白記田六里 大雅河十里 丫口寨十五里

重勝寨二十里 三教閣二十里 虎場里二十五

龍角三十里

西北朗城距城十五里 代油十八里 中路坪十九里

高槐二十里 苦竹三十里 隔里岔三十里

後塘三十三里 破塘三十五里

北郭家莊距城三里 罈子窰五里 燕子窩七里

吳家塘八里 狺狺冲八里 羅朗十一里

王家塘十里 馬鞍山十里 長冲坪十里

甕口十五里 良田二十里 長嶺三十里

新白記寨三十里 翁蓋里三十二里 白攸四十里

黃平州志 卷一 里堡 三

吉水寨三十五里 朗虎里四十五里 乾屯五十里

高坡五十五里 濫泥里五十六里 大冲里五十六里

白臘塘六十里 朝龍壩六十里 牛打場六十里

蟬銅寨六十里 龍塘里六十五里 大地六十五里

銅鼓里六十五里 苦李冲里七十里 大塘鋪七十里

風山里七十五里 老度礮七十里 响水八十里

林坪里八十二里 王哲里八十五里 滿溪九十里

坦泉里九十五里 鬼龍里九十五里 鬼桑里九十五里

龍溪一百二十里 閻家屯一百廿三里 班溪一百一十八里

東北青莊距城十五里 高溪十八里 岑洲二十里

桃花坪里二十

黃衍里二十五

白塘里二十二

新寨里二十五

楊四坪里三十

雷坪里二十五

高塘坡里二十

常山里二十五

白田三十里

乾溪三十里

螞蝗冲五里

後屯里三十五

黑石五十里

小口寨里四十

李萬田三里

雙眼洞里四十

懶龍溝里三十

舊城

東洙西坪里

螺螄灣三里

改腮八里

黎樹坳九里

楊柳塘里十二

穿崖十五里

大翁舖里十五

南溫十里

小壩十里

黃平州志

卷一 里堡

四

東南歇場坡里

五里冲三里

洞上十里

陡嶺十二里

乾溪二十里

構皮冲里二十

風崖二十里

杉角冲里二十

山邦十五里

木江二十里

落水洞里十二

三支寨里二十

翁洞里二十二

砂子坎里五十

美朗里二十五

巖關里二十五

濫泥溝里三十

老鼠關里二十

倘頭三十里

龍洞河里五十

後塘二十里

岑葛坡里五十

南馬苑里

安撫塘五里

龍塘四里

頭道水八里

小村十里

林家苑十里

金竹寨十五里 桐木冲二十里 野洞三十里

黑獺樹三十里 查底三十二里 董丙三十里

月黑三十里 翁馬河四十里 天生橋四十里

蒿菜坪三十里

西南劉溪屯距城三十里 斗山四里 團山四里

平西壩五里 朱家坡四里 樓底下五里

花塘冲八里 董家莊八里 普龍壑七里

何家塆六里 張王堡八里 磨羅八里

岑雷坪八里 寨圍四里 寨桃十里

老高寨八里 老宋寨八里 新村十里

黃平州志 卷一 里堡 五

泥坑十二里 後山二十里 白巖二十五里

美敏寨三十里 兩岔河三十里 凱樓莊三十里

相芒二十八里 濫泥關三十里 官田壩二十里

高塆二十八里 大冲二十八里 大魚井三十里

毛塆三十五里 營上四十里 李溪河四十里

猴栗坪四十里 打鐵溝四十里

西老里壩距城半里許 文坡寨一里 社壇四里

南岳廟五里 寨壩三里 必令堡五里

王家坪四里 天官寨三里 馬鞍山六里

高坡羊六里 得浪八里 白騰塘十里



張旗冲十里

松洞即梭洞

三岔水五十

楊橋洞三十

謝家壩

寨壁八里

寨沙十里

寨泥十里

高坡劉十里

龍井坡十里

麥蔭寨十里

紅梅樹十里

岑東十二里

岑都十里

羊馬頭十二

總屯十里

長坡十二里

舊龍場十里

坡動十五里

興楊寨十里

馬槽井二十

皂角丫二十

板橋二十五

大土二十五

吊巖二十五

上塘三十里

黑土哨三十

翁眉四十里

青崗坳四十

團峯巖五十

黃平州志

卷一 里堡

六

老鮓河

三十里

葫蘆壩

十五里

西北寨湧五里

毛芳五里

唐家屯七里

龍旗屯八里

龍頭溝八里

琴坡十里

白水寨十里

絞龍十二里

沙嘴十五里

團巖七五里

杉木冲十八

杜橋三十里

向溪屯十二

于溪屯十二

巖底下十里

黑嶺崗二十

楊家塘二十

花魚潭五十

棉花地二十

老鶯巖十五

浪洞二十里

平墓二十里

岑龍二十

總屯二十五

寨伍二十

平臘五十

大屯寨五十

唐家坪八里 馬旗屯五里 新寨二十五里

管桐寨八里 灘頭寨五里 留溪屯三十里

鹽井寨八里 溫水塘三十里 平溪四十里

落巖四十五里 黃羅寨四十里 翁巖四十五里

大寨四十里 張旗屯四十里 東坑四十五里

亞應四十里 車盆壩五十里 西堰六十里

小地五十里 太平舖 甕脚八十里

木老坪八里 青池八十里 大莊

二莊 三莊 洞水一百里

革老水九里 潮文寨八里 上水溝九里

黃平州志 卷一 里堡 北

北三鞏橋距城 十子寨一里 芷方二里

湯家坡一里 教場壩一里 下衙二里

金滿寨三里 申家營四里 川心堡五里

毛栗屯六里 曹甫屯六里 青崗林八里

迴龍寺六里 岑花六里 石牛寨五里

深溝十三里 大壩山十五里 龍門冲十五里

石坪十里 石灰窰四里 重陽屯五里

東北馬溪屯五里 龍王閣十五里 柿花樹二十里

馬蟻井二十里 苟多驛二十里 寨網屯五里

印地二十里 平東二十里 金坑三十里

母狗田三十里 翁紀三十二里 朋水三十二里

田家寨三十里 大坪三十三里 後所壩三十一里

下園三十五里 陳家塆三十八里 柳塘七十三里

大石頭四十四里 洞上四十四里 蒙子灣九十三里

三岔冲五十二里 上壩四十五里 中壩四十五里

平地秋四十四里 一碗水三十三里 朗許三十三里

大張三十五里 石鴨田三十三里 老虎洞十三里

拖船坡二十二里 龍洞鋪十五里 重陽二十五里

李洞二十五里 石版河二十五里 張家院三十三里

蕭家塆七十三里 安路寨三十三里 班鳩井四十四里

黃平州志 卷一 里堡 八

附場市

城內南門場集丑日 北門場集午日 重安場辰集

東坡場子集未 黃衍場逢六集 金坑場巳亥集

牛大場逢二八集 巖鷹壩場巳亥集

舊州西門場辰戌集 北門場丑未集 平溪場卯酉集

浪洞場寅申集 林狹坪場辰戌集 太平堡場丑未集

洞水場子午集 上塘場子巳集 一盤水場辰戌集

巖門司場午日集 甕覺場午日集 紙房廠場巳亥集

風俗

漢書云剛柔緩急係水土之風氣謂之風好惡  
取舍隨長上之情欲謂之俗風俗之不能強為  
同由來舊矣然忠弊救之以質質弊救之以文  
奢則示之以儉儉則示之以禮風行草偃政由  
俗革安在不可挽頽風而進於隆古也哉爰採  
之韻記畧陳善敗俾觀風者考焉

俗尚樸實敦禮教士秀而文民知務本謝東山志  
崇儒術重氣節處者恥為汙下之事仕者多著廉  
潔之稱沈思充志

黃平州志

卷一 風俗

一

力於稼穡民少爭訟人士秀雅無囂陵之習省志  
附郭舊人遷自中州多讀書尚禮男女有別士夷  
一異俗通志

重禮義尚儉樸務本力農頗信巫鬼舊志

成化中經歷李文祥革去淫祀過止浮屠鄉紳周  
瑛崇尚朱子家禮冠婚喪祭悉遵舉行風俗漸  
化人文丕變矣 郡志

民務稼穡而少貿遷士敦詩書而多彬雅山川之  
秀蒸為雲霞具生為杞梓其人為英傑尚禮教  
男女之分最嚴不授受不共食幼女從不出戶

于歸後非伯叔兄弟問訊不輕易出見出入以  
轎貧不能者則有兄弟或婢女隨之謹內則操  
井臼但少紡織耳

土著之人讀書而外惟知力田力耕火種以備饗  
殮他如諸匠作及舖店皆外省人為之故四民  
之中恆士恆農工商殊少

黃平山多田少山間多植藍靛菸葉男耕女耨習  
以為常

近來婦女針指而外勤於紡織貧家多以織屨為  
業

黃平州志

卷一 風俗

節序之禮正月朔謂之元旦雞初鳴燃燈燭祝  
聖祀神明祖宗拜尊長畢乃相拜賀

十五夜謂之元宵先於初八九日即張燈結綵簫  
鼓喧填踏歌絡繹至元宵極盛十六日後乃各  
務生理

二月初三日為文昌聖誕士大夫咸稱祝焉  
清明前後各五日士民均躬至祖塋拜掃或以猪  
羊貧者亦必鷄黍致祭祭後即於塋前飲食以  
昭愛敬

四月八日他處謂之浴佛日造烏米飯黃俗亦行

但近曰有無識婦女朝山禮佛始猶偶然今則愈象風殊不雅冀官司嚴禁之

五月五日插艾懸蒲於門辦筵席蒲酒以祀先人乃相宴飲剪鴟鵂舌或造各色香囊

五月十三為闕聖誕長人士釀金作會

二十八日為城隍會民間多釀金備猪羊祭獻

又有於廟中誦經禮懺頗為恭謹

七月十五日為中元孟蘭之會俗曰七月半祖人回家先於初十日潔整几筵燃香燭每日拜祭具冥錢紙衣焚化至十五日乃已此唐時浮屠

黃平州志

卷一 風俗

三

之說雖未可以為禮然先人之靈無時不在則是日亦未嘗不可祭從俗可也

八月十五日中秋夜備月餅西瓜茶棗祀月有歡飲達曙者

二十七為先師誕辰讀書人士各設位致祭以展誠敬

九月九日重陽登高賦詩佩萸賞菊多造佳釀

二十五六日為五顯會雕刻花輪插五色旗幟迎神像并鼓樂於上數十人擁擡看者填街塞巷苗男婦吹蘆笙跳舞此一大勝會也舊州神會

輜用輦推挽者數百人用木為橈踏之引從於神輦先後由五尺以至二丈者數十人最為繁盛

十二月八日為臘日多煮豆豉醃猪肉鷄鴨等事廿三日夜具三牲紙馬祀竈謂之送竈次日掃塵二十八日吹糯米作糝餅染五色米作米花作糖果宰猪以備新年相餉遺謂之送年茶

除夕備牲醴以祀神備酒饌以供祖掃除內外貼宜春對聯易門神宴飲守歲爆竹達旦

婚禮訪有淑女請媒通言女氏既許乃備酒筵以

告祖遂宴媒並鄉黨親友用果盒往女氏納采以鸞箋書男女生年月日女氏告祖宴媒亦如之俗云書庚又云討八字近則易果盒為酒席日踵事增華矣至當婚之年又請原媒通言具禮物箋啟書明親迎月日謂之報期親迎之前半月行納徵禮豐儉各稱其家俗云過禮至期則花輜燈彩鼓樂往迎有官者用繖扇旗鑼是日成禮次日即拜祖先翁姑奉棗栗後乃遍拜尊長親友皆賀宴既逾月婿及女同至女家謂之回門行禮多在秋冬近雖稍侈却無論財參

商者幸俗猶未漓也

喪禮親初歿時擗踊叫號奉含飯後親隣皆至莫不慟哭有老成諳故事者手執朱子家禮為之指示三日成服設銘旌散訃聞一切須備物件皆親族奔走代辦孝子毋敢擅離柩側舉吊或一日二三日不等至戚用猪羊酒席帳軸致吊稍疎者用羊席其故舊相知隨其厚薄有力者隨即徧送首白謂之開普孝無力者祇送至親然子姪而外五服之親未嘗制服而姻家無服或增腰帛焉大約八九日即窆俗云乘凶吉葬

多作佛事曰應七曰百日曰週年曰除靈竭蹶為之不如是鮮不以為非雖士大夫家亦行之其大祥除服自始歿至終喪大概遵用家禮而稍損之惟作佛事一節違禮耳

祭禮大夫有五祀庶人一祀今皆祀竈及中霤土地而已俗鮮有祠堂僅於坐宅正屋中奉祀高曾祖禰四代朔望焚香燈遇節候潔羞醴敬薦有時物獻之逢忌日亦祭之近多有置公田遇宜祭日子姓咸集致敬盡誠雖未盡合古禮而水源木本之思未嘗不一也



冠婚喪祭外有游泮獲雋成進士生日諸慶事親  
友隨宜公賀或花紅或錦標金額壽帳向日筵  
宴無踰五簋近頗過豐雖未備陳水陸而烹鮮  
擊肥不無糜費亦頗疎放宴會之際或呶或號  
屢舞僂僂盃盤狼藉無復三爵油然杖者出斯  
出之風矣

訟獄一事何時何地蔑有不平則鳴要不得已吾  
黃人心勿穆訟庭草滿巨耐一二好事慙憊構  
鸞弱肉強食告訐成風平地輿波人無安枕是  
所望於帥民者嚴逞誣控發奸摘伏庶政由俗

黃平州志

卷一風俗

六

革弊絕風清矣

黃俗之悖禮者莫如坐夜一端有喪之家夜置酒  
食集鄉鄰戚友擊鼓為蒿里薤露之歌喧奴達  
暗間有聚賭者致令喪家終夜勞攘不如此則  
羣相訾議此相沿惡俗習而不覺者歟

負販小民未聞洗腆以養父母而迎神賽會與燈  
演戲不惜稱貸爭先末俗可鄙

補遺

服內成婚大屬非禮乃近日男女及期猝遇父母大事即於三日內完娶名曰孝裏拖親滅理悖倫莫此為甚有識者當嚴禁之

俗有老人會父母存者每會三四十人不等各出銀四五錢交掌事者生息有大事則會中人以銀米柴豆相助咸任使令至葬乃已此其名雖近俗亦從厚之一端且能使人送死無憾但不能推之養生耳

苗俗信鬼黔地皆然施秉陳特菴先生曰苗病不

服藥惟聽巫卜或以草或以鷄子或以木梳草鞋鷄骨等物卜之所卜之鬼與祭鬼之物甚夥病愈則歸功於巫卜之甚靈病死則歸咎於祭鬼之未遍巫亦計其貧富恣其醉飽愚而弄之至今漢人效尤殆有甚焉此耗財之蠹也

苗巫曰鬼師漢巫曰端公鬼師用鷄狗之屬間有用牛漢人多效之但不用牛耳端公用猪羊鷄鴨每費八九兩不等名曰衝鑼跳舞叫號語鮮倫次信者殊多習俗移人賢者不免

黃平州志卷二

建置志

城池  
津梁

官署

壇廟

驛傳

坊表

周禮量人以建國之法營國城郭營后宮量市朝道巷門渠造都邑掌之量人又掌之掌固以時修之凡守者受法焉聖人治天下雖不侈於宮室臺池之觀而城隍不修學校不設堂室不闢倉庾壇廟廢而不治道無阻固川無舟梁非所以壯金湯嚴體統廣教化崇祀典也我州樂源狼洞之名原於宋而黃平則始於元其建置無可稽矣明初建邦啟土或為衛或為所或為州量地制邑度地居民所為經營締造者蓋三百年我國家體國經野因其舊而損益之區畫盡善規模宏遠凡城垣斥堠官師廨署壇廟坊表津梁罔不修飾誠哉度越千古者也

黃平州志

卷二 建置

一

城池

春秋所書城二十有五亦王公設險以守其國之意胡氏皆以為譏吾不謂然黃平城建自前明依山帶水四塞為固緣實逼苗疆伏莽升陵偶或為患桑土綢繆固未可或緩也乾隆二年新舊兩州之城一時並修后又鼎建重安巖門二城百雉崇墉指臂相應隱隱然獨當貴陽東北一面我民沐浴膏澤安堵莫居地利人和屹然保障矣

黃平州城原為興隆衛城明洪武二十六年穎國公

黃平州志

卷二 城池

二

傅友德建指揮周興並張龍胡質蕭琳等以次督修甃石週圍五百三十丈高一丈五尺廣八尺門四東曰豐潤西曰宣威南曰鎮安北曰昭化門各有樓鋪三十六串樓一百三十間上下水關二座明季罹兵燹之變又遭土寇之亂墻垣塌壞角樓炮臺俱圯

國朝康熙二十六年裁衛入州移州治於衛城雍正乙卯苗變城遂不守乾隆二年總督張廣泗具題命知州金作楫督修週圍一千零九丈九尺計五里七分城身高一丈一尺墼墻高六尺計一千二

百一十六堵城門四座門有樓炮臺四座炮有房  
水關二座有木柵但四門無月城似為缺典及今  
六十餘年風飄雨蝕不無坍塌雖隨圮隨修究難  
完好今僅存南門一樓

舊城向建於天官寨今頽垣學址尚存不知何時移  
建今址明神宗朝從巡撫郭子章請設州州牧曹  
進可督修基以石甃以磚週圍九里三分一十八  
步東西南北皆命曰平門各有樓東曰來春南曰  
七星西曰慶成北曰武勝有碑記後州牧李逢春  
增造串樓一千三百間環城有池崇禎六年加深

黃平州志

卷二 城也

環城內有馬道以便巡邏明末土寇藍二之變悉  
毀之雍正乙卯再毀於苗乾隆二年總督張廣泗  
題奏命知州金作楫與新州城同時重修易磚以  
石週圍一千四百零七丈七尺計七里八分零門  
與炮臺水關如新州城後漸坍塌附近居民漸闢  
為路以便樵汲四十七年州牧袁治勸估工料通  
詳列入緩修嘉慶元年城中紳士捐貲補葺然僅  
塞其徑竇睥睨樓櫓及石之朽惡基之斜陷尚有  
待云

按門後改東曰隆遠南  
青雲西樂平北慶安

重安汎城舊有土垣距今城二里許即今之堡上也

因石橋在下流為驛道所經故建城其地而路費  
其中後橋圯而蛟沙溪不時泛漲艱於厲揭遂移  
浮橋與渡於上因建石城其年月無稽矣康熙十  
年添設驛站建公館倉廩於內乾隆二十一年重  
修為門者五炮臺一座週圍三百五十五丈五尺  
計一里九分二釐零城身高一丈塚城高二尺計  
三百六十五堵至今稱穩固焉

按重安江距城南三十里即重安土司舊治  
也土司今移柱巖鶯壘城雖僅外委附守然  
倚山為固阻江為險右臨渡口前明香爐山

黃平州志

卷二 城池

四

苗叛恃此為捍禦雍正乙卯哈將軍尚德亦  
據以殲苗巍然一保障也江通小舟上至平  
越下至截洞換舟以達於楚

巖門司城舊在河南岸雍正乙卯三土司據守於此  
以阻台拱生苗土城薄弱惡力不能支皆赴水死乾  
隆初年移建今址週圍四百八十八丈九尺計二  
里七分七釐城身高一丈塚墻高四尺共四百九  
十九堵為門者三炮臺三座水關二座門有樓炮  
有房可據險而守焉

按巖門司距城東南八十餘里後倚高山前

阻深江上接重安凱呈下達沅靖過江則通  
台拱垣墉屹屹雄據諸蠻東南一重地也黃  
平衛駐城西偏所以約束全堡中為土司治  
東為分防把總署所以彈壓諸苗近則絃誦  
聿興瓦屋鱗次艤舟而入者莫識為苗地矣  
國家之陶淑誠無遠弗屆哉

又按州東南八十里有新城城外四週苗寨  
皆屬州境因係施秉縣汎地城內士衿均係  
縣屬故不具載又乾隆二年安設各堡俱築  
有土垣年月既久有坍塌者

官署

官司有守表正有位懸法布象下民觀瞻係焉  
蓋民非政不治政非官不行此古今之通制也  
故郡邑莫重於治治莫重於官官莫重於地地  
莫重於人地以署表人以職列官之所以為治  
者其在斯歟夫甘棠憇召南國猶歌咏之矧為  
攸躋攸芋地耶

黃平州署舊為興隆衛署雍正乙卯毀於苗創建無  
考乾隆二年州牧金公作楫重建照牆一座頭門  
三間儀門五間大堂三間書吏房東西各五間二

黃平州志

卷二 官署

六

堂五間

高公星煥重建

捲棚一座

客廳三間

東廚房三間

內宅門一間內署五間左右廂各二間東後樓三

間內廚房三間內西書房二進六間西幕廳三間

皆袁公治重修

二門外西押候所三間監獄一所

儒學學正署乾隆七年重修在文廟東大門三間

東廂三間明倫堂三間內署三間廚房二間

儒學訓導署分駐舊城文廟東乾隆初建五十年

許公克家重修大門三間廂房三間明倫堂五間

內宅門一間內署五間東西廂各二間閒房二間

更目署乾隆二年修在南門內路西照牆一座頭門



三間大堂三間東廂房三間二堂五間內署三間  
東內署三間廚房二間書房二間西客廳二間  
蕙州巡檢署乾隆二十八年修照牆一座頭門三間  
廂房二間大堂三間內堂三間捲棚一間東廂房  
三間東廚房一間西廂房二間  
都司署在下水關乾隆三年建照牆一座東西轅門  
鼓房二間頭門三間又照牆一座儀門三間書吏  
房三間馬房三間大堂三間捲棚三間左右客房  
各三間二堂三間內宅門一間廚房三間內客房  
三間內堂五間

黃平州志

卷二 官署

七

千總署在教場街照牆一座頭門三間正宅三間東  
西廂各二間

把總署分駐舊州城內照牆一座大門一間正宅三  
間書房三間廚房一間馬房二間

嚴門汛把總署十一間 兵丁營房七十一間

重安汛外委署十一間 營房三十一間

翁焉汛外委署八間 營房三十九間

外委頭外無署 營房在北門內一百五十四間

舊州營房四十二間

黃平街千總廳台拱分府轄署在嚴門汛城內

公館附

本城公館乾隆三十二年修照牆一座東西轅門鼓房二間頭門三間大廳三間廂房二間二廳三間廂房六間上房三間

重安公館鼓房二間頭門三間廂房四間上房三間飛雲洞公館大門遊廊九間上房三間

附舊署

舊黃平州署萬歷二十九年州牧曹公廷可建大堂五間題曰來安後堂三間題曰瑞印後樓五間題

曰凝禧公題

皆曹後堂左為圖書庫右為運甕圍

楊公鳳翥

黃平州志

卷二 官署

八

建大堂外書吏房東西各五間左上為參政廳下為吏目署右上為州同署下為州判署外為儀門外為大門上建嚴更樓大門內土地祠一所寅賓館三間皆曹公建明末土寇藍二叛毀之今為州倉倉旁為巡檢署

察院行臺在西門內陳公虞熙建

參將公署在南門內亦陳公建俱毀

演武廳一所六間先設於北門外趕場坪距城二里

操演不便改較場於北門內然城中居民稠疊僅

可操習弓馬若操演炮位仍在趕場坪

官臨至治之世陰陽和風雨時百穀用成雖由於政之善要亦享祀豐潔誠之所至神斯格之理固然也故凡有土地人民之責者莫不有祈報之舉合幽明而展誠敬以為民求福詩曰懷柔百神易曰聖人以神道設教而天下服有其舉之烏敢廢諸

文廟名宦鄉賢節孝祠詳學校志

風雲雷雨山川城隍壇在城北歲以春秋仲月上戊

日致祭

黃平州志

卷二 壇廟

九

祝文附維神贊襄天澤福佑蒼黎佐靈化以流形生成永賴乘氣機而鼓盪溫肅攸宜磅礴高深長保安貞之吉憑依鞏固實資捍禦之功幸民俗之殷盈仰神明之庇護恭修歲事正值良辰敬潔豆蓬祇陳牲幣尚饗

社稷壇在城南門外半里有石臺歲遵照春秋仲月部定吉日致祭

祝文 維神奠安九土粒食萬邦分五色以表封

圻育三農而蕃稼穡恭承守土肅展明禋時屆

仲春敬修祀典庶凡九松栢輦盤石於無疆翼

仲秋

翼黍苗佐神倉於不匱尚饗

先農壇在城東門外里許前額豐亭一間門樓一在  
正殿三間神倉三間神器所一間石臺一道四迎  
土垣俱州牧袁公治重修歲遵照仲春部定日率  
文武官員耆老農夫致祭行九推禮藉田四畝秋  
祝文 維神肇興稼穡粒我烝民頌思文之德克  
配彼天念率育之功陳常時夏茲當東作咸服  
先疇洪惟九五之尊歲舉三推之典恭膺守土  
敢忘勞民謹奉彝章聿修祀事惟愿五風十雨  
嘉祥恒沐於神庥庶幾九穗雙岐上瑞頻書於

黃平州志

卷二 壇廟

十

大有尚饗

城隍廟在城內東隅

邑屬壇在北門外歲以三月清明日七月十五十月  
十五迎城隍祀之而頒其惠於養濟院之孤貧者  
關帝廟在東門內歲以春秋仲月遵照 部定吉日  
致祭

祝文 維帝浩氣凌霄丹心貫日扶正統而彰信

義威震九州完大節以篤忠貞名高三國神明

如在編祠宇於寰區靈應丕昭薦馨香於歷代

屢徵異蹟顯佑羣生恭值嘉辰長遵行祀典筵陳

籩豆几奠牲醪尚饗

關帝三代廟同日致祭

祝文 維公世澤貽庥靈源積慶德能昌後篤生  
神武之英善則歸親宜享尊崇之報列上公之  
封爵錫命優隆合三世以肇禋典章明備恭逢  
諏吉祇事薦馨尚饗

文昌閣在學宮右歲以春秋仲月上丁日致祭

羅公祠在城東玉皇閣側祀前署州牧殉難羅公鳴  
序配以平伐營把總黃進忠幕友陳憲旁祀殉難  
諸生初震初咸等廿二人皆雍正十三年死事者

黃平州志

卷二 壇廟

十一

歲春秋仲月上丁日致祭

郭公祠祀明巡撫郭公子章一在舊城寶相寺一於  
乾隆五十四年袁公治重建城東十里之平龍橋  
士民新建祠於橋北元真觀側崇祀郭公以袁公  
治配

鄭公祠祀前明署州平越府同知鄭公廷英在舊城  
東門城樓上

義烈祠在東坡元真觀下前明巡撫郭公子章建祀  
前明千百戶之死事者

黑神廟在舊州西門外祀唐南公霽雲

附 霄祭祝文 維神恭膺詔命撫育羣黎仰體彤  
庭保赤之誠勤農勤稼俯惟部屋資生之本力  
播服田令甲爰頒肅舉祈年之典惟寅將事用  
申守土之忱黍稷惟馨尚冀明昭之受賜來牟  
率育庶俾豐裕於蓋藏尚饗

附 祭祭祝文 維神詔命臨民職司守土惟兆人  
之攸賴並藉神功冀四序之常調羣蒙福蔭必  
使雨暘應候爰占物阜而民安庶其寒暖咸宜  
共慶時和而歲稔仰靈樞之默運聿集嘉祥襄  
元化以流形俾無菑害尚饗

黃平州志

卷二 壇廟

附 芒神祝文 維神肇興稼穡粒我蒸民生意誕  
敷佑茲黎庶謹以牲醴用伸常祭尚饗

附 龍神祝文 維神德洋寰海澤潤蒼生允襄水  
土之平經流順軌廣濟泉源之用膏雨及時績  
奏安瀾占大川之利涉功資育物欣庶類之蕃  
昌仰藉神庥宜隆報享謹遵祀典式協良辰敬  
布几筵肅陳牲幣尚饗

按祭先文廟次列名宦鄉賢諸祠又次壇壝  
著於會典者他郡縣皆同邑之龍神舊無肅  
廟若祈禱則於玉皇閣或於城隍廟設壇抑

缺典也至禋祭雩祭雖未嘗舉行而奉有頒  
發程式故附及之羅公祠亦以上丁致祭也  
如義烈祠郭公鄭公及黑神廟等祀民間奉  
行已久或以死勤事或以勞定國則祀之也  
亦禮以義起者也非此族也不在祀典

驛傳

嘗觀孫樵之題驛壁而嘆驛傳煩擾自古為然黃平當滇黔之衝東屈施東南達清平山路崎嶇不百里而置兩驛過者苗民弗靖飛符絡繹師旅星馳官與民日疲奔命今幸邊境乂安得以稍舒應接庶不類褒城之題壁乎

順治十五年興隆驛站設官馬五十匹馬夫二十五名每季補馬七匹康熙十年添設重安江驛如之康熙二十四年裁去馬五匹馬夫二名乾隆二年仍復舊數兩驛共馬一百匹馬夫五十名每季補

黃平州志

卷三 驛傳

十四

馬八匹閏月加補二匹

站夫於前明時俱以衛所站軍擡扛順治十五年用州縣夫協濟康熙八年每站設長夫一百名應差協天通行禁止十九年因遞運浩繁用州縣夫協濟二十四年仍用長夫乾隆三十一年暨嘉慶元年軍興遞運軍需暫用田夫田馬幫辦無馬者以夫二名代之事竣即行停止現用長夫一百名如有不敷皆於里丁雇覓詳徭役項下

額設舖夫五十二名大路夫二十九名在城舖舖夫五名十里舖東坡舖黃猴舖周洞舖對江舖羅仲



舖以上各四名僻路夫二十三名舊州在城舖舖  
夫三名長冲舖王家塘舖通志作梨舖大翁舖波洞舖  
翁埋舖一碗水舖上塘舖龍洞舖地送舖鐵關舖  
以上各二名其馬價草料葯餌脚溢鞍屨及馬夫  
長夫舖夫工食俱詳載經費項下

按通志長冲舖舖夫四名新州在城舖四名  
舊州在城舖二名查長冲舖今止二名不知  
何時撥二名入新舊在城舖其亦隨時變通  
者歟

驛站夫役禁約附

田 雯

黃平州志

卷二 驛傳

十五

累民之最甚者莫如驛站夫役一事積弊叢奸  
前人不知幾經釐剔矣法非不善而立一法則  
一弊生去一弊而去弊之弊更不可言所謂有  
治人無治法者站夫苦累是也按黔省一十八  
站每站每月額給僱夫銀三十六兩米二十四  
石若以現行則例每僱夫一名給銀八分計之  
約可僱夫四百五十名而米數不與焉邇來時  
際昇平過差極其稀少各站登載循環簿籍寥  
寥可稽是額給銀米不惟儘足支用而且確有  
餘剩此良心之難昧者

朝廷本不累民并不累官而該管有司動輒借口  
曰衝繁艱苦也僱夫賠累也獨不思八分之銀  
米知給夫與否而餘剩銀米誰其飽之乎此瞞  
心昧己之談不足聽也民苗充夫之苦情本部  
院體訪已悉爰條列而約言之州縣官端居衙  
署惟聽探馬一言曰上遊某差將至矣下遊某  
差已臨矣不分有無勘牌多寡繁緩立即簽差  
四出沿鄉逐寨派役簽夫迨拘調已齊而差使  
尚在杳然令其饑餓守候困苦呼號每至二三  
日或四五日不等此濫行籤派之弊也夫役守

黃平州志

卷二 驛傳

十六

候已久幸而差使至矣前之派集一百名者今  
止實用五十名州縣官但期應付不缺意願已  
畢而民之疾苦漠然置之任憑虎役蠹胥盛福  
自專得其賄者謂夫多而放歸若窮極無賄者  
不問曾否裹糧鞭撻交施立驅扛擡應役此衙  
役索賄之弊也應役之夫肩擡背負陟嶺登山  
或炎夏而觸暑儻行揮汗成雨或嚴冬而冰霜  
載道凍餒迫膚受苦担勞送差而返滿盼應領  
銀米活口養身奈州縣官早已相忘度外即下  
情呼籲仍遭衙役指延煢煢夫役望官署而排

徇日復一日守候無期慮及失悞本業有不悵然以去者乎此不發銀米之弊也州縣官即有不昧天良概發夫銀矣大抵不論多寡彙封一包交給衙役取一領狀了事而已衙役得銀入手盜換低潮扣落侵隱巧詞抵賴攤派生意鋪面幫賠添賠彼夫役實惠未沾而追呼橫索之擾又及於市廛矣此報轉派擾之弊也凡此者有司闢葺衙役兇惡其弊竇強半皆同而尤有貪婪不肖之官禽獸不若者額給銀米悉肥己囊平日過差稀少反似寂寞無聊忽聞探報馳

傳某差將至即興致勃勃以為奇貨可居矣夫用幾名派必數倍近村則強拿白捉遠鄉則重價折乾官既索銀於上而蠹胥虎役有不乘機倍索於下者乎里長頭人轉相效尤受此家之厚賄私派彼戶畏強豪之不從橫加懦弱上下交徵勢不至苗民無噍類不止嗟乎為民父母而忍心害理即不畏上司獨不畏天理王法耶而說者曰欲去民苗困累曷若令州縣合計村寨輪流應役夫合計村寨按戶簽派之別名也愚懦者受虧而豪強者肆志也不可為也說者

又曰欲除官役弊竇無如另設頭人俾其經營銀米夫殷實之民誰肯舍耕農之業而僕僕公庭必仍係積年蠹棍鑽營滋弊不可設也本部院再四籌計有治人無治法惟於其人求之其人賢則己如不肖則不與俱生於是另議增添僱夫銀米嘉惠民苗嚴飭州縣官自今以往實照應用夫數公平僱募每一站之中該管官於上下兩站各設探事一人確探過差有火牌勘合者即速抄錄馳報該管官照此實用夫名現銀公僱其一切白票便牌置之不理而借名濫

黃平州志

卷二 驛傳

派之弊自無也原定僱夫價銀每名八分本部院軫念力役之苦茲概准給銀一錢外加食米四升俾中途足以裹糧而備值復較前增益鼓舞民苗踴躍樂趨而簽拿差捉之風可息矣應發銀本州縣官勿憚瑣煩必於平日預為料理如每夫紋銀一錢各另緝包小封數十封彙鎖一匣一過差到夫齊即便躬親按名給發既不耽延時日併不假手吏胥而扣起侵漁之弊可杜也以上三則本部院言之自覺平平無奇有司官采能真心奉行有治人即有治法云云

坊表

國家科貢之士皆有給賜旗匾甲乙榜及通籍者并得建坊而節孝壽考尤亟為表揚所以宏獎士類激勸齊民非第為觀美也邑雖僻壤坊表相望於途數異數於

天豕立德立功并垂不朽書曰表厥宅里樹之風聲寧不頌廉懦立耶

樞星門石坊在 文廟前明指揮狄雋建

繞配天地道貫古今二坊在樞星門左右山東巡撫朱定元建

黃平州志

卷二 坊表

十九

鯉賢育才二坊在 文廟前

關聖廟坊在關廟前朱定元建

龍淵書院坊在書院前州牧袁公治建

科星閣坊在魁閣前

特旨崇封坊在朱宅前為朱定元父如旭母程氏建  
科第流芳坊在西門周謨宅前宅今燬

五子登科坊在東門外進士王樞之長子國學生光

士子舉人縉樞次子煥士三子彬士四子進士楚士五子進士焯建今圯

飛雲洞坊貴州巡撫劉蔭樞建

孝子坊二一在城內為張子昌建一在城東玉虹橋  
為張兆舉建

昇平人瑞坊為百歲庠生王嗣文建

貞壽之門坊為進士雲南恩安縣知縣鄔昇百歲祖  
母楊氏建 以上新州

樞星門石坊在 學宮內監生金文光建

興賢坊在樞星門左義民杜之麟之鳳建

育才坊在樞星門右職員楊培元建

德配天地道冠古今二坊在 學宮垣外義民賈士

鵬捐銀四百兩建

黃平州志

卷二 坊表

二十

騰蛟坊 起鳳坊俱在 學宮前今圯

承流坊 宣化坊俱在舊署前

四牌坊州治後曹公進可建用記院司道府州所官

銜姓氏

春滿黃州坊東門外 雲間紫氣坊西門外

風恬鎖鑰坊北門外

勅鎮西南坊建都指揮李朝陽宅以上諸坊俱圯

節婦坊凡三十有八在新州者二十有一在舊城者

十有七其姓氏悉著於列女傳不復述焉

津梁

治梁王政也修橋善行也或以地名或以人名或以事名或以意名雖俚必書雖廢必紀誠重之也而剗木剗木以濟不通古聖人於渙有取焉昔單襄公致嘆於無梁衛詩人興嗟於濡軌則津梁之設豈徒稱便行旅已哉亦將以觀政治也

大橋在大街

鼓樓橋在鼓樓街

王家橋在中街進士王樵建今改建平橋

黃平州志

卷二 津梁

一

水關橋有二一在上水關一在下水關

蕭家橋在大井側

維風亭橋十二洞在玉閣前

丁未橋舊名石龍橋俗名五里橋橋下石長丈餘

有龍形淺水鱗鱗與日光相映躍躍欲動故名

石龍時修時圯州牧袁治重修以四丁未日興

工故名

平龍橋城東十里俗名十里橋創自前明名永安

橋巡撫郭子章 國朝州牧袁治皆有碑記

玉虹橋城東十三里為八景之一里人狄應旃建

大壩橋東坡站南一里

通濟橋又名東陵橋在月潭寺前明學道龍文光

建今圯現在貴陽府知府程重修更名聖果橋

月潭寺內橋在飛雲巖下雲貴總督福建

黃梁溝橋

蒙加溝橋二橋相近

巖鷺坐橋生員張養建有碑記

折桂橋在南門外饒賓興諸士於此

雲泉橋城南

萬福橋城南

黃平州志

卷二 肆際

二

榔木哨橋在周洞塘

重安三溪橋里人沈傑建

重安大橋明初建於觀音閣下地康熙十二年布

政司潘超先按察司張文德糧道陳寶鎰捐建

石橋後圯康熙三十年各大憲倡修復圯乾隆

三十二年麻哈州義民吳移建於上流費

近萬金垂成即圯人皆惜之

毓蘭橋在西門外翰林曹掄彬舉人曹海建貢生

曹掄傑續建均圯衆姓捐建

中丞橋在北門外山東巡撫朱定元建貴州布政



司陳德榮有碑記載藝文乾隆四十五年補修  
星橋在中丞橋下半里

羅朗橋進士王樞建

鍾靈橋城北一里

莫家橋

文波橋在曇子巽

上乾壩橋生員張廷樞修

下乾壩橋生員張日升修

福德橋在中堡河陳運亨張起儀周學順承修

雲路橋在柳塘生員張聖宏承修

黃平州志

卷二津梁

三

引勝橋在洞上河生員張啟元承修

金坑上下二橋生員馬文星等承修

天香橋在城北舉人王孚正建

解陞橋在城北二十五里

舊州城內三鞏橋在城內舊州署前

福衆橋城西門外舊名古梁橋創於前明州牧古

德恒為平橋十二洞砌以石梁以木上覆以亭

又名古公橋康熙二十七年水漲傾圮重修更

名三會通橋其制如初乾隆十五年復圮州貢

生楊光建庠生張學堯楊光宗等倡修以石易

木三十七年復圮州人劉漢芳劉琬西劉齊川  
張鵬程孫元和孫允奇彭登元林文中孫可元  
李士奇等捐募重修較舊時高廣堅緻稱為穩  
固人咸賴之

平播橋城東三里明萬歷時中丞郭子章平播後  
修建復圮 國朝乾隆初生員丁有光善士杜  
之麟等募修復圮五十六年州牧袁治移建上  
流率紳士劉琬西戴九德劉奇相劉奇揚戴深  
仁暨僧印元募衆重修

坡動橋城西十五里通貴陽捷徑山水陡急行人

苦之乾隆初年福建客人陳姓先捐銀三百兩  
募化修建未能成功州人劉漢芳劉琬西劉濟  
川移於下流設渡後又建平橋未幾即圮復募  
建石橋三大洞奈水勢衝急復圮其一

天壽橋城西三十里上塘側副榜孫文士捐修生  
員石華玉等捐助砌以石梁以木上覆以亭

翁湄橋城西四十里先有邵姓者以大鐵練扣石  
肩骨募化修建後圮乾隆四十五年劉漢芳劉  
琬西劉濟川募衆重修

天星橋城東十五里大翁舖地生員丁國光建石

橋三洞後復圯其兄生員大光復修亦圯現在架木為之

百子橋城北里許求子者多驗人爭修之俱架以板職員丁崇德易以石橋三洞今稍圯

三輦橋城北門外廣長菴僧佛林募修

戴家橋城西十里舊龍場貢生戴文郁建

田家橋城西十二里田姓建生員田嘉穀重修

錦榜橋城西五里州人蕭運顯修

永靖橋城西二十里哨地象姓建

陳家橋東溪州人陳于宸建

黃平州志

卷二 津梁

五

彭家橋城東州人彭亨衛建

中橋城北外舊學前石之鼎建

小橋天官寨前楊佑建

滄浪橋即北門橋今圯一名永齊

福濟橋城西十八里馬槽井

東郭外橋

西關口橋

三多橋西郭外象建

唐家屯橋吏員張君印建

毛方橋張玉龍募建

白水寨橋

黃衍橋在廟前

元龍橋在甕口

補遺

五里班橋

黃泥坳橋

紙房橋北門外今圯議修

老馬路橋

興勝橋

黃岑濫溝苗龍三河永合處  
里人李承運子若珊若珍運

馬場坪橋

黃平州志

卷六 肆梁

六

對江塘橋

以上新州

老里壩小橋象建

黑土哨石橋二相去二里許客人曾起三券修

木猪坪高橋

兩岔河平橋

龍溪橋離城百餘里

興富橋在龍溪

杜橋西北三十五里明中丞解立敬修

又小橋一洞田姓修

中橋西北十里當時募修  
馬范二橋在鼓臺山下葉盛修

界橋西五十里平越州界

田家橋在舊龍場田姓修

翁播坪上橋田姓修

石人洞橋

板橋城西二十三里皂角樹

安撫塘橋陳其書建

圓峯巖石橋三城西三十二里曾姓客募建

黃平州志舊城

黃三州志

卷二津梁

七

重安渡在重安汛城外係黃平重安朗城二土司  
募人撐駕半年清平凱里募人撐駕半年有碑

記

白悠渡又名寧濶渡在城北三十里中橋河為入  
蜀大道水勢湍急向無渡船康熙中李州牧延  
壘捐俸倡置渡田貢生王棻等皆捐助焉進士  
王權亦置渡田併置田為造船資後歉歲費不  
敷舉人王煥士貢生胡學瑗捐金增田巡撫朱  
定元亦捐助之歲用益贍渡側有隙地名龜背  
年員盧嘉植捐募墾田逐年收為修路資並稱

永利云乾隆三十年州人募建石橋有議鬻田為費者進士王楚士堅持之言願橋成而渡亦不廢橋果未成而圯終有賴於渡焉

巖門渡在巖門司城外三里許通台拱路

舊城北十五里龍王閣渡乾隆七年王佐白中傑等六人共募銀九十餘兩置田後又經董天祥募銀重治有碑記因田被水冲壞四十五年董敦禮等募化銀百兩置渡船打船修路架橋等田有碑記

馬港渡城西四里乾隆五十九年里人陳天倫等

黃平州志

卷之肆 梁

八

八人募建有田糧四斗八升三合

中橋河渡 舊城北三里

長生渡

董家莊渡 以上舊城

大井在上水關水泉甘美

榮家井在後街

王井見古蹟

建文井見古蹟

楊柳井城東十五里玉虹橋

皂角井城東二十里

龍洞泉北門外二里

龍塘一在重安金鳳山下 一在牛大場側

雲根泉在飛雲洞

金坑井 見名勝

以上新州

靈泉古井在北門十字街旁有碑

五顯廟井 熬蘇木極紅

官井北門後街長丈餘寬八尺

彌天獅井城內關廟前石崖下

古井北門後石宅內深三文餘

李志載有楊家井未知即此井否

黃平州志

卷二 肆 梁

凡

八人募建有田糧四斗八升三合

中橋河渡 舊城北三里

長生渡

董家莊渡 以上舊城

大井在上水關水泉甘美

蔡家井在後街

三井 見古蹟

建文井 見古蹟

楊柳井城東十五里玉虹橋

宅為井城東二十里

龍洞泉北門外二里

龍塘一在重安金鳳山下 一在牛大場側

雲根泉在飛雲洞

金坑井 見名勝

以上新州

靈泉古井在北門十字街旁有碑

五顯廟井 熬蘇木極紅

官井北門後街長丈餘寬八尺

嘯天御井城內關廟前石崖下

古井北門後石宅內深三丈餘 李志載有揚家井未知即此井否

黃平州志

卷二 津梁

九

倉坡井在中應坊坎下烹茶香

蠲泉井在南門張吳二宅前

西街古井在街側店戶前任汲不竭

紅坡井在羅衙巷坎下 李誌載沈家坡前大知即此井否

屋角古井深三丈冬溫夏涼在高山鋪坐宅內城凡

內家居多有井者此數井為較勝

東塘 一在汪宅前 一在郭家冲

南塘 沈家坡下

西塘 馬家巷右

北塘 朱官宅右



李家塘官井下

汪戴家塘

鐵道四 以上六塘皆在城內每遇旱年放之以灌沿城田畝如遇不虞可汲

飲可救焚可飲馬古制也

藕塘堰

西門外水許廟右灌寨壩一帶田

周旗壩大堰

北門大河之上

白旗壩新堰

馬苑堰 灌東門外田

冷水河堰 通金鑿寨至寨陰一帶田

千工堰 西門大河之上

西門外新堰 順橋下過黑神廟坡前至石官壩田

黃平州志

卷二 肆 梁

廿

楊馬頭大堰 灌寨壁田

寨棍冷水堰 灌平柳壩田

黃平州志卷三

秩官志官師 名宦 武備 世職附 土司

黃平於元為府官制無可稽考於明為所為州  
為興隆衛

國初州衛合併損益而更定之無冗無濫一命以  
上皆有以自効焉夫官無崇卑以功德及民為  
克盡其職職亦無分文武以黽勉匪懈為不繇  
厥官故錄前此名宦於官師後昭則倣也茲當  
聖主澄清吏治之日顧可不廉隅砥勵奮庸熙載乎  
茲首州牧從 令典也次及前明駐鎮同知及  
黃平州志 卷三 秩官

教授等職不忘古也武秩亦列前明衛所指揮  
千百戶至若土司世及雖異流官然撫有苗人  
率以佚役守土之責亦難辭焉例得備載

親民之官為牧令州邑之政咸統之簿尉之屬  
佐治者也校官則明教化以輔治者也是故與  
利除弊非官不行教訓正俗非官不成行慶施  
惠非官不宣分爭辨訟非官不決凶荒窮獨非  
官疾苦不達地以近而澤易究責綦重也其功  
德在人者別為名宦志茲僅載其姓名云

知州一員明萬曆廿九年設

李珏字任初雲南楚雄舉人

曹進可入名宦

黃平州志

卷三 官師

二二

李逢春字文臺四川潼川舉人

楊鳳翥字卷阿四川巴縣舉人

史應元入名宦

向之廉字三峽四川雲陽選貢

王國楨字幹之陝西貢生

古德恒附名宦

何天賜字純禧陝西畧陽歲貢

陳虞熙字唐臣四川重慶歲貢

王适字二若雲南河西舉人

江洪範字錫疇廣西宜山歲貢

朱統鈺字葵園江西新建貢生

黃安龍入名宦

歐陽祐字篤之廣東高要選貢以上見通志

陳大猷字我素四川瀘州選貢

熊錫揚字千里四川隆昌選貢

顏復孔字祖一四川遵義貢生

喻文昌字爾介四川榮昌選貢

馮時揚字訥生四川資陽選貢

何振虞字文鐸四川涪州貢生

桂天燦字闇然四川綦江貢生以上見朱李二志

黃平州志

卷三 官師

三

國朝

杜 廣入名宦

彭始騫鄧州貢生

梅朗中字雪侯湖廣廣濟選貢

萬 象麻城生員

張聖典廣寧官監

王 燦荊州進士

張宗彝歷城監生

李竑鄴渠縣進士

樊際盛遼陽監生

湯偉楷長洲監生

莊必榮鑲紅旗監生

馬龍沛縣教習

曹秉毅正白旗監生

徐德武金壇歲貢

李延基鑲藍旗廩生

江宣儒江都監生

朱錫紱蕭山監生

蕭君柱三原監生

魏鎰河南貢生

黃平州志

卷三官師

四四

羅鳴序八名宦

常廷璧河南舉人

金作楫附名宦

王琳正黃旗監生

趙昆直隸舉人

朱懷棻山東高唐貢生

萬栻江西舉人

姚培叙桐城舉人署

恒昌鑲白旗滿洲舉人署

侯克嶷河南進士

白 鉸陝西旗舉人署

高星煥附名宦

趙啟楠山東人

李永祺附名宦

王暎曾江南舉人

鄒紹文江西貢生

王一曾順天宛平

袁 治附名宦

張鳳枝附名宦

劉世棟湖廣舉人

黃平州志

卷三 官師

五五

松伊納署 滿洲

陶廷璫南園 浙江進士

周有聲南希 湖南進士

安嘉相南桂 湖北舉人

道光十三年黃平州續補

任用儀 嘉慶六年七月 山西平定州副榜

張錫毅 嘉慶八年正月 湖北漢陽府 漢陽州進士

普恩 嘉慶十年二月 鑲黃旗內務府安寧管領下漢軍舉人

榮昌 嘉慶十四年十月 正藍旗滿洲海慶佐

領下人由文生員議叙筆帖式

張步虛 嘉慶十六年正月 江西廣信府 沿山縣進士

德春 嘉慶十六年十二月 鑲黃旗滿洲棍博札

普佐領下人由官學生補授筆帖式

托雲 嘉慶十七年十月 鑲白旗滿洲邱保佐

黃平州志

卷三 官師

又五上

領下人由文生員考取中書

文如筠 嘉慶十九年五月 四川重慶府 涪州貢生

楊德峻 嘉慶二十一年七月 順天府 由才畧管供事議叙府經歷

陳維玲 嘉慶二十二年七月 山東兗州府 曲阜縣舉人

李璣 嘉慶二十三年八月 直隸河間府 寧津縣附貢生

周文英 道光九年十二月 雲南雲南府 昆明縣舉人

馮志琛 道光二年閏三月 四川寧遠府 西昌縣監生

魏廷珩 道光二年十一月 直隸趙州 栢鄉縣舉人

殷輅 道光五年八月 江蘇常州府 陽湖縣監生

易寶善 道光八年九月 湖北漢陽府 漢陽縣舉人

徐光生 道九十一年六月 浙江湖州府武康縣人  
許華銑 道九十三年四月 浙江杭州府海鹽縣人

黃平州志

卷三 官師

又五下  
七



黃平州一員萬曆三十年以旋裁

沈 玠南京監生

萬曆三十一年復設旋改巡檢

孫之鸞

姚必觀

董國璟

明州判一員萬曆三十年設天啟六年裁

胡承勳江西人

吳叢芳河南監生

胡起賓鄞縣監生

盧汝勵江西監生

章有忠浙江監生

明學正

蓋汝言畢節貢

張東明永寧貢

黃平州志

卷三 官師

八六

安 石屏貢

董其威石屏人

高梁楮思州舉人

蘇大同石屏貢

羅紹裘銅仁貢

尹鳴鑿興隆貢

李瑞鶴思州貢

柯宏材安莊貢

李瑞鶴四川長壽舉人

鄭 烜鎮遠貢

何致祥四川納溪

國朝學正

傅世烈江西臨川人

余夢鯉湖廣鍾祥貢

吳中宏貴陽貢

杜莘林普安舉人

張之佩

王 冕都勻舉人

柴大任新貴舉人 王萬年貴定舉人

周仁表印江舉人 樂鳴和都勻舉人

楊 璫遵義舉人 李維英廣順舉人

景宗朱貴陽舉人 彭 淇修文舉人

朱文炳青谿舉人 盧中理開州舉人

訓導

趙 名關 朱

胡 趙 節

劉芳栢 莫自蘊

田 容 張玉卿都勻歲貢

黃平州志

卷三 官師

九七

王 叔仁懷遠貢 陳文政貴陽優貢

鄒 銓思州拔貢 廖開榜思南歲貢

許克家貴陽舉人

明吏目

楊大棟雲南安寧吏目

樊思誼四川人 李

金 杓湖廣吏目 黃光顯順天吏目

鄒 汴四川廣安人 王 海遵義人

易之俊湖廣人 邢大吉湖廣人

國朝

賀君召湖廣長沙吏員

郭象賢

程彌枯

陳琦

毛斐章

岳安

鮑鎮范

金然浙江人

李世傑四川人

吳國相四川中江人

陳墉浙江紹興人

郭嗣鈐浙江仁和人

舊州巡檢乾隆初年設

喬名闕

稽名闕

王國佐浙江錢塘人

徐起關中人

黃平州志

卷三官師

十八

劉文炳

危管黔陽人

譚宗泗廣東人

朱慶雲

修時崇山東人

江懷鑑江西貴谿人

李廷賢浙江山陰人

丁鳳儀順天大興  
廉貢署

按重安江前明設有巡檢 國初改設驛丞

今已裁去其改設年月無考

醫學訓科一員

林春元

林廷桂

陰陽學一員

鄭洪業

朱世法

黃世平

僧正

佛能

洪深

慧裔

印祥

印常

黃平州志

卷三 官師

十一

興隆衛職官

駐鎮同知一員明萬歷庚子播平於平越衛地  
設平越府興隆衛屬焉撫按以滇黔要衝題請  
分本府同知駐鎮其地

國朝康熙二十六年移州時裁

李任公閩中舉人 李曰英博白選貢

韋賢卿 選貢 楊廷幹劍川舉人

張希賢廣東舉人 鄭廷英入名宦

方明棟富順舉人 許鴻綸東陽選貢

古德恒附名宦 王履祥石屏舉人

黃平州志

卷三 官師

十二

李天植桐梓貢生 董邦昌入名宦

龍納箴 以上通志

官撫極 張映奎宿松舉人

黃光中江陵人

國朝

金以盛 李益陽 大興貢生

史嘉猷邢臺貢生

明衛經歷一員

李文祥入名宦 李茂珠

胡允中

明衛教授一員

莫 魯廣西人

曹 紀叙南衛人

張 立雲南人

張文佐永寧人

劉 朝大竹人

郭文悟莆田人

沈 清貴陽人

簡敷政大足人

濮 瀛昆明人

張雲翰  
謝鵬

莫維學臨川人

吳金殿九溪衛人

周 高嵩明人

謝 尚鄖陽人

趙秉智安南人

黃嘉賓銅仁人

唐宗堯平溪人

楊廷珮沅江人

黃平州志

卷三 官師

十一  
十三

時 表楚雄人

趙必先趙州人

譚 鎬祁陽人

周汝麟新貴人

方時吉清平人

徐 鑣善定衛人

桂森枝都勻人

劉 襄貴陽人

國朝

黃上色鄴都人

明訓導

余 珍江津人

聞 善附名宦

彭 綱桂陽人

李 楫峨嵋人

左 高四川人

楊 訓雲南人

劉塘附名宦

周鳳岐安寧人

馬朝弼昆明人

黃德郡九溪人

吉希高鎮遠人

張良能貴陽人

包淵臨安人

余良翰永昌人

胡崇仁巴縣人

梁以棟貴陽人

吳科永昌人

王應明石阡人

劉世殿通海人

衛道寧平壩人

熊起渭

國朝

任中驥思州歲貢

黃平州志

卷三 官師

十二  
十四

按黃平舊城於前明萬歷前為安撫司屬播州宣慰司隸重慶亦有駐鎮官員無可考矣與隆衛設自明初幾三百年而經歷僅得三人其間豈無一二才猷可紀者並其姓氏亦湮沒無傳文獻不足徵可慨也已

武職

國朝衛守備順治十八年設

秦傑紹興人

修倫江南人  
武進士

單永烈鄞縣人  
武進士

殷道亨江南人

雍正十三年改設營守備

雪海

乾隆三年改設都司

羅雲標 雲南安寧人附生

沈瑞龍 四川巫昌人

胡 鏜 山西大同人進士

歐世亮 福建晉江人

鄔翼麟 湖南桑植人

趙宗顯 正紅旗漢軍

李文昇 鑲紅旗漢軍

劉

陳開國 雲南恩安人

王重品 四川成都人

馬佶龍 廣西臨桂人進士

劉文雄 奉天義州人武舉署

千總

宋啟龍 江西人

金 升 普定人行伍

黃平州志

卷三 官師

趙之英 威寧人行伍

馬之驥 貴陽人行伍

李 璠 鎮遠人行伍

呂 浩 四川成都人武舉

王成龍 本州人武舉署

李逢春 本州人行伍

張永吉 鎮遠人行伍

白連榜 鎮遠人行伍

李 台 清平人行伍

把總

朱 明 施秉人行伍

趙登元 陝西靈州人

尉 珏

李 偉 貴陽人行伍

王 珩 南麓人行伍

李 繪 施秉人行伍

宋 瑄 施秉人行伍

田正如 平越人行伍



賈鼎祿

雲南恩安人武舉

唐心舜鎮遠人行伍

龍勝榜青谿人行伍

外委

簡再先苑東人

朱漢臣苑東人

謝士望

張益偉本州人

馮應貴思南人

韓德智本州人

額外委

王應龍本州人

華祚坤

黃平州志

卷三 官師

名宦

周書立政篇備舉各職而終之以司寇蘇公夫  
官所蒞有廣狹澤之及民一也甘棠且思之况  
其人乎州之有官亦近耳前此苗焚雜處叛服  
不常土田磽瘠資生靡易今乃有寧字矣底定  
撫綏之所自既尸祝之而近日循良善政亦備  
著焉且并列於官師之志非後之也用以見職  
則猶是而人獨有不能忘者猶周書之意也

周

莊躋史記作躋後漢書作豪仍從史記楚莊王苗

黃平州志

卷五 名宦

十七

喬楚威王使將兵從沅水伐夜郎至且蘭椽船  
於岸而步戰既滅夜郎定滇池欲歸報會秦奪  
楚巴黔中道不通留王滇

漢

諸葛亮字孔明南陽人佐昭烈拜丞相後主即位  
封武鄉侯先是益州郡有大姓雍闓反建興元  
年夏牂柯太守朱褒據郡反應雍闓三年亮征  
南中時牂柯帥濟濟火者聞亮至通道積糧以  
迎亮命為先鋒蠻帥孟獲擁衆拒命亮七擒七  
縱猶遣獲獲止不去曰公天威也南人不復反

矣遂入滇池益州牂柯諸郡皆平

唐

南永嗣范陽人南霽雲子為婺川別駕賜緋魚袋  
歷施浩二州一云為清江郡太守多善政時巡  
夜郎牂柯溥沛恩惠後自請從軍討王承宗柳  
宗元代為狀

元

李德輝字仲實通州路縣人至元十七年西南蠻  
羅施鬼國復叛詔雲南湖廣四川合兵三萬討  
之兵且壓境德輝以左丞被命至播乃止三道

黃平州志

卷五 名宦

十八

兵勿進遣張季思諭鬼國趣降其長阿察勳德  
輝名曰是活合州李公邪其言可信即自至播  
州泣且告曰吾屬百萬人微公來死且不降今  
得所歸蔑有二矣德輝上聞乃改鬼國為順元  
路以其長為宣撫使其後有謂德輝受蠻馬十  
者帝曰是人朕所素知雖一羊不妄受寧有是  
邪不聽德輝受降還至黃平夜星實如斗嘆曰  
他日嘗夢主烏江今播水名烏江適遇是星實  
吾死徵也吾嘗羨馬伏波老當益壯奇曹武惠  
為將不殺今所活者多馬革裹尸歸何憾病七

日卒贈中書右丞諡忠宣

吳

傅友德字惟學宿州人洪武初封潁川侯充征南大將軍率師趨貴州攻普定擒安鎖築城通道屯兵聚糧恩威普著烏蒙烏撒東川諸蠻相率降附平狼洞苗設興隆衛邊地悉平封潁國公南黨平越衛人永樂初為征蠻總兵征苗至十萬谿力戰死尸猶立不仆王辭苗見而神之載尸歸葬為立廟

李睿濟寧人監生宣德八年任貴州僉事正統二

黃平州志

卷三名宦

三十九

年遷副使先是諸郡衛強半無學睿疏請編建諸學教乃大行

王弁仁字伯安餘姚人弘治進士正德元年戴銑等劾劉瑾被逮守仁時為武選司主事上疏爭之瑾大怒杖闕下謫貴州龍場驛丞至龍場學益進葺何陋軒君子亭自為記諸生從之遊始知性命之學瑾誅後歷巡撫南贛擒宸濠封新建伯諡文成

鄒文盛字時鳴公安人弘治癸丑進士正德十一年巡撫貴州時清平衛苗阿傍等據香爐山以

叛焚劫興隆偏橋等處道為梗上命文盛合湖  
廣兵剿之破其寨俘阿傍等遂進剿黑苗擒其  
魁阿茲捷聞降璽書獎諭歷官戶部尚書卒諡  
莊簡

江東之字長信歙縣人萬歷丁丑進士為御史正  
色立朝摘發內璫馮保姦狀侃侃有聲二十四  
年巡撫貴州捐貲於各府州縣衛平價市買備  
賑田右文田澤幽田恤隱局惠藥局田遞馬穀  
田欽恤軍田以賑助貧士資給軍民又於南明  
河中築鰲磯建甲秀樓以培風氣黔人稱賢撫

黃平州志

卷三名宦

者必以東之為首云

李化龍直隸長垣人萬歷二壬進士經緯雄才久  
歷邊鎮總督川湖貴州主征播事吳馭將機權  
取酋方畧出人意表雖羽檄交馳而尺牘文告  
皆珠璣錯落開誠布公得人死力賜劍未嘗輕  
用賊平功遷尚書少保播人祠祀之

郭子章字相奎號青螺秦和人隆慶辛未進士萬  
歷二十七年巡撫貴州歷十年習知民隱凡所  
設施永垂利澤尤善獎拔士類經其品題率成  
名宿著黔記六十卷經濟卓然先是播州酋楊

應龍作亂王師屢征不克天子拊髀廷臣交薦  
子章匹馬入黔增兵餉扼要害立賞格士氣百  
倍興師纔百餘日擒應龍誅之播州平始經理  
播州為平越等郡縣未幾復有皮林之役功與  
播等黔人戴恩建生祠七所更有建懷德祠以  
子章與諸葛忠武關神武鼎足者三十七年陳  
情終養疏九上始得請晉兵部尚書

周鴻圖字子固即墨人安邦彥叛以貴陽同知監  
紀軍事積軍功至平遠知府天啓六年監參將  
胡從儀及都司張雲鵬軍分道搜山所向摧破

黃平州志

卷三 名宦

二十一

陞參議分守清鎮道是時鴻圖駐平越轄下六  
衛僉事段伯所駐安莊轄上六衛千餘里間奸  
宄屏息兩人力也

劉冠南廬陵人舉人萬歷間知府修黃湄餘甕四  
州縣城興學字民為開創良守

楊可陶嘉定州人舉人萬歷二十九年任府同知  
性嚴重果於任事時改設府州縣治修築城堞  
闢水城建署造橋勞動最著陞知府

鄭廷英南川人以府同知署黃平州事值歲大旱  
廷英步行泣禱雨立應聽斷明決民呼為神君

肖像以祀

董邦昌昆明舉人崇禎間任平越同知多善政值黑苗叛薄興隆城邦昌多方捍禦賴以保全後陞思恩知府

曹進可江津舉人萬歷中任黃平知州當建設初經理規制綱舉目張廉明慈惠不愧父母

史應元順天舉人萬歷四十二年知黃平州東直不阿卒於官無以為殮民爭購之乃得歸櫬

按明史史可法傳云祖應元舉於鄉官黃平知州有惠政語其子從質曰我家必昌從質

黃平州志

卷三名宦

六  
二十二

妻尹氏有娠夢文天祥入其舍生可法

黃虞龍廣東舉人崇禎末年知清平縣時值苗亂內撫字而外禦侮備極苦心後擢黃平知州土賊藍二攻陷州城死之

李文祥字天瑞麻城人登成化丁未進士官職方主事成化末獨進讜言直聲振於時與鄒智丁璣齊名中貴欲招致門下文祥拒之賦雨鳩詩見志有春來風雨尋常事莫把天恩作己恩之

句中責銜之以事中文祥謫興隆衛經歷立均差法招寨長申場禁及陳征南苗兵畧巡撫鄧

廷瓚奇其才特薦可任憲職尋以朝賀詣京師  
使道歸省母大雪中行數百里至商河渡水陷  
死年僅三十天下惜之所著有檢齋遺稿行世  
周庸一從明太祖開國有功陞指揮後隨友德  
將軍南征至一盃水戰死馬革裹屍葬營基下  
周興字隆崗滁州人起徒步同父庸一從明太祖  
開國樹勲累陞沂州衛指揮三膺誥命洪武己  
巳隨傅穎公友德南征平狼洞蠻即今易名之  
龍洞也初設衛建城工竣請題賜名上即以其  
名字取名興隆規制俱擘畫盡善卒封明威將

黃平州志

卷三名宦

七  
二十三

軍世襲指揮僉事子孫遂世家焉迄於今崇墉  
屹立永靖蠻氛是大有造於斯土者也

胡質六安人洪武間指揮修城築池建公署開屯  
田撫士卒多著勞績

蕭琳永樂間指揮以廉舉掌印事重修衛城民不  
告勞正統間苗叛圍城率死士出城與賊戰死  
常智宣德間官都指揮桓毅勇果修學宮繕城堽

厥績最著

權安正統間指揮性儉素勤於政理御屬吏嚴而

不苛



狄雋字時乂天順時襲指揮成化十五年調征西  
堡攻克水塘山寨并白巖前後寨擒斬有功賚  
銀幣弘治十六年調征都清攻克拱背寨答干  
苦竹等處有功授指揮同知復賚銀幣在任題  
請遷建學宮與致仕方伯周瑛共任其事於北  
門外隙地墾田四坵歲收租七石為祭祀費并  
捐建櫺星門持己以廉馭衆以寬奮武揆文著  
有勞績

權繼武興隆衛指揮歷官都指揮正德間榜蠲苗  
叛繼武進征香爐山戰死

黃平州志

卷三名宦

八  
二十四

余洪烈衛指揮萬曆辛酉城西林徕苗叛劫路掠  
屯洪烈率兵剿濫泥溝破塘寨中鎗而死

胡其仁性純孝任黃平州指揮崇禎壬午苗叛圍  
城幾陷仁挺身奮力擊傷數人賊衆遂奔城獲  
保全士卒凋殘與同甘苦民間鬻男女者捐資  
代贖善政多類此

按明末流寇孫可望據興隆改衛為縣誘執  
指揮千百戶十餘人逼其從逆其仁與指揮  
陳一德千戶李仕林等罵賊死其他紳士或  
死或亡指不勝屈解中丞其尤著也

張朝如舉人洪武初設黃平所朝自貴州千戶改任黃平軍政修舉境內帖然

王榮三上虞人膂力過人洪武初從潁川侯傅友德克取普安曲靖攻大理屢建奇功至鶴慶與敵對壘奮勇陣亡祀忠烈祠事互見忠孝傳子佐論功授興隆衛中所世襲百戶後世以功晉千戶

周鑑庸二孫彬子庸二戰死子幼家貧未獲叙廢及鑑為歲貢乃陳前事得授彬千戶正統中彬卒鑑襲為人有謀勇在衛恩信素孚遇寇至出

黃平州志

卷五 名宦

九  
二十五

粟守城臨陣破賊武功表著子希勳見忠孝傳朱暹貴州前衛千戶少尚儒雅正統間李副使寄以將才薦不就王尚書驥征思仁至金沙江暹進利涉策驥用其言深器之班師授武德將軍署黃平所令肅政平兵民安堵

龔應龍綏陽人官鎮遠參將崇禎十五年叛苗圍興隆城幾陷應龍帥師援之城克全人尸祝焉

國朝

杜廣諸暨人順治十五年以歲貢來為知州當開創初撫字荒殘拮据六載心存仁慈不事刑威

食惟脫粟衣皆布素每有征徭集衆共議必悅  
從而後行藹如父子以勞瘁卒官州民為之罷  
市殮僅布衣一襲釀金買棺以其餘賻贈柩乃  
得歸為廉循首稱云

羅鳴序湖北漢陽舉人雍正末為麻哈牧署黃平  
州事值逆苗煽亂跡已著鳴序屢言上官請增  
戰守具皆不報及猖獗甚警報日至鳴序身率  
士民誓死守雍正十三年四月二十七日苗衆  
至鳴序知孤城難保豫解所佩兩州印使家人  
潛賫赴省有庫金千餘擇僻地瘞焉城陷死之

黃平州志

卷三名宦

十一  
二十六

幕友陳憲及同守諸生初震等二十二人義民  
數百人感鳴序之忠皆從死無逃者事

聞贈鳴序參議廕一子入監憲 贈國子學錄并

賜葬祭祀忠義祠

黃進忠平伐營外委把總雍正末苗叛進忠途次  
州城目擊危迫狀官民咸留助守毅然任之城  
陷奮勇步戰手及十數苗而死事

聞給卹銀七十兩 賜葬祭祀忠義祠 以上皆通

志所載內如權繼武余洪烈王榮三胡其仁黃  
虞龍羅鳴序黃進忠皆以忠烈祀今惟羅有專

祠黃附之餘并祀名宦祠中

名宦補遺

明

解琛其先巢縣人千戶忠之孫正統中任指揮築  
城建學功績頗著

曹廣成化間任指揮同知剛正不阿立義學延師  
以教族人上官稱其持身正大宅心平坦不苛  
不貪有謀有為云

聞善安陸人成化中任本衛訓導持己端莊勤于

訓迪

按曹志及月潭寺王訓碑皆作  
聞善而朱志作聞喜今從碑刻

黃平州志

卷三名宦

十一  
二十七

張瑀其先徐州人正統中以功晉指揮僉事有感

惠稱

劉塘涪州人嘉靖初任本衛訓導剛介不撓造士

有方

塘曹志  
作塘

李朝陽字鳳臺黃平所千戶神宗二十七上塘  
苗石有聰等引江外叛苗圍城朝陽以兵少捐  
貲募白泥壯勇數百人破之城遂全及楊酋伏  
誅以平播功晉指揮使守備迤西通志稱其威  
惠兼施蠻人悅服卒祀大定名宦祠子喬襲有  
專達植通皆以歲貢官校官孫先春襲世職占

春歲貢官通判改武選主事達占春並見學行

傅宗祥

開州歲貢

官衛教授勤訓課

尤精易理遷梓潼令通志載文學

宋興祖字芳麓四川合江人官貴州巡按事見後

尤錫類傳

尤錫類字孝徵南直蘇州人官參政神宗二十九

年播賊既滅議建城池巡撫郭子章與巡按宋

興祖俱駐節黃平往來郡邑間相度經理劉副

使寇南時兼平越守與錫類偕參籌畫州治及

諸縣城廨皆所創建

胡起賓鄞縣人天啟初以州判署州事王倫石勝

黃平州志

卷三名宦

十二  
十八

奉之亂與指揮李喬率紳士軍民誓死守立五

營練鄉勇克保危城至今州人稱其方畧遷通

判去

李喬朝陽子天啟中襲指揮使與署牧胡起賓守

城練兵事詳起賓傳中後調任參將遷副將

江沃範崇禎十五年為知州叛苗圍城以守禦嚴

得無患

宋民倚甕安人素有威望崇禎十五年苗叛民倚

以參將帶兵協剿苗圍黃平率兵剿平之

朱統鈔新建人明季為知州遷監軍道合家死難

國朝

金作楫浙江秀水進士乾隆二年由鎮遠縣遷知州廉明仁恕時值兵燹之後人民凋瘵矢所招徠撫綏勞心殫力承辦新舊兩州城工及衙署倉廩罔不畢舉民不告勞復新建學宮嘉惠士子講居敬窮理躬行實踐之學以養以教士庶咸荷更生之德內陞部郎循良之吏於作楫首屈一指焉

許錫昌江蘇上元監生乾隆十年以台拱同知署任愛養百姓敬重斯文有呈控者必反覆曉諭

黃平州志

卷三名宦

十三  
二十九

擲還其詞不得已方為準理不十日案即結於五里橋及南北關外建茶亭為憇息之所民謳思之為暨許公東亭南亭北亭碑今南亭尚存姚培叙江南桐城舉人乾隆十七年以同知署任性明敏勤政事能文章公餘輒延文士課藝時李通政盧進士皆諸生決其必售人以為知人高星煥山西萬泉人雍正乙卯拔貢乾隆二十二年來知州事性抗直愛惜民力自勘合外不濫用一夫匹馬聽訟悉准情酌理民心悅服時有開通河道之議星煥謂甕安以上潭石險隘徒

勞人力監司以為規避深銜之撫地事劾去後  
船卒不行星煥歸囊無餘積餞送者多泣下

李永祺字松期山西陽曲人由乾隆甲子舉人知  
玉屏縣壬午遷知州明幹有為勤於民事案無  
留牘而持躬廉慎籍合州應役民數置座右視  
用夫多寡按里簽差雇覓週而復始無漏無越  
歲率二三次而止民甚德之暇則與諸生論文  
藝閭閻如也三年遷四川順慶府官至布政使  
袁治字以菴號蓼塘浙江蕭山人乾隆丙子舉順

天鄉試初知正安州甲午調知本州廉正明決

黃平州志

卷三 名宦

十四  
三十四

甫下車諸健訟者皆走匿僕從僅四五人差務  
絡繹未嘗違悞自理詞訟不數言立判案牘咸  
自操不做幕友受成而已儉而不苛食用悉照  
市平買凡有修造皆先發價給匠自衙署及先  
農壇倉廩馬號諸興作悉出廉俸未嘗派累於  
民捐一千三百餘金建龍淵書院置經史延名  
師教授生童厚其廩給稱濟濟焉復修石頭堡  
及重安江義塾區畫周詳勸民開墾種植不責  
以陞科不加以採取田房稅契聽其自投未嘗  
差擾士民樂之倡修城東平龍丁未二橋人皆

踴躍不數月而告成歷任前後廿年民間利病無不周知而去其太甚人不能欺亦不敢欺也捐田於星山書院舊州人祀之以配王文成公新州人亦祀於平龍橋側以配郭青螺公年七十四移疾歸京師遂家於大興

張鳳枝字棫齋江蘇金匱人總憲文恪公泰開孫也乾隆癸卯以仁懷同知署州事愛重士子修葺聖廟落成星山書院捐俸置田舊州人祀之兼祀文恪以乾隆初文恪常主講貴山書院州人士多出門下也慈惠平易人咸安之

黃平州志

卷三 名宦

十五  
三十一

松伊納滿洲人嘉慶元年九月以試用同知署任州事勤幹爽直懲盜賊培學校紳民具公呈保留不獲不數月即去後為興義太守以勞瘁卒任中驥康熙中訓導扶植士類詳見徭役優免碑陳文政字方策號冠山貴筑優貢生乾隆三十年任訓導性灑落工詩詞口吃而善詼諧不屑屑為生計薄俸所入悉以付酒家時取飲之饘粥不繼宴如也喜獎拔人材聚諸生課文藝而甲乙之弟子咸樂親多多所成就倡修魁閣以培學宮形勢名曰雲起樓以調辦驛站節者夫馬



失上官意罷去門下士為經營始得歸里所著有冠山詩集行于世其桃花源醒迷亭傳奇尤膾炙人口初安州陳方伯惠榮命與其子奎同學後奎來官學使厚待之終潦倒不能自拔人皆惜焉

彭溟開州人乾隆壬午舉人四十六年官學正家素貧落拓嗜酒和易近人接諸生以禮不計錙銖生童貧乏未常受贄與諸生通慶弔若家人歡有急需恒以衣物典質所掌賓興銀兩未常移用以疾卒不能備棺殮州牧袁治捐五十金

黃平州志

卷三名宦

十六  
三十二

始克藏事州紳暨生童各贖金為路費且經紀其家或問彭某有何好處應之者曰子謂有何不好處或曰未見其不好也曰不見其不好此其所以為好也至今人士猶追憶之

王國佐浙江人乾隆十五年任巡檢廉幹而勤多惠政不名一錢軍民愛戴尤喜文士佳者輒為延譽以故多所造就後陞涇潭尹士人多往依之

江懷鑑字照亭江西貴溪監生乾隆四十五年任巡檢性廉而和工詩唐太守樂宇贈以句云漫

勞屈宋作衙官深器重之與諸文士相往還修  
星山書院及平龍福衆平播等橋出力為多士  
民咸感戴之遷水城照磨卒樞過黃平州人猶  
醵金助費焉

陳墉字既勤浙江山陰監生乾隆四十四年任州  
吏目性孝友父遊幕西域不憚萬里省視後迎  
養來署先意承志延師教其弟人以是多之才  
敏而勤州中興作如平龍丁未等橋及先農壇  
養濟院咸佐州牧經理不辭勞瘁委審事件悉  
準以情雀角者每就質稱為平允以憂歸起補

黃平州志

卷三 名宦

十七  
三十三

陝西吏目

按前明及

本朝名宦自解琛以下通志不載而舊志已錄及  
木主現存者雖事蹟不傳前人必有所取不  
敢削也近數十年來海宇昇平守土之官無  
赫赫可見之迹然或惠愛不苛或廉明共信  
以口碑之不泯知遺愛之在人亦附於後以  
見直道之存其字號籍貫出身有未詳者缺

焉

武備

國家文以經邦武以戡亂規制並重無偏廢也  
第代有變更制亦屢易雖因夫時實因其地也  
州當衝要之區東南逼處苗疆前明立衛寓兵  
於農制為近古然苗性犬羊時多叛服毋亦整  
飭之道有未盡歟自乾隆初更立營制設衛安  
屯星羅碁布誠有備無患哉

明洪武二十二年設興隆衛軍政掌印指揮一員  
管屯管操捕盜指揮各一員鎮撫司鎮撫一員  
五所掌印千戶各一員管操千戶一員所鎮撫

黃平州志

卷三 武備

三十四

一員管軍屯印百戶各十員興隆重安東坡管  
站百戶各一員額頒符驗二道銅牌十面屯軍  
七千一百三十七名操馬一百一十五匹

冷水哨兵十五名燈草坪兵十五名石頭哨軍三  
十名招兵三十名榔木哨兵二十五名楊柳哨  
總旗一名小旗一名軍兵二十四名小哨兵十  
名長冲哨藹堂哨黃泥哨穿孔哨對江哨撫靖  
營東坡營以上兵數無考

興隆舊防二營東營設於五里偏寨堡南營設於  
關外三里較場壩兵數無常額以地方緩急為

增減

獲城元時為黃平府轄上下三曲二長官司後改屬播州宣慰司明初改為安撫司仍隸播撥貴州前衛一所於城內為守禦所屬十所官設七里哨深溝哨濫泥關哨天啟間安酋之亂添設永靖哨七里哨小旗一名軍兵二十五名深溝哨小旗一名募苗兵二十五名濫泥關哨募苗兵二十五名永靖哨打鐵關哨各哨兵二名在濫泥關哨兵內撥防必勝營在西門外小旗一名充把總募兵三十名板橋營即設寨內小旗

黃平州志

卷三 武備

三十五

一名充把總募兵三十名燕子營木姜苦竹寨界立苗頭為把總募苗兵五名歸化營月黑破塘界立苗頭為把總募苗兵五名一碗水將軍營小旗一名充把總募兵二十名護送往來官司并遞公文

國朝康熙初年改設衛守備一員衛千總一員二十六年裁衛歸州移州於衛之後改為黃施營守備一員把總一員額兵二百名屬施秉遊擊管轄雍正十三年改為黃平營守備一員千總一員左司右司把總各一員兵丁二百名乾隆

二年添設三司把總一員兵三百名共兵五百  
名三年改設都司一員七年裁把總一員兵丁  
一百名二十八年添設額外委二員四十七  
年裁兵四十五名現在黃平營屬鎮遠鎮管轄  
都司一員千總一員把總二員外委三員額外  
外委二員係馬兵兵丁三百五十五名內馬戰  
兵三十二名步戰兵一百四十六名守兵一百  
七十七名各官俸例馬共一十一匹各兵騎操  
馬三十二匹存城兵一百四十名內撥在城塘  
兵五名十里塘兵五名東坡塘兵七名楊柳卡  
額外外委把總一員兵七名實存城兵一百一  
十六名

黃平州志

卷三 武備

三十六

分防黃平舊州汛左司把總一員帶領兵七十一  
名內安設汛屬大翁鋪塘長冲鋪塘兵各三名  
波洞塘上塘龍洞翁埋一碗水塘兵各二名中  
橋河水塘兵四名龍王閣水塘中廠水塘老洞  
水塘兵各三名實存汛兵四十二名

分防重安江汛左司外委把總一員帶領兵四十  
四名內安設汛屬對江塘兵七名黃猴塘兵五  
名周河塘兵七名馬田塘小江口塘兵各三名

軍存汛兵一十九名

防巖門司汛右司把總一員帶領兵七十一名  
內安設汛屬通巖塘黃漂塘兵各二名山凱塘  
南均塘鍊刀灣水塘兵各三名實存汛兵五十  
八名

分防翁蕩汛左司外委千總一員帶領兵二十九  
名內安設汛屬巖寨塘重譯坡塘兵各三名兩  
江口水塘兵五名實存汛兵一十八名

黃平衛千總一員乾隆四年總督張廣泗題請以  
叛苗田土安設屯堡屬駐札巖門千總管轄統

黃平州志

卷三 武備

四  
三七

屬於鎮遠台拱分府黃平境內六堡

憑露堡屯軍一百戶舊安設於東西兩門今改設  
於破塘桐木冲各五十戶今東西兩門尚有屯  
地

蓮路堡屯軍七十戶安設黃飄寨

黃巖堡屯軍九十戶安設翁兩寨

巖堡屯軍七十戶安設羅油屯

反堡屯軍五十戶安設紅巖寨

三堡百戶一名屯軍一百戶安設革夷寨以上

屯軍百戶一名共屯軍四百八十戶

按黃平東南距城十餘里即屬苗疆南通台拱西連丹江凱里東達清江為苗人叢集出沒之區雍正乙卯逆苗煽亂凱里黃平先受其害其慘不可勝言剿平後悉將叛苗之田土安各屯堡設黃平衛千總於巖門司城內以管束之而統轄於鎮遠台拱分府屯軍子弟亦赴台拱考試多有入學者向來苗屬黃平轄於平越屯軍屬衛轄於台拱彼此因山土構爭連年不解檔冊雖存而界址相連難免淆混此互控之所由來也今則統於一屬

稽察不難其奸易破矣惟是苗田之上者盡屬屯軍所餘之田皆山頭地角水易濕而旱易乾是以苗土尚有地花銀兩苗田永不加賦此又苗田無糧之所由來也顧苗性犷悍孽生日衆雖沐浴於

聖朝文德咸安其業樂其居然衣衾之戒何可一日忘之其撫輯消弭之道當必有熟籌之者

摘錄大事紀附紀兵

周楚頃襄王命莊躄將兵從沅水滅夜郎

漢元鼎六年且蘭君反詔入校尉擊之中郎將郭

昌衛廣破且蘭定西南彝以為牂柯郡

唐貞觀十三年置播州

咸通十二年南詔陷播州

宋宣和元年以田祐恭加貴州防禦使貴州之名

始此 置播州宣撫司

紹定三年冬十一月甲寅築黃平賜名鎮遠州

元至元十五年冬播州安撫使楊邦憲請歸宋舊

黃平州志

卷五 武備

五  
三十九

借鎮遠黃平二城仍撤戍卒不允 十七年

春三月思播侵鎮遠黃平界命李德輝往視

之 二十六年十一月改播州為播南路

三十年冬督思播二州及鎮遠黃平發宋舊

軍從征安南

至治三年春二月罷播州黃平府長官所徙其

民隸黃平

明洪武八年改黃平府重安長官司俱為安撫司

置黃平所 十四年傅友德為征南將軍由

辰沅趨貴州 十五年改黃平所隸貴州



二十二年夏五月狼洞黃平蠻叛友德討之置興隆衛

正統三年省鎮遠州并於府十四年草塘寇圍興隆衛城力戰却之陷黃平所總督侯璉總兵方瑛討平之

天順年間江外黑苗叛擁衆萬餘圍黃平城一月餘忽一日苗衆共見空中皆黃蓋旌旗人馬萬隊城上人皆長二三丈不等苗衆遂夜遁去

弘治二年謫職方主事李文祥為興隆衛經歷

黃平州志

卷五 武備

六  
四十一

萬歷二十七年播州楊應龍叛二月內江外

黑苗叛上塘苗頭石有聰等夥衆圍城黃平

所印官李朝陽捐貲千金密遣家丁暗往白

泥司僱殺手數百人將黑苗殺退城遂無恙

夫幾楊酋長子朝棟領賊圍城索要土司家

口時守城都司舒文俊守備周天爵為黃平

生靈計萬不得已乃發五司家口出城朝棟

即撤兵去於黃真秋毫無犯也後巡按應公

朝輝勅文後天爵擅發五司家口於二官世

歲上各降級志八月設興隆參將十一月

士反播賊寇東坡 二十八年六月丁丑滅  
播州楊應龍死 二十九年三月己亥詔分  
播地以播州為遵義府隸四川革五司以其  
地為平越軍民府隸貴州設黃平州隸平越  
府 三十一年設黃平州學湄潭甕安餘慶  
三縣附之 三十二年夏開黃平河 三十  
三年秋九月裁興隆參將 四十七年興隆  
衛諸苗出劫官道巡撫李穰發兵剿之

天啟二年正月內土賊王倫石勝俸反以安邦  
彥於上年有圍會城之變也湄潭甕安以次

黃平州志

卷五 武備

七  
四十一

破黃平州州判署州事胡起賓巡捕指揮使  
李喬集同紳士軍民誓死守城相議立五大  
營團練鄉勇晝夜巡守賊不能窺遂保無虞  
至今黃人尚誦二公方畧云

李

五年六月內

路苗阿秧添保等擁眾謀反橫肆劫掠大道  
梗塞屯寨反燼總鎮魯公欽守道周公鴻圖  
專任征剿調發兵馬約以三萬密遣鄉導等  
官由黃平進一鼓而平阿秧先已授首添保  
苗眾就擒醜類悉誅巢穴立爭

李

崇禎十五年黑苗叛攻興隆衛城三次同知董

邦昌指揮胡同寅力戰却之并攻圍黃平時  
州守江弘範率衆守城苗不能入附近屯寨  
擄殺最慘後請守興參將宋民倚統兵殺退  
斬馘甚多所得賊中財物即行犒軍鄉紳等  
仍各捐貲備花幣牛酒以犒之參將龔應龍  
亦引兵救援城賴以全 李志

國朝順治四年四月土賊藍二大肆猖獗先破甕安  
餘慶兩邑人多從之至圍黃平數日即破州  
牧黃虞龍死之以裏應外合者衆也屠黃之  
慘千古未有圍興隆衛城參將武邦賢鄉紳

# 黃平州志

## 卷三 武備

八  
四十二

解立敬狄宗尹周洪德等募勇士力戰俘斬  
無算保守城池賊復圍平越總兵張才擊走  
之旋就擒戮于市 朱志

順治六年沅州失守張先璧兵潰入黔時皮熊部  
將楊光謙方駐黃平暗遣人盜其馬匹先璧  
怒引兵圍城三月城中食盡光謙力不支州  
守陳大猷募死士縋城走間道至遵義乞援  
時錢公邦芑正駐遵義檄王祥率兵救之前  
鋒至袁家渡先壁議和解圍去是時適值明  
末興隆當衝流寇孫可望據衛署立偽秦王

府誘指揮千百戶殺之居民遠徙朱志

國朝順治十五年大兵入貴州黃平興隆始入版圖

十六年設各站驛馬 清江苗叛殺施秉令超

玉奇鎮遠黃平居民悉遭蹂躪 十七年五

月通黃平水運貴州水路止抵鎮遠前明萬

歷時巡撫郭子章開以濟運未幾復阻時以

運米艱難自諸葛洞開鑿直抵黃平共修通

河道二百三十里鑿過險難五十二處巡撫

卞三元倡議委新鎮道徐宏業副將王可就

督修

黃平州志

卷三 武備

九  
四十三

康熙元年六月巡撫羅繪錦請貴州驛站以夫

代馬 十一年裁黃平所歸州 十二年吳

三桂反 十七年三桂死於衡州 十九年

十一月大師復貴州 二十六年四月總督

范承勳請以各衛所歸併州縣裁興隆衛入

黃平州移州治於衛治 四十年黃平革夷

苗奴計羅尤等拒捕傷凱里都司胡安國殺

土司何瓚遠巡撫王燕遣兵剿之伏誅以上

俱通志

雍正一三年賊苗包利紅銀等為亂四月陷重

安驛黃平新舊兩城知州羅鳴序等死之五月將軍哈元生遺子參將尚德以次克復

苗叛紀事

朱定元

雍正十二年甲寅冬古州八妹高表等寨賊苗包利火利等捏造妖言傳送木刻不惟悍惡兇徒翕然聽信即蠻婦夷女亦羣起若狂遂於次年二月聚衆先犯古州之王嶺汛總兵韓勳遣官禦之逆苗暫遁又圍台拱之番招汛總兵卜萬年遣官擊退遂蟻聚鷄擺尾梗塞清江台拱大路往來號召逆謀益急是時逆苗風聲傳播

黃平州志

卷三 武備

十四

內地衆心惶惑屢據州縣官稟報撫軍元辰成均指為謠言反行申飭及卜鎮令遊擊姚宅中等帶兵援清江道阻不能前進營於蓮花壘苗遂圍壘且分餘黨四出燒劫乃於四月初九日破鎮屬之邛水司殺戮甚慘初十日圍清江二十一日陷凱里典史邵煥麟死之把總曹萬國舉家遇害居民千餘家俱遭屠戮逃避者僅十之一二二十三日破我州屬之重安江劫驛馬焚倉糧二十五日燒石頭堡皎沙各村二十六日燒燈草哨土地堂一帶地方二十七日破我

黃平州城知州羅鳴序死之先是苗未至時城內僅兵三十名且城郭傾圮人心惶懼多先期攜眷遠適適平伐營外委把總黃進忠帶兵五十名赴偏橋過州鳴序留與本城千總金升暨生員初震等共為守城逆苗大至鳴序知不可支率眾赴玉閣高阜之處擇地瘞庫銀令家人齎印間道赴省繳藩庫與幕友陳憲同時遇害進忠手刃數苗而歿升潰圍走震兄弟父子闔家男婦二十餘口并升妻孥俱被慘殺噫鳴序進忠之死是矣乃初震身無職守獨於闔城適

黃平州志

卷五 武備

十一  
四十五

避之餘効死捍禦全家受戮忠義足嘉是日生員初威韓試王峻黃憲章黃繡章等廿二人亦同被難二十八日燒劫州屬巖門新舊二司駐防把總梁璧戰死巖門土司何其仁重安土司張純全朗城土司馮秉文相攜赴水死其仁純全舉家遇害閏四月初四日又攻黃平舊州吏目程錫祐逃走把總楊心鳳金榮拒敵被傷守備陳國斌領兵走上塘避之城遂陷初七日破清平十八日破餘慶夫苗之橫衝直撞如入無人之地意總緣苗從新疆竊發即將內地駐防

兵丁盡行調赴逆苗等偵知內地無兵猖獗肆  
逆熟苗同時附和風聲鶴唳皆足驚人所以戮  
州屠縣壅塞官道無兵阻截也提督哈元生聞  
警馳赴楊老駐紮兵僅二百名逆苗未知虛實  
不敢輕犯而平越都勻并貴陽省會賴以保全  
乃檄雲南制軍尹繼善差援之騎兵營參將哈  
尚德領兵從楊義司取路進攻敗賊於舊城之  
打鐵關即於二十九日抵黃平舊城五月初一  
日帶兵過州城內至重安驛之後坡駐營尚德  
過城後苗出截殺運糧夫二百餘人於北門之

黃平州志

卷五 風俗

十二  
四十六

蕭家坡是時苗衆聚集重安以塞要衝見尚德  
兵駐後坡即於初二日率衆赴大石板斜登山  
梁欲壓尚德營也尚德率騎率兵至大石板截  
殺手刃允苗一人衆苗見其少年英勇俱為暫  
退集聚堡壘向尚德駐紮營盤拋刀嘲笑尚德  
架穩大炮連發三炮打死賊苗數十餘人竟打  
碎賊身飛鬻落於臺灣之常家墳約三里遠苗  
驚以為神漸有歸巢之念是克復新舊兩城與  
重安驛者均參將尚德一人之力也是時大定  
高將紀龍亦奉提督檄領兵從官道來收復清

平賊賊於大風洞遣守備陳思儀來救我重安  
避苗於江邊巖洞之難民四百餘口隨營對江  
哨與尚德夾江聲援嗣於二十六日收復凱里  
後總督張廣泗到黔三路避兵掃蕩奏凱此乃  
黃平新舊二城被賊苗攻陷克復之始末也



世職附

周興江南滁州人洪武間從傅穎公南征有功創  
建興隆衛授指揮僉事入名宦祠事詳通志興  
卒子義襲義陣亡弟文襲永樂間調征交趾陣  
亡晉指揮同知弟禧襲亦交趾陣亡弟敬襲宣  
德九年調征松潘正統元年征八番俱有功卒  
子紀襲論平交趾功襲指揮同知紀卒子璿襲  
弘治九年調雲南左衛征河寨有功仍回本衛  
卒子鐘襲鐘卒子朝傅襲朝傅卒子譽襲僉事  
譽卒子雲龍襲雲龍卒子之印襲之印卒弟之

黃平州志

卷五 信軍

四十八

儒襲康熙時裁

曹義江南滁州來安縣人祖勝洪武初授百戶子  
通通子義於洪武二十二年征南有功留守興  
隆衛前所副千戶世襲二十七年調征西堡二  
十九年征清水江三十三年征三保錫林俱有  
功卒子琮襲正統六年調征雲南麓川攻克土  
江刁招等處晉正千戶景泰元年調征湖廣洪  
江并香爐山等處克翁勇平皎沙二年克重拜  
論功陞本衛指揮僉事是年冬調征草塘五年  
調征各種以功陞授同知卒子廣襲在任有功

平素祀鄉賢子武襲弘治六年調征都清地方  
有功陞本衛指揮使十四年調征普安降職一  
級仍留指揮同知卒子賓襲僉書管屯賓卒孫  
松襲授僉事松卒子臣良襲臣良卒子登任襲  
康熙時裁

張宏江南山陽縣人父士傑以戰功官鷹揚衛千  
戶洪武元年從征克潼關守鞏昌衛三年攻秦  
州陣亡宏授龍驤衛中所千戶二十一年從征  
雲南調興隆中所千戶晉指揮同知二十九  
征清水江三十三年調取北征在單家橋陣

黃平州志

卷三 指揮

二  
四十九

子鎮襲指揮同知永樂六年調征水西陣亡弟  
鍾襲二十二年調征都勻宣德十年調征廣西  
卒子源襲景泰元年調征土苗平重安堡平崖  
皎沙等處源卒子輅襲輅卒子祚襲祚卒子斌  
襲守備都勻陞貴州都指揮僉事斌卒子時舉  
襲守備四川叙瀘地方陞四川都指揮僉事時  
舉卒子維襲維卒子淑良襲淑良卒子五典襲  
康熙時裁

常智江南壽州人曾祖佛寶洪武初從軍祖臚梓  
授小旗父得屢立戰功授金吾左衛指揮同知

智以宣德四年調興隆衛陞貴州都司建學修城厥績最著祀名宦卒子瑛襲指揮同知瑛卒子勝襲勝卒子通襲通卒子守貴襲署貴州都司傳子靖國孫體銘曾孫衛殿裁

權安直隸河間府任邱縣人祖祿官金吾左衛小旗父信從征有功歷授晉金吾左衛都指揮僉事病故賜祭安於宣德六年授貴州都司世襲興隆衛指揮使八年調征廣西九年攻小安定有功景泰二年調征香爐山有功安卒子勝襲勝卒子政襲推選管事政卒子繼武襲推選管

黃平州志

卷三 指揮

三  
五十

事正德六年調征思石龍泉坪等處有功七年調征鎮筵攻克土橋大龍山等處斬獲有功陞貴州都司實授都指揮同知十二年守備都清等衛九月調征香爐山陣亡賜祭入忠烈祠妻周氏二十五歲守節受旌入節孝祠子大用襲大用卒子萬鍾未襲旋卒無後繼武侄大才襲大才卒子柄襲柄卒子任重襲康熙時裁

解忠江南巢縣人洪武二十二年以副千戶調征

香爐山有功留守興隆衛前所副千戶忠卒子鏞襲宣德二年調征交趾病故子琛襲正統間

捐貲築城興學地方感戴舉祀名宦琮卒子清  
襲正統七年調征廣西泗城景泰元年調征香  
爐山皆有功陞正千戶調征革塘有功陞指揮  
僉事天順二年調征東苗陞指揮同知清卒子  
綱襲綱卒子明襲弘治四年調征普安攻克竹  
箐等處陞指揮使明卒子寬襲寬卒子俊襲授  
指揮僉事俊卒子延齡襲延齡卒子立勲未襲  
職而故孫起元襲萬歷四十二年征本省种苗  
有功陞指揮使起元卒子聖典襲康熙時裁

狄勝江南山陽人洪武初以功授全椒衛千戶調

黃平州志

卷三 指揮

四  
五十一

興隆衛後所勝卒子昭襲昭卒子珣襲正統六  
年調征麓川攻克上江刁招等處有功賚以銀  
幣景泰元年征香爐山并克甕谷隴等處有功  
陞本衛指揮僉事珣卒子儁襲以功陞都指揮  
同知入鄉賢事載列傳儁卒子昂襲指揮同知  
弘治十五年調征普安有功因傷身故子遠襲  
嘉靖八年授貴州都司入鄉賢有傳遠卒子應  
龍襲應龍卒子光襲光卒子宗傑襲宗傑卒子  
理襲理卒子世忠襲康熙時裁

李毅山東曹州人洪武十四年從傅穎公南征有

功留守興隆衛後所千戶陞指揮僉事毅卒子  
榮襲榮卒子彥襲彥卒子政襲以功授都指揮  
宣德九年丹行土舍煽誘寨長焚劫龍番地素  
燁政總督王驥遣政撫諭平之弘治十六年普  
安土司米魯叛政統官軍擒斬之事詳明史暨  
通志政卒子芳襲調征烏撒因留守弟蕃承襲  
蕃卒子大興襲康熙時裁

白興陝西寧夏衛人父成洪武三年從軍守蔚州  
衛興於三十三年從征屢立戰功授濟衛世襲  
指揮僉事宣德五年調興隆衛興卒子真襲後

黃平州志

卷三 指揮

五十二

九年調征廣西陣亡子海襲海卒子爵襲爵卒  
子恭襲恭卒子繼先無嗣次子繼良亦早亡繼  
良子思慎以貢生官順慶教授未襲子雲鵬襲  
神宗時調征定番以功加都指揮僉事卒子萬  
俊襲僉事萬俊卒子世臣襲康熙時裁

張貴江南徐州人以軍功授常德衛百戶洪武中  
從潁川侯南征攻克普定烏撒曲靖等處十五  
年征黑松林陣亡子勝襲征大小乖西平狼洞  
築興隆城又征都勻九姓陞副千戶卒子傑襲  
永樂中征斡子坪宣德中征廣西及都勻正統

中征麓川攻克木籠等處賚銀幣卒子瑤襲景  
泰初征香爐山翁湧等處陞正千戶天順中征  
東苗克革攘等寨陞指揮僉事卒祀名宦子禧  
襲值上塘王記歌之叛守城剿捕有功陞同知  
卒子讚襲僉事讚卒子仁襲仁卒子紹爵襲紹  
爵卒子耀南襲耀南卒子良宿襲良宿卒汝蘊  
襲康熙時裁

陳思河南息縣人洪武初以功授天長衛百戶晉  
千戶卒子興襲百戶調興隆留守興老子瑜代  
以功陞中所正千戶瑜老子庸代庸老子俊代

黃平州志

卷三 指揮

六  
五十三

俊老子勲代推管印務勲老子恩代恩老子大  
訓代大訓老子策代策老子王道代王道老子  
其功代天啟初以征水西功晉指揮僉事其功  
老子一德代崇禎中以功晉冠帶指揮使管衛  
事明末死節有傳載忠孝後不復襲

李德隴西王文忠孫也文忠子景隆景隆子長增  
枝次德靖難後貶黃平守禦所千戶德卒子貴  
襲貴卒子英襲英卒子龍襲龍卒子芳襲芳卒  
子珍襲珍卒子香襲香卒子發襲發卒子朝陽  
襲以平播功陞指揮使朝陽卒子喬襲朝陽喬

俱有傳載名宦後不復襲

胡質六安人洪武中以功授指揮僉事後從軍征南留守本衛祀名宦有傳世系無考

蕭琳祖籍無考洪武中其先人為本衛指揮傳襲至琳值正統時以戰死祀忠烈祠有傳後世系無考

俞海臨淮人父川洪武中以功授指揮僉事卒海襲旋調本衛後世系無考

高貴巢縣人太祖吳元年授千戶洪武中陞指揮僉事調本衛後世系無考傳至萬鵬字過雲以

黃平州志

卷三 指揮

七  
五十四

指揮掌前所事值兵荒之際應務周詳上官稱能軍屯安堵

余昌寧懷人洪武中以指揮僉事調本衛傳襲至洪烈以戰死祀忠烈祠有傳世系無考

鍾授廣德人父亮洪武中授副千戶卒授襲調本衛傳至鼎以功陞指揮同知世系無考

趙成徐州人洪武中從軍征南以百戶留守本衛

洪武中陞千戶卒子庸襲以功陞指揮僉事世

系無考

韓福嗣江南定遠縣人明初選充百戶洪武時隨傅穎公南征留守興隆衛右所百戶福嗣卒子忠襲忠卒子春襲春卒子瑜襲景泰四年調征雲南有功陞千戶五年調征天柱五開等處陣亡子文應襲千戶職因年幼未經題奏仍襲百戶職文卒子鐸襲鐸卒子勲襲勲卒子邦輔襲千戶職隆慶三年調征銅仁有功陞指揮僉事邦輔卒子國璽襲萬曆廿八年調征烏江等處國璽卒子興桐襲興桐卒子萬欽襲康熙時裁

黃平州志

卷五 千戶

五十五

王榮三浙江紹興府上虞縣人以總旗調征雲南克取普安曲靖烏撒有功又克大理至鶴慶陣亡入忠烈祠子佐襲論功授興隆衛中所世襲百戶佐卒子琳襲琳卒子鑑襲正統初調雲南陸涼衛左所百戶景泰七年調征湖廣五開天柱等處天順八年攻克蠟洞等處有功復回原任鑑卒子驥襲驥卒子勝襲勝卒子世臣襲世臣卒子國寧不願襲職以恩貢官知縣子民皞襲萬曆二十八年調征楊應龍蕩平有功二十年調征皮林有功陞授後所千戶民皞卒子



祖堯業儒為增廣生不願襲職子家棟襲康熙時裁

王姚保江南滁州全椒縣人父法興洪武初授左所總旗姚保積功授百戶於洪武二十二年隨宋國公征大小乖西苗守興隆衛守禦所百戶次年調征龍場丹溪灣溪等處有功世襲管軍百戶二十八年征楊水紫江三十年征五開陳蒙爛土有功陞授右所千戶卒子信襲信子子昇襲昇卒子驥襲驥卒子震襲震卒子世勳襲協辦衛經歷印務陞授指揮卒衛人公舉宗祀

黃平州志

卷三 千戶

九  
五十六

鄉賢孫用賢襲千戶職用賢卒孫鼎襲委署思南府經歷 國朝撫部院楊 糧憲勞諱之辨委協全署衛印邱衍辦理軍需重務康熙時裁王政輔河南息縣人洪武初征南有功留守興隆衛中所千戶政輔卒子思孝襲思孝卒子立襲立子珍珍子玉玉享旻旻子源相繼襲源卒子世爵襲世爵卒子鑰襲鑰卒子良彥襲天啟五年與弟良啟從征龍里油榨關等處有功陞指

揮使康熙時裁

李具係山東章邱人洪武初從傅穎公南征烏撒

西靖有功授興隆指揮僉事卒子功襲功子興  
興子勝勝子元卿相繼襲始降本衛右所千戶  
元卿卒子柯襲柯卒子良材襲良材卒子芳襲  
芳卒姪仕林襲明末與指揮陳一德為流寇孫  
可望所執不屈死之子傑未襲康熙時裁

羅子功福建沙縣人洪武初從軍授延平百戶二  
十二年征南開闢浪洞有功授興隆右所副千  
戶二十八年調征清江卒子希賢襲正統六年  
征雲南麓川攻克土川刁招等處授正千戶希  
賢卒子應昌襲應昌卒子忠襲弘治十四年調

黃平州志

卷三 千戶

五十八 (此編碼有誤)

卒姪文襲以後無考康熙時裁

馬應龍江南和州人父興洪武初從征有功授虔  
州衛百戶興卒應龍襲洪武四年征南有功二  
十三年調興隆衛左所百戶應龍卒子良襲陞  
千戶良卒子受襲受卒子驥襲驥卒子昂襲昂  
卒子元襲元卒子汝臣襲汝臣卒子傑襲傑卒  
子呈襲襲呈襲卒子玉麟襲康熙時裁

何有隆江南來安人洪武初征南有功留守興隆  
衛左所副千戶有隆卒子貴襲貴卒子世奇襲  
世奇卒子仲魁襲仲魁卒子延祿襲延祿卒子

心襲心卒子為仁襲為仁卒子崇爵襲康熙時  
裁

沈暹江南華亭人洪武初征南剿平爐山新寨老  
馬鐵廠戶同等處留守興隆衛左所千戶兼理  
指揮事祀名宦暹卒子俊襲征山凱黃巖堡涼  
傘坐等寨有功亦祀名宦俊卒子翔襲翔卒子  
文彬襲文彬卒子經以比對不合降左所百戶  
經卒子邦憲襲邦憲卒子鈺襲天啟時調征陸  
廣陣亡子朝璽襲康熙時裁

郭捌福建尤溪人明洪武時隨傅頴公南征留守

黃平州志

卷五 千戶

十三  
五十九

興隆衛右所百戶捌卒子清襲清卒子俊襲俊  
卒子貴襲景泰元年征香爐山有功陞副千戶  
貴卒子武襲成化十五年征西堡有功陞正千  
戶武卒子崇儀襲弘治六年征都清十八年征  
普安俱有功加陞指揮僉事崇儀卒無子未襲  
至萬歷五年奉部查選胞姪惟才照舊襲副千  
戶惟才卒子世臣襲世臣卒子元卿襲元卿卒  
子越襲越卒子明襲明卒子富華襲康熙時裁  
周庸二臨川人洪武中從軍南征留守興隆戰死  
事詳忠孝傳子彬政皆幼後彬子鑑陳庸二死

事狀授彬副千戶卒鑑襲以功陞正千戶卒祀  
名宦有傳子希勳襲孝宗三年戰死盤江入忠  
孝傳子麓襲麓卒無子以從叔希廉仲子節嗣  
希勳後節卒子堯卿襲堯卿卒弟湯卿子潼襲  
潼卒堯卿孫克紹襲克紹卒無子以叔曾祖策  
曾孫克讓子道泰襲崇禎中征苗功多未叙遂  
卒國變未襲

羅榮上虞人洪武初從徐大將軍征雲州以功授  
左衛百戶調守永平毀私船通軍糧修遼河築  
會州皆有功陞千戶調興隆衛中所卒子國賢

黃平州志

卷三 千戶

十三  
六十

襲國賢卒子璣襲皆有軍功璣卒子啟光襲征  
紅羅山病故三世未得襲嘉靖中榮六世孫繼  
宗始襲征雲南有功繼宗卒子承爵襲承爵卒  
子萬象襲萬象卒子耀襲康熙時裁

吳巖鳳陽人洪武中征南留守本衛中所百戶巖  
卒子敏襲敏卒子琛襲琛卒子俊襲景泰初以  
平香爐山功陞千戶卒子洪襲洪卒子聰襲成  
化中以征西堡功陞指揮僉事聰卒子繼周襲  
繼周卒子山襲山卒子文煥襲文煥卒子國柱  
襲國柱卒子應爵襲應爵卒子攀雲襲康熙時

裁

田勝順天大興縣人祖天喜洪武初從軍授大寧左衛百戶天喜卒子頑童嗣從征調營州左衛出師白溝河陣亡弟廣襲陞本所千戶屢立戰功陞本所指揮三十五年定京師爭功不遜降海門衛百戶廣卒子勝襲正統四年調興隆衛前所百戶勝卒子政襲政卒子浩襲浩堂弟湛因黃平移差之累與衛人金世寶負本奏辯得復舊制衛人公舉義士入祠浩卒子賦襲賦卒子科襲科卒子惟上襲惟上卒子養民襲養民卒嫡堂弟養賢襲養賢卒弟養宸襲康熙時裁薛聰江南人從征有功授興隆衛左所百戶歷傳至欽於萬歷二十八年從總兵吳廣麾下克敵有功陞本衛正千戶欽卒子太和襲天啟二年從軍門王三善援平越征水西有功陞本衛指揮同知授興黃守備駐楊柳營崇禎十五年施秉苗亂提兵至石洞口陣亡賜卹子華襲兼掌左所印務康熙時裁

蔣國光江南人洪武初從軍南征有功授鎮遠百戶調興隆衛後所百戶國光卒子德厚襲德厚

黃平州志

卷三百戶

十四  
六十一

卒子開基襲開基卒子顯聰襲顯聰卒子必鳳襲住盪泥七次子接春以功授本所第六百戶駐長興堡康熙時裁

耿震江南人洪武初從征有功授興隆衛中所第七百戶震卒子應爵襲以後無考今居小東坡涂大成江南江寧人洪武初充虎賁右衛小旗二十一年隨宋國公進征乖西留守興隆右所小旗大成卒子友亮襲永樂九年征清江受傷弟關兒代役授總旗關兒卒友亮子貴襲正統六年調征雲南麓川刁招杉木籠等處有功授右

黃平州志

卷三百戶

十五  
六十二

所百戶貴卒子智襲智卒姪璽襲正德七年調征鎮筸攻克古皮地那等處陞本所千戶璽卒子文襲百戶職文卒子泉襲泉卒子冠襲冠卒子朝爵襲崇禎四年調征兩江牛場加爬等處有功十五年苗賊圍城守城斬獲有功康熙時裁

終仲清江縣人洪武初授百戶隨傅穎公南征授興隆衛右所百戶仲卒子廷佐襲廷佐卒子光祚襲光祚卒子邦寧襲邦寧卒子大榮襲大榮卒子茂英襲茂英卒子綬襲綬卒子廷柱襲廷

柱卒弟廷儒襲廷儒卒子尚仁襲尚仁卒姪國瑞襲國瑞卒子士彥襲以功陞指揮僉事士彥卒子賓襲賓卒子世臣襲康熙時裁賓又名盈時

孟德忠江南鳳陽人洪武初從傅穎公南征以功授興隆衛中所百戶德忠卒子顯卿襲顯卿卒子斌襲斌卒子英襲英卒子杲襲征香爐山有功杲卒子歷襲歷卒子繼朝襲繼朝卒子位襲位卒子志孔襲志孔卒子良鳳襲康熙時裁

張勝江南臨淮人洪武二十二年從傅穎公南征有功授興隆衛前所百戶勝卒子義襲義卒子

黃平州志

卷三 百戶

十六  
六十三

瑛襲瑛卒子興襲興卒子璽襲璽卒子倬襲倬卒子士勳不願襲職中嘉靖辛酉舉人任湖廣保康知縣子昂襲昂卒子永忠襲永忠卒子斗襲崇禎四年調征大小兩江等處有功守備長冲馬鞍二哨十五年守城克敵陞本所千戶斗卒子聲名襲

國朝康熙五年調征水西陞守備管畢節衛事二十四年裁

張又昌江南英山縣人洪武初授虎賁右衛小旗十九年隨穎國公征南二十二年平狼洞苗留

守興隆衛本年征鸞溪陣亡子永忠襲永樂十一年調征山都掌宣德元年征廣西俱有功陞總旗卒子安襲正統七年調征麓川孟養等處景泰四年征草塘卒子應軫襲應軫卒子權襲權卒子世隆襲嘉靖中征白洗重拜及容山司等處俱有功陞授百戶卒子鳳羽襲鳳羽卒子其瑜襲神宗三年征兩江陣亡與始祖文昌俱見忠孝傳弟其瑾襲天啟二年調救貴陽崇禎四年攻克兩江九股有功陞副千戶其瑾卒

以達襲康熙時裁

黃平州志

卷三 百戶

十七  
六十四

胡名闕

河南固始人洪武初從征來南以功授興

隆衛百戶世系無考傳至其仁崇禎時為指揮死節事載忠孝傳後祀鄉賢遂不復襲裔孫本裕以孝行著稱有傳

羅恕卿明洪武時奉調南征留守興隆衛世襲鎮

撫廳卒子英襲正統中以擒斬逆苗功陞指揮

僉事英卒子城襲城弟璿中戊子舉人官廣東

廣州通判城卒子洪襲洪弟溥一作蒲由選貢

官四川湄州知州洪卒子蓋臣以郎庠生襲復

赴京師就北闈為部議所格賦詩議刺降後所



百戶蓋臣弟儒臣歲貢生蓋臣卒子鎮襲鎮卒  
子一虬襲一虬弟一豸由選貢官江西廣信教  
授一虬卒子權襲康熙時裁權弟標以貢生授  
監紀推官累遷至洱海道標弟懋由監生官知  
縣權諸子行有文奇以選貢任銅仁府推官文  
謨文宿文熙俱以庠生為總兵文謨鎮平越文  
熙鎮開州文宿一名文郁晉金吾將軍封伯爵  
鎮銜永保岳戰死入忠孝傳事皆在明末季後  
有士良入學行傳

時鎮武進人洪武初由左衛總旗累功授百戶隨

黃平州志

卷三百戶

十八  
六十五

征大小乖西回狼洞築城留守興隆衛右所第  
七百戶卒子茂襲茂卒子庸襲庸卒子俊襲俊  
卒子英襲英卒子表赴京未襲卒子璿襲璿卒  
子以達襲以達卒子彥襲防守銅仁卒子良慶  
襲良慶卒子聖襲聖卒弟暘襲康熙時裁  
李貞英山人初充右衛小旗從宋國公征南以功  
授興隆右所百戶世系無考康熙時裁今庠生  
朝棟其後也

陳以華錢塘人洪武中隨傅穎公征南以功授千  
戶征白巖陣亡入忠孝傳其後曰東洲曰潮曰

俊皆千戶曰暹第九百戶曰剛東坡堡百戶又  
有大賓亦千戶世系先後無所考康熙時裁

張朝洪武中授黃平所千戶朝卒子法襲法卒子

誠襲誠卒子廣襲廣卒子才襲改百戶才卒子

嘉猷襲嘉猷卒子三畏襲康熙時裁

黃伏江西臨川人洪武中從軍南征開上馬寨以

功授右所第四百戶留守興隆衛後以征水西

功陞千戶伏卒子思聖襲思聖卒長子敬貢生

次子敏舉人官四川崇寧知縣俱未襲敬長子

綱襲綱卒弟紀襲紀卒子玉中順天舉人以後

黃平州志

卷五 百戶

未襲

十九  
六十六

李爵

指揮使

俞鸞

趙吉

張讚

蕭武

李倫

王且

張武

皆指揮  
僉事

以上八人見飛雲洞碑記世

系無考

萬應春湖南永州府人明洪武中奉調征南以功

授百戶應春卒子明仰襲明仰卒仲恩襲仲恩

卒子祝奉襲祝奉卒弟春奉代理春奉卒子良

襲良卒子世勳襲世勳卒子爾占襲康熙時裁

土司

記有之修其教不易其俗齊其政不易其宜近世土司之設亦王者達志通欲之權也况其先人大抵以軍官蒞諸彝久而相安亦或故為蠻彝長及

國家定鼎咸能率先效順故得久席其蔭世世不替然則仰體

上德以撫柔其人可勿務歟

巖門長官司何清四川重慶人明成化四年調征九股天干天壩等處有功六年授凱里安撫司

黃平州志

卷三 土司

六十七

左副長官世襲清卒子良襲良卒子世臣襲世臣卒子繼襲原屬播州宣慰神宗時平播酋楊應龍後改屬黃平繼卒子秉政襲秉政卒子仕洪襲

國朝順治十五年改授巖門長官司康熙十三年吳三桂叛追繳號紙十九年蕩平吳逆仍予仕洪子瓚遠世職四十年以緝賊革彝賊苗拒捕過害長子楫襲楫卒子其仁襲雍正十三年苗破巖門城其仁死難子宗應襲宗應卒子騰輝襲騰輝卒無後撫堂弟何夢占之子何煥待襲煥

年未及歲現係騰輝堂叔宗璧代理

又瓚遠次子模以兄子其仁年幼代理土職雍正九年台拱苗叛招募鄉勇隨營有功授鐮刀灣土千總十三年陣亡乾隆五年

賜祭子其美襲其美卒弟其俊襲其俊卒子宗英襲宗英卒未經請襲

重安司土吏目張佛寶明洪武年間以隨征有功授重安司土吏目累傳至威鎮於

國朝順治十五年准襲前職威鎮傳子漢生漢生傳

子繩文繩文弟繩全康熙五十五年承襲無印

黃平州志

卷三 土司

二  
六十八

現任土吏目張若齡

按黃平所屬土司三而通志止有巖門重安二司巖門司已據宗圖印冊叙入重安司亦據通志採列惟朗城一司通志於廢土司條內載土吏目馮鍾俊於雍正五年特參不法案內改土歸流而現在土司馮家齊又係土千總職似屬參差該司宗圖久經本州飭取未據申送發局或朗城一司係各上憲羈縻之意而非

朝廷設官之制也歟

黃平州志卷四

食貨志

田賦  
積貯

戶口  
物產

徭役

經費

蠲卹

洪範八政食貨居先生民之大命國家之經費皆係乎此周禮以九職任萬民以九賦斂財賄誠重之也黃平雖袤延百餘里而崇山峻嶺不毛強半所需鹽布之屬遠近買遷皆以粟易從無挾重貲致奇貨者以非所用也而公上之徵求亦未聞及於異物以非所產也前明於紙房試採硃砂山薄而礦易竭大為民累

國朝康熙初將課攤於地丁永行封禁民困以甦

黃平州志

卷四 食貨

一

故備紀賦役所供

蠲卹所及民俗所資物產所出為拊循者覽焉

田賦

自唐虞任土作貢三代相因法有變通皆以什一為中正尚矣秦漢以下田不井授無田之家或農或末各食其力今則戶口徭役諸賦皆出於田合而計之猶不過二十而取一蓋田皆民業故也貴州山多田少通省之賦不敵中州東南數大縣况一州之地哉然

朝廷疆理正供所出不容畧也夫輸將恐後足以見良吏之撫循而催科不煩亦可徵閭閻之恭順詎不盛歟

黃平州志

卷四 田賦

二

原額田五萬八千六百八十五畝二釐五毫荒蕪田一萬六千九百四十一畝四分五釐一毫二絲九忽八微二纖九渺實在成熟田四萬一千七百四十三畝五分七釐三毫七絲一微九塵七纖一渺

原額山土五千畝荒蕪山土二千四百五畝三分三釐七毫八絲實在成熟山土二千五百九十四畝六分六釐二毫二絲

原額本色米六千三百三十三石七斗四升八勺一抄八撮六圭五粒六粟荒田無徵米二千三

百二十六石七斗七升八合三勺一抄七圭四  
粟減則無徵米二十八石七斗五合二勺三抄  
二撮七圭六粒五粟實在有徵米三千九百七  
十八石八斗八升七合二勺七抄五撮一圭八  
粒七粟

原額條編歲用土賦祖祭等銀一千八百八十二  
兩五錢二分六釐一毫三絲六忽五微二塵六  
纖七渺田荒蕪徵銀五百二十九兩八錢九分  
五釐九毫九絲三忽六微七塵八纖二渺減則  
無徵銀七錢七分九釐七毫七絲一忽四微

黃平州志

卷四 田賦

三三

塵三纖實在有徵銀一千三百五十一兩八錢  
五分三毫七絲一忽三微六塵五纖五渺

原額馬館銀一千四百二十五兩二錢二分七釐  
六毫五絲八忽二微四塵田荒無徵銀三百九  
十六兩七分八釐五毫六絲二塵三纖實在有  
徵銀一千二十九兩一錢四分九釐九絲八忽  
二微一塵七纖 以上通志

按此項馬館銀兩已併入田內完納

原額民僧苗屯科田五萬八千六百八十五畝二  
釐五毫又雍正九年新墾額外田二十九畝三

分五釐二共額田五萬八千七百一十四畝三分七釐五毫內除乾隆二年分清出叛產撥歸安屯田二千八百二畝九分七釐四絲外實額田五萬五千九百一十一畝四分四毫六絲每畝各則例起科不等

原額本色秋糧米六千二百二十一石三斗九升六合七勺八抄八撮八圭二粒九粟

又額外思南府婺川縣濯水溪額納本色米二十石五升七合二共額該本色秋糧米六千二百四十一石四斗五升三合七勺八抄八撮八圭

黃平州志

卷四 田賦

四四

二粒九粟 以上舊志

原額民田共三萬零九百三十五畝四分八釐每

畝起徵本色米二升地丁銀七分五釐八毫共

徵本色秋糧米六百一十八石七斗零九合六

勺地丁銀二千三百四十四兩九錢零九釐四

毫

原額屯田九千二百八十六畝一分五釐八毫每

畝起徵本色米三斗四升六合四勺地丁銀二

分二釐五毫共徵本色秋糧米三千二百一十

六石七斗二升五合二勺地丁銀二百零八兩



九錢三分八釐六毫

原額徵糧不徵銀料田二千三百七十七畝二分九釐三毫每畝起徵本色米五升四合七勺共徵本色秋糧米一百三十石零三升七合九勺原額山土二千七百五十畝零六分八釐八毫每畝起徵土賦銀二分二釐六毫六絲七忽共徵土賦銀六十二兩三錢五分一釐三毫

節年士民陸續首報新墾除荒徵熟民田二百八十七畝八分每畝起徵本色米二升地丁銀七分五釐八毫共徵本色秋糧米五石七斗五升八合地丁銀二十一兩八錢一分一釐

黃平州志

卷四 田賦

五五

節年士民陸續首報新墾除荒徵熟料田六十一畝三分一釐五毫每畝起徵本色米五升四合七勺共徵本色秋糧米三石三斗五升六合九勺七抄以上嘉慶三年奏銷冊

按現在民屯料田山土新墾統計四萬五千六百九十八畝七分三釐四毫每歲共應徵秋糧米三千九百七十四石五斗八升五合六勺七抄每石隨徵加一五耗米一斗五升共應徵耗米五百九十六石一斗八升七合

八勺六抄每歲共額徵地丁正銀二千六百  
三十七兩九錢八分每兩隨徵耗羨銀一錢  
五分共應徵耗羨銀三百九十五兩六錢九  
分七釐

戶口

周禮獻民數於王王拜受之聖人式負版者蓋民為邦本其重如此歷代編審之法皆欲知其息耗之實耗則思所以生聚之息則思所以富教之非厲民也是以丁差之名雖存悉均入田賦改徵銀米且令天下華生戶口永不加賦聖朝覆載深恩聚族而居者誠不可不知樂利之自也夫

原額戶口三千六百七十三戶新增戶口二百六十六戶

黃平州志

卷四 戶口

七一

原額人丁二千五百六十三丁內除隨田帶派人丁一千四百三十五丁實編差人丁一千一百二十八丁內除節年清編抵補外尚逃亡人丁七百一十二丁康熙三十五年編審實在徵差人丁四百一十六丁

原額丁差銀六百二十九兩八錢七分七釐八毫六絲內除丁逃田荒無徵帶派丁差銀三百三兩二錢四分二釐七毫七絲三忽七微五塵康熙三十五年編審實在有徵丁差及成熟隨田帶派共銀三百二十六兩六錢三分五釐八絲

六忽二微五塵又三十五年至五十年增徵差人丁一十八丁康熙五十年編審實額徵差人丁四百三十四丁實額徵丁差並熟田帶派共丁差銀三百三十二兩四錢六分七毫八絲三忽六微九塵雍正十年全數改徵米四百四十三石二斗八升一合四抄四撮九圭二粒又康熙五十五年至雍正九年編審新增

盛世滋生人丁二百六十六丁永不加賦

通志

嘉慶四年現在六里漢民通共二萬五千一百九十六戶男婦大小十二萬一千六百六十七名

黃平州志

卷四 戶口

八二

男大口三萬八千三百五十一名

婦大口三萬四千八百七十四口

男小口二萬五千二百八十四名

女小口二萬三千一百五十八口

六里流寓客民共八百九十戶男婦大小共三千

四百三十五名

男大口一千五百一十一名

婦大口一千零二十一口

男小口五百二十四名

女小口三百八十口

徭役

古者用民之力歲不過三日而無常業者出夫  
征勸民力本也後世民無世業工作負販游食  
難稽故役獨歸於農加入田賦有事則官為雇  
募雖若病本而優末然

聖朝休養萬民走遞則有驛馬擡槓則有長夫即偶  
需民力亦優給以值民不見其病也至於雇募  
之後寢為科率則吏胥之弊

朝廷無由知在守土者奉公率下以息民而已

黃平驛原設于黃平安撫司明正統間改官道遂

黃平州志

卷四 徭役

九一

移驛興隆衛仍係安撫司土人赴驛應役嘉靖  
中土人閃差累興隆代役軍舍田湛金世寶先  
後疏奏下川貴兩省官會勘委平越衛經歷李  
勣詳撫按覆奏仍前衛人立碑以記平播後  
因之明末藍二之變黃民死亡過半舊章紊失  
順治初斟酌時宜黃平州所赴驛走春夏兩季  
湄潭縣協濟銀二百四十兩解興隆代走秋季  
興隆承走冬季謂之走馬協濟

黃平站舊係黃平州所協濟興隆扛擡十分之七  
民少役繁逃亡相繼知州梅朗中衛守備秦傑

所千總葉顯明先後申請守道徐宏業驛道陳  
丹會詳以恩州府協濟偏橋十分之四以餘慶  
增協興隆與黃平州所十分之八謂之扛棹協  
濟以上二條皆往日舊例也

聖天子休養萬民愛惜民力驛馬站夫二項俱准支  
銷興隆重安二驛各額設驛馬五十匹興隆三  
額設站夫一百名遇大差經臨額設夫馬不敷  
於各里及三土司添雇照定價八分發給嚴禁  
派累民奔走恐後不復知勞矣 朱志

現在夫馬額數

黃平州志

卷四 徭役

十二

頭莊夫一百八十五名馬十八匹半

二莊夫一百八十二名馬十八匹二分

三莊夫一百九十九名七分馬十九匹九分七釐

四官莊夫一百九十一名半馬十九匹一分五釐

太平里上五甲夫二百二十五名馬二十二匹五分

太平里下四甲夫一百八十名馬十八匹

上塘七寨夫一百一十六名馬十一匹六分

上塘四哨夫三十名無馬

上下黃平夫二百三十六名四分六釐馬二十三

匹六分四釐六毫

平浪夫一百八十名馬十八匹  
在城里夫二百四十名馬二十四匹  
上下道夫二十二名半無馬

重安朗城巖門三土司夫八百名馬八十匹

以上夫二千八百名馬二百八十匹皆各里應  
雇之數其額以所種地土之弓口為定蓋黃平  
雖孔道然非若鎮遠為商賈輻輳之地其人以  
扛擡為業並蓄馬為人馱載以營利者故不得  
不分雇於各里也各里之民有田者納糧有地  
者出夫民地有夫軍地無夫軍糧重而民糧輕

黃平州志

卷四 雜役

十三  
十一

故也每夫十名出馬一匹所謂烟夫烟馬者即  
此各里與三土司舊皆合辦乾隆四十七年始  
照夫灘派每歲自正月初一日起至四月初十  
日止遇閏加十日歸三土司承雇自四月十一  
日起至年底止遇閏加二十日則各里承雇每  
夫一名官給價八分馬倍之總各里夫馬之數  
為一關一關既完則周而復始關數之多寡視  
過差之多寡無定額嘉慶三年制憲過境亦  
僅用三關往年見一歲之中有用至十數關及  
二十關者官雖給價不欲累民而民已疲于奔

命矣蓋雇募之夫有實當者有私折者距城近者多實當距城遠者多私折然近城之以實夫來者多守候之苦不得已而亦私折而距城遠者入吾無實夫於是一過差臨役輒拉市人應之肩挑負販者皆押令即行雖饑寒不恤貨物寄頓每多遺失不順者復毆之以繩從衣袖穿入懼其逸去也若用夫過多即挨戶押領名曰排門夫先及城內次及近郊雖孤寡不得免焉此近城之累也至距城最遠之鄉有折價未完者或遇一二人入城輸納錢糧差役輒以他人

未完之夫馬價扣抵以致鄉人不敢入市差役亦不敢入鄉此遠城之累也至若有馬之家本聽烟夫自雇自差役包折則勾串鄉約凡有馬之戶私行報官記冊風聞差到即便簽拿入城守候押店取保三日五日一為點視點後即攔入號中非有使費不能牽出喂養大差未到且以應襍差大差已過發價無期若非賄囑鮮有能即歸者或遇馬斃又必割耳尾報官方能除冊報官有費除冊復有費民間以蓄馬為戒馬羣遂空田山蘊先生驛站禁約言其弊甚詳然



如此類亦不盡知是名為應雇實則派當矣若夫用夫之多則亦有不全係乎差役者推原其故亦有二端大約大差經過隨從必多自乘馬隨轎之數人而外餘皆用四轎轎夫或三班四班即少亦用兩班且添用緯夫四名或六名八名不等是一人而用數十夫也且二爺而下有三爺以至五爺及隨行弁役皆然甚而長班轎夫亦非馬即轎轎亦用添班此濫用之弊也富商大賈與隨役交通自南而北則茯苓水銀珠砂之屬裝作扛擡至常德而止自北而南則布

疋綢緞之屬裝作扛擡至省而止脚價既無又逃關稅此帶貨之弊也是以每一差過先後或七八日猶不已此官民兩困者也近年以來各上憲深知其弊實力革除夫馬始不至多用雖銅仁興義兩值軍興而師行如過枕席

今天子嘉慶四年又

明降諭旨嚴禁騷擾驛站凡有驛地方均得休息又不獨黃平一州官民之幸矣豈不美哉

按黃平州衛合併幅幘寬廣向來夫馬並無違悞近則間有上控及抗避不前者非貧寡

之患而不均之患也如鎮遠差務夫馬皆行  
戶承辦近來水陸諸貨多由舊州過載夫馬  
幫貼獨累貧民豈非

國家重農抑末之意苦樂不均無怪民之不服也  
兵隨時變通之道講明切究烏可忽諸

優免碑記附

平越軍民府興隆衛儒學任為詳請優免之例以示獎勸以別齊民以息爭訟事康熙廿六年六月廿二日奉布政使司批據本學申詳前事內稱竊思

朝廷設科取士崇隆學校復廩餼予優免實以鼓勵人才培養風氣卑職蒞任以來竭力提撕留心作養每見士子苦為雜差歛派所累肄業之日少奔走於催征之日多在士子以向無定制妄希全免者有之在里甲以公濟私模糊混派者黃平州志

卷四 徭役

十六

有之若不定以優免不惟士子於朝廷恩免闕

旨未沾德惠而彼此互推在民亦難獨累合無仰祈憲恩除各項條糧不免外其餘雜派賞定畫一之制鄉紳若干畝舉貢若干畝廩生若干畝增廣若干畝附學若干畝武生若干畝書辦供役不能耕鑿者又若干畝成例一定則田之浮於例者不得妄希過免即不足額者不得包攬冒騙爭訟息而文教興士氣民風漸歸醇厚矣等因具詳奉批紳衿僅免本身雜徭本司久經詳

明通行在案該學酌定畝數另報毋得冒濫此  
繳等因奉此該學隨即差役往查黃平州優免  
事例去役據稱黃平鄉紳舉貢每人免雜徭三  
十畝廩生二十五畝增廣二十畝附學武生一  
十五畝以暨在官書役各免五畝等語據此合  
無以黃平優免之例酌定為例內有田多者不  
許浮於此例之外有不足額者不得包攬冒濫  
庶憲恩之作養永矢勿謾等因復詳於康熙廿  
六年七月十一日奉批如詳行但不許借端包  
免抗阻差徭致使民累此繳等因奉查本衛紳  
衿有佃食黃平州安一二三四甲田畝除牒呈  
州衛核查所佃民屯科田遵以定例優免外合  
行勒石永垂畫一在紳衿書役有佃田多者不  
得浮於此例之外有不敷與無田可佃者不得  
包攬冒濫其里甲頭人不許假公濟私模糊混  
派各宜凜遵須至勒石者

康熙廿六年七月 日

公諱中驥號六善思州府人由癸亥歲貢選授

本州儒學公家世簪纓問學淹博與人交不立  
城府一經晉接如坐春風猶喜崇獎士羣扶植

善類若有可與為善及不幸在險阻憂患者輒  
吹噓排解蒞任之後修理

文廟躬親督率竭力竭誠集有志之士講業俄聽鬪  
聲遣門斗視之知某生為某頭人斂派田差爭  
辨毆奪問其差則本身雜徭也其田不滿六七  
畝嗟乎

朝廷作養士子開復廩餼准免本身雜徭將使治生  
不分其闕

而後作忠作孝收效於異日靡淺  
鮮也顧以雜派浮差百計排擠必欲等諸齊民  
而甘心焉以故焦頭爛額日奔走於刀錐微利

黃平州志

卷四 徭役

十七

以應旦夕之追呼無怪文事日疎而業不加進  
也不幾負

朝廷作養人才設科取士之意乎於是具詳藩憲遵  
例請免蒙恩加詳賞准牒呈州衛再三猶恐田  
多者越例希免田少者分外包攬復謀勒石垂  
諸後世久遠遵行闔境士民含恩食德方慶文  
翁之久在衛也乃近奉部文裁衛歸州而公且  
旦夕應召鵬路鶯遷矣甘棠之愛惡可已也爰  
將勒石緣起闕

以示不朽云

按優免田畝之例他邑所無黃平載

聖恩而沾 憲澤百數十年矣乾隆三十二年雲南  
之役京兵過站州牧鄔公紹文集紳士會議  
若照舊碑優免則當差之田無幾定議無論  
紳衿舉貢生監職員總以優免五畝為率五  
畝而外與齊民同役在官書吏亦逮及之至  
嘉慶元年銅仁之役亦照舊辦理則吾州之  
所當銘刻者也

謹按

國朝乾隆元年

上諭任土作貢國有常經無論士民均應輸納至於

黃平州志

卷四 雜說

十九

一切雜色差徭則紳衿例應優免乃各省奉行不  
善竟有令生員充當總甲圖差之類殊非 國家  
優恤士子之意嗣後舉貢生員等着概行免派雜  
差俾得專心肄業倘於本戶之外別將族人借名  
濫充仍將本生按名治罪欽此

又按今黃平惟有戶首一役尚為紳士之累  
戶首之役同里同甲之有田者每年共推一  
人為首催征銀米等事糧差催戶首戶首催  
同甲糧差遂得而奴隸之役賤且勞而黠者  
遂因以漁利當交卸之際遍告鄉隣曰吾將

報汝賄之則另報一人視家之貧富取賂之厚薄至紳士例應優免輒混指曰某人之冊名即某人舍同居之父兄而報其子弟及至呈牒訴明已不無所費矣在呈報者亦明知事之無成不過計圖拖累刺史袁公在任日久稔知其弊不許混報審明呈報不實者仍令現役充當然止暫免一時耳間有同甲中醵金置田為戶首費擇謹厚者輪流更替以免擾累又有捐金置夫馬田惜未有遍行之者

附董敦禮捐田當夫碑記

力役之征自古為然以下供上分所應爾我寨網屯隸州屬之黃二甲約數十餘戶向來一遇差事每闕出夫二名馬半匹除優免外照戶公派辦理非不善也但其中貧富不齊艱難者未免互相推諉以致遲悞之咎余每憂之於是思為一勞永逸之法自捐田畝以為倡復慮租少不敷辦理爰集甲眾公議不分優免但照貧富多寡幸而人人樂輸添買田畝以足其數其田即交本甲鄉約耕管條糧應出夫馬悉係鄉約

承辦不得累及里中倘鄉約更換此田仍交新約照舊耕種辦理如此不但責有攸歸差事無違悞之咎亦且里中享安逸之利無窮矣余恐後來妄易爰將公議情事及所置田畝暨

州主批語一並勒石以垂永久俾世世遵守云爾



經費

取之有常用之有節為國之所同也故未有用無藝而能取有制者然竊謂

國家之經費莫非為民即以一州言之設官而制之祿州有長貳以治民也校有正副以教民也武有營衛以衛民也 學宮農壇之祀為民美報也至於驛遞夫馬之設又以寬民之力役也上以取之民者還為民用而無所私焉故備志之誠知此為經費則外此費而非經以累民者庶其免于

黃平州志

卷四

經費

十一

知州一員養廉七百兩俸銀八十兩州書辦八名無工食門子一名皂隸十名民壯三十名禁卒二名轎傘扇夫七名斗級一名以上每名歲支工食六兩共銀叁百零陸兩

先農壇祭祀銀四兩 春牛花鞭銀五兩  
文廟春秋祭祀銀九兩

儒學學正一員俸銀四十兩學書一名齋夫一名門子一名以上每名歲支六兩膳夫一名歲支工食六兩六錢六分六釐喂馬草料銀六兩共三十兩零六錢六分六釐

儒學訓導一員俸銀四十兩學書齋夫門子膳夫  
喂馬草料銀共三十兩零六錢六分六釐

吏目一員養廉六十兩俸銀三十一兩五錢二分  
書辦一名無工食門子一名皂隸二名馬夫一  
名以上每名歲支工食六兩共二十四兩

巡檢一員養廉六十兩俸銀三十一兩五錢二分  
書辦一名無工食門子一名皂隸二名弓兵八  
名馬夫一名以上每名歲支工食六兩共銀七  
十二兩

貢生坊儀銀三兩

黃平州志

卷四 經費

二十二

廩生膳銀十五兩 饋米一百二十石

興隆驛每年修葺馬棚三間每間價銀一兩二錢

共銀三兩六錢製鞍轡二十付每付價銀六錢

四分共銀十二兩八錢製汗屨五十塊每塊價

銀一錢六分共銀八兩製鐮刀五把每把價銀

三錢二分共銀一兩六錢馬夫二十五名每名

日支工食銀四分每年共支銀三百六十兩驛

馬五十匹每匹每月釘腳蹠一付每付價銀四

分八釐每年共支銀二十八兩八錢每馬月用

藥餌一服每服價銀四分八釐每年共支銀八

兩八錢每匹日支草料銀五分每年共支銀九百兩

重安驛各項俱與興隆驛同

興重二驛每歲買補例斃馬各八匹每年買補馬各三十二匹遇閏月各增二匹每匹銀一十四兩每驛各領銀四百四十八兩遇閏各加二十八兩

兩驛每年蓋皮張建曠銀一百七十七兩九錢五分四釐

運餉長夫一百名每名日支工食銀四分每年

黃平州志

卷四 經費

二十三

共支銀一千四百四十兩

大小道鋪夫五十二名每名日支工食一分口糧米折銀一分二釐每季領銀一百零一兩九錢六分遇小建扣除

先農壇耕田四畝九分每年額徵穀四石八斗五升以供粢盛外不敷銀二兩八錢六分州牧墊用請領歸款

賑恤寒生十二名內極貧六名每名賑米一石次

貧六名每名七斗每年共賑米一十石二斗除動支州倉學租米四石八斗外不敷米五石四

斗每石折給銀五錢共二兩七錢州牧墊發  
養濟堂收養孤貧十四名內大口十二名小口二  
名每名日支鹽菜銀五釐大口支米八合小口  
五合每年共支米三十八石一斗六升鹽菜銀  
二十五兩二錢每每冬給棉衣褲各一價銀九  
錢九分小口減半共銀一十二兩八錢七分除  
口糧於官庄賑米內支銷外州牧墊給銀三十  
八兩零七分

額運鎮遠鎮兵糧米二千六百三十石採買加運  
鎮遠新添兵糧米三百九十六石七斗八升又

黃平州志

卷四 經費

三四

黃平營減兵米石撥運鎮遠新添兵糧米一百  
四十石六斗七升每年共需船運水脚口袋背  
夫銀一千二百零九兩九錢四分四釐八毫

武官

都司一員每年養廉銀二百六十兩俸銀二十七兩三錢九分三釐九毫九絲六忽薪銀七十二兩蔬菜燭炭銀一十八兩心紅紙張銀二十四兩例馬四匹春冬六個月每日四分秋夏六個月每日三分共銀一十二兩六錢四匹共銀五十兩四錢以上共銀四百五十一兩七錢九分三釐九毫九絲六忽

千總一員養廉一百二十兩俸銀一十四兩九錢六分四釐七毫九絲九忽二微薪銀三十三兩

黃平州志

卷四 經費

五

三十四

三分五釐二毫八微例馬二匹共銀二十五兩二錢以上共銀一百九十三兩二錢

把總二員每員養廉九十兩俸銀一十二兩四錢七分一釐薪銀二十三兩五錢二分九釐例馬二匹銀二十五兩二錢共銀一百五十一兩二錢二員共銀三百二兩四錢

外委三員每員養廉一十八兩馬餉銀二十四兩馬干銀一十二兩六錢共銀五十四兩六錢三員共銀一百六十三兩八錢

馬戰兵二十九名內額外委二名每名馬餉銀

二十四兩馬干銀一十二兩六錢共銀三十六兩六錢共計銀一千零六兩四錢

步戰兵一百四十六名每名餉銀一十八兩共銀二千六百二十八兩

步守兵一百七十七名每名餉銀十二兩共銀二千一百二十四兩

每年官兵共銀六千九百二十四兩五錢九分三釐九毫九絲六忽在藩庫請領

又營平倉每年收成時發出銀六百六十六兩三錢三分七釐採買米石存貯次年二三四五六

黃平州志

卷四 經費

二十六

七等月散濟兵丁仍在季餉照原價收回源源接濟

又每年請領賞給營中遇祖父母父母本身妻室病故者每名賞銀三兩五錢完配長子次子長女次女本身娶妻每名賞銀二兩五錢一年領銀一百一十九兩如遇賞有剩存留下年添用

刑不濫則無取于赦賦有常則無取于蠲誠以粟米力役既皆惟正之供而民間食時用禮又自有餘力以為旱澇之備也然周禮有荒政之設蓋天地好生父母愛子長養拊育不厭其詳耕歛之省猶有補助况凶荒乎

國家勤恤民隱稍有災眚沛澤頻仍黃平雖偏隅休養生息百餘年之深民生厚矣然間遇軍興輒蒙蠲卹而逢

國慶典則有老者之賚下逮孤貧則有養濟之政

黃三州志

卷四 蠲卹

二十七

皆詳志焉

順治十六年六月奉

詔發內帑銀六萬賑濟貴州

康熙二十二年奉

詔免黔省本年秋冬及來年春夏應徵地丁正項錢糧

二十五年免黔省二十六年應徵地丁錢糧並

二十五年未徵錢糧

三十二年九月奉

詔免貴州雲南廣西四川應徵銀米

三十三年四月免雲南貴州四川均賠無着鹽課銀一萬九千餘兩

四十二年三月十八日恭遇

萬壽

恩詔免雲南貴州四川廣西四省四十三年分應徵地丁各項錢糧賜老人七十以上者許一丁侍養免其雜派差徭八十以上者給絹一疋綿一觔米一石肉十觔九十以上倍之至有百歲者題明給與建坊銀兩

四十八年三月十一日欽奉

黃平州志

卷四 風俗

二十八

恩詔賜老人絹綿米肉悉如四十二年

恩詔之數

五十二年三月十八日恭遇

萬壽賜老人絹綿米肉悉如四十八年

恩詔之數

六十一年十一月二十日欽奉

恩詔賜老人絹綿米肉悉如五十二年

恩詔之數

雍正元年正月十二日奉

上諭老人九十以上者州縣不時存問其或孤寡及



子孫貧不能養贍者督撫以至州縣設法卹養  
或奏聞動用錢糧務令得沾實惠

八月十三日欽奉

恩詔賜老婦七十以上者給與布一疋米五斗八十  
以上者給與絹一疋米一石九十以上者倍之  
百歲者題明給與建坊銀兩

二年五月奉

上諭各省督撫轉飭有司勸募好善之人於通都大  
邑人烟稠集之處照京師例設立普濟堂育嬰  
堂養老存孤

黃平州志

卷四 蠲卹

三  
二十九

七年七月二十五日奉

上諭將庚戌年貴州額徵地丁銀七萬四千二百兩  
零悉行蠲免

十三年八月初三日奉

上諭着將今年黔省錢糧通行蠲免其被賊殘害之  
州縣蠲免三年錢糧若有已徵在官者准抵下  
次應徵之額賦

雍正十三年奉

旨賑卹

一賑恤難民口糧米折寒衣等項銀四十五萬一

千二百三十八兩六錢一分零

一賑恤被水災民米折並借給牛具籽種銀四千零七十八兩七錢九分五釐

一借給遇難民牛具籽種銀二萬一百二十二兩五錢二分四釐零

一借給復業難民麥種及運脚等項銀三千六百二十兩七錢四分七釐四毫零

雍正十三年九月初三日欽奉

恩詔賜老人絹綿米肉悉如雍正元年

恩詔之數

黃平州志

卷四 蠲卹

四  
三十

乾隆三十五年地丁錢糧欽奉

恩旨全行蠲免

乾隆四十三年地丁錢糧欽奉

恩旨全行蠲免

乾隆四十三年奉部議將丁差銀一百三十兩

一錢八分八釐在於田畝內攤派減徵

乾隆五十六年分地丁錢糧欽奉

恩旨通行蠲免

乾隆六十年欽奉

恩旨蠲免地丁十分之三銀七百九十二兩一錢二

釐

嘉慶元年欽奉

恩旨蠲免地丁十分之二銀五百二十七兩四錢五分五釐八毫

嘉慶元年欽奉

恩賞老民米三石

舊奉成例每年賑恤寒生十二名共米十石二斗詳載經費

又收養孤貧十四名共給米三十八石一斗六升鹽菜棉衣褲共給銀三十八兩零七分詳載

黃平州志

卷四 蠲卹

三十一

經費

養濟堂一所在東門外

附舊州養濟堂明曹州牧進可立於南門內以養緣寡孤獨廢疾者不限其數月糧三斗冬衣銀五錢病故棺木銀三錢今圮

舊州漏澤園三以收葬死無歸者一在東門外一在北門屬壇下一在涼傘坡

新州義塚三一在東門外一在南門外俱朱學士定元捐置一在南門外王進士櫻捐置

舊州義塚在舊城西門外職員劉漢芳捐置

積貯

古者三年耕則餘年之食而豕宰以三十年之通制國用是耕九餘三者民與國同也吾黔山多田少黃平幅員雖差廣要亦在萬山中舊州平田不過二十里居州境百分一耳而民貧者什室而九蓋藏鮮能踰歲一不孰則受之饑矣是上以積貯以備賑貸者視古尤切也我

聖祖仁皇帝可料道諸臣奏令沿邊諸郡官民輸米貯倉以備荒歉百餘歲來豐年屢告雖雍正乙卯賑恤難民亦未動及倉穀所積至三萬餘石

黃平州志

卷四 積貯一

三十二

可謂盛矣茲據通志原額及現貯額著於篇  
通志乾隆五年黃平州實貯積貯穀六百石

舊州積貯穀三千三百八十六石九斗二升四合

欽奉案內穀二石九斗舊州米二十石八斗穀五十  
二石三斗二頃統共四千六十餘石並貯常平  
倉

乾隆六年起陸續加增至乾隆十三年定額後  
實存常平額貯穀三萬零九百二十一石八斗  
二升六合四勺嗣於乾隆二十七年奉

旨暫減常平穀六千石實存穀二萬四千九百二十  
一石八斗二升六合四勺至乾隆四十六年奉  
旨全行買補減貯歸款自乾隆四十七年至嘉慶五  
年現在常平實貯穀三萬九百二十一石八斗  
二升六合四勺貯州倉者三千六百八十六石  
貯舊州倉者二萬七千二百三十五石八斗二  
升六合四勺

通志重農寨內穀四石舊州七十三石一斗每  
年本州捐輸穀二石按年加增

嘉慶五年現在重農穀二百一十九石九斗在

黃平州志

卷四 續貯

二  
三十三

州倉者五十九石九斗在舊州倉者一百六十  
石社倉穀二石五斗三升

物產

禹貢載絲條之美周官詳動植之宜蓋先王物上之宜而布其利民生國用於是乎賴焉非細故也他志惟取其產之尤異餘則比于常事不書之例然物固有處處有之而此獨無者不若據所見而詳之之為實也且因以見物產非富民生在勤上之為政下之為俗皆宜講於樽節愛養之道云爾

穀之屬曰白黏紅黏百日黏麻黏銀項黏早香飯遲香飯早白遲白黃殼細紅黃瓜糯大穀糯牛皮糯

黃平州志

卷四 物產

三十四

蜂子糯蝦糯光頭糯旱稻小米有飯糯高粱

麥之屬曰老麥大麥小麥燕麥米麥

豆之屬曰黃豆黑豆青皮豆菜豆紅豆飯豆豇豆四季蠶豆豌豆扁豆刀豆羊眼豆

雜糧之屬曰紅稗毛稗收有甜苦玉米一名包穀

菜之屬曰白菜青菜即薤菜其用最多可菹可鹽可醃終年皆資之菠菜茼蒿苦蕒蒿苣甜菜廣菜莧

菜有紅白二種又有馬齒莧蒿菜芹蘆芋韭菘葱

茄蒜芫荽芡筍薑蕨春取苔作菜冬挖根取粉食

之荒年人多賴以救饑謂之土倉蘿菔菌有涼傘

青岡奶漿凍菌羊肚然往往遇毒薺菜反蓀菜馬蹄菜奶漿菜瓓菜海椒又名辣子甘露子

瓜之屬曰王瓜菜瓜南瓜冬瓜西瓜金瓜瓠瓜苦瓜葫蘆絲瓜

菓之屬曰桃李有麥熟鷄心六月蚌蛤苦李郁李蟠果等名梨甜雪酸香水溢半斤諸類柿栗核桃木瓜花紅櫻桃銀杏梅杏林檎石榴枇杷香橡柑橘橙桑椹葡萄蓮子刺梨木薑子

花之屬曰牡丹多粉口近間有紫者甚難栽植梅有白有紅綠萼臘梅海棠桂有黃紅白三種月桂梔

黃平州志

卷四 物產

三十五

子芙蓉石榴有紅白粉口粉紅郁李有粉紅白二種繡毬洋繡毬玉蘭山茶近始有紅寶珠白寶珠瑪瑙寶珠然不多木槿紅白二種紫荊紫薇夾竹桃碧桃絳桃辛夷迎春柳羊躑躅薔薇十姊妹木香玫瑰月月紅滴滴金荼蘼刺蘼鐵線蓮金銀花纏枝牡丹藤蘿芍藥有紫白二色蘭蓮有紅白二色玉簪白紫二色秋海棠水仙百合山丹罌粟虞美人萱花鹿蔥花剪春蘿剪秋蘿粉石竹鷄冠鳳仙百日紅荷包牡丹水桂胭脂花美人蕉俗名金鳳尾菊花有數十種蜀葵俗名蜀季花向日葵小

桃紅

耳之屬曰芭蕉馬鞭草虎耳草旱蓮草燈草萍苳  
明鏡草夏枯草車前草茅蕒莠藜

入之屬曰松栢杉椿桐梓槐檀楠桂楓柏梨白楊栗  
冬青樟桑穀柳棗桐麻櫟俗名青岡樹椶黃楊白  
菓白蠟

竹之屬曰篁竹為用甚多而堅厚俗名筋竹白竹苦  
竹水竹刺竹方竹蕩竹俗僚箭竹紫竹羊羶竹

藥之屬曰何首烏仙茅小茴川芎瓜蒞車前子柴胡  
沙參金銀花益母草石菖蒲地骨皮薏苡五加皮

黃平州志

卷四 物產

三  
三十六

澤蘭苦參茵陳桃仁杏仁黃精丹皮五倍子槐花  
紫蘇枳實艾乾葛山藥桔梗扁蓄淡竹葉骨碎補  
淫羊藿薄荷荊芥牛夕續斷香附黃栢天花粉茨  
菇女貞子

羽之屬曰鷄鵝鴨鶯燕鳩鴉鷓鴣竹鷄鷓鴣啄木子  
規俗名陽雀喜鵲麻雀錦鷄甚少野鷄畫眉百舌  
鸚鵡鷹鷂布穀水鴨點水雀紅綠文彩可愛或即  
翡翠而小鷓鴣鷓白鷺

毛之屬曰馬牛羊犬豕貓虎豹犴兔鼠野豬野貓狐  
獺黃鼠狼九節狸猴權麝



鱗之屬曰鯉鯽鯽鯢鱸桃花魚白條魚

介之屬曰鼈蚌螺蟹蝦穿山甲

蟲之屬曰蜂蛙蛇蟬螢蛾蠅蟻蜥蜴蜘蛛蝙蝠蚯蚓  
螳螂蟋蟀蜈蚣蠶斑貓蜈蚣蜂螞蟾蜍蝌蚪土蠶  
蚊蜻蜒蚰蜒蚨蝶百足

貨之屬曰土布蜜陶冶器桐油茶油靛烟

按天地生材莫不各適於用惟所產不厚故  
資之不給况從而撓之乎即竹木一端自苗  
賊猖獗公私廬舍盡付一炬蕩平後一時修  
復四野材木俱空然使十年之計樹木斧斤

黃平州志

卷四 物產

四  
三十一

以時入山林自當不可勝用惟衙門修造雖  
給價公買而胥役緣以為姦民間運送既艱  
且多波及之累遂至以栽蓄為畏途欲其豐  
亨裕大何道之從故轉移節省之機不在下  
而在上使不有痼瘕乃身登之衽席者安得  
用之不竭而盈寧有象也哉

又按靛之為利較之種雜糧者不啻倍之舊  
志不載近來種者甚夥舊城以上塘出者為  
最上塘以李谿河龍祠河出者為尤數十年  
來因以致富者不少以故人爭趨之亦有因

而蕩產者則非釐之罪也舊志亦不載烟草  
今則遍地栽之州南及東北一帶為甲王阮  
亭香祖筆記烟草考之本草爾雅皆無此名  
姚旅露書云呂宋國有草名淡巴菘一名金  
絲釀烟氣從管中入喉能令人醉亦解瘴氣  
搗汁可毒頭蟲初漳州人自海外携來莆田  
亦種之反多於呂宋矣是物本無益而耗財  
但習俗移人未能禁止姑誌之以備物產焉  
又按前明於紙房試採硃砂所得無多大為  
民累

黃平州志

卷四 物產

五  
三十八

國朝康熙六年課程無出經士民籲請本州轉詳題  
奏永遠封禁將課銀六十二兩攤於軍田完納民困  
以甦得以盡力南畝真

殊恩也

黃平州志卷五

學校志

聖制

廟祀

禮典

書院

昔先王肇修人紀建學為先司徒之三物樂正之四術優柔饜飫莫非使之會通於大道而成其才非獨使為士者皆知窮理修身以待國家之用而化民成俗亦必由之然古者自閭師黨正上達于天子治人者即教人者也自鼓篋祭菜至于論定授官所以學者即所以仕者也今則督撫而外又有學政牧令而外更設校官教之事益專矣或謂學可以入仕而所仕者未必

黃平州志

卷五 聖制

一一

資乎學則自束髮受書及于廷對寧皆空文而無實耶黃平先時州衛皆有學今經裁併官師雖合而廟廡仍分書院義學亦踵而增焉故備志之且恭錄

聖制于首以彰立教之本俾知今之為學固無異于

古云

聖制

帝堯命契勞來匡直數語為萬世建學明倫之始虞夏商周日臻詳備粹然盡善矣孔孟而後道獨在師儒而治教之統分然英君令辟曷嘗不孳孳勸學蓋未有舍是而可以為治者也我朝

列聖相承君師道備釐定經義莫不折衷孔子而上接二帝三王之心源其訓士之文頒諸學宮者洋洋乎

聖謨也士生斯時可不爭自濯磨以仰體

黃平州志

卷五 聖制

二

盛世興賢育才之化歟

順治九年

世祖章皇帝曉示生員八條准刊立卧碑置於明倫堂之左

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有教條開列於後

一 生員之家父母賢智者子當受教父母愚魯或有非為者子既讀書明理當再三懇告使父母

不陷於危亡

一 生員立志當學為忠臣清官書史所載忠清事蹟務須互相講究凡利國愛民之事更宜留心

一 生員居心忠厚正直讀書方有實用出仕必作良吏若心術邪刻讀書必無成就為官必取禍患行害人之事者往往自殺其身常宜思省

一 生員不可干求官長交結勢要希圖進身若果心善德全上天知之必加以福

一 生員當愛身忍性凡有司官衙門不可輕入即有切己之事只許家人代告不許干與他人詞

黃平州志

卷五 聖制

三二

訟他人亦不許牽連生員作證

一 為學當尊敬先生若講說皆須誠心聽受如有未明從容再問毋妄行辯難為師亦當盡心教訓勿致怠惰

一 軍民一切利病不許生員上書陳言如有一言建白以違制論黜革治罪

一 生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

康熙九年

聖祖仁皇帝頒示聖諭十六條

朕惟至治之世不專以法令為務而以教化為先其時人心醇良風俗樸厚刑措不用比屋可封長治久安茂登上理蓋法令禁於一時而教化維於可久而徒恃法令教化不先是舍本而務末也近見風俗日敝人心不古囂凌成習僭濫多端徂詐之術日工訟獄之興靡已或豪富陵轢孤寒或劣紳武斷鄉曲或惡衿出入衙署或蠹棍詐害良善萑苻之劫掠時聞讎忿之殺傷疊見陷罹法網刑所必加誅之則無知

黃平州志

卷五 聖制

三

可憫宥之則憲典難寬念茲刑辟之日繁良由化導之未善朕今欲法古帝王尚德緩刑化民成俗舉凡敦孝弟以重人倫篤宗族以昭雍睦和鄉黨以息爭訟重農桑以足衣食尚節儉以惜財用隆學校以端士習黜異端以崇正學講法律以做愚頑明禮讓以厚風俗務本業以定民志訓子弟以禁非為息誣告以全良善誠窩逃以免株連完錢糧以省催科聯保甲以弭盜賊解讎忿以重身命等項作何訓迪勸導及作何責成內外文武該管各官督率舉行爾部詳察典制定議具奏特諭

康熙四十一年

御製訓飭士子文

國家建立學校原以興行教化作育人才與至渥也  
朕臨御以來隆師重儒加意庠序近復慎簡學使釐  
剔弊端務期風教修明賢才蔚起庶幾棧樸作人之  
意乃比年士習未端儒效罕著雖因內外臣工奉行  
未能盡善亦由爾諸生積錮已久弊難改易之故也  
茲特親製訓言再加警飭爾諸生其敬聽之從來學  
者先立品行次及文學學術事功原委有叙爾諸生  
幼聞庭訓長列宮牆朝夕誦讀寧無講究必也躬修

黃平州志

卷五 聖制

五四

實踐砥礪廉隅敦孝順以事親秉忠貞以立志窮經  
考業勿雜荒誕之談取友親師悉化驕盈之氣文章  
歸於淳雅毋事浮華軌度式於規繩最防蕩佚子衿  
佻達自昔所譏苟行止有虧雖讀書何益若夫宅心  
弗淑行已多愆或蜚語流言脅制官長或隱糧包訟  
出入公門或唆撥姦猾欺孤凌寡或招呼朋類結社  
邀盟乃如之人名教不容鄉黨切齒縱倖脫襖撲盪  
竊章縫返之於哀寧無愧乎况鄉會科名乃掄才大  
興關係尤重士子果有實學何患困不逢年願乃標  
榜虛名暗通聲氣夤緣詭遇罔顧身家又或改竄鄉

貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已作姦犯科則異時敗檢踰閑何所不至又安望其秉公持正為國家宣猷樹績應後先疏附之選哉朕用嘉惠爾等故不禁反覆惓惓茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮即爾祖父亦增光寵矣逢時得志寧俟他求哉若仍視為具文玩愒勿做毀方躍冶暴棄自甘則是爾等冥頑無知終不能率教也既負栽培復干咎戾

黃平州志

卷五 聖制

六五

王章具在朕亦不能為爾等寬矣自茲以往內而國學外而直省鄉校凡學臣師長皆有師鐸之責者並宜傳集諸生多方董勸以副朕懷否則職業勿修咎亦難追勿謂朕言之不預也爾多士尚敬聽之哉

雍正元年

世宗憲皇帝訓飭州縣諭

朕惟國家首重吏治爾州牧縣令乃親民之官吏治之始基也貢賦訟獄爾實司之品職雖卑職任綦重州縣官賢則民先受其利州縣官不肖則民先受其害膺茲任者當體朝廷惠養元元之意以愛民為先



務周察葺屋綏輯鄉里治行果有其實循卓自有其名非內聚賄而外干譽謂之名實兼收者也全省吏治如作室然督撫其棟梁也司道其垣墉也州縣其基址也書云民為邦本本固邦寧夫所以固邦本者在吏治而吏治之本在州縣苟州縣之品不端猶基不立則室不固容有濟乎

皇考臨御六十一年灼知州縣之重特行引見咨詢明試至詳至慎其有廉能之員每不次超擢以示鼓勵今海內羣黎皆

皇考所懷保也朕膺

黃平州志

卷五

聖制

七 六

宗社重寄思纘

皇考之治功惟爾州縣諸臣俱有父母斯民之責其為朕立之基址以固邦本焉誠能潔己奉公實心盡職一州一縣之中興仁興讓教孝教忠物阜民安刑清政簡朕將升之朝守用作股肱如或罔念民瘼恣意貪婪或取削肥家或濫刑逞虐或借刻以為清或恃才而多事或諂媚上司以貪位或任縱胥吏以擾民或徇私逞欲以上虧國帑王章具在豈爾貸歟更有任州縣時私肥己橐而漫云且俟顯要方立名節者其與初市清名晚而改節之人何以異哉至於錢糧關

係尤重絲毫顆粒百姓之膏脂增一分則民受一分之累減一分則民沾一分之澤前有請暫加火耗抵補虧空帑項者

皇考示諭在廷不允其請爾諸臣共聞之矣今州縣火耗任意加增視為成例民何以堪嗣後斷宜禁止或被上司察核或被司道糾參必從重治罪決不寬貸夫欲清虧空之源莫如節儉正直節儉則用無不足正直則上官不可干以私若腹小民之生以飽上官之貪欲冒不測之罪以快一時之奢侈豈砥礪廉隅為民父母之道乎爾州縣等官其恪供乃職勿貽罪戾

黃平州志

卷五 聖制

七八

毋謂地遠官卑朕不及察其賢否也特諭

雍正元年

御製設立忠孝節義祠詔

旌表節義給銀建坊民間往往視為具文未曾建立恐日久仍至泯沒不能使民間有所觀感着於地方公所設立祠宇將前後忠孝節義之人俱標姓名於其中已故者則設牌面於其中祭祀用以闡幽光而垂永久著該部議奏

雍正元年

御製旌表節義諭

旌表節義乃彰善大典每見直省有力之家尚能上達而鄉村貧窶之人則多湮沒無聞深可憫惻着督撫學臣及有司遍加採訪務使苦寒守節之家同沾恩澤至節婦年逾四十而計其守節已滿十五年以上者亦應酌量旌獎着該部議奏

乾隆五年

高宗純皇帝正士習諭

士為四民之首而太學者教化所先四方於是觀型焉此者聚生徒而教育之董以師儒舉古人之成法規條亦既詳備矣獨是科名聲利之習深入人心積

黃平州志

卷五 聖制

九八

重難返士子所以汲汲皇皇者惟是之求而未嘗有志於聖賢之道不知國家以經義取士由聖賢之言體聖賢之心正欲使之為聖賢之徒而豈沾沾為文藝之末哉朱子同安縣諭學者云學以為己今之世父所以詔其子兄所以勉其弟師所以教其弟子弟子之所以學舍科舉之業則無為也使古人之學止於如此則凡可以得志於科舉斯已爾所以汲汲焉愛日不倦以至於死後已者果何為而然哉今之士子不知此以為苟足以應有司之求矣則無事乎汲汲為也是以至於惰游而不知返終身不能有志於

學而君子以為非士之罪也使教素明於上而學素講於下則士者固將有以用其力而豈有不勉之患哉諸君苟能致思於科舉之外而知古人之所以為學則將有欲罷不能者矣觀朱子此言誠古今通患夫為己二字乃入聖之門知為己則所讀之書一有益於身心而日用事物之間存養省察闡然自修世俗之紛華靡麗無足動念何患文章聲譽之能奪志哉况即為科舉亦無碍於聖賢之學朱子云非是科舉累人人累科舉若高見遠識之士讀聖賢之書據吾所見為文以應之得失置之度外雖日日應科

黃平州志

卷五 聖制

十九

舉亦不累也居今之世雖孔子復生也不免應科舉然豈能累孔子也此言即是科舉中為己之學誠能如此則四書五經皆聖賢之精蘊體而行之為聖賢而有餘不能為己則雖舉經義治事以督責亦糟粕陳言無裨實用浮偽與時文等耳故學者莫先於辨志志於為己者聖賢之徒也志於科名者世俗之陋也國家養育人材將用以致君澤民治國平天下而囿於積習不能奮然求志於聖賢豈不謬哉朕膺君師之任有厚望於諸生適讀朱子書見其言切中士習流弊故親切為諸生言之俾司教者知所以教而

為學者知所以學欽此

乾隆五年奉

上諭從來為治之道不外教養兩端然必衣食足而後禮義充故論治者往往先養後教朕御極以來日為斯民籌衣食之源水旱之備所期薄海蒸黎蓋藏充裕俯仰有資以為施教之地而解慍阜財之效尚未克副朕懷第思維皇降衷有物有則衣食以養其身教化以復其性二者相成而不相妨不容偏廢正如為學之道知先行後然知行並進非劃然兩時判然兩事又安得謂養之道未裕遂可置教化為緩

黃平州志

卷五 聖制

十一

圖也今學校編天下山陬海澨之人無不挾詩書而遊庠序顧學者徒以文藝弋科名官司徒以課試為職業於學問根本切實用功所在概未暇及司牧者盡心於簿書筐篋或進諸生而譚舉藝則以為作養人材振興文教其於閭閻小民則謂是蚩蚩者不足與興教化平時不加訓迪及陷於罪則執法以繩之無怪乎習俗之不淳而詬誶囂凌之不能禁止也朱子云聖人教人大概只是說孝弟忠信日用常行的話人能就上面做將去則心之放者自收性之昏者自明此深探立教本源至為切實蓋心性雖民之秉彝

而心為物誘則放性為欲累則昏存心養性非知道者不足與幾若夫事親從兄則家庭日用人人共由孩提知愛少長知敬又人人同具不待勉強要之堯舜之道不外乎是即如得一食必先以食父母得一衣必先以衣父母此即是孝能推是心而凡所以順其親者無不至則為孝子父之齒隨行兄之齒雁行此即是弟能推是心而凡所以敬其長者無不至則為悌弟一人如此人人從而效焉一家如此一鄉從而效焉則為善俗孟子曰人倫明於上小民親於下又曰人人親其親長其長而天下平由是道也惟在

黃平州志

卷五 聖制

十一  
十二

上者不為提撕警覺則習而不察而一時之明不勝夫積習之漸染重昏錮蔽日入於禽獸而不自知任君師之責者奚忍不為之申重而切諭之也哉

聖祖仁皇帝頌

聖諭以教士民首崇孝弟

皇考世宗憲皇帝行為廣訓往反周詳已無遺蘊但朔望宣講祇屬具文口耳傳述未能領會不知國家教人字字要人躬行實踐樸實做人倫日用正是聖賢學問至切要處堯舜之世比戶可封只是能盡孝弟放僻邪侈觸陷法網只為不知孝弟記曰將為善

思貽父母令名必果將為不善思貽父母惡名必不  
果誠能如此存心豈復有縱欲妄行之事苟不從此  
處切實做起雖誦讀詩書高談性命直謂之不學可  
耳凡有牧民課士之責者隨時隨事切實訓誨有一  
事之近於孝弟則從而獎勸之一事之近於不孝不  
弟則從而懲戒之平時則為之開導遇事則為之剖  
晰如此則親切而易入將見父詔兄勉日積月累天  
良勃發率其良知良能以充孝弟之實藹然有恩秩  
然有義豫順積於家庭太和翔於宇宙親遜成風必  
從此始凡吾赤子其敬聽諸凡厥司牧其敬奉諸

黃平州志

卷五 聖制

十三

乾隆八年

御製訓飭州縣教民諭

國家子惠黎元教養由來並重朕君臨天下宵旰維  
勤重農桑輕徭賦所以養民者惟恐不周至於正人  
心厚風俗皆國之大務尤所時廛於懷者凡中外臣  
工莫不諄切戒諭務使民間習尚馴良訟獄衰息以  
漸臻風移俗易之效乃數年以來民風仍未還醇習  
俗每輕犯法豈小民之不可牖迪歟抑牧令之教化  
不洽而德意未孚也古者朝廷之政象魏懸書閭里  
之教月吉讀法三物六行匪徒具文我

聖祖仁皇帝聖訓十六條飭紀敦倫型方正俗精義超越

前古

世宗憲皇帝萬言廣訓益加詳明剴切開導所以牖民  
覺世者至矣使地方有司竭誠宣布雖甚愚頑誰無  
天性亦必洗心滌慮革薄從忠駸駸於上理無如實  
力奉行者甚少即朔望宣講不過在城一隅附近居  
民聚集觀聽者僅數百人而各鄉鎮間有講約之  
所亦多日久廢弛全無實際至所奉諭旨有關於民  
教者亦惟張掛告示視為通行之常例焉能使之悅  
耳革心翻然悔悟是以尚氣輕生狃於性成作奸犯

黃平州志

卷五 聖制

十三  
十四

科常為俗染及其怙終不悛而刑罰隨其後朕甚憫  
之夫守令者民之父母古所稱忠信之長慈惠之師  
惟本至誠惻怛之意以感動愚民使之各自警省又  
能隨時隨事委曲勸誘諒無有不可化誨之人亦無  
往而非敷教之地即聽訟一端兩造具在隣佑親族  
齊集公所正百姓耳目所屬推誠曉諭最易提撕不  
徒見犯者各自退悔並使旁觀者亦因此傳播交相  
勸勉若公事稍暇或講讀編審或勸課農桑即可單  
車簡從親歷鄉村遇父老子弟獎其善良懲其不率  
申之以勸誠示之以榮辱循謹者益加鼓舞即強悍



者亦知戒懲漸摩日久性情和順貪利好勝之心不作而一道同風之盛可幾矣惟是百姓以守令之行事為觀感守令以督撫之意旨為從違為督撫者果能董率所屬留心化導實力奉行日計不足月計有餘斷未有為其事而無其功者若徒視為虛文接到諭旨轉行牌示遂以為已經遵奉則亦何益之有各省督撫等受朕深恩畀以封疆重寄尚其儆惕黽勉以無負朕諄諄誥誡之至意特諭

乾隆八年

御製訓示州縣勸民務農諭

黃平州志

卷五 聖制

十四  
十五

朕惟養民之本莫要於務農州縣考成固應用是為殿最而向來功令不專以此課吏者因其事甚樸無可炫長其迹似迂驟難見效又或上官之察勘難周有司之條教易飾不似催科聽斷捕盜等事之顯而有據也督撫察吏每於此等本計轉視為老生常談漠焉不甚加意以至州縣之吏趨承風旨專以簿書期會為先而農事反居其後職司民牧之謂何不知為治之道本舉而末自隨之如果南畝西疇人無餘力于耜舉趾日無暇時則心志自多淳樸風俗自鮮鷺凌人知急公而閭閻無待追呼矣人知畏法而盜

賊因以寢息矣本既端末事亦次第就理如此則州縣之考成似疎而實密即督撫之察核可簡而不煩日計不足月計有餘民生大有裨益即治道亦漸致郵隆若夫朝令夕申意非不美束縛馳驟適以擾民為督撫者當善體朕意毋視為具文毋事於塗飾誠以實心化導具屬俾屬吏亦以實力勤課其民庶幾野無游惰之風家有蓋藏之樂朕以此訓示督撫業已至再至三不啻耳提面命今復降此諭實願與天下共敦本計故不厭其言之重而詞之複也各省督撫其共勉之特諭

黃平州志

卷五

聖制

十五  
十六

乾隆十年

御製正文體論

國家設科取士首重四書文蓋以六經精微盡於四子書設非讀書窮理篤志潛修而欲握管揮毫發先聖之義蘊不大相逕庭耶我

皇考有清真雅正之訓朕題貢院詩曰言孔孟言大是難乃古今之通論非一人之臆說也近今士子以科名難倖獲或故為艱深語或矜為俳儷辭爭長角勝風簷鎖院中偶有得售彼此倣效為奪幟爭標良技不知文風日下文品日卑有關國家掄才大典非細

故也夫古人之論文以渾金璞玉不雕不琢為比未有穿鑿支離可以傳世行遠者至於詩賦棗藻敷華雖不免組織繡染然亦必有真氣貫乎其中乃為佳作今於四書文採綴詞華以示淹博不啻於孔孟之言本意相去萬里矣先正具在罔識遵從習俗難化職此之故嗣自今其令各省督學諸臣時時訓飭鄉會考官加意區擇凡有乖於先輩大家理法者擯棄弗錄則詭過之習可息士風還淳朕有厚望焉該部通行中外知之欽此

按易曰風行水上渙君子以申命行事記曰

黃平州志

卷五 聖制

十六  
十七

王言如絲其出如綸王言如綸其出如綍朝廷有詔諭而立國之規模官司之法守士習民風之不變薄海內外罔不率俾我

國家重熙累洽百數十年欽奉

恩綸垂為訓典謹錄有司士民所專奉者十一道匪惟以昭臣工之職守亦使家喻戶傳知我聖朝仁恩之渥樂利之周永永垂於萬億至

世宗憲皇帝欽頌

聖諭萬言廣訓藏之學官每於朔望宣講現在遵行

故不詳載

廟祀

古者入學釋奠於先聖先師固以崇德報功亦使學者思立教之源而知所宗主也

孔子為萬世師道之極故專祀學宮而四配以下凡扶翼道統者咸從祀焉歷朝謚號禮制時有損益要皆致其尊崇至我

朝而隆禮備樂追王上祀為極盛矣茲據會典所載著于篇雖非一州之事亦曰入廟思敬俾為師者知所以教而弟子知所以學云爾

學宮在城內東隅舊為興隆衛學宣德九年副使李

黃平州志

卷五 廟祀

十一

睿指揮常智建弘治二年指揮狄偁經歷李文祥改建城南嘉靖七年巡撫陳克宅遷西二十六年巡按蕭端蒙復遷舊址萬歷六年巡按馬呈圖學道李學一移建衛署右後仍遷城東

國朝康熙二十六年移州治于衛遷建今址總督蔡毓榮學道畢忠吉增修四十六年州進士王樞捐資重修雍正十三年苗叛燬之乾隆七年知州金作楫詳請重修署知州廖丕勳紳士王光士王煥士李光宗等監修乾隆二十五年合州紳士補修四十八年署州事張鳳枝知州袁治

率紳士盧嘉會王孚鏞朱文虎李景仁張大雄  
及合州補修正殿重修

崇聖祠東西兩廡及大成門煥然一新矣

大成殿五間東西廡各五間 大成門五間

崇聖祠五間東西廡各三間名宦鄉賢各三間

櫺星門德配天地道冠古今坊三座

興賢育才坊二座禮門一間照牆一座

舊州

學宮有範銅

聖像相傳來自唐宋原建于東門外涼傘坡嘉靖間

黃平州志

卷五 廟祀

十九

總兵石邦憲改建于南門內神宗五年通判朱  
崑遷于城西北三十年新鎮道劉冠南將黃平  
行府題請改為之在城外西北天官寨明末土  
寇藍二張先壁先後拆毀州人迎

像于城內羅天衢宅基建廟

國朝順治十六年知州杜廣精于地理遷建于射圃

康熙二十六年州遷于衛 聖廟未遷仍以歲

時致祭三十五年學師王 以地脉不實殿

宇欹斜謀之衆紳士呈請改建城南即今基址

也雍正十三年苗叛燒燬正殿左右俱壞惟

聖像獨存各紳士請以黃義學米興修并各捐資助  
建如新州制乾隆十一年總督張廣泗題請以  
訓導分駐春秋祭祀分祭項辦理乾隆十八年  
張為寧等八家修大成殿餘各紳士捐修惟  
崇聖祠係生員解汝巽捐修乾隆四十四年知州袁  
治率紳士重修兩廡解汝巽子能揚補修

崇聖祠江西新淦縣知縣常維炳修 大成門貢生  
戴深仁修泮池五十八年生員戴九德劉奇相  
戴德彬職員劉琬西吳繼明賴國明等呈請修  
理知州袁治轉詳將黃義學存貯州倉米石并

黃平州志

卷五 廟祀

二十

田畝交紳士經營承辦并各紳士捐助重修  
大成殿解汝巽孫文明仍修 崇聖祠監生金文光  
修櫺星門義民杜之麟之鳳修興賢坊吏員楊  
培元修育才坊義民賈士鵬修德配天地道冠  
古今二坊

聖容肅穆廟貌輝煌甲於他邑黔中罕覩焉  
至聖廟號

漢高帝詔祀孔子以太牢諸侯王卿相至郡先  
謁廟後從政平帝稱成宣尼父和帝封褒尊侯  
魏文帝稱文聖尼父 北魏獻文帝詔郡縣立

學與周公並享 後周宣帝封鄒國公 隋文帝稱宣師尼父上丁釋奠 唐高祖詔立專廟 贈太師太宗諡文宣王詔天下州縣皆立專廟 塑像出內廷衣袞冕正南面元宗諡文宣王 宋太宗詔文廟立戟十六真宗諡元聖又改至聖文宣王徽宗增門戟二十四 元武宗號大成至聖文宣王 明世宗嘉靖更號曰至聖先師孔子用木主

國朝順治二年定諡為大成至聖文宣先師孔子十四年改諡為

黃平州志

卷五 廟祀

二四

至聖先師孔子康熙二十四年頒

御書萬世師表匾額雍正元年追封

先師孔子五代為王爵改啓聖祠為崇聖祠五年頒

御書生民未有匾額乾隆三年頒

御書與天地參匾額俱懸大成殿中

東配

復聖顏子名回字子淵魯人

述聖子思子名伋字子思

西配

宗聖曾子名參字子輿魯武城人

亞聖孟子名軻字子與鄒人

按四子俱配始宋元豐咸淳

東哲

先賢

閔子名損字子騫魯人

冉子名雍字仲弓魯人伯牛之族

端木子名賜字子貢衛人

仲子名由字子路魯之卞人

卜子名商字子夏衛人

宥子史記字子若家語字子有魯人舊在東廡

黃平州志

卷五 廟祀

五十二

乾隆三年從徐元夢請升配

西哲

先賢

冉子名耕字伯牛魯人

宰子名予字子我魯人

冉子名求字子有仲弓之族

言子名偃字子游吳人

顓孫子名師字子張

朱子名熹字元晦號晦菴婺源人諡文

康熙五十一年升配



按十哲升配始唐開元

東廡照乾隆十八年部頒位次先後西廡同

先賢

蘧 璦字伯玉明改祀雍正二年復祀

澹臺滅明字子羽魯武城人

原 憲字子思魯人檀弓作仲憲

南宮 适字子容一作緇魯孟懿子之兄

商 瞿字子木魯人

漆雕開字子若一作憑字子開蔡人鄭元曰魯人

司馬耕字伯牛宋人家語作司馬黎耕與史記俱

黃平州志

卷五 廟祀

六  
二十三

字子牛

梁 纒字子魚史記作鯉字叔魚齊人

冉 孺字子魯一作曾家語作冉孺字子魚魯人

伯 虔家語字楷一作子析魯人

冉 季字子產魯人

漆雕徒父字子有家語漆雕從魯人

漆雕哆字子斂家語作漆雕侈魯人

公西赤字子華魯人

任不齊字子選楚人

公良孺家語名儒史記孺字子正陳人

公肩定家語字子仲史記作子仲魯人

鄒 單史記有鄒單字子家家語有縣亶字子象  
疑一人

罕父黑史記字子素家語罕父黑魯人

榮 旂史記字子旗家語作榮祈魯人

左人郢史記字行家語作左郢魯人

鄭 國家語作薛邦字徒魯人史記作鄭國

原 亢字子亢家語作元亢字子籍史記作原亢  
字籍魯人

廉 潔史記字庸家語子庸衛人

黃平州志

卷五 廟祀

二十七

叔仲會字子期文翁圖作會魯人鄭元云晉人

公西輿如字子上魯人史記公西輿

邾 異家語作邾異字子飲史記作邾異魯人

陳 亢字子亢一字子禽陳人

琴 張一名罕家語字子開文翁圖字子張衛人

步叔乘字子車齊人

秦 非字子之魯人

顏 噲字子聲魯人

顏 何字冉魯人復祀

縣 亶明以史記不載罷祀今復祀

樂正克孟子弟子雍正二年增祀

萬章孟子弟子增祀

周敦頤字茂叔世居道州營道縣濂溪後諡元

程顥字伯淳宋河南洛陽人諡純

邵雍字堯夫宋范陽人諡康節

先儒

公羊高齊人

伏勝字子賤鄒平人

董仲舒廣川人

后蒼字近君漢東海剡人

黃平州志

卷五 廟祀

八  
十五

杜子春河南緱氏人

諸葛亮蜀漢瑯琊人增祀

王通字仲淹隋龍門人

范仲淹字希文宋吳縣人諡文正

歐陽修字永叔宋廬陵人諡文忠

楊時字中立宋將樂人

羅從彥字仲素宋南劍州人諡文質

李侂字愿中宋延平人諡文靖

呂祖謙字伯恭婺州人諡成改諡中亮

蔡沈字冲默宋建陽人諡文正

陳 淳字安卿號北溪宋龍谿人增祀

魏了翁字華甫宋邛州人增祀

王 伯號魯齋宋金華人增祀

趙 復元初名儒德安人

許 謙號白雲增祀

吳 澄字幼清號草廬崇仁人乾隆二年復祀

胡居仁字淑心明餘干人

王守仁字伯安明餘姚人謚文成

羅欽順字允昇明太和人增祀

西廡

黃平州志

卷五 廟祀

九  
二十六

先賢

林 放魯人明改祀雍正二年復祀

宓不齊字子賤魯人

公冶長字子長家語作莢魯人

公析哀字季况齊人史記作公皙哀字季次

高 柴字子羔家語齊人史記衛人

樊 須字子遲家語魯人鄭元云齊人

商 澤家語字子秀史記作子季魯人

巫馬施字子期陳人史記字子旗

顏 辛字子柳魯人史記作顏幸

曹 卹字子循蔡人

公孫龍家語公孫寵衛人鄭元云楚人

秦 商字子丕家語字丕茲魯人鄭元云楚人

顏高字子驕家語作顏刻魯人

穰駟赤家語字子從秦人史記穰作穰字子徒

石作蜀字子明家語作石子蜀秦人

公夏首字子桑家語首作守字乘魯人

右 處史記字子里家語字堅之齊人

奚容蒧家語字子偕史記子皙魯人一作衛人

顏 祖字襄家語名相又名祖魯人

黃平州志

卷五 廟祀

十一

句井疆字子疆史記作句井正義作句井衛人

秦 祖字子南魯人鄭元云齊人

縣 成字子祺家語字子橫魯人

公祖句茲家語公祖茲字子之魯人

燕 伋字思家語名級字子思史記作伋秦人

樂 欬史記字子聲家語名欣秦人

狄 黑家語字皙之一作子皙史記字皙衛人

孔 忠字孔弗史記云孟皮之子

公西蒧字子尚史記作子上魯人

顏之僕家語字子叔史記字叔魯人

施之常字子常史記字子恆魯人

申 張家語申續字子周史記作申黨字周文翁

圖作堂後漢碑作棠皆一人也

左邱明中都人授經圖曰魯人

秦 冉字開蔡人明罷祀今復祀

牧 皮孟子趙岐注牧皮為聖門高弟雍正二年

增祀

公都子孟子弟子增祀

公孫丑孟子弟子增祀

張 載字子厚居郿縣之橫渠諡明

黃平州志

卷五 朝祀

十一  
二十八

程 頤字正叔諡正

先儒

穀梁赤字元始魯人

高堂生字伯魯人

孔安國字子國孔子十一世孫

毛 萇趙人善說詩世謂小毛公

鄭 元字康成東漢高密人復祀

范 甯字武子晉鄆陵人復祀

韓 愈字退之唐修武人諡文

胡 瑗字翼之宋海陵人諡文昭

司馬光字君實宋夏縣人諡文正

尹焞字彥明宋涪陽人賜和靖處士增祀

胡安國字康侯宋崇安人諡文定

張栻字敬夫宋綿竹人諡宣

陸九淵字子靜宋金谿人諡文安

黃幹字真卿號勉齋宋閩人

真德秀字景元浦城人諡文忠

何基宋金華人

陳澔字可大元南康人增祀

金履祥字吉夫號仁山元蘭溪人增祀

黃平州志

卷五 廟祀

十二  
二十九

許衡字仲平元河內人諡文正

薛瑄字德溫明河津人諡文清

陳獻章字公甫明新會人

蔡清字介夫號虛齋明晉江人增祀

陸隴其字稼書國朝平湖人力任斯道精研程

朱之學端方孝友以德化民增祀

崇聖祠舊名啓聖祠

肇聖王木金父自宋遷魯始姓孔

裕聖王祈父

詒聖王防叔

昌聖王伯夏

啟聖王叔梁紇仕魯為陬邑大夫晚娶顏氏聖母禱

尼邱山誕生至聖

配享

先賢

顏氏名無繇字路家語顏繇字季路顏子回之父

曾氏名點字皙家語字子皙史記作曾葢曾子參

之父

孔氏名鯉字伯魚子思子伋之父

孟氏名激公宜魯公族孟子軻之父

黃平州志

卷五 廟祀

十三  
三十

從祀

先儒

周氏名輔成周子敦頤之父

程氏名珦字伯溫贈永年伯二程子顥頤之父

蔡氏名元定字季通諡文節世稱西山先生蔡子

沈之父

張氏名迪張子載之父增祀

朱氏名松字喬年至元追諡靖獻朱子熹之父

改祀於鄉明嘉靖九年改

鄭 衆字仲師東漢開封人



盧植字子幹東漢涿郡人

服虔字子慎東漢滎陽人

罷祀明洪武嘉靖二次罷

公伯寮字子周魯人以讒仲由黜

揚雄字子雲成都人以事莽黜

荀況字卿趙人以言性惡黜

戴聖字次君漢梁人以賦吏黜

劉向字子政漢宗室誦神仙方術黜

賈逵字景伯東漢扶風人以附會圖讖黜

馬融字季長扶風人以貪鄙附勢黜

黃平州志

卷五 廟祀

十四  
三十一

何休字邵公東漢人以黜周王魯註風角書黜

王肅字子雍魏刻人黨司馬篡魏黜

王弼字輔嗣魏山陽人以旨宗老莊黜

杜預字元凱杜陵人黨貴建短喪黜

按學校為造就人材之地聖賢為萬世瞻仰之人今之列庠序者旁搜子史遠紹百家而於七十子及先代賢儒姓氏里居或忽焉不考考焉不詳求其原原本本能歷舉而悉數之者十不得二三焉寧不貽數典而忘之誚乎故約存梗概不敢謂公家言而遂畧之也

名宦祠三間在 聖廟大成門外東祀明巡撫郭  
子章同知鄭廷英董邦昌知州曹進可史應元  
黃虞龍經歷李文祥訓導聞善劉塘指揮周興  
胡質蕭琳權安常智狄僑權繼武余洪烈胡其  
仁千戶張朝周鑑百戶王榮三指揮曹廣李政  
權信沈暹張瑀王世勳狄遠沈俊陳一德千戶  
許興許曼解琛

國朝巡撫陳說知州杜廣羅鳴序幕友陳憲

鄉賢祠三間在 聖廟大成門內西祀明周瑛周

武卿周應余懋學解立敬王宗周張鵬朱芳李

黃平州志

卷五 廟祀

十五  
三十二

俊李際時朱應旌周鎬張瑛朱璣沈縉解鶴齡  
田湛金世寶張緯南李勝常瑛常勝胡璋周紀  
周銘解銘李爵權政李芳周淳

國朝王賜綬王標張于昌張兆舉

按名宦鄉賢祠內除已載入通志者毋庸置  
議其朱李二志及王志所載併現在祠內之  
有神主者名宦曹廣以下十二人鄉賢周鎬  
以下十九人內陳一德以死難聞周鎬張瑛  
以孝友稱李政狄遠以政績著皆人所艷稱  
流傳勿替其他雖事績缺考要非漫然附入

者均未可輕為置議也惟祠內有權信一主  
係權安之父安為始入黔之人祀之宜也信  
雖有大功然於吾州無與似為可議耳

又按忠義孝弟無專祠其主附入鄉賢祠內  
節孝祠前後各三間在 聖廟西書院側祀明節  
婦朱玉妻張氏張國用妻孫氏吳融妻王氏萬  
一麟妻韓氏余洪烈妻毛氏李清妻彭氏丁紹  
妻解氏解立愛妻周氏狄應龍妻李氏權繼武  
妻周氏陳一德妻余氏狄耀妻李氏郭繼賢妻  
林氏

黃平州志

卷五 廟祀

十六  
三十三

國朝盛萬任妻薛氏盛萬億妻吳氏周企濂妻曹氏  
胡學純妻田氏孟雲龍妻張氏聶正龍妻廖氏  
李維蒿妻文氏周廷材妻崔氏文佑昌妻張氏  
蔣天祚妻何氏王賜紱妻時氏高恆裕妻權氏  
沈榜妻張氏周又望妻王氏王渙堂妻馮氏王  
俊臣妻張氏張為志妻何氏戴承烈妻谷氏金  
妻楊氏聞瑤妻郭氏楊士蘭妻馮氏黃純  
妻王氏

按新舊城皆有節孝祠有已入新州復入舊  
州者均照神主列名不敢省也又有已請

旌而無木主者亦載入以俟其子孫之仁孝  
製入焉

羅公祠在玉皇閣側祀殉難知州羅鳴序幕友陳  
憲平伐營把總黃進忠諸生初震初威王峻韓  
試黃綉章黃憲章等二十二人每歲春秋上丁  
致祭

按東坡義烈祠祀前明萬歷時陣亡將士余  
太守與賢為之記今其名雖存而中則改奉  
釋氏矣田畝原載碑陰為侵欺者剝去并諸  
人姓名亦去焉羅公祠內之諸生向來各有

黃平州志

卷五 廟祀

十七  
三十四

木主今皆為爨下薪矣夫豈無子若孫而竟  
莫為之表著又何怪二百餘年之義烈祠化  
而為地藏菴耶嗚呼羅公一祠僅六十年文  
獻猶有存者尚且艱於考核其他軼失可勝  
歎哉

舊州

名宦祠三間在 聖廟大成門外東祀明巡撫郭  
子章知州曹進可史應元古德恆黃虞龍署知  
州鄭廷英守禦所張朝朱暹

國朝巡撫陳說

鄉賢祠三間在 聖廟大成門外西祀明李朝陽  
解立敬陳應熙張鵬彭必遠

國朝張也恭

節孝祠在 聖廟左垣外大門一間前廳三間正  
室三間左右廂各一間祀明張國用妻孫氏張  
國揚妻劉氏郭繼賢妻林氏

國朝陳修聖妻趙氏盛萬任妻薛氏盛萬億妻吳氏  
吳攀雲妻馮氏吳士元妻鄭氏戴綬妻黃氏戴  
承烈妻谷氏李之巔妻郭氏毛 妻陳氏陳

其詩妻林氏金 妻楊氏金炯繼妻戴氏丁

黃平州志

卷五 廟祀

十八  
三十五

其昌妻林氏林天寵妻何氏烈女李之巔女二  
姑

文昌宮在 聖廟西牌樓一座頭門三間大殿五  
間後殿五間內黃義學倉廩一間里人戴深仁  
捐銀二百二十兩暨闔州紳士修建

魁星閣又名雲起樓兼祀諸葛武侯在 聖廟左  
側訓導陳文政倡修

陽明祠即星山書院後樓

以上六祠每歲春秋上下釋奠後以豕一羊一  
邊豆各四祭席一筵訓導致祭

名宦祝文附維靈文武憲邦公忠體國當皇朝之  
肇造心膂攸司值列聖之丕承股肱作輔明良  
合德奮庸而庶績咸熙中外宣猷敷澤而非民  
永賴洵屬廟廊之碩望允宜俎豆以明禋考績  
紀勲崇報昭垂於令典陳牲奠幣馨香祇薦於  
歲時尚饗

鄉賢祝文 維靈秉賦貞純躬行篤實忠誠奮發  
貫金石而不渝義聞宣昭表鄉閭而共式祇事  
懋彝倫之大性摯義蒿克恭念天顯之親情殷  
棣萼模楷咸推夫懿德

黃平州志

卷五 廟祀

十九  
三十六

給恩特闡其幽光祠宇維隆歲時式祀用陳尊簋來  
格几筵尚饗

節孝祝文 維靈純心皎潔令德柔嘉矢志光貞  
全閨中之亮節竭誠致敬彰閭內之芳型茹冰  
蘖而彌堅清操自勵奉盤匱而匪懈篤孝傳徽  
絲綸特沛乎殊恩祠宇昭垂于令典祇循歲祀式薦  
尊醪尚饗

禮典

為國以禮州邑雖小有社有民安能舍禮以為治哉禮之興必由於學故列之學校而首載釋奠之儀祭器樂章皆具焉先農社稷已載壇廟至冠婚喪祭鄉飲養老尤政教之大者謹按會典詳列於篇昔太史公觀車服禮器想見其為人韓昌黎讀儀禮恨不揖讓其間士生禮明樂備之時可不講明而遵守歟

釋奠禮每歲仲春仲秋上丁日致祭

陳設正位禮神制帛一白色白磁爵三牛一羊一

黃平州志

卷五 禮典

三十七

豕一登一太羹鉶一和羹簋二簋二黍稷稻粱  
籩十白餅黑餅形鹽藁魚鹿脯棗栗榛菱芡豆  
十脾肝豚胎鹿醢兔醢魚醢醢韭菁芹笋酒  
罇一

四配每位禮神制帛一白磁爵三羊一豕一鉶一  
簋二籩二籩八豆八酒罇一

十二哲東六位六案禮神制帛一白磁爵各一豕

一鉶各一籩各一簋各一籩各四豆各四豕首

一西六位同獻官拜位東西各一壇每壇共獻

爵三

東廡禮神制帛一銅爵各一豕三每案簋一簋一  
籩四豆四西廡同獻官拜位每廡三壇每壇共  
獻爵三

崇聖祠每位禮神制帛一白磁爵三羊一豕一銅  
一簋一籩一籩八豆八酒罇一

配位每位禮神制帛一銅爵三豕首一簋一籩一  
籩四豆四豕肉一

兩廡每位禮神制帛一銅爵一簋一籩一籩四豆  
四豕肉一

前期二日齋戒前一日承祭官率陪祭各官齊赴

黃平州志

卷五 禮典

二十八

廟階下行一跪三叩頌禮滌器視牲瘞毛血祭

日黎明各官衣朝衣齊集行禮以下迎神送樂神皆有唱贊樂

舞生就位執事者各司其事主祭官陪祭官分

獻官各就位舉迎神樂奏咸平之章行三跪九

叩禮行初獻禮舉初獻樂奏寧平之章升壇詣

位前行一跪一叩禮奠帛獻爵如之詣讀祝位

跪各官俱跪讀祝畢捧祝文至正位案行三叩

禮詣復聖顏子位行一跪一叩禮奠帛獻爵如

之宗聖述聖亞聖位亦如之十哲兩廡分獻俱

照前儀復位凡出殿門皆攝行亞獻禮樂奏安平之章



如初獻儀行三獻禮樂奏景平之章如亞獻儀復位詣受福胙位跪飲福酒受福胙行三叩謝胙禮復位徹饌樂奏咸平之章送神樂奏咸平之章行三跪九叩禮捧祝帛饌各詣燎位望燎禮畢

祝文 惟先師德隆千聖道貫百王揭日月以常行自生民所未有屬文教昌明之會正體和樂節之時辟雍鐘鼓咸恪薦以馨香泮水膠庠益致嚴於邊豆茲當仲春祗率彝章肅展微忱聿將祀典以復聖顏子宗聖曾子述聖子思子亞

黃平州志

卷五 禮典

三  
三十九

聖孟子配尚饗

崇聖祠祝文 惟王奕業鍾祥光開聖緒盛德之後積久彌昌凡聲教所覃敷悉循源而溯本宜肅明禮之典用申守土之忱茲屈仲秋聿修祀事配以先賢顏氏先賢曾氏先賢孔氏先賢孟氏尚饗

樂章迎神咸平之章

大伏哉伏孔伍子伏先伏覺仕先伍知伏與伏

天伏地仕參伍萬伏世仕之伍師伍祥伍徵仕

麟伏紱伏韻伏答仕金伏絲仕日伏月伏既伏

揭仕乾仕坤仕濟仕夷仕

初獻寧平之章

予仕懷仕明仕德仕玉仕振仕金仕聲仕生仕  
民仕未仕有仕展仕也仕大仕成仕俎仕豆仕  
千仕古仕春仕秋仕上仕丁仕清仕酒仕既仕  
載仕其仕香仕始仕升仕

亞獻安平之章

式仕禮仕莫仕愆仕升仕堂仕再仕獻仕饗仕  
協仕彝仕鏞仕誠仕孚仕壘仕獻仕肅仕肅仕  
雍仕雍仕譽仕髦仕斯仕彥仕禮仕陶仕樂仕

黃平州志

卷五 禮典

四十

淑仕相仕觀仕而仕善仕

終獻景平之章

自仕古仕在仕昔仕先仕民仕有仕作仕皮仕  
弁仕祭仕菜仕於仕論仕思仕樂仕惟仕天仕  
牆仕民仕惟仕聖仕時仕若仕彝仕倫仕攸仕  
叙仕至仕今仕木仕鐸仕

徹饌咸平之章

先仕師仕有仕言仕祭仕則仕受仕福仕四仕  
海仕鬻仕宮仕疇仕敢仕不仕肅仕禮仕成仕  
告仕徹仕母仕疏仕母仕瀆仕樂仕所仕自仕

生伏中伏原伏有伏菽伏

送神感平之章

冕伏繹伏峒伏嶽伏嶽伏洙伏泗伏洋伏景伏

行伏伍伏行伏伍伏止伏流伏無伏疆伏肆伏昭伏

祀伏祀伏祀伏祀伏祀伏祀伏祀伏祀伏祀伏祀伏

民伏育伏我伏膠伏庠伏

迎春之禮豫於東門外製芒神春牛視歲建干支

辨其形色以迎生氣占歲時立春前一日率僚

屬朝服迎春於東門外隸役舁芒神土牛導以

鼓樂至署前陳於采棚立春日屆時迺同僚屬

黃平州志

卷五 禮典

四十一

出土牛環擊以示勸耕之意

崇祀名宦鄉賢之禮直省司牧之官有功斯民遺

愛難泯者薦紳處士積學力行垂範鄉里者由

學校師生公舉以達州縣州縣以達督撫學政

歲於八月具疏部加覆覈歲終彙疏以聞列祀

名宦鄉賢二祠每代擇適裔一人由督撫學政

咨部給照充奉祠生

旌表節孝之禮由州縣報督撫學政均詳具實

蹟造冊送部覈定歲終彙奏孝子崇祀忠義孝

弟祠節婦自年三十至五十或年逾四十而歿

守節已閱十五年以上者

賜清標彤管四字以表其閭仍於節孝祠內彙姓氏  
勒諸貞珉其有奇節苦行者各

賜銀三十兩建坊里門春秋祭於祠內孝女與孝子  
同貞女烈婦與節婦同苦民之義行有屢世同  
居和睦無間者建坊里門題名忠義孝弟祠若  
出粟以周族黨振貧乏捐財以治橋梁修道路  
均由有司旌其閭為數多者奏請叙錄  
敬老之禮百歲老民

賜銀三十兩建坊里門題以昇平人瑞四字老婦旌

黃平州志

卷五 禮典

六  
四十二

以貞壽之門逾百歲者加賞銀十兩內府幣一  
百有十歲者倍之百二十歲以上者請  
旨加賞不拘成例

慈幼之禮州縣各設育嬰堂收養幼孤之無歸  
者又民有一產三男者給米五石布十疋掩骼  
埋胔之禮州縣建義塚有貧不能葬及無主暴  
骨皆收埋之民有收瘞遺骸年久不怠者有司  
表其門

鄉飲酒之禮歲以孟春望日孟冬朔日舉行於  
庠豫期由令牧各舉耆年致仕德望懋著者一

人為賓次介次三賓次衆賓均以齒德兼優者為之屆期以牧令為主人主席學官一人為司正贊禮執事以生員先一日設坐次於庠之講堂設律令案於堂東司正官率執事諸生習儀設樂於西階下至日質明主人偕僚屬執事生均詣學乃速賓介既至考鐘伐鼓主人出迎於庠門之外賓介東面主人西面主人揖賓介入衆賓從入三揖至於階三讓迺升主人東階上北面再拜賓介西階上北面答再拜主人揖賓介就位三賓衆賓咸就位正賓席西北南向介

黃平州志

卷五 禮典

七  
四十三

西南東向主人東南西向三賓衆賓在賓席之西東向坐定贊者贊司正揚觶以下行禮均唱贊司正由西階升詣堂中北面立賓主以下皆立司正揖衆皆揖司酌酒於觶授司正司正揚觶而語曰恭惟

朝廷率由舊章敦崇禮教舉行鄉飲非為飲食凡我長幼各相勸勉為臣盡忠為子盡孝長幼有序兄弟弟恭內睦宗族外和鄉里無或廢墜以忝所生迺畢飲以觶授司酌揖賓主以下皆揖司正退衆皆坐執事者舉律令案於堂中讀律令

者詣案北面立賓主以下皆立揖如前讀畢退  
主人起獻賓席前北面立司爵酌酒授主人受  
爵詣賓位司饌舉饌案於賓前主人奠爵於席  
降再拜賓答再拜退復位賓起酢主人席前東  
面立司爵酌酒授賓賓受爵詣主人位饌案從  
賓奠爵於席再拜主人答再拜賓復位主人起  
獻介介酢主人均如前儀司爵酌酒獻三賓象  
賓偏工升鼓瑟歌鹿鳴賓主以下酒三行司饌  
供養笙磬作奏南陔間歌魚麗笙由庚司爵以  
次酌爵司饌供養者三迺合樂歌關雎工告樂

黃平州志

卷五 禮典

八十四

備執事者徹饌案賓主以下皆起主人就東階  
賓介就西階均再拜賓介降階出主人送於門  
外如初迎儀

冠服之制一品至八品冠均鏤金為頂一品上  
用紅寶石中飾東珠二品用鏤花珊瑚中飾小  
紅寶石三品用藍寶石中飾如二品四品用青  
金石中飾小藍寶石五品用水晶中飾如四品  
六品用碑礫中飾如五品七品用素金頂中飾  
水晶八品用鏤金頂九品用鏤銀頂未入流視  
九品服自一品至三品得用貂緣及蟒繡金花

采繒七品以上得用金花采繒八九品得用素繒領袂均得用蟒繡及金花繒補服文職一品用鶴二品錦雞三品孔雀四品雁五品白鷗六品鷺七品鸚鵡八品鶴鷄九品練雀武職一品麒麟二品獅三品豹四品虎五品熊六品彪七品犀牛九品海馬都察院左都御史至監察御史直省按察使均用獬豸其都察院都事經歷筆帖式按察使司經歷照磨等官仍從其品貂裘四品以上及翰林科道官用之帶一品用金銜方玉四各飾紅寶石一二品用鏤金圓版

四飾如一品三品鏤金圓版四四品銀銜鏤金圓版四五品銀銜素金圓版四六品銀銜玳瑁圓版四七品銀圓版四八品銀銜明羊角圓版四九品銀銜烏角圓版四士庶公服狀元頂帶視六品會試中式貢士冠用裏金三枝九葉頂服均如常制舉人官生貢生監生冠帶視八品服皂繒緣青生員冠帶視九品服青繒緣皂外郎耆老冠頂以錫 公侯伯子男及品官已受封父母冠服並得從子婦冠服從其夫凡采服百官冠頂均二重王公冠頂用紅寶石民公侯

伯及一品官均珊瑚二品鏤花珊瑚三品以下  
至未入流各視朝冠頂采服民公侯伯以下文  
武官裾啟前後均用蟒文采繒襟袂緣以金花  
繒補服與朝服同常服民公以下四品官以上  
及

御前侍從官均得用蟒文七官以上官得用諸花繒  
八九品官用雜花及素繒舉人視七品貢監生  
員視八品軍民商賈吏員得用綾絹餘並不得  
僭擬

乾隆三十八年御史胡翹元奏准軍民吏役

僕隸優伶准用紬綾紡絲棉紬繭紬屯絹葛  
苧梭布貉皮羊皮毛褐冬帽用染騷鼠狐貉  
沙狐皮獺皮不得用貂服色不得用黑狐皮  
秋香色米色香色等類其狼皮狐皮沙狐狄  
緞紗概行禁用違者加倍處治

上用服色及色相近者王公以下均毋得用品官革  
職留原任者仍視原品革職官無封銜者原品  
冠服不得用

凡朝珠文職五品武職四品以上及翰林科道  
官五品官命婦以上均得用以雜寶及諸香為



之禮部主事太常寺博士典簿讀祝官贊禮郎  
鴻臚寺鳴贊光祿寺署正署丞典簿國子監監  
丞博士助教學正學錄除在

壇

廟執事及殿庭侍儀外餘處不準用

坐褥民公冬用全虎皮夏皂繒侯伯冬均用方  
虎皮夏侯用緣花皂繒伯用青雲繒均藉紅氈  
子男各從其品文武官一品冬用狼夏紅褐二  
品冬用獾夏紅褐緣皂褐三品冬用貉夏皂褐  
緣紅褐四品冬用青山羊夏皂布均藉紅氈五

黃平州志

卷五 禮典

十一  
四十七

品冬青羊夏青布六品冬黑羊夏梭色布七品  
冬用鹿夏灰色布八品冬用麀夏土布九品冬  
用獾夏與八品同均藉白氈佩囊漂帛左右垂  
帶下為飾王公百官咸用之佩刀素鞬飾雜寶  
凡寒燠更用冠服以季春季秋月之五日十五  
日或二十五日始先期請

皆通行若緣貂朝服及表裘歲以仲冬朔日始孟春  
十六日止凡遇雨雪服雨衣以氈或羽緞  
油紬為之職官一品至三品冠用紅色四品至  
六品紅色青緣七品以下有頂帶人員青色紅

緣軍民用青色雨衣一品以上用紅二品以下均用青

在京文官乘轎三品以上頂用銀幃蓋用皂舁夫四出京舁夫八四品以下頂用錫舁夫二出京四直省督撫舁夫八司道至教職舁夫四雜職乘馬命婦乘車輪轅均用黑色一品夫人皂蓋四角緣綠皂幃綠幃二品夫人去緣飾餘視一品三品皂幃餘視二品四品青幃餘視三品五品以下均青蓋餘視四品三品以上命婦頂用銀餘均用錫幃蓋幃二品以上命婦用素繒

黃平州志

卷五 禮典

四十二

餘用布

婚禮凡品官先以媒妁通言二姓遂諏吉行納采禮自公爵至九品以上官各具簪珥領約衣服衾褥有差主人吉服命子弟為使從者齋禮物如女氏至門女氏主人吉服迎入從者陳禮物於聽事賓至命主人祇受告於廟迺禮賓賓退主人送於門使者還復命是日設燕燕具牲酒自公侯以下數各有差婚期前一日女氏以奩具往陳媾家至日媾家具合卺燕於室媾吉服以俎迺設儀衛以婦輿如女氏女氏主人告

於廟筭而命之醮女以俟迎者迎者至姆奉一  
升輿行至門女侍導婦入室婿婦交拜訖行合  
盞禮是日設燕與納采日同品官之子未受職  
者禮得視其父已受職者各從其品士婚禮得  
視九品官庶民納采首飾數以四為限輿不采  
飾餘均得視士越三日主人主婦率新婦見於  
廟分不得立廟者見祖禰於寢如常告儀

居喪之禮民公溘逝子截髮去冠緯夫人側室  
女子婦等去簪珥剪髮兄弟以下僕婢以上皆  
男去冠緯女去首飾設帷堂立喪主內喪主赴

黃平州志

卷五 禮典

十三  
四十九

告於親戚僚友擇時進采棺

朱槩飾金花

置寢室正

中既歛設靈座陳奠凡五服之人皆成服喪主

及諸子居苦次大功以下異室者各歸其家成

服後每朝夕奠肴饌午奠餅餌陳設執事族人

咸齊集上食設饌如生時遇朔望則於朝奠具

殷奠肴核加盛卜日而發引前夕啟奠翼日以

槨輿舁柩以靈車載魂帛陳鞍馬八匹儀從各

以次前導棺覆以帷帷用青藍綵綺舁夫六十

四人前引以丹旌銘旌

旗人用丹旌漢人用銘旌

及殯所暫

安每日設奠如前行初祭禮親族咸集設饌筵

十有五席羊七楮帛四萬設衣冠為尸祭畢焚  
之大功者至此易素服行大祭禮儀與初祭同  
期服者至此易素服百日致祭禮與初祭同喪  
主以下咸薙髮五月而葬豫期行題主禮屆葬  
期先期祖奠至時舁柩如發引儀葬畢虞祭羊  
酒楮帛隨宜酌用祭畢卒哭守塋人四戶期年  
小祥再期大祥及三周悉詣塋域致祭羊楮饌  
筵各視前減半二十七月服闋迺釋服從吉

侯伯盭逝斂以朱棺發引陳鞍馬七匹初祭大  
祭皆用羊六楮帛侯三萬六千伯三萬二千饌

筵侯十有三席伯十有二席餘皆與公同

凡一品官盭逝發引陳鞍馬六匹覆棺以銷金  
青藍色綺為帷三月而葬守塋人二戶初祭大  
祭楮帛二萬八千羊五饌筵十餘與侯伯同

二品官之喪發引陳鞍馬五匹初祭大祭皆羊

四饌筵八席楮帛二萬四千餘與一品官同

三品官之喪發引陳鞍馬四匹覆棺以青藍雲

綺為帷舁夫四十八人守塋人一戶初祭大祭

皆用楮帛二萬饌筵六席羊三餘與二品官同

四品官之喪發引陳鞍馬三匹初祭大祭皆用

楮帛一萬六千饌筵五席餘與三品官同

五品官之喪發引陳鞍馬二匹初祭大祭皆用

楮帛一萬二千饌筵四席羊二餘與四品官同

以上楨輦皆髮以砂紅 六七八品官之喪覆棺用青藍素

綺為帷舁夫三十二守塋二人初祭大祭皆用

楮帛一萬饌筵三席餘與五品官同 九品官

及凡有頂帶官員之喪覆棺用青絹舁夫二十

四餘與八品官同 以上楨輦皆飾以紅皂 兵民發引陳鞍

馬一匹覆棺以布舁夫十有六人 楨輦兩端飾以黑中飾紅

皇 祭用楮帛六千饌筵二席羊一餘與有頂帶

黃平州志

卷五 禮典

十五  
五十一

官員同民公以下兵民以上君喪二十七月內

不燕會不鼓樂不娶妻納妾門戶不換舊符

凡品官家祭之禮 世爵公侯伯子視一品 於居

室之東立家廟一品至三品官廟五間中三間

為堂左右各一間隔以墻北為夾室南為房堂

南檐三門房南檐各一門階五級庭東西廡各

三間東藏遺衣物西藏祭器庭繚以垣南為中

門又南為外門左右各設側門四品至七品官

廟三間中為堂左右為夾室為房階三級東西

廡各一間餘制與三品以上同八品九品廟三

閭中廣左右狹階一級堂及垣皆一門庭無廡  
以篋分藏遺衣物祭器陳於東西序餘與七品  
以上同在籍進士舉人視七品  
恩貢歲到貢生視八品堂後楹北設四

室奉高曾祖禰四世皆昭左穆右妣以適配南  
嚮高祖以上親盡則祧由昭祧者藏主於東夾  
室由穆祧者藏主於西夾室遷室祔廟悉以昭

穆之次東序西序為祔位伯叔祖之成人無後  
者伯叔父之成人無後及其長殤至十六歲者兄  
至十五歲者妻先歿

弟成人無後及其長殤中殤至十五歲者妻先歿  
者子姓成人無後及其長殤中殤下殤九歲至  
十一歲

黃平州志

卷五 禮典

十六  
五十二

者皆以版按行輩墨書男統於東女統於西東  
西嚮歲以春夏秋冬仲月擇吉致祭戒子弟讀  
祝一人贊禮一人執爵每案二人分薦祔位東  
西各一人凡在廟所出子孫年及冠以上者皆  
會行禮先祭三日主人及在事者咸致齋前一  
日主人率子弟盛服入廟視潔除拂拭畢執事  
者於各室前設几几前供案堂南總香案一爐  
檠具祔位東西各統設一案設祝案於香案之  
西設尊爵案於東序設盥盤於東階上視割牲  
一品至三品官羊一豕一四品至七品特豕八

品以下豚肩不特殺視滌祭器三品以上每案  
俎二銅二敦二籩六豆六七品以上籩四豆四

八品以下籩二豆二皆俎一銅敦數同代以時用槃椀

聽者辨祭器之實俎實牲體銅實羹敦實飯籩實  
時果餅餌魚臘獸臘之屬豆實炙載時蔬之屬

屈日五鼓主人朝服與祭執事者盛服入廟主  
人俟於東階下族姓俟庭東西以昭穆世次為

序執事者陳鑪鐙於供案南陳尊爵於東序案  
上代以壺陳祭文於祝案實水於盥盤加巾主

婦率諸婦盛服入詣饗所視烹飪羹定入於東

黃平州志

卷五 禮典

七十三

房治籩豆之實陳銅敦匕箸醯醬以俟質明子  
弟之長者盥詣各室前跪一叩興啟室奉主以  
次設於几昭位考右妣左穆位考左妣右分薦  
者設東西祔位畢贊禮立堂東檐下西面諸執  
事分立東西序端相嚮贊就位主人升自東階  
盥詣中檐拜位立族姓行尊者立於東西階上  
卑者立於階下皆重行北面贊參神立主入堂  
左門詣香案前跪執事二人司爵一奉香盤一  
挹尊酌酒詣主人左右跪左奉香主人三上香  
右奉爵主人酌酒於地以爵奠於案輿退出右

門復拜位及族姓行一跪三叩禮贊初獻主婦率諸婦出於房薦匕箸醯醬於几前案北跪一叩興徧及祔位退入於房庖人解牲體實於俎執事者奉以升各薦於供案主人詣高祖考案前執爵者奉爵主人獻爵奠於正中跪叩興以次詣曾祖祖禰案前獻爵如前儀分薦者徧獻祔位酒訖退立於拜位贊讀祭文主人跪族姓皆跪祝詣祝案之左跪讀訖興以祭文復於案退主人以下三叩興贊亞獻庖人納羹飯於東房主婦率諸婦和羹實於銅實飯於敦出薦於

案及臘肉炙馘徧跪叩興退如初禮主人獻爵於各位之左贊三獻主婦率諸婦出於房薦餅餌果蔬叩退主人獻爵於各位之右分薦者徧獻祔位酒皆如初獻儀贊受嘏祝取高祖供案酒饌降至香案旁主人詣香案前跪祝代祖考致嘏於主人主人啐酒嘗食反器於祝接以興主人三叩興復位贊送神主人以下一跪三叩贊望燎祝取祭文由中門出送燎主人退避東階下行輩長者咸降階主人詣燎位視燎畢與祭者出主人率子弟納神主上香行禮徹祭器



傳於燕器潔滌謹藏之闔門各退日中餽與祭者尊卑咸在按昭穆布席東西相嚮位別以行行均以齒主人揖尊者入席諸父兄弟子孫各揖尊者及相揖迺坐主人酌酒獻於尊者尊者酌之主人進饌於尊者尊者飯衆皆飯諸卑幼各酌酒獻於所尊獻酬畢尊者起衆皆起隨出主婦餽於內儀同 恭遇

覃恩告廟諏吉致齋陳設均如時祭先期別書

制辭一通祭日進爵讀祝告辭後贈告主人奉考主

卑者奉妣主如有尊者則埃於廟門外宣主人奉妣主

黃平州志 卷五 禮典

十九  
五十五

制者一人以同姓或戚屬已仕者朝服奉

制入廟門主人率族姓跪接隨至階下序立考東妣

西族姓重行立其後皆北面宣

制者升東階至香案前南嚮立主人以下皆跪宣

制畢主人奉主率族姓行三跪九叩禮宣

制者奉安神案南正中降階出主人奉主詣神案前

改題新贈爵位奉主復位退各就拜位再進爵

三進爵授福胙如時祭禮畢焚黃 歲時則薦

一二三品時果庶羞每案四五六七品時果

每案二槃庶羞每案四槃八九品及未入流時

果庶羞每案各二設案於室每案琖箸壺具香  
案陳香槃一夙興主人率子弟入掃除陳設畢  
迺啟室主人跪上香三叩興子弟取琖酌酒進  
於主人主人奠酒訖子弟復奉羹飯從主人薦  
獻訖以次詣各案薦獻如前儀編主人一跪三  
叩興迺闔室每月朔望庶羞時果各遞殺一等  
餘儀同八九品及未入流者止供茶一跪三叩  
因事致告與朔望同

凡庶上

貢監生員  
有項帶者

家祭之禮於寢之北為龕以

版別為四室奉高曾祖禰皆以妣配位如前儀

黃平州志

卷五 禮典

二十  
五十六

南嚮前設香案總一服親男女成人無後者按  
輩行書紙位附食男東女西相嚮事至則陳已  
事焚之不立版歲以春夏秋冬節日出主而薦  
菜盛二槃肉食果蔬之屬四器羹二飯二前期  
主人及與祭者咸致齋薦之前夕主婦盛服治  
飯於房中厥明夙興主人吉服率子弟設香案  
於南然燭置祭文於堂北設供案二昭東穆西  
均以妣配位南嚮設附案於兩序下各一男東  
女西東西嚮主人以下盥奉木主設於案設附  
位於兩序案訖主人東階下立象各依行輩東

西序立主人詣香案前上香畢率在位者一跪  
三叩興主婦率諸婦出房中薦匕箸醯醬跪叩  
如儀退子弟奉壺主人詣神案以次酌酒薦熟  
訖皆就案南跪叩興子弟薦祔位畢主人跪在  
位者皆跪祝進至香案之右讀祭文訖興退主  
人以下叩興再獻主婦薦飯羹三獻主婦薦餅  
餌時蔬主人酌酒跪叩均如初儀畢主人率族  
姓一跪三叩興祝取祭文及祔食紙位焚於庭  
象出主人納木主徹退日中而餽春一舉布席  
於堂東西北上陳椅棧匕箸如其人數傳祭食

於燕器熱酒饌族姓至主人肅入序位以行輩  
年齒為等旅揖即席進酒饌酬酢如禮湯飯畢  
長者離席告退主人送於門外諸子弟皆隨以  
出徹僕人餽餘食皆盡月朔望日主人及家衆  
夙興盥洗啟寢室然燭詣香案前依行輩序立  
主人上香訖子弟奉茶主人獻茶復位率衆一  
跪三叩興徹茶闔室衆退若家有吉事主人盥  
洗啟室然燭焚香以其事告行禮如朔望儀

凡庶人家祭之禮於正寢之北為龕奉高曾祖  
禰神位歲逢節序薦果蔬新物每案不過四器

羹飯具其日夙與主婦治饌主人率子弟設案  
然燈啟室奉神主於案上以昭穆序主人立於  
香案前象序立於主人下以行輩為先後主人  
上香一跪三叩興納主於室徹退日中象饌神  
食歲一舉論行輩先後同行序齒列坐酒行飯  
已肅揖以退月朔望日獻茶然香燈行禮告事  
亦如之均與庶士儀同

凡墳塋規制民公侯伯碑一通圍牆四十丈守  
塚人四戶一二品官碑一通圍牆三十五丈守  
塚人二戶三品官碑一通圍牆三十丈守塚人

一戶四品五品官同六品以下官碑一通圍牆  
十二丈碑制民公侯伯碑身高九尺廣三尺六  
寸螭首龜趺首高三尺二寸趺高三尺八寸一  
品官碑身高八尺五寸廣三尺四寸螭首龜趺  
首高三尺趺高三尺六寸二品官碑身高八尺  
廣三尺二寸麒麟首龜趺首高二尺八寸趺高  
三尺四寸三品官碑身高七尺五寸廣三尺天  
祿辟邪首龜趺首高二尺六寸趺高三尺二寸  
四品至七品官碑皆圓首方趺四品官碑身高  
七尺廣二尺八寸首高二尺四寸趺高三尺五

品官碑身高二尺五寸廣二尺六寸首高二尺二寸趺高二尺八寸六品官碑身高二尺四寸首高二尺六寸七品官碑身高二尺五寸廣二尺二寸首高一尺八寸趺高二尺四寸石像生之制民公侯伯一二品官皆用石人二石馬二石虎二石羊二石望柱二三品官減石人四品官減石人石羊五品官減石人石虎

謹按

大清會典酌古準今因時定制垂之萬世不易者也

黃平州志

卷五 禮典

二十三  
五十九

宜家有其書以為遵守顧黔南僻處天末購覓維艱謹就臣民日用所最切者敬採諸條于右以昭同軌同文同倫之盛云

書院 附義學賓興

庠序校之設于鄉今府州縣學是也然古者因學而釋奠耳今則學專以祀為教之地獨有明倫一堂生徒之肄業無所此書院所以不可少也然非賢牧令與鄉之薦紳皆以興起後學為心則往往難之蓋相地庀材之始勞費不細而繼此束修薪水膏火之用又必有以為久遠規固非一手足之烈也黃平新舊兩城各有書院絃誦之盛甲于他邑行見明體達用足以黼黻盛時故即以賓興附焉

黃平州志

卷五 書院

一  
六十

龍淵書院在城東舊學基向為義學而祀魁神於內因從學者眾朱中丞遂以龍淵書院名之後閣基崩壞乾隆五十四年州牧袁公治謀之紳士以文昌閣與節孝祠基址創建捐廉俸銀一千三百餘兩仍名曰龍淵書院重建文昌閣於書院後移節孝祠於右前建牌樓一座頭門三間二門一間講堂三間左右書舍各五間曰博文約禮後為院長書屋三間左右書舍各五間曰建德修業後廚房二間講堂側廚房三間今祀倉廩二間繚以周垣規模宏敞廉憲

陳簡齋先生復捐金三百兩添置田畝為求修膏火之費州中讀書者皆感戴焉

星山書院在舊城 學宮右乾隆四十八年袁公治攝州事司馬張公鳳枝率紳士陳子玠劉琬西戴九德杜大典劉奇揚徐懋迪及閩州人等捐修費金一千四百有奇前為照牆一座大門五間講堂五間東西二間作貯穀之所左右書舍各三間後樓五間祀王文成公以袁張二公配左右書舍各二間袁張二公復捐金置田載田畝冊內

黃平州志

卷五 書院

六十一

按星山書院之設始於袁公成於張公一切經費皆舊州紳士樂輸者也龍淵書院則袁公自捐廉俸成之並未絲毫派累於人而州中人士亦未有以絲毫捐助者落成後延請名師肄業者月有廩給數年間成就者數十人可謂盛矣公之經營屋宇撥置田畝備極周詳各義塾亦區畫盡善疊成文卷更撮其畧勒之於石期以垂之久遠乃不數年假為館舍田產盡失房屋漸頽雖賴松公陶公主持分舊州七寶山觀音堂租米然不敷束修

之周首事等為袁公付托之人毫無補救能  
無內疚於心耶星山書院首事戴九德劉琬  
西石頭堡首事時松等不避勞怨是以尚存  
重安江之義學更無人敢過問矣惜哉

義學向在魁閣近移於名宦祠雍正六年知州蕭  
公君柱詳請以龍溪狗場地租銀十二兩及小  
東坡米二十八秤完糧在內為東修袁公復以張宅  
老寨庄租銀四兩撥入

石頭堡義塾袁公以三官閣改為之

重安江義塾亦袁公創為之置有田畝今無從查

黃平州志

卷五 書院

六十三

考

按有書院矣何以又有義學蓋書院以教成  
材之士而義學則并及于童子書院皆設於  
城而義學則分設各鄉亦古者鄉有校州有  
序黨有庠之遺意為教之法固不厭其詳且  
廣也誠使經義治事之學毋驚於浮文而孝  
弟謹信之規克先於養正詎不盛歟

賓興田在小東坡明巡撫郭公嘉惠士子所置也

每年於庠中設管事三人料理每人給米四秤  
每秤出米市斗二斗五升每年除上條糧及廟



夫工食外餘變價存留為修葺 聖廟與士子  
鄉試之費會試出貢者亦每人給以三秤計料  
田五十畝零三分

學宮東門田四十二坵 每年收毛穀三石五斗  
以上條糧學塘一段在重安渡取魚供祭  
西門田十一坵 每年春秋二祭太牢之費  
苗里田二柱 每年作燈油之費

以上計屯田三畝料田三分民田五分零俱進  
士王檉捐置

學庄三 一在重安阿成寨每年租米二斗銀六

黃平州志

卷五 書院

四  
六十三

錢鷄鴨各一隻柴一担 一在洞頭每年租油

十二觔 學宮年燭費 一在長冲舖每年春

秋二祭認草四担米豆各一斗

學地二 一在馬場坪租銀二兩餘 一在城中

十字街房七間租銀一兩四錢

以上二項作書斗往回鄉試纏費

舊州賓輿田在上塘

學田二柱一在城內一在平溪巴乍

學塘二口在舊學冲

黃義學田舊州紳士捐置修理 聖廟者也每年

祖米原係學中紳士自行收管支銷因乙卯苗變將學倉燒燬暫寄州倉此乃一時權宜之計必俟十有餘年方請發給則

聖廟傾圮過多工費耗繁不無派之地方州牧袁公治將緣由通詳飭令舊州紳士蓋立學倉每年清理收貯仍照舊規辦理庶

聖廟得以常新無煩案牘蒙各 上憲批准飭知在

案州中人士咸仰恩德於不朽焉

布政司詳稿附

本司遵查黃平從來原設有舊州學宮一座各

黃平州志

卷五 書院

五  
十四

紳士捐買民田四十五畝零立黃義學冊名每年租米原係學中紳士自行管理收貯學倉除助祭納賦以及廟夫月支外其餘米石隨時變價修葺因雍正十三年苗變學倉燒燬始行寄貯州倉並不造入交盤以及奏銷之項自寄州倉之後業經變價修葺三次今據該紳士等具呈請領便修經該州袁牧會同該學教官並紳士人等逐一履勘實皆傾圮虧爛勢難延緩應如該紳士等所請即將寄貯州倉黃義學節年積存米百三十一石八斗八升四合照數發給

紳士人等領出變價遴選公正誠實妥練之人乘時興修不敷之數聽該紳士自為捐資辦理務期工歸實用毋得勒索派捐至紳士等既已蓋有學倉此后每年額收學田租米亦應如該州所請即交紳士等自行妥為收貯遇

聖廟偶有風雨損壞磚瓦脫落隨時補葺不惟工料不致浩繁而廟貌得以常新庶事不煩而案不擾且免日久虧挪滋事實為兩便緣奉批飭核議又奉

撫部院馮批本司呈詳該州詳據紳士等請將

黃平州志

卷五 書院

六十五

收貯學倉租米石變價修葺舊州

聖廟一案緣由奉批如詳飭遵繳等因奉此合就錄批抄看行知為此仰州官吏遵照憲批事理即將節年積存租米照數發給紳士領出變價遴選公正誠實妥練之人乘時興修不敷之數聽該紳士自為捐資辦理務期工歸實用毋得勒索派捐致干嚴究嗣後學租米石即交紳士妥為收貯隨時補葺乾隆五十八年勒石

附兩州書院膏火田畝坐落坵段及約出穀數

列後

一柱坐落舊州七寶山

此與後柱中華山斷歸書院原委並上控詳結有案

廟門首田七十三坵 廟門首坵頸田廿五坵

廟東窰田水井灣田三坵 黃泥塆田大小

一十六坵 冉家屋基田三十二坵 張家墳

田三十四坵 張家墳灣田廿六坵 後冲田

四段共三十一坵 板倉灣田二段共三十坵

茶油林田大小三十坵 廟頭田廿五坵

木姜塆田二段大小共三十三坵 杉木林田

黃平州志

卷五 田畝

六十六

二段大小共廿八坵 張家屋基田廿坵 舊

菴灣田三坵 楊家灣路坎下田六十四坵

楊家灣路坎上田五十六坵 後冲干溝田二

坵 戴家坪田二段共十五坵 戴家坪門首

田二段共四十五坵 後山凉水井新開田十

五坵 木姜新開田十坵 干溝新開田八坵

楊家山新開田十五坵 錫圈田八坵 小

塘田六十坵 下大塘田四十二坵 大塘後

冲田廿二坵 坡頭田三十坵 大石板田五

坵 姜家溝舊獨田三坵 姜家溝新獨田二

坵 橋田大小三十一坵 姜家田四坵 大  
 冲田廿坵 大坵田八坵 右邊三塊田十四  
 坵 寶門寨井水灣田廿七坵 濫灣田大小  
 一百坵 芭蕉冲田八坵 大塆田大小八十  
 一坵 晒米包田二段共四十七坵 濫灣冲  
 田三段共八十九坵 廟門首坵田大小五坵  
 石坡路田二段共三十九坵 鬼洞坪田四  
 段共一百一十八坵 璧林田二段共一百零  
 四坵 蕭家屋基田七坵 小塋田四段共七  
 十坵 老寺院田二段共廿九坵 窰田五坵  
 坵 陡疊田七坵  
 丁家塆新開田廿六坵 吳家冲新開田六  
 坵 過山冲田七坵 姜家塆田二段共廿九  
 坵

此柱共計田壹千陸百捌拾叁坵歲約得穀  
 壹千柒百貳拾餘籮認佃各戶皆有領結在  
 卷

按此柱分三分之一與七寶山寺僧有卷

一柱坐落舊州中華山

尖山大水車田一坵 上後堡田四坵 猴栗  
 樹田一段大小八坵 高視田一段大小十四

五顯廟巖下田三坵 五顯廟門首田三坵  
下壩大河坎田二坵 龔家壩田四坵 大沙  
田一坵 毛栗冲即趕工白秧林荒熟田十二  
坵 趕工車田併成一坵 大家寨門首塆上  
田六坵 下壩大小刀靶田三坵 下壩水路  
田七坵 下壩大小墨斗田二坵 下壩石頭  
田二坵 下壩路邊田二坵 棉花冲田二坵  
勾洞門首田四坵 廟冲田六坵 馬龍坵

黃平州志

卷五 田畝

三  
六十八

田十六坵 大章大窩田二坵 紅巖灣田五  
坵 銀花田五坵 小光溪田六坵 廟脚下  
田一坵 燒香田一坵

此柱共計田壹百叁拾玖坵

歲約得穀陸百柒拾餘籠認佃各戶皆有領結  
在卷

一柱坐落舊州文坡寨等處係舊州觀音堂廟田  
被匪僧浪費淨盡逃去清查之下買當各戶呈  
契情愿捐入書院有卷可稽

按每年給寺僧米柒市石有卷

文坡寨大田一坵 白家塆田大小十坵 石頭冲田九坵 鷓鴣坪上下段共田四十六坵 大路冲田大小六坵 老馬冲田大小四十坵 一坵 觀音巖田三十坵 平西壩田大小二坵 岑雷坪田一坵 何家塆即老麻地田九坵 寨壁後檀木坪田大小三坵 冷水河高規即下街田八坵

此柱共計田壹百陸拾陸坵歲約得穀陸百壹拾餘籬認佃各戶皆有領結在卷

以上三柱通計田壹千玖百捌拾捌坵共約

黃平州志

卷五 田畝

六九

出穀叁千籬有零每歲秋成請本城端謹首事三四位會同舊州首事往分摺報穀存舊州及各該處倉內次年三四月仍請各首事會變摺報以半為星山書院修脯膏火及修理書院之用歲底報銷餘銀生息為添置田畝及大修書院等項公用其半銀兩歸龍洲書院首事往分田穀時各先發經費銀數兩在變價內歸款

一柱分撥聖母閣廟田畝最多僧人因之浪費且漸容遊蕩飲博而不自愛者假先世施捨之名

需索酒食遂不敷用轉資借貸以致興訟審明  
官用銀壹百伍拾玖兩捌錢零代該廟還出債  
會銀兩斷將田畝之半並應納糧賦撥歸書院  
其半仍歸該廟香火有卷可稽

劉家巖田大小三坵 吳小寨田廿二坵 浪

冲田四坵 下壩玉石田大小十一坵 對角

坡田十坵 海棠哨田三十八坵 洞頭張家

壩田大小十四坵 洞頭燈油田十七坵 臺

頭背後田三坵 黃猴鋪苗東通心田三段共

一百零四坵 洞頭長坡脚下田廿一坵 苦

黃平州志

卷五

田畝

七十

桃冲田十五坵 後冲浮萍壩田十六坵 長

平堡田十坵 小冲河溝田一坵 吳小寨楓

香樹田三坵 五里橋屋後冲四方田廿七坵

龍泉堡田三十五坵 十里堡園幹田二坵

白記田五坵 天堂冲田七坵 大坡脚田

四段共四十五坵 龍場坡即沙子坡田三段

共七十四坵 响水橋田大小一百二十五坵

响水沙墘田二段大小共一百六十六坵

黃泥田一坵 扑地虎田大小廿七坵 劉家

墘田大小廿一坵



此柱共計田捌百貳拾捌畝歲約得穀壹千貳百肆拾餘籬認佃各戶皆有領結在卷  
一柱坐落白記寨係重安故土司偷將苗民耕食應役官物結歡朱宦役仍苗民勉應朱宦得無賦之產並不報升今苗民苦難應役具控到案審悉之下念歷年久遠授受皆亡難於按究並從寬免追朱氏所獲花息地土斷歸苗民耕食應役田畝斷歸書院外有苗民近年私墾零星典賣查皆無知愚民官用銀貳百柒拾陸兩零各照契價贖出併歸書院契領各結在卷

黃平州志

卷五 田畝

六  
七十二

水井田一畝 水井頭上田四畝 水井坎下田一畝 泡水冲田共五十五畝 報丟田共一十七畝 老龍大冲田八畝 長溝田廿二畝 寨脚下田一畝 牛廠坡田一畝 牛廠壩田二畝 寨背後坡田大小六畝 野牛冲田二畝 老虎冲田四畝 報斗田三畝 濫泥冲田四畝 大坡田十畝 董鷄包田二畝 濫田坳頸田一畝 泡水冲邊田十畝 長溝二冲田捌畝 堯家嶺田三畝 河邊田四畝 河坎上田二畝 加干坎上田一畝 加

千坎下田四坵 寨門水井坎田三坵 團倉  
石田大小共三十三坵 泡木冲老磚田二坵  
團倉石背後田一坵 泡木冲大坡田二坵  
寨門首田二坵 界牌坡田大小十四坵  
長潭田二坵 冲邊長溝田十三坵  
此柱共計田貳百肆拾捌坵歲約得穀壹千  
貳拾餘籮認佃各戶皆有領結在卷

一柱坐落張家寨係龍角漢奸為富不仁金一音  
父子盤剝張家寨苗民滾算田土契幾百紙既  
不帮苗力役亦無絲毫糧賦今苗力難支具控

到案審訊之下因思苗民將官物抵還利債亦  
屬不應從寬免追歷年租息內有帶糧數紙仍  
歸一音父子管業餘著苗民照契取贖及該苗  
等繳銀到案一音父子抗不具領且別滋訟端  
後斷將地土歸苗民耕食應役田歸書院查核  
苗等有些微墾糧在冊亦割入書院契領粘存  
有卷可稽

寨脚下河邊田六坵 寨背後山田五坵 蕨

菜坡田十坵 雷正田三十六坵 牛坡田六

坵 蔴南田三坵 桑田一坵 虎場脚下河

邊田一坵 水井邊田廿六坵 巖腳河邊田  
六坵 棹梅扛田九坵 龍角河邊田一坵  
壩頭田十坵 翁刀田一坵 張家壩頭田一  
坵 朱場坵田二坵 朱闖田二坵 尖坡脚  
下田八坵 虎場壩田大小十四坵 鹽井田  
六坵 尖坡田一坵 虎場坵田三坵 水井  
灣田一坵 米囊田三坵 虎場門首田九坵  
雷公坡脚下田四坵 賞表田六坵 扁矯田  
三坵

此柱共計田貳百伍拾肆坵歲約得穀陸百

黃平州志

卷五 田畝

七十三

伍拾籬認佃各戶皆有領結在卷

以上三柱通計田壹千三百三十坵共約出  
穀貳千玖百餘籬穰成時請本城端謹首事  
三四位往分先酌發纏費在變價內歸款其  
聖母閣一柱穀石貯書院倉支發山長肄業  
食米白記張家寨穀石各貯該處買建倉內  
次年三四月請原經手往變報賬同舊州變  
到銀兩每年春秋各移送本城儒學銀捌兩  
添備祭品以期豐潔又撥銀拾兩為重安義  
塾先生修金外悉歸書院山長修脯肄業膏

火會課獎賞有餘官為生息為大小歲修添  
置書籍田畝之用歲終將銷款列示書院通  
衢並粘卷俾咸知曉有侵欺染指者天厭之  
外舊州歲應交土租銀壹兩伍錢李大雄應  
交尖山坡土租銀叁兩有卷徐耀龍應交壇  
子窰土租銀壹兩捌錢有卷三共銀陸兩叁  
錢亦歸書院候補府左堂知州事袁治刊記  
迴龍寺撥歸星山書院田租

一安佃官庄田捌坵除焚畝口糧應交白米貳石柒斗  
一安佃石盤冲上段共認白米伍石陸斗  
背後塆五坵

黃平州志 卷五 田畝

九  
七十四

一安佃滾龍坡田捌坵孫家共認白米壹石柒斗  
一安佃背後塆田伍坵共認白米捌斗

一安佃黃府屯田壹坵共認白米貳石  
堰塘河田壹坵

一安佃滾龍坡田柒坵共認白米壹石柒斗

一安佃滾龍坡田伍星山田貳段共認白米叁石捌斗  
貳拾玖坵

一安佃毛栗坡孫家坡共玖坵共認白米壹石叁斗

一安佃土橋田認米捌一安佃滾龍坡認米貳拾壹坵

庄田納銀捌分陸釐糧捌斗壹升貳合叁勺

民田納銀壹兩貳錢伍分貳釐捌毫糧捌合肆勺

攝州事張鳳枝捐置紅梅樹田壹坵

知州事袁治捐置梭洞白鱉塘田一坵計十四坵

寨壁坪鴉口田一坵

西門店房貳進每年租銀拾兩

王孚鑄曰書院集議之始新州則盧嘉會及  
鑄沈毓靈胡成人舊州則劉奇揚戴深仁劉  
琬西戴九德也碑記卷案原委具存非勉強  
武斷沒入者後袁公去任盧沈戴三人相繼  
下世胡成人劉奇揚入都州人紛紛翻控由  
是龍淵書院田畝盡失袁公及 廉憲陳公  
捐銀亦無着落所存惟七寶山觀音堂二處

黃平州志

卷五 田畝

十  
七十五

署州松公審訊押追其黨復赴府呈控郡守  
郭公署州陶公主持酌將三分之一分給寺  
僧其餘田米交首事自行變價開支摺報每  
年束修薪水均不敷用鑄計前後具稟五次  
在卷嗟乎袁公及合州紳士廿年來經營之  
而不足者一旦敗之而有餘真可為長太息  
者也

聖廟黃義學下衛芷芳等處之田肆拾伍畝有零冊  
名黃義學以為永遠修葺之資

大門首二坂 老虎冲三坂 廟門首一坂 廟  
坡一坂 壘門首一坂 小門首六坂 壘攸  
坡七坂 大塲三坂 壘攸坡二坂 廟門首  
三坂 高年卷五坂 底朶六坂 小門首二  
坂 壘門首一坂 小門首八坂 大塘田一  
坂 老虎冲三坂 壘攸坡九坂 廟門首五  
坂 街邊五坂 小門首二坂 小門首一坂

黃平州志

卷五 田畝

十一  
七十六

芷茅壩二坂 底朶二坂 廟坡頭四坂 大  
塘邊二坂 小門首二坂 壘塲三坂 孫家  
冲一坂 大門首四坂 芷茅壩一坂 水井  
冲六坂 壘門首一坂 壘門首二坂 高羊  
巷一坂 攔坳一坂 望城坡六坂 大門樓  
二坂 廟門首三坂 芷茅五坂 壘攸坡三  
坂 水井冲一坂 廟門首十二坂 廟背後  
二坂 篆灶十二坂 壘門首三坂 小門首  
一坂 高年卷一坂 壘尾巴九坂 壘攸坡  
一坂 大門首二坂 槐花樹一坂 大門首

二坵 廟底下四坵 小門首三坵 小門首  
一坵 大門首一坵 大塘邊一坵  
內有下衛坐基坐戶每年地租銀伍兩以作  
春秋二祭大牢之費

乾隆肆拾伍年肆月拾玖日給舊州紳士勒石

文廟春秋二祭香燈紙燭賃租店房肆間在西門門

洞口右側吏員費步雲捐置

石頭堡義塾田

一蕭景何施廟基一幅四至俱載老契

一沈應祥施水灣田一段科差叁分

黃平州志

卷五 田畝

十二  
七十七

一買蕭民甫地重坡田上段大小四十九坵下段

大小十三坵安三甲民差壹畝叁分柒釐

一胡泰生唐益共施山土貳幅有契

一蕭聲遠施土壹幅有契

一陳崇二施吝鵝寨田貳段民差叁分

一時門王氏仝男兆麟施膏梁寨白巖田貳段

一買曹拔臣橋脚下科田大小拾陸坵

一劉復先得買胡泰生小白水田貳坵小香蓮巖

圍坡田大小貳拾叁坵餘穀差銀叁錢

一陳茂聲施火燒寨田大小拾叁坵民田肆分

一張門胡氏施梨樹灣田壹坵民差叁分  
一周允明施周家苑背後田貳段

一沈盼蘭聲遠同施寮葉山章卡塘丫口田貳處

一得買景章免田老虎冲山土壹幅有契

一得買陳式三廟旁左側地土壹幅有契

一張于昇施橋邊坡田壹段

一蕭雲章施老羊寨田大小叁坵民差叁分

一得買陳天璧等地重坡田壹坵

一黃之瓊施章卡塘田壹坵又於乾隆三年蕭宅

加補銀伍兩伍錢斷賣

黃平州志

卷五 田畝

十三  
七十八

一楊正玉陳國賓施楓香樹無差墾田貳坵

一何陳氏施香蓮巖圍坡田頭上肆坵

魁閣基址一幅田五柱 閣門首一柱 毛栗園

一柱 三里灣一柱 馬家巖一柱 東坡孟

宅燈油田一柱 以上作香燈暨廟夫食費

街基二幅每年地租銀四兩存留作修廟之費

按從前 聖廟學田文昌閣魁閣賓興及書

院義學等田畝除正供條糧外一切雜差採

買軍需等事均未派當此又管理首事人等

所宜遵守不得藉口混行支銷者也



州牧陶示附

為遵判曉諭事案奉本府正堂郭稟開案據州民何應元高士元等具控首事戴九德等一案緣州屬七寶山有寺一所衆姓捐施田畝嗣後寺僧將田盜當各施主控經前州袁審明由僧浪費莫若培植士子隨將寺田斷入龍淵星山兩城書院當派紳士戴九德劉琬西等經理乾隆五十五年該寺僧海常輒赴臬憲具控批州查報經前州袁錄案詳覆仍照原斷批結六十年地棍何應元等籍修廟為名將寄存七寶山

黃平州志

卷五 田畝

十四  
七十九

租穀聚衆搶賣佃戶張士貴稟州前署州繆傳訊未獲高聯芳等即赴府具呈前府孫批州查報殊高聯芳等復赴藩憲具告批前署府孫差提集訊因係古刹神祠創建已久未便竟將香火廢棄斷令寺田分作三股以近廟一股作該寺焚獻另招妥僧住持其餘二股撥歸新舊兩城書院以作膏火詳奉藩憲批准完案詎高聯芳何應元等不容另招妥僧復將書院米穀搶賣衆首事具稟前署州松提集訊明着落搶賣之何應元等估計攤賠銀四百四十兩在案造

後松任卸事劉陶二任照案押追嘉慶二年八月何應元等復將七寶山廟穀搶去經僧正印常報州何應元等轉控違斷勒賠等詞勾串高士元具控到府行提人卷逐一研訊備悉前情查何應元等搶賣租穀捏詞架聳實屬刁玩姑念鄉愚無知且到案據實供明俯首懇乞從寬將何應元重責三十板枷號一月遞州管束追繳穀價外所有田產仍照前府詳定章程將一股歸該寺住持僧仙玉管理焚獻二股仍歸兩城書院飭令首事監管安佃被證人等概行寧

黃平州志

卷五

田畝

十五  
八十

釋毋許再滋事端各取遵結立案此判等因到州奉此合行出示曉諭為此示仰該首事戴九德等知悉嗣後仍照舊規妥善經理倘地棍何應元等如敢違斷越收搶賣該首事等立即指名具稟以憑拿究嚴辦決不姑寬各宜凜遵毋違特示

雲起樓田畝

柱張昉暉英體乾捐獻馬鞍鎧田一坵又地名  
新田一坵過水大田二坵塆上三坵又筋竹塘  
田一坵黃六甲軍糧二畝民糧一畝

一柱黃閣才捐銀九十八兩得當趙姓興二甲田  
二坵地名白旗屯二坵丁岑花規脚五坵弓口  
二畝閣內補銀十五兩斷買

一柱劉秀華捐獻在三甲田一坵地名左岔二坵  
上下桐梓坪三坵弓口四分

一柱楊再朝捐獻安五甲田二坵地名白記廟灣

黃平州志

卷五 田畝

十六  
十一

弓口五分

一柱楊起林楊廣林捐獻興三甲田一坵地名轉  
灶一坵

一柱射圃田菌基址前抵街後抵坎左抵張宅右  
抵常宅基

黃平州志卷六

選舉志

任官之法莫重於選舉前明三途并用首進士次鄉科次歲貢進士拔鄉科之秀極一時之選歲貢收鄉科之遺疏壅滯之患人材之進非是莫由

國家雖仍明之舊而立賢無方廣為登進進士鄉科而外有博學鴻詞科已登二科及現任監司而下者皆得就試有明通有副貢歲貢有拔貢恩貢有孝廉方正有保舉資格不拘人材益盛

黃平州志

卷六 選舉

一

即掾吏俊秀願及時効用者皆得及鋒而試焉至若推

恩先代教孝即以教忠

卹典所加澤流後裔例得備書而耆壽軍功

錫予冠帶者亦附錄焉

科第

自鄉舉里選之法不行士皆以糊名進歌鹿鳴  
升司馬清班顯秩悉出其中得人稱極盛焉應  
斯選者期於不負科名非僅誇耀一時已也我  
國家旁求俊乂仍設文武兩科以招來之黃平雖  
遠處天末莫不奮興鼓舞以登進為榮寧惟是  
山川之靈秀所鍾抑以覘

聖天子作人之雅化也

明進士

景泰甲戌孫賢榜

黃平州志

卷六 選舉

二

周瑛 官布政使

國朝

康熙丁丑李燔榜

王 檉 官知縣

己丑趙熊詔榜

曹掄彬 官翰林知府

雍正甲辰陳德華榜

劉世燾 官教授

丁未科彭啟豐榜

李運昇 官知縣

庚戌科周霽榜

李運正

官知縣運昇弟

乾隆壬戌科金牲榜

王楚士

櫟子官通判

乙丑科錢維城榜

孟侯富

戴

琪官知縣平越籍

辛未科吳鴻榜

王偉士

官大理評事

鄒

昇官知縣

黃平州志

卷六選舉

庚辰科畢沅榜

李

臺運正子官通政使

丙戌科張書勳榜

盧嘉會

官教官

王孚鏞

偉士子官知縣

王炳

舉人

明

景泰庚午科貴州就試雲南

周瑛 甲戌進士

成化戊子科

朱玉 羅璿 官州判

弘治己酉科

周希默 四名 官知縣  
瑛子

乙卯科

李斐

黃平州志 卷六 選舉

辛酉科

周希謙 五名 官教諭  
瑛子

甲子科

黃敏 官崇寧縣

正德癸酉科

周筭 官通判  
瑛孫

己卯科

周笈 官知縣  
瑛孫

嘉靖丁酉科貴州始設闈額二十五名

狄應期 官知州

己酉科 丙子科 增 五名

周良卿 官通判

壬子科

張文燦

辛酉科

朱應旌

三名 官同知

張仕勳 官知縣

甲子科

胡崧 官同知

萬歷己卯科

余懋學 官副使

黃平州志

卷六 選舉

甲午科 增 五名

張時熙 官知縣

庚子科

余興賢 懋學子 官知府

丙午科

白雲龍 官知縣

乙卯科 增 二名

龍補袞

順天鄉試 官知縣

解立敬

官巡撫

戊午科



周成德元官知縣 張縣官同知

天啟辛酉科

葉應甲官知縣 朱應徵寶安人

丁卯科

沈縉官員外 陳子長官知州

崇禎庚午科

張問德官知州 周洪德官副使 宋世裕寶安人

猶登元官知縣

癸酉科

張淑和官知縣 陳良能官行人司

黃平州志

卷六 選舉

六

丙子科

韓興儒官同知 林之平官知州

壬午科額四十一名

王天奇 劉起蛟官知縣

陳正心官博士 通志無從 朱李二志採入

按朱志有周企濂張五至沈懿沈文輔沈文龍通志不載查黃平於順治十五年始入版圖此五人者其明末之人歟附列於此

國朝

順治庚子科額二十名

周廷尚官知縣張拱北官教授王家儁官教授  
康熙癸卯科加五名

周廷造官教授

丙午科

周九萬官知府周齊濂洪德子官知縣

己酉科

周廷正

壬子科

曹亮四名

副榜准貢入監

黃平州志

卷六選舉

七七

陳修聖

辛酉科壬戌年補行

廖應熊餘慶籍官教授

甲子科

戴綬四名官學正

丁卯科

王樺二名丁進士白光衡官知縣

庚午科

陳懋德三名官知縣

癸酉科

唐紀都勻籍官知縣

己卯科丙子科額三十名

陳以縉五名官知縣解汝震立敬孫官知縣

副榜

陳以維以縉弟官學正

壬午科

廖士奇思州籍官知縣

乙酉科

林士典

副榜

黃平州志

卷六 選舉

八八

張縉戊子舉人

戊子科

曹掄彬圮丑進張縉官學正

辛卯科額三十六名外增五經一名

周學裕官知縣周春

副榜

李士隆癸巳舉人

癸巳科

張存恭麻哈籍李士隆

薛子璋官知州

甲午科

李運正二名庚戌進士劉汝翼四名官知縣張也明獨山知縣

丁酉科

吳輝璘鎮遠知縣李運昇丁未進士石誌猷

孫仰緒 常慎德庚子科平越籍

雍正癸卯 恩科 加額十名又增五經一名

李運隆運昇兄林玉璣官教諭知縣

副榜八名

戴珩平越籍薛子珩 張為志

癸卯正科

黃平州志 卷六 選舉

九九

陳之穎三名以經子劉世燾甲辰進士戴琪乙丑進士

己酉科以四川遵義五州縣及胡廣平漢清浪五州撥四川四名湖廣二名共四十五名

名四

王修士元官知縣孔良喬官知縣

壬子科

王楚士樓子進士王彬士樓子進士王煥士樓子進士

乙卯科各省官生每十名中取中一名

張書紳官教授章守頤官教諭曹海榆樹官學正

副榜

李造唐 戴珣官教授

乾隆丙辰 恩科 加額 十名

盧瑤 二名 官教諭

戊午科

周訓世

副榜

周學澐 官知縣 齊濂孫

甲子科 足額 四十名

孟侯富 丑進 杜文衡 官知縣

丁卯科

王偉士 三名 辛未進士 李

培 官通隆子 盧琦 瑤弟

黃平州志

卷六 選舉

十

常維炳 官知縣

副榜

朱文彩 定元子 官知縣

庚午科

鄔昇 梓 未進 石金炎 官平越籍 王國泰 官知縣

壬申 恩科

陳子芳 官教授

癸酉科

李臺 庚辰進士

丙子科

章榮宗 守頭子官教諭

己卯科副榜

張鵬程 官教諭

庚辰 恩科

孫盛 官教諭

壬午科

盧嘉會 瑤子丙戌進士

乙酉科

王孚鏞 丙戌進士 王炳 丙戌進士 王孚正

副榜

黃平州志

卷六 選舉

十一

王廷士

戊子科

楊培本 官教諭

庚寅 恩科

劉嗣武 三名本姓 現任知縣 王

陳子玠 子芽弟 現任教諭

副榜

李利仁 運隆孫

辛卯科

陳學溥 官知縣 楊昌熾

甲午科

周錦世

丁酉科

王源遠 偉士孫現任學正

己亥 恩科

李 仁培子

庚子科

陳 寶 五名子芳子現任教諭 王培元

胡成人現任教諭 更名運隆

周卜年 齊濂曾孫

副榜

孫文士

黃平州志

卷六 選舉

十二

癸卯科

沈毓靈

副榜

林齊顯

戊申 恩科

丁崇階

己酉科副榜

張全仁

乙卯科副榜

陳 善 子玠子戊午舉人

嘉慶戊午科加額十名

陳善

盧超宗 孫

副榜

賀朝樑 鎮遠籍

庚申 恩科

黃嘉善

黃平州志

卷六 選舉

十三



武進士

國朝

雍正庚戌科

王焯 樞子官參將

武舉

明

萬歷乙酉科

高萬象

天啟辛酉科

林大才 解元官都司

黃平州志

卷六 選舉

十四  
十四

國朝

康熙丙午科

劉斌

己卯科

王槐 棧兄

壬午科

吳文孔

辛酉科

周明新

乙酉科

李先芳

雍正丙午科

陳熊占

己酉科

王焯 庚戌進士 石鎮泰 官守備

乙卯科

石天相

乾隆辛酉科

李光裕 官雲南守備

丁卯科

黃平州志

卷六 選舉

十五  
十五

郭 綸 李必榮

庚午科

王 縉 擢孫官 王大勇 擢孫樹士  
子官千總

壬申 恩科

張大呂

己卯科

王萬年 擢孫樹士子

戊子科

王成龍 擢孫焯子官千總

庚寅 恩科

張時華官守備

辛卯科

王國泰貴陽籍王廷召

李紹謨

甲午科

李雲龍現任臨清衛千總

己亥恩科

劉奇揚現候選守備

庚子科

李紹銘官千總

己酉科

黃平州志

卷六 選舉

十六  
十六

王永年廷召子鎮遠籍

壬子科

劉奇萬奇揚弟王舜年四川人

甲寅恩科

張本忠鎮遠人

嘉慶戊午科

劉發恒

薦辟

國朝

雍正七年奉

旨京外官各舉所知

王楠以貢生由戚屬保舉分發浙江以通判

知縣用

乾隆元年奉

旨舉孝廉方正

李光緒以生員由族鄰呈學牒州轉詳府司申

院彙奏給六品頂帶

黃平州志

卷六 選舉

十七  
十七

嘉慶元年奉

旨舉孝廉方正

聞人楷以增生由族鄰呈學牒州詳府未赴司

院驗看旋卒

按選舉之制歲科兩試知州考州屬之童申  
之於府府考錄之而申於學政學政考其秀  
者入學附於廩增生曰附學生州學先僅十  
二名後加三名則太史曹炳菴力也今取十  
五名武童亦如之科試則不取武童凡生員  
各治一經近則五經兼治學官月有課季有  
考別其優劣以報學政學政考取其最優者  
食餼於官曰廩膳生州學三十人次優者別  
於附學曰增廣生如廩生之數每十二年學  
政於科試後考其文行兼優者會撫院覆試

黃平州志

卷六 選舉

十八

疏請貢入成均曰選拔貢生州學一人赴部  
廷試一二等簡選引

見錄用餘皆送國子監肄業鄉試中副榜者曰副貢  
生升入太學與選拔貢生同食餼年久以次  
貢入成均者曰歲貢生三歲二人恭遇

覃恩以正貢作恩貢與選拔副貢同學政三年試竣  
於所報優生中擇其尤者送部考試准作貢  
生曰優貢生又有廩增附及俊秀納粟准貢  
生監生皆得入國子監肄業其在籍者聽官  
約束三年賓興由學政錄科送之鄉試獲雋

書其賢而上之春官中式者

天子臨軒而策之曰進士武科亦如之自漢唐以後  
科目不一有賢良方正科有博士弟子科有  
文學科有孝廉科有秀才科有明經高第科  
有制科今制惟重進士科其制科曰博學鴻

詞

國朝一再舉焉惟以學行為鄉里所舉而不加考  
試者曰徵辟又有以貨出身者有以貨授冠  
帶榮身者有以壽考而

恩賜職銜者有以掾吏出身者有以勤勞而

黃平州志

卷六 選舉

十九

賜以冠帶者皆備列於右云

貢監

漢唐取士皆有明經今即以歲貢當之歲者日月之積也鄉制二科旦夕可以掇取若歲貢非老學宿儒不能明制州學三年貢二人

國朝因之又十二年一舉為拔貢

慶典所及為恩貢學臣任滿保舉為優貢皆正途也又有例貢則廩附俊秀皆得借資登進在前明多致位通顯者各途不復識別若無年分可稽者亦具載姓名以著前徽焉

明貢生宣德八年始建衛學萬歷三十年建州學

黃平州志

卷六 貢生

二十一

秋 瑄 官知縣 向廷奎 官教諭 李茂英 官訓導

陳 殿 官學正 周 鑑 歲貢後尤 洪

張 昂 鄭 旭 官學正 張 輔

謝 蕃 官學正 唐 鑑 羅 蒲

郭 正 解 紀 官主簿 戚 勳

金 英 官知縣 李 傑 蕭 昂 官知縣

秋 嵩 金 仲仁 官主簿 朱 芳 官主簿

吳 璘 李 美 官知縣 韓 暘

周 符 官主簿 郭 廉 張元吉

向 學 李 聰 白 寬

李簡 曹寬官檢校李嵩

鄭卿 周鎬官經歷韓魁

朱璣官知縣周簪 盛才官經歷

周璿官主簿狄應爵官通判金鯉

唐武 李隆先 狄應朝官主簿

唐朝 余美贈副使張文美

周武官教授周笏官教諭周等

金鎬 郭文魁 郭文華

王登官知縣張瑛官學正沈翹官知縣

張琦 李箱 狄巡

黃平州志 卷六 貢生

唐時卿 周一卿 張時學

周直官教諭朱應旂 李為霖

張士旂官知州狄薦賢 王國寧官知縣

張以功 解賓官主簿狄應長

周鳳鳴官知縣周使卿 周朝官教諭

狄璋 狄炯官教授李緘

陳箋官教諭張佐官教授狄應穆官州同

沈文輔官教授吳淞官教授解鶴齡官學正

朱表 張西銘官訓導沈文淵官知縣

曹臣純官學正羅一篆官學正白思慎官教授



周誌官訓導張東銘 曹臣敬官學正

盧應文官學正沈文龍官知縣胡效慶官通判

張時炳 張 綱官學正周 芳

狄宗周官教授周達德官教授周 謨官教諭

王民牧官通判李 泮官學正狄宗尹官通判

張淑載官教授李弘國 白雲鶴官經歷

周 應官通判曹登元 狄 琨官教授

周達道官知州曹世學 朱朝岳官學正

朱 襄 夏尚彬官教諭王民表官教諭

李 助官知縣王宗周官通判陳善道官訓導

黃平州志

卷六 貢生

三十二

吳祖稷官訓導謝國聘官訓導周于德

盧聲先官學正曹思通官知縣張五瑞官副使

張五常 張淑氣官知州曹登樞官副使

周應畢 張淑禎 解起魯

張漢卿 魏思徽 張淑孔

張五教 解起縉 周又濂

解起第官訓導余洪謨 尹廷鸞官學正

解立極 胡同倫 李 耿

羅 懋 陳孟道 周宗濂

狄 珽 白萬選 解起芳

孫大鵬

吳文英

李際春

白世祿

李長芳

黃朝相官知縣

黃家選

黃敬

范士召以上興隆學

龍補袞

官知縣

熊登

官教授曹元忠官教授

羅璽

官教授

任夢鵬

官教諭孫光啟官同知

冷龍

彭永年

官教授王國聘官縣丞

采世裕

崇禎庚午中式

孫德祚

官知縣郭崇爵官知縣

林育才

林鳳來

陳廷謨

許濟

官學正

李達

官訓導羅珣

張君乾

官訓導

郭宗祿

李占先官知府

黃平州志

卷六 貢生

金國佐

張佑

侯政伯

毛羽盛

金龔

官教授孫應聖官教諭

采時傑

張聚垣

官郎中毛士章官經歷

陳于明

官教授

陳廷章

官通判毛有倫官通判

熊維揚

官訓導

石之鼎

官知縣蕭永奇官知州

朱應聘

官同知

程登雲

官通判毛士奇李志可

王國治

官教授

陳良才

官知縣李占春官通判

方申

毛羽豐

戴文星官訓導

陳元善

鄧之豫

官知縣張騰雲

王家修

官知縣

毛羽異

李通

官教諭

石聲遠

盛朝賢

戴文郁

林 漣

彭必遠

楊可舟

田見龍

按前明由貢入仕有學行可稱者皆載各傳其餘為恩為拔為歲為捐及年分先後已無可考則外此姓名湮沒者又不知凡幾矣可嘆也今惟列其姓名不復分別至入

國朝來有可考者始以次第著之云

國朝

胡同春

曹司衡 官學正 周道隆

黃平州志

卷六 貢生

二十四

許乘鳳

張 經

張調民

周揆濂

陳聖德

朱 輅

曹維寧 贈知府 張琦 宿官教授 陳天寵 官訓導

王賜綬 贈知縣 周廷賢 官訓導 羅士良

周九伯

張 誠

周九疇

王業盛

周 昊

張 欽

傅應魁

楊 俊

常朝殿

常立殿

陳世禎

楊再昇

楊正苑

張拱垣

張大維

戴 璉

張也堂

張 敏

張大綸

楊再洪

鄔盛

邱溢

張映奎

李綽

石維周

戴聖聰官訓導戴聖明

戴金殿

王栻

王楠官通判

林熊

官訓導  
平越學

陳謹章鎮遠籍周賀齋

周學古

戴珮

張于昭

李長庚

林灑

林天錫

許邦楷

廖文瑛餘慶籍廖籌餘慶籍

曹掄翰

官訓導  
平越籍

戴纓

汪滙官經歷

向秉漢

汪治

楊亨通

黃平州志

卷六 貢生

六  
二十五

胡學瑗

周學貫

吳耀麟

張繼佑

張親臣

鄔見龍

沈灑

金瑋

平越學龍德盛

時先聲

金璧

平越學張繼融

楊培先

平越學

金珖

平越學

官訓導

金灑

解能讓

田時成恩

田豐

曹掄傑

金文

丁有光

陳瑗恩

彭登儒

周敷

王國霖官訓導王學恭

沈宏任

張國茂鎮遠籍李墀官訓導

孫允奇

楊光廷

馮秉乾

時先達

戴元仁

王珣

常振綸 施秉籍 周圖南

劉自新 恩

陳子琳

羅嘉禮 平越籍 鄒秉鑑 恩

魏瑄

張金臺

劉滙宗

孫元和 鎮遠籍 黃龍光

羅煒

盧嘉栗

彭萬椿 鎮遠籍 周澤芳

王基遠

龍元芳 恩

唐祚厚

楊世魁

俞嘉謀

明貢生補遺

黃平州志

卷六 貢生

七  
二十六

狄世美

潘世望

陳家修

鄒大賢

楊先茂

楊世茂

毛鵬九

劉佐明

金鍾玉

楊光夔

通志載  
隱逸

魏明魁 官知縣

國朝歲貢補遺

向孔仁

傅於貴

李同春

陳善述 官教授 張裕 官經歷

拔貢

雍正元年癸卯科

張益繡 官教授

己酉科

徐而陵 官州判

乙卯科

李造唐

乾隆六年辛酉科

張梓 平越府學官布經

王偉士 見進士

黃平州志

卷六 拔貢

三十七

癸酉科

李臺 見進士

乙酉科

李利仁

丁酉科

周永年 現任知縣  
學臺孫

己酉科

盧可宗 瑤孫

戴湛仁 琪子 餘慶籍

道光十三年拔貢續志

嘉慶辛酉科

盧振宗

癸酉科

楊天培

道光乙酉科

楊瀚之

黃平州志

卷六 拔貢

二十八

廩貢 即明之准貢

國朝

賈 玠 平越學 張 鑑 官訓導 吳掄 元候選訓

戴德彬 餘慶學 捐主簿

黃平州志

卷六 貢生

二十九



道光十三年貢生續志

李鑑

王思遠

盧統宗

王修禮

王經禮

王繼遠

張銓今

蔡維茂

羅瑤恩

羅份

劉發裕恩

時永楨恩

吳登元

朱瑛

時柯

林德涵

孟芳芝

黃嘉樂

韓世鰲

曹文芳

劉發淳

徐坤厚

捐貢

國朝

王賜爵

黃

張兆興

王廷矩

官府知事

朱文虎

戴深仁

候選府知事

朱續

朱縞

陳遠修

周吉生鎮遠籍吳世隆

黃平州志

卷六

捐貢

三十一

監生

國朝

朱文龍

試用雲南州同

王光士

候選縣丞

李相

候選從九品

王孚寶

山陽典史

王孚嵩

張啟華

楊際昌

王孚錦

日照典史

王孚貴

宿州吏目

王孚誥

候選從九品

張啟儒

曹泉

黃朝綱

朱國珍

王孚鼎

署鎮雄州同

王萬春

李境

戴炳

候選從九品

賈璧

朱文彬

林運彩

楊楷

王致遠

張德浩

黃平州志

卷六

監生

十一

三十二

王恩貴

張啟瑛

吳希聖

王賓禮

王儉禮

沈德懋

張大典

陳學游

張其祥

王琮遠

陳懿德

黃繼芳

戴德模

曹滙

彭萬年

王紋

王孚廷

楊正泰

楊正祥

楊正用

楊德宣

戴德棠

候選州同

戴元賓

張大藩

張大廉

張大傑

曹毓棚

林鵬程

楊正榮

彭世豐

鄧元士

林森然

林澍源

陳智

楊大茂

王存仁

張玉枝

羅玉麟

孫嘉瓏

陳體善

陳寶善

陳丕善

陳鶴齡

林華揚

王家珍

王源

楊秀枝

張萬青

金席珍

王萬年

陳懋昭

林有章

王文星

張德銓

陳永昌

陳聚奎

鄔澤沛

張玉麟

孫瑄

孫璠

黃平州志

卷六 監生

又十一  
三十三

張萬春

傅燦奎

葉森枝

楊光魁

陳緯

蕭正先

金桐

金枚

涂啟週

蕭永全

蕭騰芳

曾再芳

袁桂皋

袁騰芳

袁維芳

援例職員

國朝

劉琬西

吳繼明

羅元吉

賴國明

王德昭

丁德隆

韓啟泰

聞燦章

張作舟

王鍾岳

常國培

賈相廷

羅成萬

楊景昌

楊治昌

楊培元

陳大榮

陳國玉

陳其書

陳其猷

陳國選

以上皆從九品

陳茂實

州同職

常近光

州同職

楊守寬

從九品

黃平州志

卷六

援例

十二  
三十四

薛玉

楊端

石斐彰

石志忠

劉漢芳

孫玉書

劉濟川

楊秀洲

楊宗聖

李成章

鄒本

吳東陽

林元魁

正九品

彭應鰲

戴彬禮

吳達萃

羅宗儒

丁材

鄧維新

掾吏

明

游應麟 倉大使 王自周 驛丞 張應 經歷

金義 經歷 金印 經歷 游國佐 經歷

林雲鵬 經歷 羅儒 吏目 李存忠 首祭

祝國本 首祭 楊名高 大使 賈闕 名

涂大通 典史 林化鵬 典史 李德裕 典史

朱鶴 州同 吳仲相 劉起鵬

張鳳翔 吏目 張國緒 入尚義

國朝

黃平州志

卷六

掾吏

十三  
三十五

楊會通 入尚義 陳紹文 從九品 陳尚典 從九品

費步雲 從九品 王澤遠 州司 楊青雲 從九品

林苑 陵水石 巡檢 鍾德崇 州司 董天祥 巡

周澤溶 從九品 丁崇德 從九品 涂中彥 從九品

董敦禮 慶元典 陳元昭 從九品 張希泌 從九品

涂永春 議叙 從九品 楊端 石思文 從九品

周頤年 議叙 從九品 林樞 長溪典 鄭國泰 議叙 從九品

張希良 從九品 未仕 彭東揚 議叙 從九品 黃朝芳 議叙 從九品

軍功

明

張灼南貴陽參將何世科畢赤營參將曾三省見宦蹟

羅文郁總兵伯爵羅文謨總兵羅文熙總兵

何應科畢赤守備田萬里丹陽守備

國朝

余 昺千總靈所千總狄宗聖千總吳玉音見忠孝

張 超見忠孝黃顯謨外委吳達章見忠孝

李必魁總清平把林大彰川北守備林 虎把大彰子

黃平州志

卷六 軍功

十四  
三十六

耆壽附

虞夏商周皆隆引年之典自漢以來凡有大慶  
恩禮必先及焉然曰憲曰乞當亦德與年稱者  
是與非濫及也明李少白曰詔稱軍民年八十  
以上為鄉黨所敬服者有司勛實即予冠帶雖  
以優老實以勸德否則百歲與蟪蛄等耳我

朝

列聖相承禮隆三代

仁廟

純廟享祚長久

黃平州志

卷六

耆壽

十五  
三十七

恩澤尤多雖邊鄙耆民莫不同歆

異數甚盛典

也謹詳載蠲卹內而冠帶之

賜則著于此

篇為淳龐者勸焉

明

孫仲璣

九十有三  
禮部壽官

李

義八十有二

吳元卿

九十有五

孫

袞八十有八

張天壽

九十有三

羅

國旌八十有一

孫大器

八十有五

羅

勝八十有三

楊時科

八十有九

蕭

應宿八十有五

楊時新

八十有二

許

文士八十有六



孫球八十有二

國朝

彭永年八十有四 何坤九八十有一

馮珂九十九有一 乾隆 王嗣文一百二歲 建坊

曹泌七十有九 熊國賢七十有八

王炳士 沈鍾璧

聞友蘭 張鑲

沈鍾璉 張大敏

郭逢恩 楊苾

曹汪七十有四

黃平州志

卷六 耆壽

張朝俊八十有七 狄梅八十

羅桂八十 張朝學七十有九

十六  
三十八

封廕

禮葬從死爵祭用生祿後世迺有封廕一命以上皆得逮親三事之榮遠追數世而大臣若死事者則又廕及後嗣蓋推恩之道益廣矣夫使為子者念顯揚之有自則可以教孝為臣者思錫類之惟優則可作忠皆所宜志也至誥勅之言以官品而定非若唐宋時之因人因事而異其詞也茲不具錄

明

贈太僕卿大中大夫周庸二 布政使瑛祖

黃平州志

卷六 封廕

三十九

贈太僕卿大中大夫周政 布政使瑛父

贈承德郎周希杰 通判筭父

贈文林郎周希廉 知縣笈父

贈文林郎朱芳 知縣璣父

贈承德郎周策 通判良卿父

贈奉政大夫朱璣 同知應旌父

贈儒林郎周篚 教授武卿父

贈中憲大夫余美 副使懋學父

贈通奉大夫解鶴齡 巡撫立敬父

贈文林郎王世臣 知縣國寧父

贈承德郎王藹 通判民牧父

贈承德郎狄 通判宗尹父

贈承德郎周儲卿 通判應父

贈奉直大夫陳應熙 知州于宸父

贈文林郎張名臣 知縣問德父

贈承德郎王民淳 通判宗周父

贈承德郎孫立 通判光啟父

贈文林郎陳宗孟 知縣廷章父

贈儒林郎陳廷章 行人良能父

贈文林郎陳廷謨 知縣良才父

黃平州志

卷六

封廕

四十一

贈承德郎李喬 通判占春父

贈中憲大夫周誌 副使洪德父

贈中憲大夫張淑載 副使五瑞父

贈文林郎周謨 知縣成德父

贈文林郎陳智 博士正心父

贈昭武將軍曾顯貴 都司三省父

贈朝議大夫韓國璽 知府興儒父

國朝

贈文林郎晉武義大夫王賜綬 知縣檉父參將

焯祖

贈朝議大夫曹司宣 知府掄彬祖

贈朝議大夫曹維寧 知府掄彬父

特贈通奉大夫朱朝岳 巡撫定元高祖

贈通奉大夫朱師周 巡撫定元曾祖

贈通奉大夫朱輅 巡撫定元祖

贈通奉大夫朱如旭 巡撫定元父

贈武義大夫王檉 參將焯父

贈文林郎王賜纓 知縣偉士祖

贈文林郎王樞 知縣偉士父

贈奉直大夫薛美 知州子璋祖

贈奉直大夫薛正誼 知州子璋父

黃平州志 卷六 封廕

三  
四十一

後別志之其他不足志者則人也幾於不物矣  
危哉

贈武信郎王光士 千總縉父

贈文林郎周廷枚 知縣學濤父

贈文林郎王偉士 知縣學鏞父

贈宣武都尉劉祚慧 兵部差官候選守備奇揚祖

贈宣武都尉劉漢芳 兵部差官候選守備奇揚父

贈修職郎曹維熙 訓導掄翰父

贈登仕佐郎董治 巡檢敦禮父

贈登仕郎王緝 知事廷矩父

贈文林郎周圖南 知縣永年父

贈文林郎張時炳 知縣織父

黃五州志 卷六 封廕

四十二

贈文林郎周宗濂 知縣廷尚父

贈奉直大夫知州張織 知州淑氣父

明恩廕

周希廉 布政使瑛子衛學生以父官賜冠帶

入監

國朝

吳 緯 千總玉音子廕雲騎尉

李逢春 千總紹銘子廕雲騎尉

韓啟印 把總德智子廕雲騎尉

張 四川千總時華子雲騎尉

黃平州志卷七

人物志

鄉賢

忠孝

宦蹟

學行

尚義

人者萬物之靈也曷為乎物之瑤琨篠簜球琳  
琅玕三品之金惟荆惟揚惟雍一州之產也而  
貴於天下宋之斤魯之削則人為之耳乃遷地  
而弗良故有其物而地若增重焉况於人乎夫  
州邑之微數十百年之近而有鄉賢有宦蹟有  
學行忠孝以至尚義若而人斯亦金玉其品而  
工治之良矣且因是遂及於列女文雖不屬義  
實相承也至於名宦寓賢嫌於借才異地故先  
黃平州志

卷七

人物

後別志之其他不足志者則人也幾於不物矣  
危哉

鄉賢

士君子友善天下尚論古人固不必以鄉重也然千里一聖百里一賢則鄉以人重矣古者賓於鄉而獻賢能於王近世選舉雖異士大夫固莫不自其鄉來也乃州入版圖歷世數十而稱鄉賢者寥寥焉以其流風餘韻足以自永異地猶慕之矧此邦之人哉若夫出處言行無愧於古而俎豆未及則激揚風厲者責也茲第就臚於祀典及前志所載列於篇

明

黃平州志

卷七

鄉賢

二一

周瑛字廷潤號澗松其先江西臨川人洪武中祖庸二從軍征南留守興隆遂家焉後以討蟒蚺苗戰死二子彬政皆幼妻鄧氏矢志撫孤以家貧未能陳乞及彬子鑑為歲貢生始白庸二死難狀授彬千戶政生瑛少聰穎異常兒稍長讀書為文輒出其曹未冠中景泰庚午鄉舉以地無良師遊學蜀中博通經史兼善古文辭甲戌成進士篤志力行以聖賢為可學而至由部郎歷臨安衡州守轉太僕卿出為廣東左參政遷廣西右布政使所至興學立師正己率屬治化

大著孝宗初元引年歸優游林泉多吟咏著興  
隆志二卷草庭存稿若干卷卒祀鄉賢子六人  
希廉希默孝宗己酉解元官建德令希杰希謙  
辛酉舉人官長州教授希煦希黯孫二十三人  
希廉子六符歲貢官江陵主簿節以瑛從兄鑑  
孫篋無嗣出繼襲千戶簡歲貢策笈正德己卯  
舉人官呈貢令笠希默子六笙簫笏歲貢官昆  
明教諭第等歲貢篙希杰子三簧等正德癸酉  
舉人官武昌通判簪應貢希謙子三篚範筆早  
世妻并見節孝傳希煦子四簋簪篆篋希黯子

黃平州志

卷七 鄉賢

三二

一簫曾孫三十七人武卿篚長子後祀鄉賢有  
傳良卿策子有傳見宦蹟直卿簪子歲貢官懷  
遠教諭使卿笏子一卿笏子皆歲貢簧孫淳以  
孝行著等孫應以循蹟著俱祀鄉賢有傳一卿  
子芳歲貢官武昌訓導簪曾孫克相子道隆康  
熙時歲貢克寧孫九萬傳見宦蹟道隆子九伯  
良卿曾孫道新子九疇等曾孫文貴孫九官九  
萬子景九官子昊皆歲貢九萬次子春康熙辛  
卯舉人餘庠生監生數十人

周紀指揮僉事興之孫景泰中襲世職有威惠論



平交趾功晉同知

常瑛指揮智之子天順中襲世職以端謹稱

權政指揮安之孫成化中推選管事有政績子繼

武祀忠烈祠有傳

李勝指揮僉事具侗曾孫成化中襲世職以方正

稱五世孫仕林入忠孝傳

李政後所千戶毅曾孫孝宗朝以功陞指揮僉事

晉指揮使兼任貴州全省都司安輯貴陽時丹

行土舍侵龍番長官地政撫諭綏定普安女土

司叛討平之

黃平州志

卷七 鄉賢

四三

朱芳官主簿以孝義祀詳尚義傳

胡璋按周氏譜載布政瑛四子希謙女適指揮胡

璋事實無考

周武卿字宗召瑛曾孫祖希謙父篚正德中以歲

貢官武岡學訓遷趙州學正晉岷王府教授造

詣高明踐履篤實讓祖居以睦兄弟鑄祭器以

恭祀典兩叔範筆早世叔母皆守志武卿事之

如母親老致仕鄉評重之

周鎬字榴窗指揮興之裔嘉靖中以歲貢官教諭

遷武昌經歷勤慎奉職不名一錢甫年餘以親

老終養歸里黨稱之

朱璣芳之子官知縣以孝義祀詳尚義傳

張瑛字玉霞號少崑千戶士傑七世孫父祿嘉靖  
中瑛以歲貢官四川梁山訓導再補永川遷雲  
南河西教諭制行端嚴事嫡母撫幼弟以孝友  
聞常賙貧乏衛人德之子時炳歲貢孫織神宗  
戊午舉人官至知州有循稱織子淑氣亦知州  
狄遠指揮勝五世孫嘉靖中陞貴州都司綏靖疆  
圉留心民瘼在衛興學校厚風俗卒後衛人呈  
請提學萬題准祀鄉賢常讓己田為東坡站夫

黃平州志

卷七 鄉賢

五四

義產稱永賴焉

解銘事實無考按千戶世系解忠曾孫清陞指揮  
同知清生綱綱生明以征普安晉指揮事蓋巡  
撫立敬之高祖當即此人銘明二字必有一悞  
常勝鏐之子襲世職能繼父美

朱應旌璣之子嘉靖辛酉舉人官雲南縣令討鐵  
嶺賊有功署保山多惠政民立祠尸祝之遷湖  
廣巨津知州賑恤水災饑民頌德擢廣東潮州  
同知勘災築堤民賴以安引年致仕晉知府秩  
子襄官經歷孫朝岳實應教諭

余懋學神宗己卯舉人初為湖廣光化令白江岸浮屍之冤邑人稱神明擢知騰越州十年修屯城嚴武備減糴運平暴亂士民德之遷知順寧府時郡初設城池官廨學宮壇廟一切革創田賦戶役皆所裁定至今利賴在郡十八年晉金騰道副使所著古文辭力追唐宋人惜多散佚子興賢由舉人官至知府

解鶴齡神宗朝歲貢為道州學正造士有方旋致仕居家孝友涉世和平有焚券之遺風還金之高義以子立敬貴贈副使晉僉都御史

黃平州志

卷七 鄉賢

五六

三世勲千戶震子協理衛經歷事能具官晉指揮恤軍愛民衛人德之及卒合詞請祀

彭必遠 張鵬 李俊 並見下條

李際時以上四人皆以孝義祀詳忠孝傳

張緯南以死事祀詳忠孝傳

陳應熙字復齋隆萬間為石阡庠生授徒黃平遂家焉早失怙事母孝居喪蔬食三年絕笑語凡或以悍戾加受不怨敬惜字跡見必收貯沉水底通志載隱逸稱其講學著書從遊者二百餘人尤精史學或勸之仕輒掩耳不願聞及卒諸

生感祀之子于明歲貢官教授于宸知州

沈縉天啟丁卯舉人歷官員外郎有風節出為知

府稱循吏焉

周淳字伯厚瑛五世孫祖篋父翰卿父母早卒事

祖至孝詳忠孝傳

周應字滙海瑛五世孫祖竚父儲卿崇禎中以歲

貢為鎮遠教授遷雲南澂江通判有胆畧謙恭

下士常署府篆適寧州土官祿昌文部目李高

鷗等縱卒掠郡境應飭僚屬城守單騎詣之諭

以利害詞氣嚴正賊衆解散澂賴以安

## 黃平州志

### 卷七

鄉賢

七六

陳一德字純初千戶思十二世孫父其功陞指揮

僉事一德代職苗叛守城辦餉明季藍二之變

數破賊兵累功晉指揮使孫可望幽其主一德

謂同官曰吾儕世受國恩今君父在顛沛百姓

罹湯火不能救生何益恆怏慨泣下後數年可

望復由楚入黔過興隆一德以三事抗言遂破

殺詳見忠孝傳臨刑罵不絕口天鼓為震青氣

結賊庭中後諡忠節妻余氏見節孝傳子天錫

廩生天寵康熙中歲貢選貴筑訓導辭疾未就

以文學謀畧為當事延禮柯布政鼎尤重之

解立敬字念顯號誠齋州人性孝友事父母遵令承訓進止惟謹父鶴齡官湖廣道州學正致仕歸卒兄立愛亦卒奉嫂如兄每朔望雖盛暑嚴寒必衣冠造門為禮先世產業悉推與兄二子復教之學業為婚娶立敬雅擅才畧不屑屑章句由廩生中式萬歷乙卯鄉試舉人天啟四年授陝西華陰知縣却徇賊數萬人邑境保全時議建姦瑄魏忠賢祠于嶽廟以去就爭得寢瑄敗臺司藉免罪清議多之及去秦秦人立三賢祠尸祝焉崇禎元年遷知雲南趙州築城修學

黃平州志

卷七 鄉賢

八七

寇突至濬濠設伏數日畢具民賴以無害奉檄提八道兵討叛酋諸監軍受誦冒功級皆無功覆沒立敬先與裨帥盟不奉約束者軍法從事與士卒共甘苦以故獨推鋒報捷平定普酋遷山東青州同知改廣東廣州平海寇劉香老功多時禁交通私鹽觸靖藩怒禍且不測賴朝廷英明得白十一年丁內艱服闋補惠州同知征八排土徭悉平十五年遷江西廣信知府明年擢湖東道按察司副使政績尤著旋授巡撫廣饒衢徽等處提督軍務兼理糧餉都察院右僉

都御史危疆鉅任勅諭倚重有治郡夙著循聲  
備兵復嫻將畧之語立敬素慷慨許國而目疾  
困劇恐負委寄告歸先是在州縣迄佐郡雖倥  
惚肆應而廉公自持定普時却土酋妻黃氏金  
有解青天之頌土人立祠祝之祠凡四銅像二  
一在迷渡瑞應樓一在白巖驛惠州太學生姚  
子豫歿之嗣妻有遺腹族人利其貲百計傾陷  
力雪之姚嗣得不斬在廣州值府正推官及南  
番二縣員並缺檄立敬兼攝館五符諸政畢理  
廣東通志載其案無留牘庭絕苞苴後祀名宦

黃平州志

卷七 鄉賢

九八

既歸八年遭逆寇孫可望據黔逼授四川巡撫  
抗節不屈絕食死我

朝康熙二十八年士民合詞陳請巡撫田批云看  
得明故巡撫解某孝友禔躬端方範世抗逆墻  
於作令氣同華嶽干霄保危堞而牧民碑擬峴  
山墮淚嶺表江東保釐彌著薇猷引年納祿棲  
遲堅持晚節出處之義無忝忠貞之概凜然宜  
祀鄉邦聿隆風教於是崇祀鄉賢先是苗人藍  
二叛圍州城立敬傾囊募敢死士捍禦城賴以

全云

王宗周字公旦榮三十世孫崇禎中以拔貢授直隸保定通判改補江西金谿令廉明仁恕綜理有方時軍興旁午內保民生外籌兵餉耕市不驚士民德之以病致仕旋卒于金谿子賜綬孫檉皆有傳

李芳按指揮具伍指揮毅千戶德三譜世系內皆有李芳俱無事實可考此所祀者未知其為何人也

周銘

許旻

黃平州志

卷七 鄉賢

十九

許興

李爵以上四人年代事實俱無考

國朝

王賜綬子飛為宗周子崇禎末為廩生博學篤行父卒於金谿時丁國變江西猶奉明朝而孫可望據黔中道梗賜綬久之乃聞喪痛絕者數哀經奔喪間闕扶櫬屢遇亂卒以誠孝哀毀感動得無害及歸葬而弟賜絨先為苗人所戕控之苗及地主投白金求緩痛憤拒絕守土狗地主情縱不捕復號哭訴上官卒嚴捕伏罪以雪弟

繼先是食廩歲滿應貢以地屬僭偽隱處不赴  
檄召亦遠避之順治十五年既入版圖乃出為  
貢生未仕卒初命妾張氏及子槐奉繼母許留  
金谿亂定乃迎歸孝養如所生子槐康熙乙卯  
武舉檉丁丑進士歷官嘉定上高南寧知縣檉  
初仕時奉廉俸二百金具甘旨賜綬命捐以修  
學宮又買地為義塚其他排難周急濟藥施  
棺事不勝紀族里紳民合詞請祀鄉賢

張也恭以孝行祀詳忠孝傳

張兆舉

黃平州志

卷七 鄉賢

十一

張于昌以上二人并以死孝祀詳忠孝傳

王檉字文重一字震來祖宗周父賜綬皆有傳檉

幼英敏少長淹貫六經為文章議論泉涌下筆

數千言五歲失母父遠館繼母曹常虐使之日

令樵採必攜書往讀歸稍遲門已閉每露宿即

早歸亦不設燈火率坐空倉中默記晝所讀書

天寒則以灰擁其足艱苦而學益邃康熙丁卯

將赴鄉試味爽辭父母戶未啟父問為誰繼母

啣之故反言曰是君中舉中進士兒也後竟如

其言是年以第二人舉於鄉丁丑會試與汪倓



並擬第一以主司多從鄉人屈居二十一蓋是時禮闈分二十房故也初仕石阡教授選江蘇嘉定令祿入悉以奉親繼母始豫焉在嘉定知海圻為民害詳請豁免修學校創義塾祠先賢梓其遺集津梁漕運興廢滌弊與前令陸隴其並稱憂歸起補江西上高旬月政聲大著上高有襄湖八千餘畝久廢為築堰長二十餘里遂為沃壤以繼母艱去再起雲南南寧令雲南邊遠吏事多寬假檮至風清弊絕旁州事不決輒委會讞然耿介不屑逢迎有逆旅謀財殺三命

黃平州志

卷七 鄉賢

十一  
十二

棄屍道旁督井廉得實而上官納其賂以凶器未獲嚴駁覆讞且風使開其罪檮不為動再詣勘登樓之次兇囑里長袖金納檮靴甫就坐傳集士民吏胥脫靴出金執里長訊之雖服而凶器終匿乃焚香告神有風雷掣刃之異蓋血刃藏樓瓦中也獄既定卒以是失上官意時進士任知縣俸滿例得行取御史上官恐不便已誣奏罷去先是有兩達官為婚姻者壻父死而家落依妻父父恥之謀殺壻而嫁女女聞之朝夕必借不得發乃謬為振拔之者編之軍伍攜以

行邊實將中以軍法女知壻往慮不免走弟書  
館求計其師師為某孝廉檉庚子鄉闈門下士  
也告以此事非南寧王公不敢任檉適在省垣  
女遂走白狀立言大府假他事縛壻還達官方  
喜謂當以罪誅已而大府將據狀入奏達官懼  
求解於檉使厚貲其壻挈女以歸其除暴直枉  
不畏強禦事多類此既歸日以作文教子為事  
雖與客談笑常使弟子置筆研坐旁有得輒口  
授錄之日常五六篇為當事聘修黔志復延主  
貴山書院講席從學者多所成就所著有教署

黃平州志

卷七 鄉賢

十三

新編四書管見四書文稿蒲水居詩賦稿讀易  
文尚書文燕臺草行世年七十餘卒學者稱文  
莊先生子五長光士太學生候選州同煥士彬  
士楚士皆壬子舉人煥士彬士皆明通楚士壬  
戌進士次焯庚戌武進士俱歷官有傳

明鄉賢補遺

楊光夔字虞卿天啟中貢生後舉孝廉不仕博學  
好古從遊者甚盛著待證錄通志載隱逸傳

論曰考黃平州衛舊志興隆列鄉賢者十餘人  
舊州則陳應熙外李志別為鄉獻獻即賢也特

以禾奉獲旌而臚祀典不得不微異其名耳茲不具論論其已祀者大抵非望在朝野則行高里閭又或死于王事篤于人倫志稱忠烈孝義者以無專祠故皆祀鄉賢祠中其品之上次行之偏全不可得而定矣而難易微彰之數則較然具在也如周方伯余副使解巡撫王南寧輩學行醇備風績爛然陳揮使伸忠憤于危險王明經全孝友于艱難皆表表在人耳目餘雖止載其一行傳其大畧要之名不虛立非苟而已也近數十年來無復以鄉賢請者故雖卓然可

黃平州志

卷七 鄉賢

十三  
十四

紀亦與李志鄉獻諸賢俱分列于學行宦蹟之內觀者當自辨之蓋清議者憚升聞之艱采風者畧激揚之舉又未可謂古今人盡不相及也

郭公起賢字士希州之忠義人也才能出衆膽  
畧過人雍正乙卯逆苗不靖公倡義守城 參  
議大夫羅公倚之後以兵力微 參議死難命  
士希保護印冊投大憲公命徒汪清負冊先往  
獨伏榛莽中欲乘間以報 參議公仇苗蜂擁  
而至不獲已黑夜竊逃時四月廿六日也印護  
懷內仰臥秧叢苗人尋踪會有猪逸出苗釋疑  
公免害後難平得以印授副總戎田畝不致承  
丈滋累州人德之事載尚義傳公次子綸中本  
省武鄉試亦天之所以報施善人也嘉慶癸酉

黃平州志

卷七 鄉賢

十四  
十五

春州少尉李乙閣先生查閱州志甚稱公善以  
行與守事異而功同應附祀於 參議公旁州  
人從之請於州主托亦以為可先生另有叙附  
誌余亦樂道其顛末焉

庚子科舉人周卜年拜序

李維楨性溫厚樂善好施繼父志建高溪石橋修  
巖城文閣捐田永造渡船戊戌海陽水災楨倡  
捐設醮度幽壬寅除夕固圍堡罹回祿楨運穀  
賑濟沾潤者數十餘家晚年好積穀以行方便  
寧自奉菲薄失偶友勸娶楨曰恐無德以化不  
賢反致乖倫遂獨守終身子四長成霖入庠餘  
業耕孫曾濟濟壽終預自知集家人憑几含笑  
而逝

忠孝

皋伊龍比之為忠曾閔申奇之為孝非可求之鄉邑之間也然所造有淺深所成有大小要亦發乎性情止乎禮義而已事君事親無失於道者宦蹟學行中有人焉以為臣子之常故不必別著也若夫草莽微臣遭非常而不屈閭閻令子率至性而孤行宜為

朝廷所褒顯矣文信國有云讀聖賢書所學何事正恐執卷傍徨者當之有愧色耳

明

黃平州志

卷七 忠孝

十一  
十七

張宏洪武中官指揮同知北征戰死單家橋子鎮襲永樂中亦以征水西戰死

王榮三上虞人洪武中以總旗從傅穎公征雲南屢著功績至鶴慶戰死祀忠烈事詳名宦

周義興之子襲指揮僉事洪武中戰死弟文襲征交趾戰死晉指揮同知弟禧襲亦以征交趾戰死先是興父庸一從軍南征至一盪水戰死

周庸二臨川人洪武中從傅穎公征南留守興隆授千戶後蟒蟒苗反身犯賊鋒衆寡不敵力戰死事聞賜諡忠愍

南黨唐忠臣霽雲之裔平越衛人永樂初以總兵官征蠻至十萬溪力戰死尸立不仆苗人神之為立廟詳名宦傳

蕭琳襲指揮正統中以苗叛戰死祀名宦有傳  
韓瑜福嗣曾孫景泰中襲千戶以征五開衛戰死  
權繼武安曾孫以功晉都指揮同知正德中征香  
爐山戰死祀忠烈祠事詳名宦

余洪烈襲指揮萬歷中以剽瀾泥溝唐寨休徒戰死

沈鈺千戶暹之七世孫天啟中征陸廣蠻戰死

黃平州志

卷七 忠孝

十二

薛太和百戶聰之裔以功晉指揮同知崇禎中禦苗于石洞口戰死

羅文郁恕卿九世孫明季以伯爵鎮衡永戰死

張文昌百戶洪武中陣亡八世孫其瑜後亦陣亡

劉宗仁百戶 夏時 董邦仁皆軍人

以上三人萬歷中守東坡營拒敵死義者先是播酋楊應龍為逆糾九股苗窺興隆宗仁等募兵戍東坡以扼之力竭戰死而衛城因其時完守備卒賴以全事平郭撫軍子章梁少參銓檄守牧建祠祀之詳見余鄉賢懋學記中今碑為

侵隱祀田者剗削姓名不可盡識矣惜哉

張緯南衛庠生 田惟貢衛百戶勝之裔崇禎中  
黑苗叛圍興隆適駐鎮司馬董邦昌監軍鎮遠  
衛城旦夕陷緯南惟貢念倉庫廟署及合城性  
命之重奮不顧身偕赴濼請兵至濼橋遇苗格  
鬪死

盧聲先天啟時歲貢任桂陽州學正山寇郝賊逼  
城聲先謂家屬曰茲城不堅且人心渙散必不  
能全我職分當死汝等可暫避之皆泣去獨其  
女金姑年十五不肯行城陷聲先衣冠坐明倫

黃平州志

卷七 忠孝

三十九

堂罵賊而死金姑亦投井死進士王樞有詩

張貴洪武中百戶征黑松林陣亡瑞之高祖也

狄琨字瑞石天啟四年貢生任平溪衛教授陞四  
川中江縣未之任值甲申之變北向痛哭絕粒  
七日死

胡其仁官指揮政績詳名宦志及明季孫可望之  
亂其仁與陳一德李仕林皆被執罵賊死事互  
見一德仕林傳中

陳一德明末為指揮國變流寇孫可望據城改衛  
為縣一德抗言其胥王改制加賦事遂與胡其



仁千戶李仕林同罵賊不屈死先是永明王由榔自粵入黔可望處之安寵無人臣禮從臣吳貞毓等十八人與李定國圖可望謀泄被害土人哀之收葬城南稱十八先生墓及一德等之死州人有詩云十八先生死不孤興隆抗節有陳胡云云一德妻余氏見節孝傳其時紳士多殉難者惜不可考惟解中丞立敬著稱後祀鄉賢而其仁祀名宦云陳族孫濱雍正末守城死李仕林明季千戶死孫可望之難事見陳一德傳白真指揮與子宣德中征廣西陣亡

黃平州志

卷七 忠孝

二十四

陳正心字知先智之子明季舉于鄉值土賊藍二變城陷被執不屈將殺之有賊酋何姓者素德正心乘間縱去遂請師滅賊永明王由榔聞之召為太常博士時丁未造顛沛流離常在左右後從亡緬甸王遇害正心殉焉子修聖有傳解立敬明季官巡撫致仕為孫可望逼授偽職不屈死事詳鄉賢傳

黃虞龍事見名宦傳

張問德字惺初弟問謨字顯文問德博學多才為文不屬草年十四入州庠有神童之譽崇禎庚

午春自題其門曰雄才已就三都賦太史行看  
五色雲是年果中鄉試初令漢水有循聲晉昌  
平牧以病解職甲申國變朝紳人士多汙偽職  
問德微服間關南歸每談所見殉節事愛慕如  
不獲與者丙戌土賊藍二嘯聚稱亂聞 大清  
兵至楚假稱投誠逡巡湄甕黃平間大肆劫掠  
問德助州牧黃虞龍城守會有內應數日城陷  
與弟問謨皆格鬪被獲縛至元真觀賊諭之降  
不屈兄弟皆觸柱死

張問謨字顯文歲貢生與兄問德偕死義事具問

黃平州志

卷七 忠孝

五  
二十一

德傳中德無子以謨子嗣至今子姓蕃衍皆問  
謨後進士王禮論藍二亂民背明非順清也問  
德兄弟之死心存故主志事明如日星云

吳仲才其先四川潼川人隨征來黔仲才以征苗  
功署黃平武弁藍二之亂拒守岑山關戰死  
周希勲庸二曾孫孝宗二年征盤江苗戰死

張鵬按朱志有兩張鵬其一號復齋幼失怙事母  
至孝其十一歲時父梅病篤割肱愈之事聞旌  
獎通志止載後說未知其與復齋為兩人抑一  
人而前後分見歟

彭必遠通志載其事祖永年竭盡孝道鄉黨稱之  
李俊通志載其事孀母彭至孝正德中題旌

李際時本衛千戶通志稱其幼失恃事父與庶母  
極孝謹父惑庶母讒日加鞭撻且逐於外際時  
自怨自艾父悟召還孝敬彌篤

周淳衛諸生賦性淳篤祖黃鰥居日侍左右躬僮  
僕之役食貧養祖年八十暑月遺痢淳治藥餌  
親浣濯朝夕不怠一時風其順德黃瑛孫也

國朝

羅鳴序事見名宦傳 陳憲事見羅鳴序傳中

黃平州志

卷七 忠孝

二十六

黃進忠事互見羅鳴序初震等傳

初震字大生從弟咸字羣生俱州廩生震早擅文  
名與咸皆豪俠好義雍正甲寅麻哈牧羅鳴序  
來署州事延震及諸生李造唐張維慶陳謹章  
纂修州志書未成而苗難作先是台拱苗不靖  
大兵方事征討旁近生苗悉恐遂勾熟苗為亂  
事已著鳴序以城惡兵單請于上官乞增兵防  
護七上不報九股遂亂警告日至民各奔避重  
安城陷鳴序慷慨誓與州城俱存亡震咸倡義  
激勸得楊士蘭等數百人分陴守時平伐營把

總黃進忠奉調赴軍過州衆留助焉苗攻圍急城中糧盡力不支千總金升手刃妻孥潰圍請救鳴序亦率衆出戰死北門外城遂破震威與諸生二十人及進忠士蘭皆巷鬪死後并陪祀羅公祠事互見鳴序進忠傳中震威既死闔門老幼皆自焚死士蘭及同守兵民無一逃者二人遂無後志槁亦燬人皆惜之

韓試弟詣從弟裕試字敷功增廣生篤學嗜古至老不倦嘗云讀聖賢書當體聖賢行事詣裕亦知義有勇力雍正乙卯苗變試議倡義助城守

黃平州志

卷七 忠孝

二十三

詣裕踴躍從事試命妻張氏偕二姊率子女遠奔避賊未忍行詣曰先人嗣不可絕兄命是也裕曰苗無禮婦女宜遠辱皆當速去妻子曰然則盍同去乎皆曰吾輩亦去官誰與守卒遣去試佐州牧羅鳴序部署守禦詣裕執戈嬰城咸晝夜不怠城陷皆死之試子德壽後為州廩生孫啟泰以急公授九品職

黃文奎子廩生繡章庠生憲章雍正乙卯苗叛聞變者皆逃遊文奎年八十一喻繡章等曰若人皆去官誰與守况爾食饑者乎繡章兄弟遂從

父入城助守城陷父子被害

王峻州庠生雍正乙卯苗叛與初震黃繡章等二十人倡義助州牧城守力盡救不至城陷皆死楊士蘭州民雍正乙卯助諸生倡義號召數百人又誓死守城陷無一逃者惜姓名無可考矣梁璧巖門駐防把總雍正乙卯叛苗燒城力戰死何其仁巖門土司乙卯苗叛與同官張純全馮秉文協力守禦力盡同赴水死叔土千總模陣亡張純全重安土司馮秉文攝朗城土司死事見上吳玉音千總乾隆初戰蓮花壘死 賜祭葬予廕

黃平州志

卷七 忠孝

八  
三十四

張縉字碩彥少負雋才弱冠為州庠生性疎畧歲試以訛字置四等畏父嚴不敢歸匿旁村觀音寺學愈刻勵踰年試遂一等旋中副車越三年中康熙戊子科舉人居家孝友端方士林推重後為平遠州學正造士維勤孫初元從在署潛占籍入平遠學縉不知也遂以此去官雍正乙卯苗叛鄉人相率逃散時縉已病痺子兆舉肩輿請避縉曰吾雖無官守身受國恩豈宜先去以為民望欲入城與牧議防守兆舉力諫未果及城破終不肯去苗至端坐遇害詳載兆舉傳

張兆舉字廷升縉次子自幼以謹順稱縉晚病痺  
兆舉奉藥餌扶持起居六七年如一日雍正乙  
卯苗叛請父避難不許語載縉傳兆舉誓以身  
殉父乃先給兄子初元之旁邑營寓居與食繼  
遣妻奉母攜子以行母妻亦不從及苗至兆舉  
衛父格鬪死縉亦遇害母妻二女及幼子皆自  
焚初元以兆舉命先去得免亂定事聞奉

旨旌表盧孝廉瑤兆舉妻兄也為作序載藝文曹太  
史榆彬題其聯曰臣死忠子死孝一門全節妻  
殉夫女殉母三代完人人以為實錄云

黃平州志

卷七 忠孝

九  
二十五

張于昌字公顯父誠雲南洱海觀察五端之猶二  
誠丁世亂家貧于昌自幼以孝養聞性樸樸不  
欺然諾業儒試不售為本營軍吏資月餉以養  
有兩弟耕于鄉父晚患疾疾藥餌衣食悉于昌  
獨任之雍正乙卯苗叛鄉人聞風奔竄于昌先  
命二弟奉母避去語于朝品曰吾父病篤稍移  
足必震盪以死死于路毋寧死于家吾誓以身  
守之汝昌護家口為先人宗祀計子泣拜挈家  
去已而苗至重安城破于昌聞之不得已負父  
出北門踰山越嶺至三狼橋覓巖穴設卧具奉

父寢其中然已奄奄一息泣守達旦而父卒倉  
皇覓棺斂同行七人有出偵者以城破告于昌  
計城不可復入有嫻黨在旁村家貯棺待而訪  
間道求之七八勸以暫避不從遂行至官路遇  
苗被害亂定逃者復還七人中有見于昌死所  
者導其子弟尋之屍雜亂不可識或于眾骸內  
拾一小石猴曰此于昌素所佩者乃並衆骨葬  
之而翁屍在洞中固無恙事聞奉

旨旌表盧孝廉瑤為作序載藝文

魏紹堯重安龍塘人父嗣恆年八十餘值雍正乙

黃平州志

卷七 忠孝

十一  
二十六

卯苗叛請員以逃父老病不欲往隣里皆去紹  
堯復請父曰汝負我行亦不速反累兩幼孫不  
如攜之去我八十寧畏死耶紹堯曰人豈有舍  
父而全身與子者遣妻子亦不去事急乃共舁  
父行山徑一日夜至金鳳山馬槽洞謂僻野可  
無患居數日出洞覓食而苗至妻時氏即墜巖  
死事具貞烈志紹堯以身護父殺數苗身受重  
傷力盡而死父及二子俱遇害有鄰人陳良裔  
同避在洞攀藤隱巖隙獲免亂定良裔引魏族  
人同至洞收葬夫婦面如生云

解能良字眉英父母早世雍正乙卯苗叛祖聖中  
挈家避于小壩距城僅廿里能良勸其遠徙聖  
中以地僻苗未必至不從泣諫亦不聽及苗至  
聖中走免良守護繼祖母楊氏不去遂及妻陳  
氏子女五人皆遇害鄉人旌獎為當事所格  
李紹銘州武舉孝廉光緒武舉光裕從子父光泗  
以磊落稱兄紹謨亦以武舉借補把總紹銘分  
發鎮遠鎮標効力署鎮遠左營千總事嘉慶元  
年奉調隨征銅仁苗奮勇常為軍鋒帶兵至正  
大營衆寡不敵力戰陣亡事聞

黃平州志

卷七 忠孝

十一  
二十七

賜葬祭子逢昇承襲雲騎尉

韓德智州城人從征緬甸有功授本營外委把總  
嘉慶元年調征銅仁苗戰檀木董奮力殺賊陣  
亡 賜葬祭兄子啟印承襲雲騎尉

張也恭拱北長子母王氏早卒事繼母楊竭力承  
歡曲盡孝養楊夙有氣疾每發恭侍湯藥早夜  
不懈四十餘年如一日及也恭卒母泣曰子歿  
予疾不起矣事載通志也恭父舉順治鄉薦官  
教授弟也明也堂皆楊出并以文行仕康熙中  
為長尉也恭當偽周竊據屢被薦辟就加科第



之名以母老婉辭固未嘗仕也而後人遂以進士稱之誤矣又按通志所載有忠烈祠孝義祠者今皆無專祠附于鄉賢祠中

胡本裕州庠生父學純以文學稱早卒本裕甫一歲母田氏矢志撫教四十餘年已奉 旌表本裕雖少孤孝友出於天性父卒時哀毀如成人歲時祭祀輒含悲飲泣見父手澤或族友言及父時事率哽咽不能語迄終身常然母性嚴正常以古人望其子子言動偶失必怒甚則繼以鞭撻本裕每膝行請罪母怒或終日不食亦勺

黃平州志

卷七 忠孝

三十八

漿不入口家人諗知常使孩孺嬉戲母側母喜即乘悅進饌有族弟尚裕幼孤母撫之本裕愛如同生數十年不析居弟卒妻萬氏守志有子行廉本裕教養婚娶視如己子妹適王氏多病恆問視調藥不以寒暑間母教以厚宗族如姻黨本裕皆竭力體親心鄉人為母請 旌時議以本裕孝行並舉本裕曰親恩罔極捐頂踵不足酬乃以為名乎母體弱又以夫亡子少常多憂患本裕百方寬慰朝夕奉藥餌雖妻子不使代娶王氏伉儷甚篤生一子而卒本裕不忍

再娶母曰汝意誠善獨不為侍我及撫孫計乎  
既逾晷乃續娶焉及卧病累月念母未常去口  
病危劇恆支持作稍瘥狀恐呻吟傷母意比篤  
猶強食言兒必不遠死家人問後事曰老母後  
事俱夙備惟先君墓地狹不可合葬而吉壤未  
卜吾死不瞑獨此耳妻子環侍揮之遠獨捧母  
手流淚被面而卒子行知孫成人舉人

張超把總乾隆中從征金川陣亡 賜祭葬予廕  
張時華千總嘉慶初討川匪戰死 賜祭葬予廕

李關保失其姓庠生李之顛家僮也年甫十二值

黃平州志

卷七 忠孝

十三  
二十九

雍正乙卯苗叛之顛挈家避于老鼠關莊上莊  
苗引賊入顛及父母皆被害顛妻郭氏女二姑  
皆撞石死關保負顛周歲兒元善逃免乞食哺  
之顛兄煥唐以先出瞭賊得不死比亂定關保  
負元善歸人咸稱其忠義合詞陳請與主母郭  
氏及二姑並奉 旌獎

論曰語有之子死孝臣死忠生人之大節也顛  
其中亦有不盡同者此篇所志如陳一德抗議  
僭臣不畏鼎鑊其最烈矣胡其仁李仕林事雖  
不詳既與陳同官同死其同志可知也解文敬

退處舊臣可望起而用之亦假永明之命非使其事已也立敬知可望之不臣而永明為虛號賊死不屈非見之明守之定能若是乎乃陳正心能計脫蓋賊之囚而甘從永明于顛沛此時豈復有富貴可戀茲所謂智可及愚不可及者歟蓋抗可望者人臣之節而從永明者君國之心孔子稱殷有三仁諸君子蓋庶幾焉至近世九股之變惟焚殺是肆非有據土壤竊名分之思楊應龍則小蠹跳梁蓋二又妄庸之尤者耳士大夫不幸見執固無可倖之生若無官守而

黃平州志

卷七 忠孝

十四  
三十

先幾避之未足為罪也然張緯南張問德初咸諸人或犯難請援或捐生拒守寧謂非同澤同袍敵王所憐哉若夫數百年中在行陣者死于戰職守土者死于官斯又分義當然視彼逡巡遁逃陷于罪戾者相去遠矣夫君父一也則張非舉張于昌魏紹堯輩目擊親危效死勿去固當與陳解同科即周淳李際時等或甘勞瘁而不渝或遭讒間而愈篤其心又豈與正心立敬

異耶

劉友鵬其先楚之黃州人貿遷來黔家施秉徙黃  
平友鵬生有異秉左顧連額下有赤記若塗硃  
及長有勇力善騎射投營入伍由黃平營外委  
陞鎮遠鎮標把總嘉慶元年從征銅仁紅苗屢  
立戰功陞長寨營千總攻巖坳寨殺賊陣亡  
賜祭葬廕一子朝勇雲騎尉引

見發鎮遠標學習期滿以守備補用五年隨征慶順  
平苗有功 大中丞琅奏加都司銜賞戴藍翎

宦蹟

賢司牧之德於此邦也曰名宦矣若吾人宦於異地而遺愛在人者固未得皆列於鄉賢也然仕有窮達澤有究不究蹟其大法小廉公忠愛養要為不負其官不負其學既歿而令名載之至今得以述焉雖薦以馨香尚待後來論定而觀其樹立固足為鄉人興起之資矣

明

狄應期字文昌號榜山嘉靖丁酉舉人初任廣西

陸川知縣遷雲南蒿明知州改遷州學于黃龍

黃平州志

卷七 宦蹟

三十二

山州屬科名鼎盛捐俸修大通萬里二橋在官五年政平訟理州人德之晉湖廣辰州同知署府事建義館置渡田祀蒿明辰州名宦

周良卿字宗貴號慕廷瑛曾孫祖希廉父策良卿苦志篤學中嘉靖己酉舉人授雲南賓州學正師範端嚴親喪執禮以哀毀聞補湖廣沔陽學正擢四川資陽令有惠政遷雲南尋甸通判資人肖像立祠在滇風清弊絕稱良吏焉值武定鳳繼祖之事爭不獲掛冠去

周成德字篤棊謨長子神宗戊午解元官山東萊

陽教諭遷山西聞喜令時寇盜充斥成德崇文  
之下兼以講武百姓賴之以養歸子宗濂字石  
蓀有才智以軍功為貢生

王國寧本名夔字敬亭父世臣興隆百戶國寧雖  
有世蔭而篤于學弱冠蜚聲庠序以神宗癸酉  
年恩貢三中副車任雲南楚雄知縣多善政士  
民德之致仕歸卒年六十四為遺囑十條皆格  
言正論其子孫世遵守焉子民皞代襲百戶職  
以征楊應龍功陞千戶有智勇稱

張聚垣字象緯州廩生少負雋才神宗時以助賑

黃平州志

卷七 宦蹟

二十三

准貢入監屢試高等授參軍歷佐州郡以廉能  
擢戶部郎中旋謝病歸

孫光啟字仲熊州人神宗甲申歲貢見聞博瞻註  
易雖參用矣鮮而講學以程朱為主善為詩飲  
酒終日不亂由校官累遷至府同知所至以廉  
明著有清風明月之稱

王民牧字振宇父藿字乙藜百戶世臣次子以孝  
友稱民牧神宗時拔貢任廣西南寧教授時本  
省土酋安邦彥跳梁以智畧奉委領兵征討有  
功崇禎初陞四川安居知縣清操自守有西蜀

循吳之目擢雲南楚雄通判卒於官子宗禹孫  
賜纓入學行傳

秋宗尹字任字千戶勝九世孫以選貢任真定管  
關通判時三堡有盜警宗尹單騎往勘盜逸去  
民賴以安稅例榜通衢嚴禁需索商旅頌之  
葉應甲字元胎甕安人附州學以廩生中天啟辛  
酉舉人學求心得行勵廉隅出為湖廣鍾祥知  
縣清慎自持愛民如子歸林下謙謹任恤樂善  
不倦鄉邦敬之卒祀甕安鄉賢

陳于宸字廣虞應熙次子天啟丁卯舉人官雲南

黃平州志

卷七 宦蹟

三  
三十四

洱海知縣遷馬龍州再補四川涪州皆有循聲  
晚與兄于明篤友恭勤教課有父家法云

宋世裕字瑞吾甕安人附州學以歲貢中崇禎庚  
午舉人孝友克敦經史淹貫出為知縣遷雲南  
建水知州廉公勤慎百姓愛之如慈母居鄉和  
厚而自持以禮言動皆為典型卒祀甕安鄉賢  
周洪德字克懋號五若朝宦孫誌子生而穎異性  
至孝與兄南江教諭于德廩生新德相友愛言  
動以禮舉崇禎庚午鄉試授直隸新樂教諭遷

廣東封川知縣城臨大江多水患又值盜警乃

于城西建子城為民衛復浚泉城中民稱惠泉  
遷茶陵知州轉戶部員外郎擢湖南永州知府  
晉長沅道副使移雲南洱海歸值藍賊跳梁破  
舊州窺輿隆北關洪德素知兵指賊陣為鷹形  
募勇士縋城下擊其首賊遂奔散城賴以全孫  
可望南下縱兵掠婦女復棄之去洪德招集一  
樓親防守日食以粥榜其里居姓氏使親屬領  
歸人咸德之卒年六十九子八嗣濂歲貢生習  
濂庠生又濂承濂皆歲貢昌濂廩生齊濂有傳  
企濂見朝宦傳衍濂庠生孫廷楨康熙己酉舉  
人官奉節知縣遷瀘州廷賢歲貢官訓導

黃平州志

卷七 宦蹟

三十五

韓興儒字士章千戶福嗣十世孫崇禎丙子舉人  
知直隸曲陽縣歷雲南大理知府有善政墓誌  
稱其司牧曲陽善政是數繼守大理民安其居  
和族修譜繼述前模云

郭崇爵字仰臺州人崇禎中以歲貢官六安知縣  
署巢邑霍山廉能知兵籌義餉練鄉勇為一方  
保障賊不敢窺其境卒官李志稱其才練學優  
時艱力卒請纓有志擊楫無期云

張五瑞字輯之指揮宏十世孫少穎悟好文學有



才請崇禎中由貢生官至洱海道副使所至稱  
治鄉人秋世延幼為亂兵掠賣流落普洱五瑞  
素識之贖歸為娶妻生子其好義類此

張織官知州為治廉弗計貧富先是雲南監司奉  
母過東坡母忽發病仆蹶織父時炳為視脉不  
類風痰問得毋食異物乎果言平日喜食鷓鴣  
炳曰然則中半夏毒也處方飲之良已後監司  
移官復過東坡適炳母卒監司善青鳥術為葬  
路旁地後生織及孫淑氣為知州

孫德裕字昌明州人崇禎中歲貢存心長厚篤志

黃平州志

卷七 宦蹟

五  
三十六

經學初授徒後為教官皆勤懇不倦遷知縣廉  
惠無私歸舉鄉飲正賓

曾三省字養初始祖杰巴縣人嘉靖初為重安巡  
檢廉介卒官子孫貧不能歸遂家重安杰四世  
孫顯貴貢生性恭慎居近驛道日危坐小樓聞  
官長呵殿過輒歛容起立然未嘗干謁也鄰人  
待舉火者甚衆弟顯華官雲南經歷有廉聲顯  
貴生三省生賦異相頰骨稜起雙眸若電年十  
六入衛庠能文工書尤好兵法猿臂善射平越  
太守奇之聘掌書記值九股苗亂有銅鼓屯林

人王大勇壯猛知義為諸苗所信服兼識叛苗  
巢穴徑路三省言于郡守招致之遂率其林象  
大破逆苗事平議叙特授興偏營都司大勇亦  
給弁職後黔苗復叛奉一僧為首上官檄三省  
討捕射殺僧賊衆大敗追至九門寨藤絆馬蹶  
三省躍起適兵弁王雲以馬授之麾軍進蹂其  
寨賊遂平而三省右足帶重傷至老猶跛晉階  
二級崇禎末致仕苗賊藍二叛陷黃平三省雖  
老猶與大勇率鄉兵抵禦賊不敢窺重安趨圍  
平越為官兵擒戮三省素好善重安關帝觀音

黃平州志

卷七 宦蹟

六  
三十一

國朝

周廷尚字伯熊號雲廊宗濂子性敏博學中順治  
庚子舉人任安南衛教授倡修 學宮遷雲南  
保山令有善政致仕歸卒年六十五著姓氏史  
七十二卷陳中丞銑極為推許議付剗厠尋遷  
去未果雍正乙卯苗叛藏之山中為人所拾李  
進士運貞捐資代贖後燬於火聞者無不嘆惜  
子五學古 恩貢學裕字以容號霍山康熙辛

和舉人任河南扶溝令學素學立學納皆諸生  
周九萬字鵬遠瑛八世孫康熙丙午舉人官峨眉  
知縣遷知資州歷潼川知府署鹽茶道所至有  
政聲子景附貢春康熙辛卯舉人

周齊濂字蓮波洪德六子康熙丙午舉人官四川  
墊江知縣生世宦之後立志自強捐除紈袴之  
習謹約飭躬恂恂如也勤學好問鄉居授徒受  
裁成者氣質胥歸醇正焉在墊江公事之暇循  
行村閭教民以孝弟忠信之行勤儉和睦之道  
四境恬然歸猶講學城西大雅河進德修業老  
黃平州志

卷七 宦蹟

七  
三十八

而不倦卒年六十六子廷英庠生廷枚廩生

唐紀字帝書舊州人少開爽及長慷慨不欺然諾  
每讀書傳高義事輒往復不已中康熙癸酉舉  
人會試下第有雲南舉人卒於京不能歸者與  
衣得十金助之殮且坐兵部車駕司門凡雲貴  
公車赴司換牌者人率一金以歸其喪由是義  
聲滿都下選授江西新昌知縣後為河南安陽  
以憂歸服闋赴都候補攝京秩管理大通橋賑  
濟執運事竣補兵部主事旋改瑞金令三為民  
牧所至人歌父母在京師同榜生大理少卿陳

珣卒官子幼殯殮歸櫬悉紀為經理四方寒士  
一面之識有所請求不少吝後有得志者輒重  
報之亦不辭皆隨手盡常約鄉人相過具食早  
起持金出為具過巷中老婦子死不能葬者捐  
囊中金予之客來則囊無一錢反共為具食其  
居家周急不計有無多類此去瑞金士民醵貲  
始能歸典衣以食而詠歌不輟子德福廩生

陳以縉字大紳舊州人良才孫善述子生而異敏  
十齡時鄉里避兵象爭負服食器用獨取祖父  
經義稿及所讀書作兩巨束負之雖逃匿山谷

不廢誦讀及長入平越郡庠屢試冠軍教授鄉  
里多所成就遼州牧薛子璋太平令張也明其  
尤著也中康熙己卯鄉試選廣西維容知縣初  
至即條因俗便民六事上官嘉許先是五鄉僮  
人有逋賦數百石吏胥反因為利指殷實為抗  
欠魁魚肉之以故撞人無敢入城者縉至數月  
胥吏皆斂手撞人負米擔柴貿易城市如平民  
焉性慈愛每聽訟有應杖者輒以扇掩面刑常  
減半然人亦不忍犯也有莫扶芳羅法告踞牛  
頭堡地險族象四方亡命復依為巢事剽掠以

循請發兵捕之上官畏生事不許乃先遣能言吏往諭以法且勸之改許自新未聽也繼遣土兵數百屯數里外以聲震之稍悔然猶未決突率民壯數十直入其巢賊黨出不意伏地請罪皆遣散之諭扶芳等悉還遠近被掠財物擒他賊以贖罪由是境內肅清事定上官以二人罪重欲殺之以縉曰若以舊罪議殺誠當縣令且得捕賊功然令已許之自新為民上而誑罪人令將不行矣以去就爭乃已分校丁酉鄉試稱得士以繼母憂歸夾河送者數日不絕以縉事

黃平州志

卷七 宦蹟

九十

繼母如事生母父晚病日以縉雖館數里外旦夕必歸奉寢食在官日布衣蔬食諸子有所奉則曰吾父未逮祿養而終母在日尤艱苦我今飽煖已難自安况忍為甘美耶服闋以兄弟皆年過五十不欲相離遂不復起子二之穎之灝解汝震字士長號靜菴立敬曾孫康熙己卯舉人初授內閣中書改授浙江瑞安知縣署海防同知潔己愛民禁船行牙帖捐築海堤人咸稱便致仕歸紳士有攀轅集頌之汝震幼孤力學克遵祖訓孝友端方年五十三卒子能讓貢生入

學行傳

曹掄彬字文明號炳菴父維寧有德掄彬少孤貧性篤孝事節母王恆採薪易米以供朝夕每夜則燃薪誦讀無間寒暑弱冠補博士弟子員舌耕以養常館于雷坪歲暮解館歸途遇涕泣者詢之將鬻子以償逋負掄彬惻然即以所得修金代償之歸述其故母亦歡然家無隔宿復稱貸卒歲生徒益衆修脯漸增居常猶粥食以齒積濟饑乏中康熙戊子舉人己丑成進士選庶吉士以檢討充癸巳會試同考官殿撰王敬

黃平州志

卷七 宦蹟

十一

銘出其門得士稱極盛約同鄉京官請增貴州鄉試解額同館沈翼機視學黔中亦以掄彬言請增黃平州學額三名皆獲

前旨掄彬負經濟才為同館推重

上特簡授浙江湖州知府有政聲移知處州勸農興學修郡志屏絕苞苴屬吏咸奉法民為建生祠丁母憂服闋補四川雅州謹邊防勘要隘雅屬打箭爐為通西藏要道詳請添兵郡民安業倡麗澤文會以興人才請廣學額修郡志內遷戶部湖廣司員外郎移疾歸歷任內外四十餘年

三典大郡不名一錢移官解組惟以琴書自隨  
修髯長身雙眸炯炯人望之咸生畏敬生平敦  
族誼刊修家譜厚鄉里在處州時多所攸助寄  
金歸建毓蘭橋在官別不治生及歸林下蕭然  
四壁如為諸生時然期望必朝服向北祝

釐未嘗一日忘忠愛年七十七卒著述甚富有詩文  
集及州志手自抄錄僅存什一人皆惜之子海  
雍正乙卯舉人以明通官平遠學正涓庠生

薛子璋字贊若其先江寧人明洪武中始祖興從  
征黔有功授守禦所守黃平岑花營遂為州人

黃平州志

卷七 宦蹟

十一  
四十二

子璋少沉靜讀書頗艱於成誦然記輒不復忘  
入州學從陳孝廉以縉遊門號多才語悟入必  
推子璋中康熙癸巳 恩科舉人初授山西交  
城知縣濬汾河旁邑均賴調榆次俗號刁悍摘  
姦發伏良民以安課最擢保德知州州近邊塞  
民叛木蒙古奸商與爭利激官兵格鬪成獄子  
璋念小民無知悞干禁例曲為全活事下部議  
以悞出落職越八年還原官知直隸遼州遼民  
樸質乃霽止雷電一煦以雨風民復安之子汝  
昌監生

朱定元字象乾號奎山州城人先世銘以賑荒受  
五品封銘子瀏陽簿芳芳子鹽亭令璣璣子潮  
州守應旌皆以特行祀鄉賢父如旭以孝行聞  
旭娶程氏生定元幼凝重六歲入小學不事嬉  
戲晨昏定省如成人多病恐為父母憂恆力疾  
強讀長從耆儒周千里學重內輕外歸於實踐  
讀書偶倦輒長跪自警至與友人置冷水坐間  
互澆以醒睡補博士弟子員撥麻哈州庠學使  
文岱孫勸蔡挺皆賞識焉中康熙癸巳恩科  
鄉試會試下第歸講學州南皎沙鄰郡學者踵

黃平州志

卷之七 宦蹟

十二  
四十三

至家數燬於火咏歌不輟父母以忘其憂雍正  
丁未奉檄赴部適河臣請員揀選四十人引

見

上諭不欲往者起立起過半謂定元可往分發南河  
署高郵判粗衣蔬食公餘輒與州人士論學已  
而取河員殷實結同事無貧富皆具結訖定元  
獨否曰家實貧敢欺上耶然河督尹繼善知其  
能特借補前職夏旱民請開閘灌田同官莫敢  
任獨慷慨陳請一方以濟秋方協理州境賑務  
而興化委員為饑民所逐



欽差侍郎彭維新檄往代州牧郡守如失左右手屢  
白乞留維新報曰人才實難暫借一月即還也  
辛亥從河督嵇曾筠請寓賑於工定元承築揚  
河土堤他處率書役豪民攬辦澤不下究定元  
躬與災黎周旋烈日中會筠嘆美奏遷山旰運  
判明年赴部試奏摺稱

旨謂其誠實既遷授勞績尤著時分段濬河益堤院  
吏求賄不得分以險工他處悉倩人經理工雖  
易不堅再圯再挑築費滋大定元所築獨完會  
筠稱其器局才識為一時冠以親老請終養會

黃平州志

卷之官蹟

十三  
四十四

筠慰留之再請則已奏遷揚州江防同知矣迄  
引

見

上謂廷臣曰看來才情綽綽有餘同知一缺何足表  
其底蘊即問歷任及到工始末奏對稱

旨詢廷臣以江南緊要府缺命補授淮南知府越日  
請

訓

上諭淮安雖六縣緊要繁難况知府於州縣最親督  
撫欲知州縣賢否問之知府亦如朕欲知象官

賢否問之督撫是刑名錢穀固當留心其最緊要處尤在認真察吏爾果能實力辦公朕不吝擢用也賜

御製喜雨詩為君論朋黨論上諭勸農上諭督撫各一道及貂珠藥錠特達之知向所未有也到官却六縣供設興起廢墜甫二月署理淮揚海道查工閔庫不受屬吏一飯時父母迎養在署值黔苗猖獗初定父旭歸省先整定元復欲以終養請而會筠先奏調浙江海防道新奉

俞旨計兩塘工竣乃歸而父訃忽至申報請代會筠

黃平州志

卷七 宦蹟

十四  
四十五

以其任其地其時不可少是人之例特疏請留五具哀辭不獲復受事建魚鱗大石塘五百九十餘丈乃歸葬上官僚屬賻贈一無所受乾隆戊午服闋擢河南布政使請陞

見奉

上諭朕亦思見汝也既因祥符等五十九縣非常水災奏請留賑百計補救活人無算又請增河工料價公私便之開封南有汴河故道向以淤塞致災奏請通疏又賈魯河由江南潁壽諸郡全注於淮而開歸陳三郡行潦俱由祥符等邑之

沙河老黃河會江南潁水由亳以入奏於中牟南賈魯北岸分水入沙河開新疏舊并達潁水下流水不加多而上流勢分力弱不惟兩河鮮漲溢之虞潁壽間亦享分勢減流之利奉

上諭通曉河務之員甚為難得朱定元由河南廳員出身歷任海防於河務事宜素所閱歷茲任豫藩所有河道地方皆其統屬而山東為河南下流着其加意留心以備將來任使奏免中年十

四州縣淹碾塌卸堤占沙壅地七百餘頃回豫復奏小民一歲之入仰事俯畜所餘無幾况當

黃平州志

卷七 宦蹟

十五  
四十六

災祲之餘責以並輸甚屬拮据豫省被災各縣麥熟應徵積欠穀三十餘萬石又借給牛具籽種銀三萬九千餘兩仰懇三年帶徵庶寬民力從之尋以副都御史巡撫山東沿途體訪安插流民給糧築室其復業而缺於牛力籽種者隨地借給額徵漕米奏分四年帶徵又奏上年水災動用倉穀例應本年買補而穀價甚貴豆價稍平若通融買補不惟倉儲易充帑項可省而豆穀分買穀價不致驟昂於災後民生實有裨益均獲

俞旨由是廣設義學立旌善坊列善人姓名民皆向義東省多盜滕嶧尤甚以壤接江南湖河曠遠奏移兗郡同知於臨城調各縣兵擒獲金陵鎮盜首姚乾及其黨五十餘人又督飭屬吏緝獲本境隣境盜首百七十餘人為從者倍之道路肅清然屢荷褒

旨忌者滋衆御史瑪昇給事中馬宏琦相繼撫前任未報盜案及濟曹道族人應鹽募者指為豪占差查部議俱附和以降級請賴

上知之深不問也往在淮道時有海州人唐二一案

黃平州志

卷七 宦蹟

十六  
四十七

俱擬斬決駁審改擬而撫臣高某仍執原議以去就爭之不得適高去而顧琮代卒如改議及山東水浸民多奪攘莒州郟城獲犯三十餘俱照強盜律擬饑民洶洶不安乃核原案贓物止米豆錢文盜具亦竹筐木担改從輕論榮城文登二十七縣濱海軍流人無以資生強者擾民弱者填溝壑請照閩例給口糧全活甚衆青州設滿營祿米軍糧俱于郡倉發給而以折給之銀買穀還倉為民累請於漕米撥給征西兵應扣倒斃馬料三千餘金死故過半存者皆貧乏

請豁之歷城等邑偏災請免漕加賑議者咸謂  
有剝上市恩之嫌慨然曰士窮時讀書欲任天  
下事達則惟利是圖爾絲保障之謂何且

聖主愛民如子受

朝廷厚恩不以股肱耳目自任享脂膏重祿不以  
凶荒饑饉入告非獨自待菲薄抑視

一為何如主予不敢出也甲子丁母艱歸起光祿少  
卿逾月遷內閣學士兼禮部侍郎丁卯改都察  
院右副都御史以足疾請假明年正月以原官  
休致曾祖父皆贈通奉大夫妣皆夫人前後

黃平州志

卷七 宦蹟

十七  
四十八

賜

書十有四賜

宸翰者四藥物服食十有二在官勤國事急民艱而  
儉於自奉歸田後子孫進食稍腴輒怒不食曰  
予祿食時所未有也利人濟物之事則傾貲為  
之道路橋梁之修不可勝記置義田義塚族人  
永賴焉生平無他嗜惟嗜書聚至萬餘卷老猶  
討論不倦所著四書文稿靜寧堂詩文稿河工  
便覽治平要畧黃平州志稿海塘紀畧如干卷  
妻黃氏封夫人繼蔣氏子四長文龍援例候補

州同授雲南順寧經歷文彬國學生文彩乾隆  
丁卯科副榜授湖南桂東縣知縣文虎附貢生  
文龍子國珍附監生纓緯俱庠生文彬子紳寄  
籍湖南武陵庠生文彩子續縞俱貢生

李運貞字會昌號固菴少孤力學年二十二中康  
熙甲午科亞元雍正庚戌成進士初任廣西博  
白縣知縣兼署北流縣旋調繁宣化縣丁內艱  
扶柩歸服闋赴部卒於都門任博白時訪有姦  
民結邪教黨羽已至百餘人方陰翕聚勢未張  
迅率丁壯嚴捕盡獲重治首匪餘悉枷責釋歸

黃平州志

卷之 官蹟

十八  
四十九

民皆戴德安生業後詣州始面言之李撫軍錫  
秦時為州牧粹聞驚且喜曰彼時若稟知我必  
不敢竟止將遂成大獄矣此君以膽識濟慈愛  
之苦心也因奇之特保薦調劇邑在博捐俸構  
書院營諸生童給膏火公暇親為訓課既調宣  
宣人夙聞治狀咸欣欣待澤俄以憂去皆嘆惋  
叔授文林郎以長子臺貴晉 贈通奉大夫臺乾隆  
癸酉科舉人庚辰科進士授翰林院檢討轉兩  
衙門累官至通政使司通政使以病告歸次子  
輝廩貢生選廣順州訓導卒於任

王楠定楚英孝廉家雋第三子由諸生高等食餼  
為歲貢通五經旁及子史為學務明體達用而  
尤以質實為主雍正初

上命臣工各舉所知湖州知府曹掄彬其女兄出也  
舉之赴部引

見分發浙江署溫州府通判題補海鹽縣以海疆多  
盜案自請調簡屢署蕭山分水等縣後補武康  
一以愛民為主民亦愛之所至有老佛之稱一  
日以公事赴郡見太守出歸舟無疾端坐而逝  
年七十有三歷官十餘年家無長物門人稱貞

黃平州志

卷七 宦蹟

十九  
五十

介先生族子解元修士進士偉士皆常從受業  
者也

戴琪字仙珍舊州人父天祐母張氏俱有傳少失  
怙哀毀已如成人年十七入郡庠食廩餼中癘  
正甲辰科舉人琪淡于仕進又不忍久離其母  
故會試報罷遂不再上公車時仲兄珩先中副  
車伯兄璉季弟珣亦有聲庠序後俱貢成均琪  
入則偕諸昆季色養承懼退則各授生徒誘掖  
後進謂雖高第美官不足易此樂也十餘年母  
始卒孺慕如喪父時乾隆乙丑以知縣截取赴

部乃復入禮闈遂成進士蓋鄉舉已二十一年矣逾十年選授廣東長樂知縣以愛養為政家故素封又念父母在日樂施濟遂悉捐廉俸建廣仁堂收養老弱置田取租給衣食棺殮煢獨永賴邑多曠土捐買麥種給貧民播種向有社倉久廢穀貯社正家耗且盡乃更建倉督侵欠倡新捐積弊悉杜饑饉無虞 學宮故庫隘倡捐改建并建 萬壽宮為朝賀讀法所創金山書院選才俊而董課之舊有賓興田土豪恣佃侵隱十不輸一核其籍即清釐勘詳酌定租

黃平州志

卷七 宦蹟

二十一  
五二

價歲增租二百四十餘石除給鄉會兩試資外為書院師生館穀膏火又擇律令中民所為犯者刊發地保按戶給發警戒由是士皆向之民鮮犯法縣之岐嶺為潮閩通衢崎嶇艱澹負改修坦塗於嶺半作遵道亭置田施茶往來感頌署興寧龍川感恩等縣其隨地利濟理枉滯一如本任不以暫攝諉逾七年歸值年祿出贖穀百餘石分給里黨貧乏卒年六十有七著勛孝編德報錄行世子深仁有傳湛仁拔貢生王修士字思永號琴川樞次子孝友篤學未冠有



聲序雍正己酉年二十四中本省鄉試第一名壬子充雲南鄉試同考官選山西祁縣知縣聽訟廉公賦役一以法民愛戴之巡撫某器重焉俄遷去代者與前撫素不協反具政議調簡為城時調簡例多改教遂改補普安學正日與諸生講學論文既而以在祁時張子文冒支車輛事發驛站州縣皆降調修士降補湖南按察司照磨卒於官修士少年早雋譽望甚重及屢困躓終未嘗有戚戚之容子三孚斌天衢定邦皆庠生

王焯字漢章本名焯士樛少子貌魁傑讀書解大義喜挽強命中講部勒行陣設奇制勝之法年十九中己酉武鄉試第五名庚戌成進士分發廣西署思恩營守備乙卯叛苗作亂奉調征古州等處人多言黔中山險苗獷悍不易勝且近世率用鎗炮若對壘惟兵多火器是恃技勇無所用焯曰不然古人言二鼠鬪穴中將勇者勝若一人敢戰百夫爭先雖寡可敵衆彼氣奪故也脫先餒雖多適自踐踏耳嘗以三百人行視進兵路徑馬駿行駛從騎屬者才數人餘俱後

里許苗賊起路旁草中馬驚逸前賊又起截路以長鎗戳中焯左手忍痛奪其鎗右手揮刀馘之而前者虜起攢刺方奮抵格後賊踵及馘馬股馬負痛躍起衝倒前當路賊復回刀斬一人從騎亦殊死鬪賊猶未退焯顧見後騎將至回馬大呼殺賊賊遂潰竄追捕斬二十餘級歸由是竄者相傳說美少年將軍不可當聞風奔避所至有功論者始服其言以軍功第一留黔補都勻協左營守備推陞福建邵武都司自陳不諳水性仍留黔者補定廣協中軍都司遷下江

遊擊屢署協鎮事遷雲南城守營參將年五十卒焯歷任多新疆諸事革創從容坐鎮步伍有法居民恃以無恐愛恤士卒與同甘苦咸樂為用士卒有不能娶者給資使娶在下江營時一卒有五女身死家貧焯撫養成立擇婿婚配象卒無不頌德惟於苗民有一介之取必嚴費不貸以故苗民亦愛戴焉子成龍有傳

石鎮泰舊州人雍正己酉武舉有膽畧乙卯苗叛帶兵征剿至鍋底潭賊負固鎮泰身入巢穴勸其歸順不聽以計誘破之進攻巖鷹壘蓮花壘

台拱丹江等處以軍功授江南大河衛守備營務整飭致仕歸年八十卒

王煥士字彩明檉仲子性明敏讀書數過即成誦于制義古文詞一見輒能合其程度然亦不復措意時方清理苗疆而文武生員例得互應鄉試煥士日與李弟焯習弓馬焯先以文生中雍正己酉武舉旋成進士及壬子文闈後煥士仍留省垣操練貌魁偉而藝精人皆擬必售比文場榜發已與兩弟同雋矣後以壬戌明通授青谿教諭移建學宮獎拔士類夏觀察珍其所

黃平州志

卷七 官蹟

二十三  
五十四

造就也甲戌赴部謁選寓蔣家衎衎貴州東館館蓋煥士父標倡鄉人清理興復者煥士念黔士萬里遠客生者有居而死者或未能歸葬捐金買彰義門外隙地為義塚選河南臨潁令有能聲委署許州直隸知州者七俸滿以同知仍發河南母憂歸起補南陽通判卒于官子孚寶以貴授山陽典史孚貴平陸典史憂歸起復宿州吏目孚誥孚觀皆監生

王楚士字翹瞻一字榕初檉五子與兄煥士彬士同舉壬子鄉試壬戌成進士選廣東開建知縣

歷署東莞曲江德慶等州縣分校己卯文武鄉  
試稱得士以註誤落職旋開復補東流令搆書  
院以造士江漲城圯力請賑恤水退復請修城  
事集而民不擾毋憂歸起補湖南安鄉以軍需  
叙功調絳寧皆有政聲秩滿加通判銜歷官三  
十載治獄以情不事刑威及致仕子孫衣食才  
給捐積俸置祭田生平喜為詩子孚德應舉萬  
春皆武庠生孚鼎援例授雲南吏目署鎮雄州  
同兼威信州判孫基遠貢生棟遠庠生

周學澐字靜川號永清一號雲巖廷枚子父歿時

黃平州志

卷七 宦蹟

二十四  
五十五

學澐甫九歲念父在時課讀甚嚴與兄學瀚篤  
志勤學就外傳每日必歸省躬薪水以奉母十  
七入庠旋食餼乾隆壬子鄉試闈中擬元己累  
日主司與房考意齟齬復被放閱兩科至戊午  
始獲入彀又以策對伉直抑置副車時母蕭年  
已七十矣以家貧親老遂赴都考職初授廣西  
州判遷粵東封川令其曾祖洪德舊治也洪德  
遷去時士民為建父母祠及學澐至官已越百  
數十年所建子城半圯捐廉金修治在縣六年  
廉慎愛民興利除弊一以其祖為法邑人有父

母重來之頃母年九十有一卒典衣以營喪葬  
家徒四壁繼乃教授楚南北及粵西廿餘年始  
卒學澄居官勤慎不妄取一錢以是家無長物  
終身無疾言遽色跬步必慎與人交如春風和  
煦善卜筮尤精星命談言多中有就問者以忠  
義孝弟勗之人以方巖君平卒年八十有三子  
六長圖南歲貢季銓世增生圖南子永年乾隆  
丁酉拔貢任直隸鉅鹿懷來南樂等縣知縣銓  
世子增年廩生

張梓字喬年號燕山州城人家貧嗜學年未冠即

黃平州志

卷七 宦蹟

二十五  
五十六

以古耕養父母後館於平越因占籍焉游泮後  
兼營什一不屑屑計錙銖久無所得返而就學  
學益力遂受知于學使鄒小山先生舉乾隆辛  
酉拔貢入成均肄業授八旗教習挑發廣西以  
直隸州判試用歷署佐貳以廉幹稱補向武調  
恩城陞山西布政司經歷署絳令及永寧牧皆  
以慈惠稱上憲喜其誠樸以卓異薦引

見回任候陞年六十二即移疾歸梓少年儻修髯

碩膚吐屬洪暢居家以孝友聞與人交始終如  
一同懷兄弟十人女兄弟五人廉俸所入悉以

均之鄉黨有貧乏者輒資助焉庚寅歲饑捐粥  
米全活甚衆居薄宦而好行其德梓為首稱卒  
年六十八子五人大藩大廉太學生大叙庠生  
杜文衡字平山舊州人家貧力學為諸生廉介自  
持中乾隆甲子舉人選授江西興安知縣有惠  
稱以拘謹失上官意被劾送部引

見復分發廣西亦署興安知縣幕友勸以迎合為務  
笑曰縣名猶舊吾願改吾素耶安之而已居歲  
餘罷歸布衣蔬食如為諸生時年六十餘卒子  
大源大成大章皆庠生

黃平州志

卷七 宦蹟

二十六  
五十七

王偉士字少羲號誠齋榮三十三世孫祖賜纓父  
樞皆有傳偉士少端慤勤學能文入州庠試輒  
高等尤篤於孝弟乾隆丙辰鄉試闈中心動不  
終試歸即母卒之日也服闋鄒學使一桂選充  
辛酉貢入太學考職一等例以州同用遽請歸  
省踰年父卒其不以榮利易天性如此喪葬哀  
禮交盡事兩兄愛敬至老不衰丁卯中鄉試第  
三名辛未成進士選湖南永明知縣俗惑青烏  
說有停柩數十年者貧家養女留助力作有至  
三十不嫁者至官集紳耆諭以禮法復嚴立禁

約俗遂革 學宮卑隘捐百金倡修以餘材建  
桂香書院士民于書院側立祠以祀庾長歲旱  
芒鞋露首徒步烈日中遍祈山川壇廟果獲甘  
霖而隣邑旱災委辦賑務實力查給無侵漏冒  
濫弊民歌誦焉時桂林陳相國為巡撫深器重  
之擬題鳳凰通判丁繼母憂不果服闋補粵西  
興業甫任事即值滇省軍需購馬于粵官吏侵  
牟閭閻畏避上司又或苛求駁換致多稽延貴  
縣令以違悞劾去檄委兼辦偉士既不私一錢  
又直言於上官兩邑皆先期蕝事調崇善護明

黃平州志

卷七 宦蹟

二十七  
五十八

江同知印務崇善邊邑多新疆改遣人犯有走  
失即呈吏議前令悉拘禁之以書院膏火充囚  
食書院由是久廢偉士至即釋出給貲本為生  
計又予官地種蔬自給朔望一點視無或逃者  
一日偶謂之曰或留或去任爾輩為之吾一官  
得失不足為輕重也皆曰官實生我敢相負耶  
涕泣不能仰視膏火仍歸書院更捐廉以助士  
氣復振念邑多孤貧而廩給有定數亦捐廉二  
百存典鋪歲取息佐之立案為經久計明江尤  
瘠苦所得俸悉給貧民衣袴茆茨費生平不喜

華飾為令十餘年服食不異寒素折獄必以情  
弗爭敲扑民不能欺亦不敢欺故所至有聲嘗  
謂廟學之設原以為教今則專于祭矣欲興文  
行書院為近故每加意焉又謂學當以毋自欺  
為本故晚號誠齋用以自惕內遷大理左評事  
仲子令山東朝城請致仕就養歲餘卒年七十  
一初常主講龍淵書院教人以敦本務實著家  
國撮要及詩古文四書經義如干卷子四子鐸  
增廣生有傳孚鏞乾隆乙酉舉人丙戌進士山  
東朝城知縣孚錦庠生捐授山東日照縣典史

黃平州志

卷七 宦蹟

二十一  
五十九

敝衣羸馬恂恂如儒生以清勤卒官孚銘庠生  
孫源遠丁酉舉人借補麻哈州學正候選知縣  
澍遠庠生餘皆習儒業

常維炳字豹南舊州人弱冠入州庠有文名中乾  
隆丁卯舉人以大挑借補銅仁縣教諭課士有  
方選江西新淦知縣聽斷平允邑人有常青天  
之稱調豐城以誑誤罷兩邑民咸歎惋旋卒于  
館舍同官士民賻助乃克歸櫬家無遺產妻子  
結茆官地幼子龍光甫十歲袁州牧治憐其貧  
苦力學招入書院肄業厚其薪餼補州學生初



維炳倡修學宮又獨修大成門廉俸悉罄云  
鄔昇字東炳號燦齋先世蜀墊江人明季避亂來  
居舊州至昇祖希聖父起龍皆樂善好施而寡  
貧日甚昇性明敏祖父母知能亢宗常甘勤苦  
省衣食以資昇學年十七補博士弟子員二十  
食廩饒文譽日起父卒哀毀骨立奉孀母事祖  
父母以孝聞既而母余氏卒祖又卒昇念祖若  
父厚望其身成就其學不克食報而繼祖母楊  
前鞠幼子後撫孤孫艱苦尤甚脫不能發名成  
業何以慰地下之志得堂上之懽每讀書至夜

黃平州志

卷七 宦蹟

二十九  
六十

分聲淚俱下乾隆庚午舉於鄉辛未成進士引  
見以知縣分發四川署萬縣蓬州補營山調成都所  
至有廉能聲嘗言吾家三世食貧何忍剝民財  
為子孫驕侈地故每克己厚民於寒士及寡婦  
孤子貧無業者尤厚卹之旋以繼祖母老病思  
鄉里而既迎養例不得以終養請乃自移疾奉  
祖母以歸已而楊病愈乃起復赴部分發雲南  
署建水元謀補恩安循聲如蜀中時兩充鄉試  
同考官並稱得士以

草恩馳贈兩世而繼祖母又以百齡貞壽特被

旌英方感激思報効值緬甸用兵鄰邑皆以軍務奉調昇攝數篆日無寧晷復奉委解餉勞瘁得疾乃請終養歸蓋祖母百有三歲矣及祖母卒力疾盡哀禮人咸稱之昇與弟昱友愛篤至弟先卒迎其妻子之官督課其子與己子俱祿入亦均之又謂家世積善而發於己惟敬宗收族可以彰君賜而報本源乃建祠堂置祭田修家譜聚族人而教養之年六十八卒子四秉鑑恩貢生候選教諭秉鈞廩生秉鉦秉銓皆庠生姪秉鏞增生孫澤芳姪孫澤彰澤昌皆庠

黃平州志

卷七 官蹟

三十一  
六十一

生秉鈞字國華弱冠入庠豪俠尚氣誼中歲始折節就學從廬進士嘉會遊有聲庠序晚益務修謹年五十四卒

王國泰字大來舊州人少為州庠生中乾隆庚午舉人初為清鎮教諭喜獎進士類黃進士燮時應童子試國泰以其異敏言于孫督學士毅亟拔之後果成名宿謁選得萬全令清慎愛民失上官意改教職歸補某州學正未至而卒家無長物子德溥早卒輒廩生孫光晉業儒

楊光先字裕亭以吏員捐授江西新喻縣巡檢調

署峽江縣丞勤政恤民弊絕風清人咸頌之  
汪滙字聚川歲貢任黎平府學訓導以軍功陞山  
西寧武經歷佐治勤能為郡守倚重旋致仕歸  
林芄士玠子吏員考選授石灣司巡檢陞陵水縣  
丞民安盜息士民咸歌遺愛子升元孫學聖  
王縉字薦紳進士樞孫也父光士字暉吉克敦孝  
友奮志力學博涉經史能文章試不售慨然有  
投筆之懷援例國學復屢鄉試終不售乃肄業  
成均報滿授縣丞職未仕而卒以子縉得贈武  
信郎縉少承父訓習儒業能書兼通司馬孫吳

黃平州志

卷七 宦蹟

三十一  
六十二

兵法便弓馬弱冠入州學中庚午武舉隨營効  
力三年分發雲南補沅江千總愛士卒上官器  
重謂有雅歌投壺風以終養歸卒子鴻遠廩膳  
生道遠業儒孫本元貞元皆庠生守元淑元永  
元皆業儒

王成龍字荀伯樞孫焯子少名孚印初為太學生  
從父於官二十餘年雖延師授學通諸經義獨  
不喜為帖括之文於左傳國策孫吳司馬法及  
古名將奇畧善謀每談說娓娓不厭多力善射  
父憂服闋納還太學生以今名入州庠旋中乾

隆戊子科武舉署本城千總卒伍皆隣里成龍  
訓練校藝儀觀甚偉而懲勸公明不以親疎有  
所左右暇則與講閭里之歡士卒咸畏愛之旋  
補廣西慶遠協左營千總營務修飭有威惠稱  
以不耐烟瘴告病歸遂不復出母朱淑人內閣  
學士定元女早卒事繼母張以孝稱喜培植人  
材課學教射貧者資其服用親戚子弟多賴以  
成就年五十六卒子八繼遠廩膳生兆麟乙鰲  
庠生應童子試者兆熊化遠孫皆有儒業

陳學溥字文淵應熙 世孫乾隆辛卯科舉人

# 黃平州志

## 卷七 官蹟

三十二  
六十三

失怙恃乙卯苗變甫三歲兄學清之麟攜避於  
湄潭及長天顯尤篤從遊於叔瑗之門家徒壁  
立誦讀不倦通籍後教學里中信從者衆辛丑  
挑選一等分發河南以知縣試用時值修築河  
堤在工精勤不怠上憲皆稱其能未幾病卒子  
嘉典篤孝友勤學問著數法六卷弱冠而卒人  
皆惜之嘉準嘉治皆州庠生

論曰有明三百年州衛分治衛學自景泰中周  
瑛以巨儒敷歷中外祀為鄉賢之首州雖設于  
神宗朝而孝宗時黃平所人蕭昂已入衛學舉

丁巳歲薦仕為縣尹文行政績李志列之鄉獻  
二公而後由科貢為巡撫者一觀察者四部寺  
官四守佐二十州牧八縣令三十三校官五十  
三首領佐貳十有四凡百三十餘人可謂盛矣  
國變之際高者抱璞下者波靡科目殆無可言  
迨王師入境士慶彙征以貢途仕者較少而  
舉鄉科成進士者什倍于前洵黔中文物地也  
顧自鄉賢諸公外或以忠孝著或以學行稱或  
以宦蹟見固已後先輝映然其餘亦豈盡無可  
紀哉如葉應甲祀甕安鄉賢楊光夔載通志隱

黃平州志

卷上 宦蹟

三十三  
六十四

逸而舊志皆闕其行事他可知也蓋周志不傳  
李志止載舊州人士朱王兩志又作于二百年  
後其或子孫他徒譜牒無稽即有存者又為作  
志之人見聞所不及迄今紀其姓氏已不勝聲  
消響寂之嘆使更閱數十年安知今之可紀者  
不又與諸公同泯耶此修輯表章所為汲汲也  
至列傳遠畧近詳蓋亦左氏成例遠者或述大  
概或記一行要可想見其為人而近者但有可  
傳概為叙錄邑乘之體獎勵為先冗瑣之譏所  
不敢避也

學行

史家列傳之別曰儒林曰文苑曰孝友曰獨行他郡邑志皆然彼或網羅一代寰宇之內或遠稽周秦兩漢近者亦溯晉唐以來數千年之久宜其多也顧猶有遺闕者焉州始自明中葉為時無幾而又數更兵燹文獻無徵非業經表章其湮沒者何可勝道茲據聞見所及以學行該之其事實可紀與夫兼優若各擅所長者詳於傳

明

黃平州志

卷七 學行

一  
五

周朝宦字陪榴鎬子官四川安縣教諭子二長誌字載道號雲鹿歷官湖廣道州學正四川重慶教諭後祀道州名宦次謨字宇泰號鳳鹿為四川新寧教諭誌長子于德字湯衡歷官四川開縣訓導保寧南江教諭三世皆以學行著稱由明經司校為士林楷法謨子成德誌子洪德以宦蹟顯有傳洪德子企濂字仍茂雋才早世

蕭昂號孔昭孝宗丁巳歲貢官知縣有治行李志列之鄉獻又有盛才王登與孔昭雖衛學俱本所人實開黃平文學之先附記於此才官經歷

登為知縣皆嘉靖時貢生

韓暘字應鳴千戶福嗣孫正德中以歲貢為江南丹陽教諭講學勵行人士興起

毛士章字文所天啟辛酉選貢好學多聞以壁經講授鄉里悉承其學後人亦多克肖者為廣西思恩經歷清勤有聲處家居鄉內外雍睦

陳于明字賡唐應熙長子天啟時選貢中辛酉副榜為思南教授講學崇禮及歸與弟子宸並以友愛聞

高萬英字奇男衛廩生以文學為鄉黨師範時有

# 黃平州志

## 卷七 學行

二  
六六

江南名士吳仙郎游學至興隆英與之講論自遜弗如遂以所處館讓之退執弟子禮吳薄醉假寐侍立至夜午不去吳醒曰子真如立雪程門者吾何以堪之遂去自是萬英名益高從學益衆周副使鴻德其高弟也

高大勳字標麟衛庠生秉性剛正平生言動悉以禮自持當亂世安貧不應試晚年孫可望脅之以威不為動敦行孝友尤不信佛道鄉里稱之李達字應亨朝陽子崇禎中歲貢弟通亦歲貢並有文名達自居鄉講學及為訓導皆執義不撓

故人號曰古直先生年八十餘卒鄉人猶思之  
龍文明字劍雲潯潭人時未分學附州庠為神宗  
庚戌歲貢中乙卯順天舉人服古安貧李志稱  
其損目壯年認理不悞延齡晚景撫姪如兒孺  
林既有伯道之悲復有卜賢之歎

陳廷謨字文顯歲貢生父宗孟好施與常捐三百  
金修文廟廷謨重義氣初訓徒鄉里弟子多  
所成就天啟中為偏橋衛教授以弟廷章既官  
縣令遂致仕陳孝廉于宸微時買西門市廷謨  
見而奇之問其家世憮然曰故人也攜歸使

# 黃平州志

## 卷七 學行

三七

就學語子姪曰此子當早雋爾輩不如也時廷  
章子良能負才未之信及于宸舉鄉薦以手加  
額曰而可以對故人矣因謂良能病多買臙脂  
反掩真色耳乃痛自洗伐亦登賢書廷謨子良  
才良有良才字心蘊勤學能文嘗糴鄉莊有竊  
匿者從人偵獲以告止勿譁曰渠我厚交戲我  
耳及歸子弟問誰竊者曰我既諱之矣問為由  
歲貢官州判遷雲南定遠令撫民如子決獄不  
假鞭笞人咸悅服移疾歸卒子善述有傳良有  
字心齋歲貢生冲約好靜言行不苟士林尊之



陳廷章字闇然廷謨弟天啟初由拔貢官雲南河陽令有循聲遷廣西潯州通判致仕廷章躬行孝弟兄病衣不解帶一夜十就問子弟有私呼親長名者必叱責晚患足艱行立然聞官長傳呼過門或兄及長者語窗外必俯身致敬其不為冥冥墮行類此子良能字心猷崇禎癸酉舉人官行人博極羣書尤喜佳山水常策蹇隨奚童所至嘯歌歸則詩草盈筭善作字求書者接踵于門有紀年草行世子善繼

李占春字少白號樸莊朝陽孫天啟中由選貢歷

黃平州志

卷七 學行

四  
六六

官雲南別駕以才識為上官倚任然自負甚遠落落不得志去國變遂不復出生平喜交遊慕郭林宗之為人好臧人物鄉人士文行可稱者率為延譽其人益因以自愛卒成令名時州衛未併著有州志於我朝底定黔服以前仍系崇禎不紀閏僭識者韙之今散軼過半矣

國朝

王家雋字台衮修髯豐眉唇若塗硃出聲應山谷

順治初依族叔祖虞祖文避兵吉水寨 大清

兵至象推雋出謁帥奇而禮之留幕中一日謂

偽曰君眷屬當另處各覆以青帕吾軍將夜出庶不相犯也偽以正言規之不能聽乃獨留祖文聽帥指使是夜軍夜掠村虛無人帥悔召之不復至順治庚子中鄉試官思州教授改偏橋衛教授吳逆叛屢遷偽職義不屈去居林下七年及再定黔地不受偽職者皆自首錄用獨恬退不復出有詩載藝文初娶田氏早卒偽曰人情願妻守節已歎不守義何以服人若有子不當復娶無子者亦當在期服後耳已而盜賊蜂起復曰世亂母老奔走不遑豈能更庇妻子耶

黃平州志

卷七 學行

五九

於是不娶者十九年有以色挑者常誦陳伯諫邪色蛙聲方漫漫是中正氣愈駸駸句及亂定登科始娶陳氏生子六棧柵楠杭桃樹皆食廩餼為歲貢生棧楠自有傳

王賜纓字三聘州庠生為人孝友睦婣宗族婣黨無間言時值亂離捐財產犯艱險以拯人危急有夫婦已離而復合子女被掠而復還者從子權為之傳載藝文子樞有傳

陳善述字象賢號子步由歲貢選永寧教諭遷思南教授以憂歸起補鎮遠教授致仕篤行力學

父病嘗冀以驗吉凶母張早卒繼母樊性嚴厲委曲取順卒得其懽心常拾遺金守之還其主忠信有幹才地方公事以身任之請分學出貢條議烟夫累民皆得施行常率諸子避兵途中猶口授春秋左氏傳誦偶悞以雨傘擊之殆所謂顛沛必於是者在思南時上官將舉卓異以繼母樊年老力辭然監司太守有重務恆資擘畫始習尚書復治春秋先儒傳疏精義皆手自編錄及所草四書諸經義皆為弟子傳誦子五以經以緯俱州學生以縉自有傳以維康熙己

黃平州志

卷七 學行

六  
七十

卯科副榜官黔西州學正以奇歲貢生

王槐字旦若祖宗周令金谿父賜綬從在署時西南阻兵室家留黔中而綬未有子納張氏生槐宗周卒賜綬扶柩歸命槐母子留奉繼祖母居久之隣家欲妻以女奩頗豐以無父命辭既而買吳楚間同人誘以狹邪不為動越二十六年始歸娶而嫡母張前卒與弟檉偕事繼母曹以孝稱中康熙己卯武舉為人方正重義遇事不避勞怨排難解紛貧弱倚之子煥堂廩貢覺士太學生孫孚初俊臣萬里皆庠生孚恭貢生

曹維寧字甫修性孝友自少有聲庠序食廩餼從者多名士學行純篤年六十四卒王進士櫬為作傳載藝文子掄彬以侍從出為知府有傳戴綬字組印性端穎年十七入州庠明年即中康熙甲子鄉試第四名以親老暫補鎮寧學正迎養署中承歡定省諸生化其身教焉年三十餘卒時論惜之妻黃氏見節孝傳子天勅天叙皆庠生

戴金殿字傳三少以諸生高等食餼聚徒講授從者如雲晚以久次貢成均雖決科不遇而門人

黃平州志

卷七 學行

又六  
七二

多成就從弟聖聰聖明俱先後為明經天勅天叙等皆入庠序劉進士世燾雖穎脫去猶就師請業云子秉禮庠生

張兆興其先江南英山人自入黔世有陰德十世至兆興言行端謹以庠生捐貢樂善好施待舉火者數十家助橋工各善事累千金事多不勝紀子國茂字培初為鎮遠庠生食餼貢成均為人孝友弟國英篤于學不事家人業茂為經紀如已事平生薄于自奉而厚于濟人人謂能繼

父德

曹亮字仰葛火入衛庠有文名中康熙壬子科第四名舉人

廖應熊字渭田占籍餘慶中康熙辛酉科舉人官教授勤于課士

白光衢字雲路善屬文中康熙丁卯科舉人後為知縣

陳懋德字克勤自少有聲庠序中康熙庚午第三名舉人後官知縣

羅士良字眉白容貌俊偉望之如鷄羣之鶴少補博士弟子員學瞻品端同學皆重之數試不售

黃平州志

卷七 學行

七十二

以久次為歲貢生遂縱遊海嶽自中州以及吳越閩粵名山奧區足跡幾遍十年乃歸鍵戶白雲山中益研究經史不入城市以善醫有延視病者偶一至亦不語人世事選訓導辭不就年七十餘健步丹顏踰于少壯所至人稱白雲先生云

李士隆字遇時有文名康熙辛卯副榜癸巳舉人劉世燾字 雍正甲辰進士為舊州開先官三

原知縣廉慎自矢以喜談文學改教授歷鎮遠大定南籠諸學皆能獎誘士類年七十卒子鈞

朱師周字蓮亭衛廩生言坊行表門人王賜綬稱  
為盛古先民以曾孫定元貴贈通奉大夫  
張拱北字紫郎號月鹿祖國緒有傳載尚義父大  
維字中極少負經濟才決科不遂與弟大綸皆  
歲貢生兄弟俱以篤行稱拱北中順治庚子舉  
人官咸寧教授致仕後舉鄉飲正賓文行為一  
鄉之望從弟拱垣大綸子亦歲貢生以善醫聞  
與拱北友愛如同生時有兩世孝友之目

周學致字千里號念恆州廩生家貧授徒資修脯  
以養親承顏順志晨夕必歸者及執喪哀毀骨

# 黃平州志

## 卷七 學行

又七  
七十三

立葬祭一準禮經尤潛心理學十一應鄉試不  
售會舉孝廉方正衆論推之堅讓不就從學多  
知名士如朱學士定元王孝廉彬士修士王進  
士偉士輩指不勝屈生平內直外莊言動不苟  
取與一斷以義獨立獨行不為情勢疑沮邵德  
篤行實能踐其所學年七十卒子善世庠生

王登賢字佐明州學生從名士高奇男遊同門多  
獲雋登賢獨屢試不售然言舉業者首稱之教  
授生徒多所成就族子檀其門人也卒檀為傳  
稱其事繼母孝好學問不以貧窶累心又良於

醫貧者不索報然竟無子以從弟過秦子某為後云

戴天祐字申菴州西葛浪洞人性敏好學少補平越郡庠弱冠文名日起遭偽周亂乃縱情山水比亂定已老遂不求仕事父母孝養無違及遭喪飲食起居言貌悉中於禮二兄早逝撫遺孤如子女兄子張某兄弟幼孤疎族子父死流落皆收卹使承其家調鄰里養貧病葬客死若水決暴骸事多不勝詳建書社為子延師師貧士舉其家迎膳之平生厚交遊及卒致客數郡四

黃平州志

卷七 學行

八

子璉珩琪珣皆列科名各有傳

周廷适字仲友存濂仲子性端嚴明敏博學領康熙癸卯鄉薦第五名以父老祿養維殷告蔭任平越教諭丁繼母憂父益老遂決意不復出優游林壑撫育兩孤姪婚嫁等於親生年八十三卒

李運隆字名世少篤于學為諸生有文名屢受知于諸學使久困場屋四十餘始中雍正癸卯恩科舉人選玉屏縣教諭奉委赴廣西買糧運古州以軍功增級旋病卒初運隆弟運昇運貞

皆從受業及二弟先舉于鄉運隆猶切劘不少  
寬假卒先後成進士而運隆竟不遇然州之知  
名士多出其門盧孝廉瑤為最著子二培堂培  
乾隆丁卯舉人初任安化教諭造就人士尤厚  
于寒畯每飲食而教誨之後多成就柴運使楨  
其一也培子仁乾隆己亥恩科舉人堂廩膳  
生高才早世子利仁乾隆乙酉拔貢中庚寅

恩科副榜

陳修聖字思永博士正心子也康熙壬子副貢天  
姿穎異才名噪一時與州人張也恭友善詩酒

黃平州志

卷七 學行

九  
七十五

唱和陶然自得州牧李延基高其賢聘為西席  
李陞任湖廣修聖時抱病強以同行竟卒于幕  
李送其柩歸年僅四十時人惜之子謹章有傳  
張也明拱北子字允文號遠齋又號雲溪康熙甲  
午舉人官四川太平縣知縣尋罷歸火時奮志  
遠大每以先賢自勵力學敦倫之餘尤長於詩  
詞及駢體之文境內名山寺觀標題多出其手  
詩文多散軼惟集本州合省地名為百字聯贈  
魏刺史及經畧張公又集舊城地名為詩人尚  
能傳誦時俗尚佛事常為人題聯云將地獄打



開鬼判從今縮手把天堂塞破神仙無處安身  
識者以為達理子季儉孫鼎元

劉汝翼字右民舊城人有聲庠序中康熙甲午舉  
人官遵義學博造士維殷為文善持論嘗書關  
神武廟聯云漢廷教夫子發荊州更不策順平  
駐荊州是天意別有主張故教君相偶疎一籌  
也迄後六師建興志決身殲無方挽日揮戈兩  
朝間惟辛苦了武鄉侯孤忠討寇學者識曹瞞  
為漢賊而不知孫權亦漢賊微紫陽揭起書法  
孰與古今仲明大義哉當時二豎狂逞機深計

黃平州志

卷七 學行

十一  
七六

險有意陷良傾正千載下只成就得伏魔帝三  
界達尊達人至今傳誦其所為詩古文多類此  
惜散不存

陳謹章字帝箴修聖子甫三歲父應湖廣道州李  
觀察聘卒於幕訃至悲哀若成人六歲時母命  
出就外傅嘗訓之曰爾父見背我青年守爾伶  
仃孤苦書香之繼為爾是任由是謹章日夜務  
學年十五就平越應童子試失意歸人即報充  
里長謹章恐母知拮据萬狀有城隍廟僧助資  
赴鎮遠應試入學乃免戶役旋食餼恆授徒資

束修以奉甘旨承歡慰志五十餘年常孺慕如赤子及應貢值母壽終哀毀骨立數月而卒母趙見節孝志謹章生平謹厚醇篤禮義自持家雖貧未嘗乞憐於人子二長子芳壬申恩科舉人有傳次子玠庚寅恩科舉人孫寶庚子舉人善戊午舉人

李運昇字平世勤于問學弱冠名重士林中康熙丁酉科舉人丁未成進士官山西汾陽知縣勤慎奉職以註誤歸遂不復出規行矩步鄉黨視為典型四十餘始生子均雖憐愛而勤于訓迪

黃平州志

卷七 學行

十一  
七七

猶及見其入泮年七十卒均增廣生以學行稱吳輝璘字克振自少穎悟文宗大家而一種樸茂直實之概出自生性康熙丁酉科鄉試中式第六名選任江南東流縣知縣雖任民牧惟孜孜以教人力學為務後改本省廣順州學正卒於官

石誌猷字子升其先江西豐城人姓劉氏祖少孤撫於石遂承其姓家貧力學有聲庠序間尤篤於孝訓蒙十里外旦暮必歸問寢饁中康熙丁酉舉人是時會試下第願就教職者可即得而

誌猷親老且病又無兄弟曰吾豈以升斗之祿  
易吾勤苦之供耶遂躬耕授徒以終其養親卒  
年五十餘哀毀甚於童孺遂不復出

張鑄康熙庚子副榜官清鎮教諭遷黎平教授常  
聚徒講習必究經傳之旨以細常世教啟迪門  
人四方學者雲集子涵若孫如楷

薛子珩子璋之弟康熙癸卯副榜博學能文尤工  
於詩結體在唐人中晚間有時才遇事擘畫明  
審議論風發而淡於仕進卒年七十

周廷枚字甌掄齊濂次子齊濂宦于蜀廷枚以母

黃平州志

卷七 學行

十一  
十八

狄素病奉以家居時年僅六歲每就傅必詣寢  
問安否自塾歸亦然及母逝哀毀骨立盡哀盡  
禮繼母符年老失明出入扶持必親兄廷英州  
庠生性嚴急有所督過唯唯兄家有山魃崇  
廷枚至輒避兄曰斯非吾弟孝友之感歟弱冠  
補弟子員旣食饌凡科歲試論文羣擬弁冕揭  
案果無有出其右者鄉闈屢不售鬱鬱以歿臨  
終謂妻蕭氏曰吾不得志於功名汝尚撫吾子  
以成吾志子四長學翰次學澄次學灝次學海  
蕭以義方訓之學澄果以文名顯伯與叔季俱

王棻字子瞻文學祖義孫孝廉家雋子少承家學入州庠食餼經明行修一時從學者甚眾刺史郡守屢聘為館師屢試鄉闈不售晚為歲貢生有弟五人<sub>一</sub>不忍離舊居燬於火以積年禮幣束修置莊名曰藍田兄弟同居數十年後訛為良田子孫猶聚族焉年七十一選玉屏縣訓導講學課文尤諄諄於孝弟諸生多所成就洪太史其哲許孝廉翹其高弟也八十以老告歸年高德邵三舉鄉飲賓年八十九卒先是山中相傳黃子州志

卷七 學行

十三  
七十九

有山魃能擲石弄火為人患供奉之則否棻不信焚衣毀器甚至火其屋輒曰人自不慎或數應爾鬼何能為後遂不復至

王樞字庶瞻祖宗禹有厚德人或以非禮侵不之校鄉黨稱長者父賜纓有傳樞少從族父孝廉家雋學即以篤行為要父早歿孺慕誠切事母孝母張氏告以祖父皆好施與遂常粥食布素而均所有於饑寒遇喪葬不能舉者竭力助之常傾囊為人贖子所居負山面水峯聚而溪環名曰盤溪溪內外數十里中自宗族姻婭以及

隣里相識雖厚薄緩急有等而應人之求急人之急無吝詞無德色人皆信而賴之咸稱盤溪先生年六十八卒子三俊士州學生勤儉友愛修士偉士各有傳俊士子秉元平越府學生孚嵩及孫致遠琮遠皆監生

張也堂拱北少子歲貢生官祁州吏目才氣超邁刻意學問常採古來孝子順孫節婦列女附以格言以教鄉里解官後安貧自樂有集唐詩一卷子季和庠生孫金臺貢生

陳之穎字映藜以縉長子父官雒容知縣未仕時

黃平州志

卷七 學行

十四  
八十

教授鄉里從游頗盛之穎負雋才與舅氏張也明及薛子璋子珩等相切劘同門者後先獲俊之穎雖從父之任孜孜務學無貴介習雍正甲辰補行鄉試中第三名未仕卒以弟之灝子仲傳為嗣之灝字復梁州學生好學能文與兄之穎皆以孝友聞及兄卒之灝慮母悲苦日取史傳誦母側為娛後遂以為常數十年未嘗離膝下善談論工東牘對句運用敏妙人謂酷似其舅云母好施與之灝雖拮据遇貧困者必竭力調助以慰母意次子鏞州庠生仲傳之灝長子

為伯父之穎嗣母王氏晚年病目嘗跪而舐之  
動止必扶掖母卒後有遠行必泣拜於墓出告  
反面如生時有族祖年老無子依婿而婿死分  
宅居之後為納妾從叔某五十鰥居無子助資  
續娶後生一子族女為湖廣人畧賣女泣求振

為申理擇良嫁之子見龍孫昌緒皆州庠生

戴珩字晉侯璉之弟性沉靜嗜經史父天祐卒母

命課兩弟學遠近人士亦樂從其遊三十許乃

中雍正癸卯副榜叔弟既登賢書珩仍屢入棘

闈竟不過後季弟亦以副榜貢成均與及門多

# 黃平州志

## 卷七 學行

十五  
八十一

騰達去而珩乃選校職以母老辭不就仍設教

里中從學者多所造進子元仁字象春性敏十

歲能詩文州刺史侯取冠童子試時甕安文進

士璉客侯所許妻以女繼丁父母憂既葬讀書

苦次聲與淚俱服闋補弟子員食餼授徒所入

悉分供弟姪喜調卹有乃祖風晚貢成均年七

十三卒子德林庠生德 新入庠

王彬士字又彬櫛四子生而穎異九歲能詩十二

熟五經為學使沈翼機所器補博士弟子員試

輒冠軍詩賦古文詞尤華瞻工綴庠中無與比

者與兄煥士弟楚士同中壬子鄉試以壬戌明  
通選修文教諭集諸生講課無虛日既屢試未  
第為廣文候選知縣皆非其志遂縱情詩酒豪  
飲高歌淋漓不厭日以論文為樂不復上公車  
志益憤詩益豪酒亦益縱數年卒於官論者謂  
彬士與父樞天資敏達既同其博學孰著述又  
同然樞為文閱博條暢而彬士多沉刻悲壯之  
作豈其所稟又有各異者耶抑所遇有幸有不  
幸也子大勇萬年皆武舉攀龍武庠生孝春有  
文名以食餼歲滿當貢成均辭不就

# 黃平州志

## 卷七 學行

十六  
八十二

徐而陵字為高英姿卓磊敏捷過人字宗右軍詩  
法子美雍正己酉以遴選初任湖北黃陂縣丞  
政滿卓異陞任潭巖司通判調繁安陸府通判  
凡在任革除陋規民歌父母生平清廉自矢人  
不敢干以私未幾卒囊無餘蓄及扶櫬歸里俱  
出士民欽助稱廉吏焉

胡大賓州廩生積學能文雍正乙卯鄉試同考官  
以其卷薦主司置第二房考以元爭不得憤然  
曰此佳卷請待下科遂被落未幾卒人咸惜之

鄔見龍歲貢生秉性嚴正篤學嗜古家貧舌耕養

親養生送死一準禮經授徒六十餘年子弟多  
所成就年七十八卒

游崇聖州庠生以忠厚世其家雍正乙卯苗變

聖宮被燬 聖像獨存平定後崇聖避難歸不  
暇計居屋即倡首募修俾宮牆復舊子於翰亦  
庠生乾隆十八年復合進士戴琪等八姓呈請  
黃義學租米變價修理又各捐貲增修至乾隆  
五十八年州牧袁重修大殿於翰子庠生宏傳  
復捐貲分司役力三世俱力修 聖宮人皆稱  
善宏傳子五人尚賓尚賢俱武庠生

黃平州志

卷七 學行

十七  
八十三

李造唐字際虞明孝子俊十一世孫家貧力學十  
二歲入州庠旋食餼館于餘慶清平越從者  
常數十人時以理學稱雍正乙卯拔貢旋中副  
榜後之學者猶稱為良師焉

戴璉字商器天祐長子初與三弟同就塾伯仲皆  
以文名著庠序間而叔季尚少已而父卒母老  
以璉有才諤乃命仲弟珩督兩弟學而璉代父  
庀家事其後仲中副車叔雋鄉試逾十年值雍  
正乙卯苗叛璉使諸弟奉母避江外而身赴軍  
効謀策是秋季弟亦得副車璉以議叙貢成均



盧瑤字玉青性端謹言動必以禮少從李孝廉運  
隆學通五經旁及子史明體達用確然可見之  
施行然不得用故惟以文名雍正末場屋尚鉅  
麗往往流於膚廓入于浮華否則矜奇弔詭瑤  
獨本程朱之理唐歸之法清古蒼堅屢擯不顧  
高廟初釐正文體瑤即以元年 恩科中第二名識

者謂闈墨閱肆冠一時然知好者仍鮮上春官  
輒報罷以乙丑明通官清鎮教諭勸學興行士  
習大振瑤自為諸生迄鄉薦恒聚徒講學時州  
無書院嘗館奎閣中旁郡從者以百數寺觀皆

## 黃平州志

### 卷二 學行

又十七

又八十三

滿慨屋或結茆以居十五登甲乙科餘亦有名  
庠序以其子進士嘉會及李通政臺為稱首然  
皆如景差宋玉之于靈均雖師其意度亦各因  
時適變至擬諸其師咸自以為弗如也嘗選十  
二科墨鈔評薦允當詩古文雅質淋漓多可傳  
者子三嘉會有傳嘉銓廩生嘉植增廣生

張繼佑字紹吉也恭子家貧守介弟繼融字有光  
舞勺遊庠即講居敬之學兄弟友愛皆以歲貢  
教授鄉里及門多知名兄友貢字再軒增生有  
文行佑子恒融子觀孫權今貢子頤皆名諸生

貢弟友思高才食餽早世子道統甕邑增生  
戴珣字震山性至孝乙卯苗變奉母避江外止田  
氏豚牢中讀弗輟時謂猪圈中讀朱卷珣弗顧  
也是科中割車母旋卒葬龍林時喪亂初平人  
烟稀少珣結廬墓側者三年廬外虎跡縱橫珣  
不為動虎亦不敢傷人謂孝感後值家忌必泣  
奠選普安訓導訓課有方修 崇聖祠明倫堂  
刊卧碑旋陞鎮遠教授及老居鎮遠涯溪著有  
唐詩金針經子彙纂古今文貫諸子皆庠生

張聖宏州庠生其先世浙江石門人宦楚南澧州

黃平州志

卷七 學行

十八  
十四

寓楚之石門洪武時征南有功為黃平所世襲  
百戶失其名遠祖必禮由湖廣舉人官雲南昆  
明知縣聖宏父早歿母病痺癰正乙卯苗叛聖  
宏負之而逃晝夜省視積年如一日母卒痛哭  
幾絕亂定鄉人爭赴殯所舁柩歸葬性好施與  
親族待舉火者數十家貧乏婚嫁者亦仰給之  
解汝晉州廩生鄉賢巡撫立敬之裔好讀書不為  
浮文孝友謙恭言行不苟捐資修舊城 崇聖  
祠學使臨試屢以優行見獎子能遠甕安縣學  
生性勁直好施與周急存孤乾隆戊戌歲祲盡

出所藏穀給遠近逃荒者鄉人百餘家挖蕨山中戶予木盞鐵鋤人給食鹽咸賴以濟西門礮圯出重金與州人八姓同修子文明由監生捐府經歷職亦能率祖父遺德先是汝晉修崇聖祠歲久圯能遠撤其材為兩廡更修新祠棟宇益高敞其後州人士增修 文廟文明復修葺加丹雘焉

李光緒字顯承州庠生力學篤孝友性和易然廉隅自持乾隆初舉孝廉方正受六品冠帶年八十餘卒光緒良于醫弟庠生光宗字元菴精青

黃平州志

卷七 學行

十九  
八十五

烏皆不取酬謝貧者德之光緒武舉先芳子也

孫文士字才南舊州北巖人少力學及長有聲庠序中庚子科副榜候選州判家素封而淡于財常肄業貴山書院家中田租日用悉委從兄弟不計贏絀父如賢常欲修上塘天壽礮未行而卒文士鼎力修之約需數百金不吝既而戚鄰有樂助者或數十金少者數金合衆力不及工費十之一則又曰君子恥獨為豈較多寡耶其能成先志而與人為善類此事繼母以孝聞舊州有 先聖範金像州牧袁屬訓導陳為記

文士捐二十餘金刊碑立學宮年五十餘未仕  
卒子立勲州庠生 誤編當在周錦世後

張維寧州庠生以文學教鄉里從者多知名家雖  
貧拮据為善值雍正乙卯苗亂後收瘞暴骸不  
避勞穢人以為難時舊城 學宮燬于苗士紳  
修復維寧為首事鳩工勤慎絲粟不苟州中有  
義舉恆竭力為眾先子鵬程字南鯤能承其學  
為諸生屢試高等中乙卯科副榜授普安縣教  
諭鵬程子朝元職員廷魁會雲俱庠生維寧次  
子鵬翰亦庠生早世妻彭氏見節孝傳鵬翰子

# 黃平州志

## 卷七 學行

二十六  
八十六

鼎魁亦庠生兄弟父子兩世皆以勤儉致素封  
後世衣冠濟濟論者謂維寧力善之效云

丁有光字正陽少入州庠即以敏捷驚長老事親  
以孝聞在庠序數十年試未嘗不前列嘗聽旁  
舍生讀場中試卷戲之曰此成文余所熟也試  
之無一字遺者為歲貢益好學不倦教授鄉里  
貧者斥修脯助之遇戚友相識子弟必勸之學  
歲科試及鄉闈每敦勉以應試艱於資則代為  
設措焉及孫崇階中戊申鄉試第六名論者謂  
成人美者天亦成之不予身于其子孫猶信

周學瀚字滙菴廷枚之長子生而穎異曠達不羈  
好讀書不事章句有得輒與古人合弱冠為州  
庠生幼失怙事母蕭孺人先意承志有弱弟三  
克盡友愛弟學澧中乾隆戊午科副舉自有傳  
學灝學海皆入州庠學翰豪俠好義里人多待  
舉火而婚葬大事尤樂助之任天而動獨往獨  
來或縱遊山水或坐擁琴書浩然有與古為徒  
之意卒年四十有七子杰世篤行孝友學澧薄  
宦歸杰世事之猶父人咸重之長孫卜年中乾  
隆庚子科舉人

黃平州志

卷七 學行

三十一  
八十七

周學貫字一齋父廷楫增廣生早卒學貫敦尚實  
行乙卯苗變躬負老母許氏逃於江外以筆傭  
養亂定歸母及幼弟學儲相繼歿喪葬畢語次  
弟學魯曰三弟遺產數畝曷忍分受以為祭田  
田存而吾弟存矣其孝友如此以食餼久為歲  
貢子訓世乾隆戊午舉人

解能讓字恭野乾隆丙子歲貢和易坦白而處事  
周詳通達時務與盧孝廉瑤為友婿俱有經濟  
之望善詩文尤精岐黃晚年足不入城市以詩  
酒自娛年九十始卒

盧琦字韓起瑤之弟性孝友聰穎絕倫經史子集  
覽一過卽領其要少補博士弟子每坐書肆中  
翻閱近科考墨卷及房行稿佳者輒記不遺人  
謂之書簾中乾隆丁卯舉人年三十許卒人皆  
惜之

陳之瑄字玉衡號鶴溪州庠生黔西學正以維次  
子品行端方事父與繼母以孝聞兄弟皆貧  
不得已乃遊幕謀養後喪葬皆獨任之家距父  
墓八里許每夕必親然香燈無間寒暑風雨在  
幕不受餽遺當事重之子七人四子顯傳州庠

黃平州志

卷七 學行

三十一

生

陳子芳字秀南謹章長子少穎異十歲能詩文年  
十三冠童子試以優等食餽連值祖母及父喪  
葬祭一準禮制家貧授徒資館穀奉母甘旨中  
乾隆壬申 恩科舉人官開泰教諭訓士有方  
經魁胡紹南進士丁映奎皆所成就丁內艱歸  
以舊州 文廟左冲直出術家言不利科第議  
建奎閣未果約同人竭力募建之庚寅歲祲與  
弟份約好義者捐貲施粥親為給散全活甚衆  
起補廣順學正州 文廟在城外二里許歲久

傾圮甫到官即議改建踰年而成先是六十餘年州庠無登科者自芳在官先後得五人雖其造士之勤術者亦以為 學宮改卜之驗復捐貲建學署推陞思州府教授以病歸卒年六十五著有四書捷講春秋捷解藏於家弟子份乾隆庚寅舉人官天柱教諭調錦屏子二長寶乾隆庚子第五名舉人大挑二等為都勻府訓導候選知縣次德業儒弟份子善嘉慶戊午科舉人承先啟後芳稱無愧焉

曹掄傑字萬英州廩生力學能文從學者多所成

# 黃平州志

## 卷七 學行

二十三  
八十九

就自少以孝聞晚尤好善樂施年八十七卒門人周孝廉錦世跋其傳後云矢念肫誠秉心愷悌事椿萱于少壯孺慕克全當兵燹之艱危孝行罔間藍輿躬荷有難弟更有難兄菽水同將全天經即全天顯而且推仁宗族厚恤孤寒薄資財以通緩急不吝傾囊捐米穀以救凶饑寧甘粥食憐溝壑之輟轉掩瘞維殷閭離亂之死亡殮殯代任赤貧之婚嫁惠以衾裯乏嗣之荒墳樹之碑碣貸金焚券感德良多補路修橋稱便非一加以趨庭同竇氏之義方執贄擬鄭公

之通德云云論者以為實錄生子五長汪以文  
行有聲庠序次泉有節畧入尚義三滙國學四  
注增生五淵州庠生皆能守其家法焉

盧嘉會字維夏瑤長子少受父訓未冠經學文詞  
已出其曹適父北上命從門人張拔貢梓遊及  
父司校清鎮嘉會已名冠州郡葉學使吳郡守  
皆延之校文且為弟子師楚南靖沅兩郡先後  
延至書院講歸復主講兩州書院年四十舉壬  
午鄉薦丙戌成進士殿試已列二甲以遺漏策  
尾式降附三甲嘉會素負館閣望顧半世偃蹇

黃平州志

卷七 學行

二十四  
九十四

遂無意榮進改就教職補思南府學教授勤訓  
課士多嚮學然嘉會實具幹才以課士老時論  
惜之自為名諸生及謝病歸從學恆數十人多  
所成就人以為能繼其父子岱宗廩生秩宗庠  
生皆能文早世振宗興宗及岱宗子履謙今皆  
能繼祖父業

王孚正字宜中性孝友少從孝廉盧瑤遊十七遊  
州庠旋食餼適劉侍御元燮謫餘慶以文就正  
侍御為月旦評學益進顧屢躋場屋九赴秋闈  
始中乾隆乙酉舉人赴春闈者五晚猶手不釋



卷自奉儉而好施族間婚嫁窘於財者必為設  
措里黨亦時周恤有張連升舉家疫斃捐貲瘞  
之建天香橋行旅稱善子恩遠增生恩貴監生  
曾紹孔字受一杰八世孫三省曾孫雍正乙卯苗  
叛父合久病紹孔年十八奉母負幼弟妹擁父  
走既而父卒拮据淺殯亂定乃歸厝方父臨終  
時囑以倘獲生無廢學然貧甚負米養母三弟  
二女弟皆賴以衣食及弟妹各成家室紹孔念  
父遺言復從師讀書遂入泮以教學為業遇貧  
欲改業者多方獎勸率以成就子道全道彰道

黃平州志

卷七 學行

二十五  
九十一

行孫曾四十餘人夫婦年逾八十四世一堂鄉  
黨稱之

王炳字耀南天姿英異孝義性成十歲喪母哀毀  
擗踊若成人事繼母林氏承順不異所生父卒  
盡哀禮家貧力學弱冠即飛聲庠序生徒爭從  
之遊資館穀以奉母然不計修贖多寡貧者皆  
歸之樂善好施遇人急己雖貧必多方代謀乙  
酉舉於鄉丙戌成進士時業師鄔昇令恩安招  
以課子而李太守遂延掌書院講及歸從遊愈  
衆生平教人惟以躬行實踐為要卒年四十繼

母慟哭曰天何奪吾孝子之速也州人士咸惜之

王廷士字漢分乾隆乙酉副榜曾祖朝縉祖成章俱州庠生世有積德廷士生而穎異善讀書鄉先輩俱愛重之遊庠食餼見知於葉花南先生顧屢困場屋年四十始以副貢入成均就州判職在都門八九年知交多名士以母老假歸奉母色養備至母八十餘終遂不復出廷士少年倜儻好任俠喜功名及倦遊還足不入城市授徒以供菽水子經禮州廩生

黃平州志

卷七 學行

二十六  
九十三

楊朝爵字慎修入平越府學秉心孝友學務躬行乾隆中為歲貢生

王國霖字用汝幼英敏長更為持重好學勤修有先正典型然數奇棘闈屢躓而四方從遊者益眾經其指示輒獲雋而去乾隆末以恩貢選銅仁府訓導值苗變分任守城日夜不輟軍務旁午年已八十餘勞瘁卒於官

常振倫州廩生秉性端嚴勤學好問取與言笑不苟家甚窘而孝友甚篤弟妹二十餘人遭喪十四次完弟婚者五成弟名者三友教生徒秀發

不少所受束修盡以供養葬婚嫁之費遇先人生忌必齋而後祭喪親逾數十年祭時尚含淚年八十而卒

王學鐸字覺斯號曉園偉士長子少穎異篤學母以其體癯恐過勞嘗使人攜之觀劇雖立臺下輒自拈題為課藝歸即操紙筆錄之間所觀何劇不省也其專如此入州庠為增廣生言動必有法度人多畏敬之至目為朱文公嘗以周方伯州志散失聞朱中丞曹太史各有志稿求不獲遂慨然以為己任訪於平越得郡志所載州

黃平州志

卷七 學行

二十七  
三

中疆域沿革人物等數篇參諸通志復悉心咨訪有所聞輒東記之成志畧八卷年六十卒嘗患目疾讀書不數行淚承睫下即閉目凝思漏二三下猶呬唔不輟弟進士學鏞及子源遠讀書半其口授也源遠乾隆丁酉舉人借補麻哈學正候選知縣

吳學聖字懋修百戶巖十五世孫性敦厚少言年十三失恃事繼母維謹二十四失怙時曾祖母馮祖母鄭尚存皆早寡誓志年老多疾學聖日侍湯藥未嘗廢離及卒俱以長孫承重服同盡

哀禮以故年三十二始補弟子員請兩世

旌典竭力修祠曰吾非敢言孝以成父志也居鄉家有塾年八十猶勤訓課鄉人子弟咸事焉子三兆元登元廩生掄元廩貢生

林模字範南平越郡增生孝友端重然諾不苟母陳氏病劇顛天求代以為人子不可不知醫遂精岐黃乙卯苗變負母奔馳顛沛中誠敬無懈嘗因弟破千金之產未嘗有怨言弟卒遺男女教養婚嫁視若親生童試即器重州牧遊泮後樹幟文壇從遊甚衆成名者先後數十人文教

黃平州志

卷七 學行

二十八  
九十四

以端本為先子齊顛癸卯科副榜超顯州庠生周錦世字繡章性和厚寡言笑尤篤于孝友曲體親意及喪葬一準禮經生平言動競競以殆辱遺體為戒兄庠生盛世貧甚迎以同居為其子婚娶且經理稍復其產既而兄子請兄析居買遷耗失且子亡孫幼仍命己子奉養之病革猶以兄後事為囑錦世自少手不釋卷弱冠食餼遂以訓課為事訓詁之下令人身體力行從者不惟文有法度氣質亦變焉中乾隆甲午舉人為當事禮重歷住兩城書院及河南白水書院

講銓部截取以疾辭留志局編纂卒年六十八  
戴深仁字澤厚少力學有聲庠序父瑛官廣東深  
仁從侍理家務母楊氏在署多病而父勤於公  
事飲食藥餌皆深仁躬調視不欲離膝下遂援  
例捐府知事職居親喪盡哀禮友愛諸弟雖各  
以異母析居深仁常為經理其家甲辰歲饑捐  
穀百石周饑困冬復遍給寒衣至三百餘領修  
舊城 文廟泮池及文昌閣曰吾以成先志也  
蓋瑛常與同學分任捐修會卒事未行故深仁  
云然然工資獨任不以問諸弟也年六十二卒

黃平州志

卷七

學行

二十九  
九十五

子德彬廩貢生候選主簿德模監生德樞廩生  
孫公弼州庠生舉人孫仰緒之次子也學優養粹  
屢試高等而不遇尤精於菴經詩律諧暢從遊  
入庠者頗衆年八十五卒子業儒

孫元和字復初性穎悟勤學好問復從名師遊之  
法先正未弱冠入鎮遠郡庠旋食廩饋鄉試屢  
薦未售為歲貢生平忠厚居心尤喜培植人材  
有貸不能償者焚券不索道路饑寒無所依者  
多方周恤不使失所州中有善事凡力所能為  
傾囊成之子克遂州庠生

孫允奇字雲川性淳厚事繼母孝舌耕奉甘旨屢  
蹟場屋好學不倦家雖貧遇修學修繕必黽勉  
從事以歲貢入成均未幾卒初無子以族子憲  
宗嗣及卒憲宗鬻產走京師負骸歸艱苦備至  
喪葬盡禮人謂無子而有子云

劉自新字又齋性謹恪伯父進士世熹器重之八  
歲而父母卒與兩弟相友爱稍長力學能文為  
諸生優等尤善啟迪鄉里爭延為師屢試薦不  
售以恩貢入太學為同堂生所推重無何以

疾卒弟子陳嘉聲陳國政鄒元勛羅文光戴光

# 黃平州志

## 卷七 學行

三十六

廷李常書戴德彬朱瑛醵金資其子扶櫬歸葬  
焉

俞學漢字朝宗增廣生孝友敦厚積學勵行訓生  
徒必盡心啟發每朔望率諸生虔誦至聖及  
文昌孝經各一週令其心解力行生徒子侄多  
遊庠食餼年七十無疾而終

沈毓靈字含英少為州庠生有文名先世有遺產  
為苗人侵踞族人選懦莫能理毓靈憤控之更  
數官延十餘年有世職陰為苗人助率因仍不  
之辨最後州牧袁號明斷不徇情而事乃得直

然產皆兄弟族人分受毓靈授徒自食諸子皆業儒初不以此自利也乾隆癸卯年四十餘始舉于鄉為人多智能而處事必準于義時奉憲新建龍荆書院及城東二石橋鳩工庀材不避勞怨遇人無賢否禮意必周匝而自持耿介雖密友無所徇也五十四未仕卒士論惜之先是書院田租出入雖有分司而毓靈總其成絲毫無染及卒侵隱者反從而謗咎私刊碑文以實其事聞公論不服乃剗去之

張大雄字鴻遠州廩生方正峭直非禮者輒面斥

# 黃平州志

## 卷七

學行

三十一

九十七

之同儕敬畏以授徒為恆產收掌學中公項銀錢封貫為朽未嘗私動分文業師盧進士嘉會深器重焉

李景仁字元鎮州廩生通政使臺長子性溫和恂悃無貴介氣與沈孝廉毓靈張文學大雄及王進士孚鏞以廉隅道義相切劘稱莫逆交張李之卒年皆四十毓靈亦僅五十卒人或惜之

彭萬椿字永年初入鎮遠郡庠以高等久次貢成均幼穎慧長醇謹事親盡孝養樂善好施族鄰有貧乏者酌量賙之年六十卒子國俊州庠生

周銓世字膺衡靜川六子廩生性謹厚寡言笑不  
泛交遊不干外事廉隅自守篤於孝友父仕粵  
西掛冠歸家窘甚屢幕於外銓年甫齠躬薪水  
奉母跣步不離膝喪葬一準禮經弱冠知名通  
書史長詩賦丁酉試見許於伯兄繡章受知主  
司以數滿被抑前後十三科屢薦不售至老不  
倦五兄子堯年生六月父母俱失與姊三無所  
依銓假古耕並商於妻夏氏舍己子乳字之育  
堯年成名嫁三女不異所生四兄襄世卒於直  
隸順義五兄冠世卒於直隸懷來柩俱留旅邸

黃平州志

卷七 學行

三十一  
九十八

子增年舉丁卯鄉試赴禮闈泣囑曰汝能得兩  
伯父骸骨歸斯為吾子增年俱負之歸鄉黨重  
之頷其廬曰孝友

李照字容光州庠生祖長庚父鍾連母朱氏好施  
樂善制行端嚴喜培植人才鄉黨科第多出其  
門性至孝事親愉悅婉容值親病寢食不離床  
褥乾隆四十二年父病篤照憂甚具文泣禱東  
嶽大帝願減己年增父壽疏進立起沉疴父越  
廿年乃卒子四長雲龍中乾隆甲午科武鄉試  
授山東臨清衛千總陞兩廣督標守備李雲虬



雲鵬雲鷹皆庠生嘉慶己未誥封武畧騎射人  
以為食孝德之報云

張世任字師尹州庠生張銳三子篤行孝友與伯  
兄世正力學砥行年十七補弟子員九戰棘闈  
未售因而裁成後學晦明風雨不憚勤劬出其  
門者俱名望性醇厚有古人風喜成人美有難  
輒與維持事平無德色人謂橫行君子卒年八  
十有五

戴湛仁字遠香琪之第五子少失怙從兄學性聰  
敏不事嬉戲九歲能詩語必驚人及長奉嫡母

黃平州志

卷七 學行

三十三  
九十九

生母俱能以志養宗族稱孝居喪哀毀三載內  
未嘗有笑容以餘慶籍膺乾隆己酉科拔貢生  
就州判選用平居以讀書為事廉隅自飭與世  
無爭年四十二而卒未竟其用人皆惜之著有  
卧雲詩草子德棠候選州同

學行附

王孝鏞字序東進士陞大理寺左評偉士公子幼穎異篤性孝友弱冠成進士任山東朝城有政聲丁艱歸邑人醵金助費攀輿泣送不忍釋時鏞年甫強仕慕淵明風絕意仕進家居遇公事不辭勞不吝貲首任修舉如丁未平龍二礮為力居多州舊無志鏞集前人遺稿手錄成帙捐千餘金以為倡募人採訪越三年工竣土風人物莫不悉備有碑于政治人心風俗者甚鉅晚年好靜攝若於天人性命之旨有得因建宗祠於城建橋祠於蟠谿修義塾於東鄉時聚子弟於祠於塾講正心誠意之學嚴辨義利功首慎獨謂聖賢千言萬語總教人從身心內理會彼徒沾沾精帖括以弋名誤矣一時薰其教者咸知恥浮名敦實行士風為之一變云子澍遠濤遠俱庠生

貢生金 詔字瑞南少穎異力學務本嚴義利公

私之辨教授生徒先德行而後文藝一時醇謹

之士多出其門性尤剛直曾面折人過無不畏服而改悔之 部選訓導以老辭卒年八十有

四子光明增生光旭庠生旭孝友勤學有父風  
屢試不第授徒以供菽水而寒者輒返其贄為  
人謙厚見者咸肅然起敬焉光明子維城庠生  
光旭子寶城庠生崇城道光己丑科進士孫池  
藻泌澈讓俱業儒

尚義

孝友嫻睦任恤莫非義之當然也儒者誦法先  
王寧尚有蹈於非義者然而言行名實之際殆  
難言之乃有牽車服賈力穡服田不待感發於  
詩書訓迪於師友而孝養克誠友恭足式族姻  
荷其周卹里黨薰其善良美哉古人之遺風乎  
且財者人所同欲惟尚義乃能輕之故有善必  
錄為渙忍者勵焉

明

朱芳興隆人性端重好學少聘趙氏女以痘損目

黃平州志

卷七 尚義

一百一

而麻女父請辭婚芳曰娶妻不以色我不娶女  
將何歸卒娶之禮愛無失人服其厚後以歲貢  
官瀏陽主簿子璣有傳

按朱氏父子皆以明經服官例當入學行傳  
然使紳士皆入學行而尚義但錄閣左任恤  
之事則人之視尚義輕矣故首列二公所以  
重尚義也且使知門以事分非有軒輕也

田湛興隆人百戶勝之孫浩之弟嘉靖中以黃平  
各司民移差之累負本奏辨下川貴兩省會勘  
衛人義之祀孝義祠

金世寶衛人先是田湛以移差奏辦事下川賁會勘仍未畫一嘉靖末世寶具本復奏仍下兩省經平越經歷李勘詳撫按批定害乃絕衛人義之與湛俱祀孝義祠今亦附鄉賢之列矣借此經歷者舊碑稱其不為感怵不為利移後以各司去蜀遠擢重慶通判駐鎮黃平督糧馬事迹甚著而不載其名無由列之名宦也

朱璣芳之子先以文學高等久次當歲貢讓年長者司衡義之旋以選貢授四川鹽亭知縣子應旌入鄉賢傳

# 黃平州志

## 卷七 尚義

二  
一百三

彭亨衢其先江西人客遊于州遂家焉勤儉好禮與人交絲粟不苟遇勸糶修橋輒踴躍為眾先朱堂本所舍人性慤誠而篤于孝友足跡不到公門一鄉稱善人院道旌以華楔

陳智州人性和厚勤儉而好施葬行旅掩暴骨病餒者解衣推食濟以藥餌隨時行善至老不倦子正心入忠孝傳

游應鯉州人少讀書試未售即務農業謹身守法延師教子多行陰德遇人亦諄諄勸勉馬天啟末年八十公舉鄉飲耆賓

張國緒本所人幼讀書長為州掾以廉直不合于官遂棄之延禮名師以課子孫子大維大綸孫拱北入學行傳

王家棟字元石榮三十一世孫父祖堯襲千戶家棟貌魁梧輕財好俠尤長于技勇崇禎中聞西北多故慨然謂世職不足建白遂杖策投軍後聞黔中有苗患復辭歸宗族多賴保護佐從叔宗周于保定為歸迎其父母未行而宗周以憂去時楚豫盜猖獗不能歸服闋補金谿令旋罷會甲申改步音耗阻不知宗周存亡棟乃犯難走吳中尋之遇昌平牧張問德避亂維陽為悍僕所窘棟憤擊之羣僕獸散後歸里有不平事輒為排解莫敢齟齬年八十六卒子椿枚某亦慷慨好義云

王家紳榮三之裔崇禎中黑苗圍衛城張緯南田惟貢請救鎮遠半道遇害不得達人莫敢復往家紳負技勇而行捷慨然請行遇苗截路家紳接其槍隨手仆數人奪路去苗追不能及乃得董司馬邦昌龔參戎應龍提兵救援城賴以全

黃平州志

卷七 尚義

一百三

戴貴龍字君輔蜀長壽人少孤力學家素裕年十五值獻賊荼蜀因素金偕健僕遠避至黃娶於趙而家於城北葛浪鄉時丁未造賦役煩興居者逃亡過半貴龍惻然出橐金代納民稍復業暇即讀書耕稼明大義趙亦稱賢淑善持家家漸饒輒賙卹貧乏適遭藍二之變村人凶懼欲逃貴龍盡傾所有與同村劉姓募勇士為守禦計寇不能犯村中二百餘戶賴以全活皆尸祝之貴龍無德色既去蜀值家忌輒西望號泣每數年一省祖墓率以為常其至性如此晚年隱

黃平州志

卷七 尚義

又三  
一百五

居課子嘗訓子曰居家惟積善可以垂久前人積善譬之焚膏後人益之則膏沃而光暉也子天祿天祥天祐俱有聲庠序孫八人有名士風時稱八士琪成進士以珣貴馳贈文林郎劉名以敬孫世燾亦成進士人以為厚德之報云王宗禹字疏河父民牧卒於雲南通判官舍囊無餘資宗禹往返徒跣扶櫬歸賻遺無所受崇禎末避地蒙加苗民貧乏恆假貸之畧不能償者輒還其券其好義如此丁世亂雖才富學優深自韜晦奉母教子以布衣終子賜纓州庠生

朱如旭州人應旌六世孫高祖表官鶴慶經歷曾祖朝岳以歲貢為寶應教諭祖師周入文學傳父格歲貢如旭字東昇號燦齋生平孝義事詳沈學士德潛所作傳中傳載藝文以子定元貴封通奉大夫

張于麟字友鳳父謹早卒舅奪母志伯父諭撫以居時有七歲諭誕其產欲死之者數矣會有天幸輒為戚隣所救少長贅庠生李傑女且學且買儉以勤家漸裕有子八長者教之耕少者教之讀歲時祭祀常以不逮養為恨命諸子曰汝

黃平州志

卷七 尚義

四  
一百六

等不及事祖父母見伯祖父母猶祖父母也時諭家已落迎養之族從兄弟居遠鄉來州應試或府試院試過州城必助以衣物資奔年五十三卒以五子梓官贈儒林郎梓有傳載宦蹟黃國任康熙間庠生有芹菜塲田田隣以水坵占墾佃戶請訟理置勿論常晝寢庭中囊金為人竊去見者以告恐其人羞辱忍不言喜調人貧困貸不能償者即焚其券曰無使子孫索取傷舊好也子維瓚增廣生性寬讓人有凌侮輒避之絕跡城市于橋梁道路則傾囊助修佃戶分



穀多寡聽其自致或言侵隱曰彼勞我逸雖少  
隱不足較也維瓚子閣才庠生恭遜好義所積  
仍為修橋濟荒之用妻宋氏施東宦家女父母  
貧老贈三百金置田以終其養捐所典白旗屯  
田數處價九十餘作魁閣焚獻資有楊光祖妻  
向氏閣才友人女也夫死子幼分宅居而饒之  
李承運子若珊若珍俱好善修輿勝橋行人便之  
張兆先字孚周州庠生順事父母偶不悅即長跪  
請罪與兄兆興相友愛兄出繼伯父產薄兆先  
仍析父產讓之少時值亂逃散與祖母范氏相

# 黃平州志

## 卷七 尚義

一百七

失父紀求不得終身戚戚父卒兆先徒步走數  
郡旦則逢人拜問夕宿神祠泣禱屢年始得之  
石阡張宅迎歸與兄孝養焉子國珍增生國瑾  
庠生

王上士字雁階孝友好義李通政臺有傳載藝文  
孝廉孝正其次子也

陳憲字學度不知何許人雍正末為刺史羅鳴序  
幕客值九股苗煽亂數為鳴序畫策啟上官增  
戰守具置不問苗旦夕至鳴序曰我守土臣分  
當死子賓客耳盍去諸憲曰古亦有死友公于

我言聽計從安則利館穀危則去不忍為也城陷俱死事聞 贈國子監學錄 賜祭葬陪祀羅祠

韓代開字運遠州南長嶺人八齡失怙事母順養敬兄愛弟出于天性及長處鄉黨無欺誑而藹然可親持家勤儉然能同人緩急族黨多被其德乾隆初兩舉鄉飲大賓年八十餘卒

郭起賢字士希州人幼讀書試不售年三十六為本州戶曹掾勤慎無害雍正乙卯逆苗猖獗勢且近起賢先命門生汪清收合州魚鱗冊擔負

黃平州志

卷七 尚義

六  
二頁

藏龍溪石巖署州事麻哈牧羅度孤城難守矢身殉以兩州印付賢貴省城陷羅殉起賢欲從死念州印無可託持之夜行避江外比亂定金千總升先突圍請救道病後以失守議斬起賢出州印推護持功讓之得免人服其義復為曹掾時流散歸業田畝錢糧多影射爭構賴魚鱗冊存點者無可售欺人咸德之先是田賦推同甲一人為戶首復督以糧差起賢知戶首為累請去之惟慎擇糧差累釋而逋欠益鮮閭里稱便次子綸字承恩中丁卯科武舉

林春元明經鳳來之孫世業儒性行醇篤少孤食貧習醫諳內經之旨數起危疾遇時疫全活尤多貧者率不取酬選充醫學家漸裕雍正乙卯苗變後遺骸載道春元躬檢葬無勞怨之色食用裁足恆自損以給人貧而病者為處方購藥死者助之棺斂州牧獎以額曰樂善好施年八十二無疾卒子廷桂能繼其志孫開泰以文學有聲庠序間食廩餼

聞繁昌字茂宗其先山陰人祖睿卿順治間官新

添守備與興隆衛守備秦傑同鄉戚好睿卿移

## 黃平州志

### 卷七 尚義

七  
一百九

官岳州通裁衛遂俱留家黃平次子鳴鳳生茂

宗由行伍為黃施把總雍正十三年帶兵征台

拱叙功一等以疾卒伯父鳴鶴老病無子茂宗

奉養調治如其親人以孝義稱長子瑗以父廕

為國子生四子瑤早歿婦郭氏見節孝傳六子

友蘭以嘉慶元年引年 恩授從九品銜

張希泌院吏員慷慨好義值凶年買麥種給隣里

播種人皆德之苗變後骸骨遍野希泌捐資覓

人檢瘞號萬人墳後日久踐踏幾平子庠生起

芝起元為樹碑碣禁牧畜焉

楊會通字友儒少讀書屢試不售去為藩司掾性勤敏熟于掌故一時稱諳練者皆莫之及乾隆二年安設各屯議以各州縣糧如前用兵時分運給軍黃平原運巖門丹江等處會通酌水陸之遠近運費之多少更定數處力請行之所在官民稱便而黃平遂得由水途改運鎮遠無負戴奔走暴露守候之苦仁人之言其利溥會通有馬子光廷歲貢生光廷字世珍樂善好施常與同志捐修大成殿西門橋施粥濟饑人稱其德諸孫入州庠列北雍者濟濟焉

黃平州志

卷七 尚義

一百一十

張君義父鳳翔四川人明季為武岡知州移居黃平時未有子力施濟後生子二君義君任君義占籍以歲貢為貴定訓導踵行父志家漸貧孫存恭中康熙癸卯舉人未仕卒存恭弟之琳由行伍為丹江武弁子孫遂遷獨山云

孫億字德萬自奉淡泊儉以起家常以衣食給人與妻郭氏年皆九十子如賢如淵學淮俱庠生文士大士達士名士吉士志士杰士上士其孫也文士有傳

楊光宗字敬承州庠生孝友廉潔居宗族之長綜

理家務威信從焉少時值苗叛奔避偶于路拾囊金坐待竟日無問者乃書獲金地名揭于城市有吳客來認詢其封數輕重字號皆不妄遂還之吳請分其半以謝不受州牧聞而嘉之言于學憲獎以額曰英年高義

羅嗣宣字光宗州北龍塘人增廣生好學力行從子奕俊少失怙恃嗣宣衣食教訓之後補州學生又族有浩然慧然玉然兄弟以田質金為買遷計久不歸族人議鬻其田嗣宣勿許訪之粵中三人者已死得慧然遺孫嗣揚嗣顯以歸僅

# 黃平州志

## 卷七 尚義

九  
百一

六七歲撫教婚娶捐所質價以田歸之其敦于宗族如此年七十卒子奕彬奕彩文表俱庠生戴文郁捐貢生稟性誠樸好善樂施捐資倡修文昌宮又造舊龍場石橋每過道途傾側捐資修治荒年出穀以賙貧乏有七子皆能繼其家

羅聯章字錦如州東門人遷居葛浪洞先是值歲稔父母失其舊業聯章甫八歲攜之依舅氏唐家少長負販四方躬儉薄而豐于養不使父母以貧乏為憂親歿盡哀禮後家稍裕喜助義舉濟急難有牧馬人驅其馬墮坑谷中逆旅主人

責使鬻身以償聯章止之見鬻女償債者代償  
焉遇稔歲為粥賑饑以百金置義田濟族之貧  
困然常汲汲若不嫌于志愛讀書少以貧廢儒  
業晚年為子元吉孫士英納粟助軍興皆授九  
品職延師課讀孫士珍補博士弟子員諸孫十  
餘人皆習科舉業元吉能承其志助修  
廟書院平龍福眾等橋歲荒賑貧困如父在時  
云

楊秀璠舊州寨舉人少以二親老病甘旨藥餌費  
不貲家日落親卒既葬遂移居都凹山耕山種

黃平州志

卷七 尚義

十一  
一百五

靛勤苦之積歲可數十金施與輒去其半生一  
子數歲而殤為善不懈妻勸其娶妾曰吾命宜  
子則爾年未衰若無子何必誤人家少女既而  
妻伺其他往為娶妾巴氏強納之生子再德再  
德未生時鄉人修西門橋祈嗣者約共修七硯  
之一名曰廣嗣秀璠署捐若干傾囊不足自荷  
鋤負擔計工以足之常日手一鋤遇道路崎嶇  
傾卸者修復之行他人田塍間有禾穗偃地必  
扶理之有田歎於水水必由高田以入田主急  
不省而下田復私決以自利秀璠日夕守視常

使高下田與己田均足人服其量凶年饑者粥凍者衣路死者收瘞雖典質稱貸為之不吝年七十四卒子再德孫正榮皆能業其家妻朱妾巴子婦吳皆有節行具列女志中

郭於忠性孝友衣食僅足而好施與歲購棺十餘具以濟不能葬者道路橋梁無不竭力捐修州人高其義請於州牧鄔表其宅曰里閭完人鄉里稱郭善人云

彭起珣幼讀書不成以惜字紙為務日攜一袋城鄉書館無不遍歷收焚而藏之銅釘山巔或靖

# 黃平州志

## 卷七 尚義

十一  
一百十三

黎洞四十年不輟後有蕭仲舉亦如之仲舉不知書而好言陰鷲果報遍收字紙於朔望日詣靖黎洞具香楮焚化藏之至老不倦

王緝字方來州庠生明千戶政輔裔孫也祖朝縉諸父成章成卿俱庠生皆有隱德以耕讀世其家緝秉性醇樸制行端方乾隆庚寅己亥丁未等歲饑施米施粥全活無算助捐銀一百二十兩修平龍橋與兄暨子姪等捐千金建文昌閣培地脉為課讀所以長子庭矩官貤 封登

仕郎年八十餘卒次子國泰辛卯武舉庭矩字

繫齋州學生屢試不售捐府知事分發江蘇署  
金匱典史旋補蘇州府知事以目疾告歸庭矩  
長身玉立奉職勤慎上游多器重之居官未久  
人咸院惜子玉麟庠生國泰子瑞麟亦庠生  
俞學深原籍山陰人祖英基父鏡世守忠厚以醫  
理傳家深醇謹力學屢試未售而持己敦倫濟  
人利物里黨稱良士訓子孫以儒業醫自經義  
及歧黃書皆手錄使誦習為人治療輒效未嘗  
索酬人以仁心仁術推之卒年七十子嘉謀  
恩貢生嘉會庠生餘俱業儒

黃平州志

卷七

尚義

十二  
百十四

王國偉州北干屯人性孝友有二弟早卒撫其遺  
孤如己子既而妻卒人勸之續娶曰吾姪與兒  
尚幼倘娶而不賢奈何俄而子璦歿勸者曰今  
則不可止矣嘆曰弟之子猶子也昔慮娶不賢  
苦吾兒今獨不慮苦吾姪乎及兩姪珣瑛已長  
受室不忍怕乞嗣勸之娶亦不從珣瑛乃偽為  
自疎遠者求折居有疾不問召之亦不至而使  
前勸者復言曰君謂姪猶子今若是幸尚未老  
曷娶乎乃許之及娶夏氏珣瑛復親近如初後  
生子星等三人與瑛皆習儒業而珣以學行稱



庠序今為歲貢生人交美之

劉漢芳字廷祥性豪邁好施與凡地方修築公舉  
闢于利濟者率身任不辭族隣有貧乏多方調  
濟必視其得所而後已尤直質尚義不可干以  
私以故忿爭者咸就決白莫不忻然聽受解釋  
而去其枉詐者不敢見也先是世居湖南之茶  
陵父祚慧携長子商於蜀及歸而長子猶留蜀  
祚慧日夜念之時漢芳甫成童見父之思兄切  
也不遠數千里徒步尋之終得其兄以歸己乃  
學負販于黃平以其羸歸奉甘旨父卒殯葬如

黃平州志

卷七 尚義

十三  
百十五

禮迎母就養遂家焉以急公授從九品職娶朱  
氏生二子奇揚奇萬先後捷武科奇揚効職兵  
曹邀 覃恩封兩代宣武都尉

楊兆龍州人敦倫紀凡有善事率先爭赴人以孝  
義稱之子世魁歲貢生

劉作德字濟川湖南茶陵人性端重和厚少時父  
祚典為商黔中徒步尋之父命以就學既而父  
質中落乃負販以代其勞質復起遂迎母來黔  
以兩親久勞于家計思得其歡凡施予賑貸倡  
修橋梁諸義舉皆竭力為之曰吾親之志也扶

待宗人多方訓迪期于成立鄉隣雀角得一言  
輒解人咸重之以急公授從九品職年六十卒  
子五人奇相士璋及孫發裕發淳皆有聲庠序  
發源候選從九品

劉琬西名廷炎以字行先為江西廬陵人天性孝  
友少讀書應童子試不利去而懋遷所得悉以  
資親族之貧乏者尤勇於為善與族兄漢芳濟  
川募修西門橋又捐修翁埋波洞二橋工稱穩  
固其助袁公治修平龍丁未橋力尤多又佐理  
聖廟書院及文昌魁星諸閣庀材鳩工不辭勞瘁

黃平州志

卷七 尚義

十四  
一百六

他如施秉之雲臺山諸葛洞亦捐多金施人敦  
請以主其事庚寅戊戌年荒施粥皆勉力從事  
凡有興作州人咸推為首琬西寢食工所綜理  
微密絲毫不苟人以是重之其樂善不倦類如  
此教諸姪勤懇周摯咸使成立尤人所難及云  
以急公授從九品職子三士程士徐士印  
董敦禮字文敬祖再舒廩膳生父治庠生屢世忠  
厚敦禮性剛直平易初為布政司掾以謹信特

見倚重歲滿循例捐吏目職揀發浙省歷署州  
縣倅皆能其官題補定海分司月餘丁內艱服

闕以前試俸未滿仍赴浙借補慶元尉在官七年奉委詞訟率平情處分無不服者尤體恤獄囚邑中橋梁道路捐俸倡修以老歸士民祖道不忍別先是母白氏卒敦禮甫六歲繼母陳撫之奉事五十餘年愛敬篤摯父母俱以 覃恩馳贈既歸以本族居遠更立祠祀其祖父而大宗祠堂歲必與祭祖塋凡數所每春遣子弟分往拜掃而同上一塚週而復始事足為追遠法又捐金倡殷實者買田取租以應合村夫馬之役急公厚隣人皆稱之橋渡亦多捐助修村

黃平州志

卷七 尚義

十五  
百十七

旁翠屏山寺雖晚年遊息所實為族里誦讀地有二子早卒課孫曾至老不倦今年八十餘矣李迎春其先湖南人洪武中始祖章從軍來黔以功為偏橋衛百戶五世至時芳官四川黔江知縣又五世至迎春勤儉樂善雖力農而能重學子三人繩武世熊及孫德浩德瀚皆入施秉庠張映奎字會文州人入獨山庠為歲貢生勤學敦行施與不吝於板橋橫嶺建涼亭置田為施茶費子上與上仁上禮上智

葉盛字何榮父文尚有好善稱盛敦行父志乾隆

壬子年捐修鼓臺山下萬福橋約費百金賑饑  
埋骨排難解紛事不勝紀子燦鰲庠生

曹汪字大川掄傑子州學生性孝友年十一喪母  
哀毀如成人兩事繼母皆稱克順至六十餘始  
居父喪食粥茹蔬不以老自寬假與諸弟友愛  
無間生平助人娶葬為人贖子凶歲濟饑乏一  
踵父行以引年 恩授九品職銜年七十四卒  
子毓鍾庠生毓糊監生毓椽庠生毓樾業儒  
曹泉字濬川掄傑次子七歲失恃及長為國子監  
生善事繼母恭兄友弟仗義疎財年四十餘卒

黃平州志

卷七 尚義

十六  
一百八

子三毓榮毓楓毓泰俱庠生

張朝棟字雲表于麟三子有才諤年十三即助父  
理家政雖貧奉養甘旨無缺俾兄弟七人各就  
其業後稍裕助貧困賑孤弱殷如也卒年五十  
七子五大呂武舉大惠庠生大藩國學生孫十  
餘人啟榮庠生啟華監生餘載大觀傳

張大觀字用賓朝棟四子少業儒試不售去為醫  
治療不擇貧富効未嘗索酬年饑施粥及掩骼  
埋齒善事不一子二鑑廩貢官鎮遠黎平府學

訓導啟鏌監生

張銳字爾覲父汝翼早世撫於祖母狄氏性樸直篤愛同氣與伯兄錦鏐事祖母狄氏均以孝稱存心利濟鄉里有爭訟力為排解地方公事則出力任勞一秉公正平恕不避嫌怨兄弟年老未嘗析居尤人所難及子世正世任俱庠生

周杰世字邦傑學瀚子性耿介寡言笑於人鮮所合於事少所可然過公正事輒以身自任早失怙恃讀蓼莪諸什不禁涕零值忌祭編素蔬食誕日亦如之終其身不受慶居家戒奢靡禁繁華尺布斗粟不忍浪費至於裏人之美傾囊不

黃平州志

卷七 尚義

二十六  
百十九

吝婚葬兩事尤惟應之有言必踐無事不誠終其身如一日老年喜靜攝朔旦不葷不酒閒時步庭階澆竹鋤花以博逸趣以無疾終先期沐浴浴身衣冠端坐而逝年六十有八子卜年登乾隆庚子科賢書鶴年業儒

李必榮性純篤十歲生母丁氏卒哀毀骨立如成人禮事繼母周孝養愈篤父澄不善治生家中落兄亦負債纍纍必榮力學不獲售遂棄卷經營有所得悉為父兄償逋欠又為弟必茂捐貲八藩司掾父母昆弟稱其孝友鄉里亦無異言

賈士鵬舊州西浪洞人少孝友嘗入山採薪遇虎  
虎反避去父母卒自謂家累少而年力方強以  
腴產讓二兄自受荒瘠種植茶杉以億計十餘  
年漸饒樂善好施刊善言善事以勸人兄卒助  
其喪葬勉兄子斌就學以貢生選銅仁府訓導  
傾囊助之修理舊城 文廟前二坊州有烟  
戶役頗重力請於官得減其半隣家火及宅而  
熄人以為神祐今年八十餘子長璧監生次思  
達庠生

張綦州庠生樂善好施世居巖鷲壘襲土司綦以

黃平州志

卷七 尚義

十七

兄卒姪幼嘗攝其事撫愛諸苗皆奉公少訟村  
旁有大溪人頗病涉捐貲建安瀾橋周孝廉錦  
世為作記年四十餘卒子若淵州庠生

葉藩字為翰秉性醇厚六歲受書已能解大義家  
貧不能卒業隨父學藝母楊氏久病刲臂療之  
稍瘥逾一年母卒哀毀骨立父老弟幼獨肩事  
畜以己學未能成遣弟綦就從兄秀學每夜必  
執藝伴之讀弟後補弟子員事繼母劉氏問寢  
視膳慰志承顏無異所生父喜飲雖貧日必奉  
百餘錢具酒膳父卒繼母所生弟章教育婚配

數年未生子又為貧妾兄弟同居孝友之實雖書傳所載不能過也

陳紹文字光輝少為州吏歲滿家居博覽羣書不涉外事樂善好施凡修橋路及荒年施粥不惜多金州人咸重之生二子斌士達士俱成名年八十有五矣

陳懿德江西清江人占籍黃平為國學生助修舊州學宮魁閣星山書院及西門平龍等橋凡二百五十金遇歉歲常調困乏造回生丸以濟時疫及掩骼埋胔修路等事義舉甚多置祭田

### 黃平州志

卷之七 尚義

十八  
一百一

以祀其先子四長遠修捐貢次遠彪庠生

杜之麟江西人孝友提躬端嚴訓後因省親來黃遂家焉積而能散崇修禮門建橋施粥善行不一其同祖兄弟課讀婚配悉敦友愛年七十子八人半列庠序

戴德桂武庠生性孝友父深仁患麻木症十餘年發輒一二日不能動履舉止需人母亦體弱多病桂於父行止必隨扶持必謹侍母病衣不解帶一日以母病不敢離而父往平溪未歸距家十餘里夜聞父病復發即趨往視時適溪水泛

漲溺於溪順流里許忽得攀木而登人以為孝  
感父母卒哀毀氣絕者數殯葬後遂得疾不起  
范樞性勤儉家以裕足而隣里半貧乏樞無不謙  
遜謹飭人咸稱之子二長文秀施秉庠生

許世懋字德卿其初祖多吉以功授明威將軍曾  
祖乘鳳以應貢承世職祖振玉父銓皆州庠生  
世懋安分謹行躬約不苟母病刲臂療愈處兄  
弟友愛不爭子其璣其璋其瑛其珍其璠

胡文林國學生處士子賢之子自豫章而家黃平

母許氏孝且慈幼時每夜課讀必訓以大義及

### 黃平州志

卷七 尚義

十九  
一百五十一

林長敦厚種德篤敬

聖人學宮龍脉踐踏願捐金助眾補之凡寺觀礮梁

遇有修造罔不樂輸長子京兆庠生次子麟兆

三子祥兆俱業儒

論曰周禮以鄉三物教萬民而賓興之其一曰

六行孝友睦睦任恤是也茲于孝行特著者既

入于忠孝之篇其下五事往往出自士大夫學

行宦蹟傳中章章可考矣然或學與宦無事可

稽而即高義之一端足以想其為人則亦列之

尚義焉夫人之為善豈必求福然前明達官世



職蓋以十數其子孫濟美固不乏人而零落者  
十且四五可嘆也乃朱芳起卑官後遂日大陳  
智張國緒諸人伏處里閭之間子孫科名相望  
仕宦累世天道福善詎不信哉故備著之俾生  
闕閱者念先業之必賴增修而處寒微者知積  
德之無難滋大云

尚義附

王玉麟字炳書江蘇蘇州府知事廷矩子也性仁慈弱冠入武庠旋失怙以顯揚為急援例捐衛千總職請封典

恩贈兩代武畧佐騎尉安人事孀母色養兼至族人賢之推為長玉麟亦以敦本自任倡建宗祠規模宏遠清復已失祖墓十有餘所閒暇校弟姪輩騎射多獲雉焉生平好義慷慨有為取與不苟然諾必信閩邑善舉恆賴其力以成若州之文武聖宮魁星閣善化寺南鄉之文昌閣三官閣東

黃平州志

卷七 尚義

三十一

鄉之飛雲洞三官殿及東北道之十里橋芷隍橋其較著也任重若輕雖勞無怨勤公事無私謁邑侯咸器重之歲饑捧檄勸捐與同事輩辦賑必使人沾實惠其一切平糶常平凡有關於國計民生者靡不視為己事盡心為之今年已七十有三猶矍鑠如故斯所謂俾壽而臧者歟子兆熊州庠生兆歧應童子試孫德福德祿德三德武俱業儒

貢生朱縞官巡撫定元孫官知縣文彩子生仕宦後無紈袴習謹言行見人呐呐然如不出諸

口而和藹之氣溢於眉宇是以人咸欽慕之尤篤孝友父令楚南桂東卒於京時縞年十有五兄續雖長而善病俱奉母家居訃至縞即匍匐奔喪往返數千里扶襯歸營葬具必誠必信悉獨力自任兄旋卒遺女一撫之如己出生平樂善好施肫肫以濟物利人為念夙受明人異方不惜重貲製丹丸以賑疾病投之輒效行數十年至老不倦現年七十餘子三耕讀各司其業諸孫林立一庭之內和好無間孝友可風人為盛德所致云

黃平州志卷八

列女志 節孝 貞烈 賢淑

劉向傳列女賢后賢母並及貞烈婦女夫婦女以貞烈著所遭之不幸也而不惜太息言之者亦以巾幗幽貞尤易動人觀感也易之家人曰利女貞又曰閑有家言婦道之常也節曰苦節不可貞又曰甘節吉獨不可觀婦道之變乎彼以閨中脆質擔荷綱常不惟安之而且甘之卒至道窮而終不悔者莫非天地之大義也今就所採賢淑者別為一編竊欲附於家人之義凡

黃平州志 卷八 列女

一一

節孝已經

旌表者首列簡端而未經請旌者咸備載之所以發潛德幽光也至若守不字之貞與庶人不傳質之義同慷慨捐軀亦與忠臣不事二君之義無異芳規不一高行各標皆足以式訓閨幃流聲竹素身雖沒而名不朽故編次如左以為彤管光焉

節孝

聖朝崇尚風化表厲幽貞閨房介節

上聞無不報可亦既樹之以棹楔榮之以祠祀矣然而蓬髮著簪茹荼集蓼或宗黨少闡揚之才子姓乏象賢之似以致含凄窮巷埋香荒塚者何可勝道茲並為甄訪姓氏節錄事實使知女史彤管而外寡嫠孤嫠墜心鐫骨足當巾幗之英可入鬚眉之座予以壽貞珉振末俗豈曰小補哉

明

黃平州志

卷八 節孝

二一

百戶吳融妻王氏年二十二夫亡無子姑憐其少勸之嫁氏指天自盟曰孀姑在堂誓不再適弘治時旌

千戶李清妻彭氏年二十五清沒無子遺腹六月族人逼嫁誓死不從朝夕祝天願生男以延宗祀後果生俊撫之以襲夫職正德間題旌

都指揮權繼武妻周氏繼武征香爐山苗陣亡氏年二十五誓不再醮撫子及孫相繼天亡氏孤苦伶仃終身守節隆慶時旌

郭繼賢妻林氏夫亡時林年二十四誓死不嫁撫

子成立萬歷時旌

張國用妻孫氏夫亡時年二十一撫三子誓不再適萬歷時旌

指揮狄應龍妻李氏夫亡時年二十矢以身殉厥姑勉以大義乃止奉姑撫子貞操五十餘年萬歷間旌

百戶萬一麟妻韓氏夫亡時年二十四矢志守節小屋數椽一婢相依焚香誦佛四十年所居忽生異草嫩綠浮英遍於一室後窈絕驚屋以供衣食又剪茅為舍異草復生一夕雷雨赤光照

# 黃平州志

## 卷八 節孝

三二

耀其室有頃方散紳士爭為詩文紀之年七十  
二卒萬歷間御史宋興祖題旌疏稱韓氏貞原  
所性貧且益堅四十八年純節草木皆知七十  
二歲完名電雷可燭云云

指揮余洪烈妻毛氏洪烈陣亡毛年二十四撫子守節四十餘年崇禎時旌

庠生狄權妻李氏夫亡時年二十七子在襁褓食貧守節孝事孀姑所居有瑞竹疊生萬歷戊午大疫衛人多不免獨狄宅無恙九十歲卒崇禎

時旌

千戶丁紹妻解氏夫亡年二十五子幼家貧誓死不二年六十六卒崇禎時旌以上載通志

指揮白貞妻孫氏貞自濟陽移本衛尋調征廣西歿於王事氏年二十三無姻族可倚聞訃哭泣幾絕遺腹五月日夕祝天願生男以嗣後果生子海茹茶撫成以襲夫職始終一節可質鬼神

庠生周範妻朱氏夫亡氏年二十八撫子成立孀居四十年州牧屢加旌表

庠生周筆範之弟也妻狄氏夫歿氏年二十六一子早逝與範妻朱氏同心堅守年四十卒人稱

# 黃平州志

## 卷八 節孝

三

### 一門雙節

庠生解立愛妻周氏夫亡氏年二十八誓死守節四十餘年撫二子教育成名至七十五終朱志

### 國朝

庠生盛萬任妻薛氏年二十四夫亡父母嫻親欲奪其志泣曰從一而終婦人之節吾敢易志乎撫一歲孤子四十餘年無玷

盛萬億妻吳氏年十六適萬億卒氏年二十三

清白自勵誓死靡他奉翁姑教孤子備盡孝慈守節四十餘年以上二人俱雍正七年巡撫張

廣西題旌

舉人周企濂妻曹氏年二十六夫歿撫子成立子  
沒復撫孫守節三十餘年州牧旌其門曰巾幗  
儀型詳請旌表

指揮陳一德妻余氏前明指揮余洪烈女年十三  
適一德至二十二歲一德為流寇孫可望所害  
二子天錫天寵俱幼氏痛夫慘死誓守冰蘖時  
當兵燹之際姑老且病氏藥必親嘗衣不解帶  
者累月及歿盡哀盡禮人稱孝婦子天錫本州  
庠生天寵任貴筑縣學訓導

黃平州志

卷八節孝

五四

吳攀雲妻馮氏子士元妻鄭氏馮年二十適攀雲  
二十二歲生子士元甫旬有二日夫亡內無期  
功之親艱苦守節有田三畝不敷糲粥氏紡績  
自給撫士元長成娶婦鄭氏數年士元又卒遺  
子顯光親光俱幼鄭絕水漿不欲生馮責之曰  
昔我遭家不造上無翁姑徒以弱息故不能從  
夫地下今我在且二幼孫呱呱而泣汝何敢然  
鄭乃進飲食姑婦雙節數十餘年如一日撫顯  
光親光俱成立為州庠生

舉人戴綬妻黃氏年二十適綬綬官鎮寧州學正



氏奉翁姑就養署中不逾年姑歿夫亦卒於官  
是時翁七十餘歲二子俱幼穉氏奉翁攜子扶  
兩櫬歸葬之死靡他竭力供甘旨教二子坐立  
必端言語必信出則就傳入則燃膏課讀俱列  
膠庠夫妻張氏生子一歲而張歿育之如己出  
年七十五歲守節四十九年

胡學純妻田氏年十七適學純家窶甚氏晝親井  
白夜事紡績不以為怨二十三歲夫亡矢志堅  
貞初氏姑改醮他姓未幾復寡衣食不給氏與  
夫迎回奉養晚年姑病痺手足不仁飲食動履

### 黃平州志

#### 卷八 節孝

六五

皆氏扶持及歿喪葬盡禮夫卒時子本裕甫五  
歲教之就學或嬉戲輒訓飭涕泗交橫本裕亦  
善承母志少長遊州庠以孝聞氏夫族子尚裕  
失怙飄零氏憫之撫如己出成立婚娶尚裕物  
故養其孀媳撫其遺孩尤人所難本裕先卒復  
撫孫行知卒時年八十後行知亦遊庠曾孫成  
人舉於鄉

孟雲龍妻張氏年十六適雲龍相敬如賓雲龍病  
危氏割股救之得生者一年越明年病歿氏年  
甫二十有三子長侯安三歲次侯富二歲次侯

尊甫生氏絕粒累日翁姑抱孫泣勸乃誓守節  
翁姑時七十餘歲氏事之得其歡心俱逾大耋  
喪葬如禮居家屏絕鉛華雖至戚不相往來惟  
督僮僕耕鑿躬自紡織終身無笑容教子讀書  
飲食起居皆有禮法俱入州庠候富成進士孫  
士瓊食餼士寅遊庠曾孫芳芝芳茗皆有聲蠻  
序

聶正龍妻廖氏年十七適正龍二十二夫亡姑言  
我家貧乏且汝年少子方兩月不如再醮以育  
爾子氏泣曰無子之婦尚有能守節者矧婦有

黃平州志

卷八 節孝

七六

子乎不數年姑歿喪葬之事靡不周慎甘貧教  
讀子成立為州庠生

李維嵩妻文氏年十五適維嵩二十三夫亡氏哀  
慟不欲生親黨以翁姑垂老子方孩提互相勸  
慰乃剪髮隨葬甘守冰蘖時家貧歲歉憑女工  
以供甘旨姑患痢久不瘳氏嘗其糞泣曰姑必  
不生翁姑繼歿竭力喪葬持身謹嚴親戚以喜  
慶相召者辭不赴長齋終身子玉五歲而孤撫  
之成立

庠生周廷材妻崔氏有傳見藝文

副榜陳修聖妻趙氏年十七適修聖二十二歲修聖客死於楚訊至氏哀慟不欲生櫬歸寔訖矢志栢舟家貧姑老紡績以供饘粥姑歿衣衾棺槨事事周慎教子謹章慈而兼嚴不為姑息後食餼於庠

文佑昌妻張氏年十七適佑昌二十三歲夫亡氏引繩自縊親戚勸以姑老子幼乃不死家貧以女工奉甘旨及歿竭力喪葬翁姑忌辰哀感如初喪時持身嚴正言動不苟雖至戚亦不往來撫子祚芳成立為州庠生

黃平州志

卷八 節孝

八七

蔣天祚妻何氏年十八適天祚二十一歲夫亡氏欲與之偕死以翁姑衰暮遺孤襁褓乃矢志守節奉翁姑孝謹飲食必立侍翁卧病沉篤醫藥罔效氏焚香祝天次日翁若夢醒霍然而愈翁姑歿變產營葬不足則乞貸親隣不敢缺禮撫三歲孤兒如晟成立為州庠生州牧屢加旌獎庠生王賜紱妻時氏年十九適賜紱家貧甚賜紱衣服出賃踰期不歸情人踪跡乃知宿於翁丙為苗賊謀害棄屍箐中氏聞警報夫仇屢控於官苗賊五人俱伏罪並得夫骸歸葬是時氏年

甫二十一無子母欲奪其志氏乃剪髮烙面以示靡他

廩生高恆裕妻權氏年十五適恆裕家素貧窶恆裕幾廢儒業氏勸之學願竭十指以資膏火由此食餼於庠後恆裕客死京師氏聞幾不欲生翰林曹掄彬送其喪歸窆氏甘心守節姑年踰六十養葬盡孝秉躬清苦言動不苟母家以氏年少欲奪其節即燬容自誓有子女各一子復

早夭 以上十三人俱乾隆四五年總督張廣泗題旌

通志

## 黃平州志

### 卷八 節孝

九八

庠生沈謫妻張氏副使伍瑞女夫卒氏年十八引繩自經姑勸其保遺腹以存夫祀乃稍進飲食甘心靡他事姑育子惟女紅是賴時值吳逆之亂東奔西避百計保全後姑病歿醫藥盡心殯葬成禮教遺腹子必達成名羣欽苦節乾隆九年 題旌

周又望繼妻王氏庠生王調鼎之女又望歿氏年

二十孤貧無倚紡績以養孀姑夫前妻之子數  
僅二歲教育成立守節四十七年乾隆九年

題旌敷後為歲貢生氏年九十一始卒

庠生金炯繼妻戴氏戴若思女炯歿氏年一十五歲家計蕭條氏遵夫遺命荼苦自甘孝事孀姑採蕨養生撫育夫前妻子成立守節三十五年庠生林天寵妻何氏子庠生林棫妻楊氏何巖門司土官墳遠女天寵歿時氏年二十五家貧食力義方訓子守節六十一年子棫入州庠娶婦楊氏楊再奇之女棫卒氏年二十七矢志勵節孝事孀姑不憚勤苦撫育遺腹子思齊成立守節三十四年乾隆二十四年 題旌

廩生李堂妻王氏清平縣副榜王純修長女堂歿

黃平州志

卷八 節孝

十九

氏年十九歲遺一子方週齡家窶甚氏甘心茹荼矢死靡他上奉孀姑備極孝養下撫幼子課讀倍於嚴師子利仁由拔貢中乾隆庚寅科副榜孫鑑饒於庠乾隆三十年 題旌現年九十  
一歲

廩生王煥堂妻馮氏子庠生王俊臣妻張氏馮氏馮時泰之女煥堂卒馮年二十四奉親教子後俱成名子孝初俊臣皆州庠生孝恭廩貢生俊臣妻張氏副榜張為志之女俊臣卒張年二十矢志勵節教子涵成立志守節二十六年乾隆

三十年 題旌孫培元舉人霖庠生

丁其昌妻林氏庠生林士珩之女其昌卒氏年二十六歲家貧食力孝事孀姑撫育幼子志同金石守節五十二年

陳其詩妻林氏林芳女其詩歿氏年二十一歲矢志堅貞孝事翁姑撫遺腹子國選成立守節五十年孫華州庠生

聞瑤妻郭氏郭起蛟女年十五適瑤未一年而瑤歿氏青年矢志白首完貞事姑盡禮撫訓遺腹子人楷為州增廣生嘉慶元年公舉孝廉方正

黃平州志

卷八 節孝

十一

氏之教也守節三十四年

楊士蘭妻馮氏朗城長官司世族馮時榮女年十五于歸士蘭閨二載生子宗聖甫三歲遽遭苗變氏夫士蘭與羅州牧守城同日劾死氏欲隨夫同死地下環顧幼子不忍絕楊氏一脉倉皇逃避他鄉及苗退後尋葬夫屍矢志栢舟惟以紡績度日撫子宗聖援例捐職長孫勝春郡之庠生守節五十五年卒年七十有五坊建城東

門外

副榜張為志妻何氏年十七歸為志親操井臼克

盡婦職雍正二年夫卒氏年二十七哀號幾絕  
誓不欲生翁姑泣諭再四乃止家貧奉翁姑極  
孝養乾隆四年翁姑相繼歿值苗變後一切衣  
棺喪葬之用皆係女紅所積盡禮盡哀撫二子  
永基漢基為州庠生守節二十二年卒年五十  
有一

戴承烈妻谷氏谷相輔女承烈歿氏年二十二歲  
克盡婦道孝事翁姑茹荼課子貧節益堅守節  
三十八年子九德為州庠生次孫元賓國學生  
以上 題旌

黃平州志

卷八 節孝

十一  
十二

黃純妻王氏進士王楚士女純歿氏年二十三歲  
矢志守貞清操不改撫子成立守節三十年子  
朝綱國學生孫嘉善廩生嘉樂庠生乾隆四十  
五年 題旌

鄧國侯妻李氏貢生李尚品女年十六于歸三載  
夫亡遺子方一歲矢志堅守撫子秉乾成立為  
鎮遠府學庠生乾隆五十四年

題旌

以上皆奉

旨旌獎

胡大升妻田氏年十六于歸大升卒一子甫六歲  
一女三歲氏母兼父道訓子成立為州學生以  
孝聞氏言動必以禮守節四十二年

張世琴妻石氏年十七歸世琴十年而世琴卒氏  
痛不欲生以孀姑泣諭乃誓志代終奉姑生順  
死哀教子撫摩督課苦節逾三十年子薰陶州  
學生孫皆習儒業請 旌建坊

周學禹妻陳氏康熙癸亥年十月二十六日學禹  
與兄弟學皋同遭苗害陳氏無子與學皋妻

氏年皆二十八堅守苦節百折不回鄉黨以貞

黃平州志

卷八 節孝

十三

婦著聞宗族咸重之王進士標有執貞婦詩載  
藝文

庠生吳之啟妻戴氏貢生戴文星女之啟康熙末  
卒氏年十九守志撫二子希孟希曾以夫祖仲  
才戰歿岑山移居其地以奉其祀年八十五終  
希孟子開讓庠生希曾子繼明東陽並以助賑  
授九品職繼明子達德達治俱庠生達萃從九  
品

王之賓妻張氏子士元妻孫氏雍正末之賓卒遺  
一子二女子士元甫五歲張氏年二十四誓志



守節撫子女皆成立婚嫁士元娶孫氏生一子  
一女士元又歿孫氏年二十三子紀甫八歲姑  
婦共守撫育婚配紀有子三孫氏年五十二亦  
歿張氏復為紀主持家政課以詩書好善樂施  
年八十而卒

戴承憲妻石氏十九歸承憲生一子二女雍正中  
憲卒氏年二十八遭苗變奉舅姑携子女逃於  
江外屈平定而舊居燒燬日食無資氏奉養翁  
姑撫子嫁女克盡婦道訓導陳文政題其廬曰  
節孝兩難卒年七十五子九圍孫元章

黃平州志 卷八 節孝

十三  
十四

李嗣興妻王氏雍正末夫卒氏年二十遺孤李芳  
年僅歲餘氏秉性堅貞矢志苦守育子成立年  
八十一卒

張聖宿妻馮氏年十七歸聖宿聖宿歿氏年二十  
四遺孤二年俱幼家貧難以度日有勸氏改適  
者氏怒且泣曰女不事二夫義也况其子可撫  
乎如強逼請從夫於地下遂斷髮自誓苦志守  
節撫育二子長調達次調顯俱卒生

張廷爵妻楊氏賦性純孝雍正中夫卒氏年十九  
遺孤二皆幼家貧姑病痺起居皆氏捧負之日

夜紡績以供姑膳雍正乙卯苗叛避難湄潭氏負姑攜子保全無恙亂定歸訓二孤大體大元俱遊庠二子早喪氏又撫孤孫成立年八十而終

譚懋德繼妻王氏雍正中懋德卒氏年二十矢志靡他撫前室遺子四恩勤如己出子稍長欲遣就傅慮交遊難擇而家中又不可延師乃特造文昌閣一所為四子專館俾擇名師受業後皆成就長謨次讓州學廩生次訓貢生次試州庠生氏年九十三而卒

黃平州志

卷八 節孝

十四  
十五

常鍾秀妻 氏乾隆中歸鍾秀氏年二十二夫卒無子撫夫侄登階為子教育成立苦志守節現年四十

楊琳妻陳氏雍正中歸琳性愛詩書年二十夫卒矢志撫孤成立年八十九而終

鄔起鵬妻張氏雍正末夫亡氏年二十八矢志守節撫子晏成立年六十四卒

楊光美妻鄭氏州人鄭善人之女也雍正中光美卒子甫二齡女未一歲氏父母憐其子幼家貧命改適氏正色曰夫縱無子猶當從一而終况

有子乎對此襁褓雙孤棄而不顧何以為人與其失節而生母寧凍餓以死女志已決願勿再言從此甘貧餓勤紡績翁姑之養葬兒女之婚嫁皆竭蹶以盡其事子稍長遣就外傳歸必殷勤訓誨故昌熾一奉母訓為人勤慎數十年稱善於鄉漸廣田園餘梁穀以奉甘旨而氏仍持之以儉今年八十四壺範肅然孫曾咸恪遵罔怠云

羅安吉妻姚氏乾隆初夫亡子成萬甫十歲氏年二十五矢志自守課子誦讀以院吏捐職員氏

黃平州志

卷八 節孝

十五  
十六

年九十二而終

石誌仁妻張氏乾隆初誌仁歿上有老母終鮮兄弟遺幼子三人氏年二十九仁姊屢勸改適氏不從矢志守節撫子成立井臼親操紡績不倦年八十餘卒

張子睿妻王氏乾隆初睿卒遺子朝學甫三歲氏奉翁姑克盡婦道姑病割臂和藥病遂愈撫幼子教養並至年七十二而卒

張紋妻栢氏乾隆初夫亡氏年二十五家貧矢志靡他勤紡績以給饜飧教四子皆成名卒年六

十五子其達其榮其勳其才

陳其才妻徐氏乾隆初夫卒氏年二十九守節四十六年子國明孫茂

彭元亨妻吳氏乾隆初夫卒氏年二十子灝甫二十歲家貧紡績度日撫子成立苦節五十五年

周之瑜妻馬氏乾隆初夫卒氏年二十遺孤廣士甫歲餘氏矢志守節勤儉持家撫子成立孝事翁姑養葬如禮年七十一而卒

吳至德妻陳氏乾隆初至德卒氏年二十四子幼家貧矢志守節日勤紡績孝事翁姑撫子希朱

黃平州志

卷八 節孝

十七

希曾皆成立氏年七十二而卒

鄔雲龍繼妻陳氏乾隆初雲龍卒氏年二十七孝事翁姑養葬如禮是時家貧子幼氏苦守紡績度日視前妻子如己出均撫成立年六十八卒子

杜文秀妻汪氏乾隆初夫亡氏年十九遺腹生子大任守節奉姑克盡孝道持家課子不憚辛勤姑病時侍湯藥且刲臂肉療之後姑卒殯葬如禮鄉里重之

羅宗英妻周氏乾隆初夫亡氏年二十八矢志守

節奉姑撫子均得成立現年八十八子長榮次  
莒

石顯祖妻陳氏庠生石宗介之母也乾隆初夫卒  
氏年二十餘家貧產薄矢志守節年六十鄉人  
士稱其行曰上奉七旬之姑下撫五月之兒晝  
菽和熊辟蠶常賒夜月陳棗獻栗牽梭每聽寒  
雞遇患難而不移履顛危而不易云

韓德永妻胡氏福徵女乾隆初夫卒氏年二十五  
矢志守節奉孀姑養葬如禮撫遺孤名成家給  
淡泊勤儉始終不渝子啟泰以急公授九品職

黃平州志

卷八 節孝

十七  
十八

張德新妻李氏李奎女年十八歸德新年餘德新  
歿遺腹僅二月家貧養姑育子不憚辛勤姑常  
病氣痛氏侍奉湯藥衣不解帶得姑懽心守節  
四十年現年五十八歲

戴溢仁妻高氏甌安縣貢生思南教授世佩女年  
十六歸溢仁四閱月而夫卒矢志自守溢仁父  
長樂知縣琪時已家居侍婢林立而翁姑飲食  
甘旨氏必親調奉初以夫兄弟無餘子撫夫族  
子德繼為嗣成立娶婦而子婦俱死乃撫夫兄  
子德楸顧復訓誨如所生非祭祀謁舅姑不出

房闈非妯娌姻婭姑姊相過不出中堂現年五十有五

庠生丁大元妻楊氏大元少年英發有聲庠序間乾隆中卒氏年二十有四長子四歲次子二歲時翁姑尚存氏克盡婦道閱六年翁逝姑多病大元弟妹六人皆少氏侍湯藥未嘗暫離素食六載默祝姑壽且獨持門戶上事衰姑下鞠幼子中撫視夫弟妹經理婚嫁不貽姑憂元諸弟遊庠食餼克有成就皆氏力也以栢舟自勵四十餘年雖老言動必以禮和妯娌恤姻鄰戒殺持齋至老不倦子德隆例授從九品孫六今年八十有二矣

黃平州志

卷八 節孝

十九

沈濬繼妻劉氏濬子沈旭普妻張氏劉氏順天大興人乾隆中濬以舉人官臨河縣知縣原配卒聘氏為繼室濬旋卒氏父母欲留之誓以死乃聽其扶柩南還濬居官廉家無儋石長子旭旦先卒妻陳氏就食母家氏依次子旭普艱苦萬狀未幾旭普又卒無嗣妻張氏年二十慮父母奪其志先毀容自誓奉繼姑劉氏以貧不能具饘粥日事女紅以養姑姑亦共作苦不受姻戚

醜遺然姑年與氏僅相若依之如左右手而氏  
故事愈謹姑媳相守年五十餘相繼卒

鄒紹順妻陳氏乾隆中紹順歿氏年二十二子一  
女二家貧父母議改適堅執不從早夜織履度  
日年四十五卒

鄔昱妻陳氏年十六適昱事孀姑連祖姑俱以孝  
養稱乾隆中昱卒氏年二十九祖姑百齡奉事  
不稍懈和於娣姒勤紡績撫子秉鏞秉鉉鏞補  
州增廣生孫澤彰澤昌庠生守節四十年而卒

彭繼芳繼妻劉氏乾隆中繼芳歿氏年十九生子

黃平州志

卷八 節孝

十九

甫六月翁姑命其改適氏曰從一而終婦之道  
也况有子而三女幼何忍出此自是足絕外庭  
寡言笑養親教子撫前室女如己出雖茹荼飲  
血猶辛勤紡績俾饘粥無餘之家竟成豐裕子  
應鰲以助餉授九品職

彭祖賢妻張氏乾隆中夫卒氏年二十餘子汝機  
甫二歲遺腹生汝雲馬氏捉抱雙孤更營衣食  
之務田園五畝已供喪葬之資甘貧餓而不辭  
經盤錯而不改至今二十年二子皆勤耕讀恪  
承慈訓云

陳炳妻沈氏炳舉人陳逸堯子氏沈基之女也乾隆庚午炳赴鄉闈卒於省會遺一女二歲子甫生氏年二十六恨不欲生然慟夫止一脉勵志撫孤延師訓課子玉堂入州庠旋卒僅留孤孫依其母鄭氏居外家氏依女婿傅良佐以歿劉鈞妻陳氏進士知太原縣劉世熹冢婦舉人陳遞堯次女也適劉三載翁卒於官甫扶襯歸葬而鈞旋卒遺弱女一幼子二氏年方二十餘奉姑養葬如禮撫孤婚嫁皆畢未幾長孤死越五載次孤又死無所依仍矢初志年六十餘終其

黃平州志

卷八 節孝

三十一

節亦甚苦矣

楊芳培妻石氏孝廉石金琰長女年十八歸芳培廩生楊宏祚三子也乾隆中夫卒氏年二十四誓志守節撫子世舉世聘俱成立閱四十餘年矣

江應鰲妻楊氏子江自元妻林氏乾隆中應鰲卒楊氏年二十誓節撫子自元娶婦林氏未幾自元卒遺腹生子洪蔭林氏時年十九誓與姑相守今楊氏年七十林氏年亦四十餘

石尚賢妻楊氏貢生楊亨通女二十餘歸尚賢武



舉石天相子也乾隆中尚賢歿氏年二十八子廷貴年方歲餘誓節撫子今四十餘年董天蛟妻徐氏乾隆中夫卒氏年十九生子其海家極貧氏誓志守節孝養翁姑歿盡哀禮撫子成立苦節四十餘年

朱興明妻劉氏子文恆妻俞氏乾隆中興明卒劉氏年二十生子文恆甫三月紡績守節後為文恆娶俞氏生子天壽甫三歲文恆又卒姑媳同志守節劉氏七十二歲卒

孫景周妻王氏乾隆中景周卒氏年二十五子世黃平州志

卷八 節孝

三十一  
三十二

蔡甫四歲氏茹苦守節夙夜克勤撫子成立年七十五卒

陳寧淳妻宋氏乾隆中夫卒氏年二十六子國本甫三歲翁陳璣尚存多病氏親嘗湯藥歿盡哀禮撫子成立守節不渝

羅大純妻陳氏歸羅生子紹虞紹文乾隆中夫歿氏年二十六紡績自給守節訓子三十餘年矣賈世珮妻何氏乾隆中夫卒氏年二十七家貧守節不憚艱苦日耕夜紡撫子成立年六十四卒

楊光昇妻孫氏乾隆中夫卒氏年十九生子昌仁

僅三月苦志守節善事翁姑俱九十而歿撫子成立有孫三人

楊國翰繼妻張氏乾隆中夫卒氏年二十六遺腹三月生子世杰氏紡績守節撫子成立撫前妻石氏二子世才世用皆如己出今三十餘年矣楊光潔妻張氏乾隆中夫卒氏年二十遺腹生子茂昌氏紡績苦守孝事孀姑撫子成立年五十  
五卒

李鍾靈妻褚氏乾隆中夫卒氏年二十子紹聖甫二歲家貧矢志守節育子成立今三十餘年矣

黃平州志

卷八 節孝

三十三

李英繼妻張氏乾隆中歸李事祖姑以孝撫遺孤以慈二十五歲夫歿子幼家貧祖姑年邁氏矢志守節敬事祖姑訓子朝棟成立年七十五卒毛之賓妻傅氏子芳渠妻傅氏之賓妻甕安孀生如巖女子婦如巖從兄子候選州判遠宗女也之賓州學生乾隆初卒子芳渠甫十餘歲母傅氏年三十守志撫教芳渠慧而多病病益篤乃娶傅氏氏歸即旦夕治湯藥踰月而芳渠卒母慟之甚亦病新婦侍藥餌起居恐觸姑慟不敢為戚容候姑熟睡乃奉食獻夫靈吞聲飲泣聞

姑轉側則拭淚斂衽以侍數月姑亦卒毛氏故  
富室然已析居無所依既舉兩喪葬訖遂歸父  
母家哀毀骨立莫識其狀貌父母為嘆茶苦則  
泣曰兒不幸不能成家以為親憂今無養可代  
無孤可立所未忍自引決者以父母在耳願勿  
復言兒苦兒決不以苦有他志自喪夫即粥食  
及終姑喪兄弟為具酒食使祭以除泣曰吾夫  
無嗣而死姑又以慟子卒死而有知毛氏之鬼  
恨無窮矣吾為人婦雖粥食且不下咽况可以  
終喪常禮論耶墨其哀緝之仍粥食居四年而

黃平州志

卷八節孝

三十三  
三四

卒

王季典妻胡氏乾隆中歸季典時祖姑秦及翁太  
學生覺士相繼病卒氏以冢婦佐姑李奉兩世  
湯藥治喪葬哀禮備至年餘季典又卒數年中  
三遭閔凶家益落子沛遠未週歲而夫仲弟又  
卒叔季及一女弟俱幼姑常攜幼女抱孤孫視  
嫠婦獨治饗飧涕泣撫慰氏率從容解之而姑  
多病病則氏負小姑抱幼子提攜稚叔家僅一  
老婢拙且戇惟供薪水自中饋及浣濯縫紉白  
杵之事皆氏獨任未嘗有倦色而使姑嘆婢之

不事事也鄉人為典伯母馮從嫂張兩世節孝請旌議以姑與氏同請姑以年例不合辭不許語載姑賢淑傳及姑卒服闋族人申前議氏曰若並為姑請則遺命所不許然吾事姑三十有三年孤苦相依非我能孝姑實我慈耳又忍獨當其名哉事遂寢今又十七年年七十矣金洪妻沈氏乾隆中夫亡氏年二十二誓節撫子廷芳今三十餘年矣

張永基妻王氏乾隆中永基卒氏年二十八矢志守節六十歲卒子廷璵

黃平州志

卷八節孝

二十四  
二十五

張德盛妻龍氏乾隆中德盛卒氏年二十餘遺腹生子國相堅志苦守貞操不移三十五歲卒

周澤鈞妻馮氏乾隆中鈞卒氏年二十七撫子瑞傳星傳成立守節二十八年矣

李紹晟妻孫氏適晟生女三子一乾隆中晟卒氏年二十餘晟臨終謂氏曰幸勿使我兒為他人奴婢也氏慟泣誓不再醮晟既葬族人有迫之嫁者誓死不從是時翁年已七十繼姑王氏氏如藥飲水撫孤子弱女以順二人之志翁姑喪葬盡哀禮子忠廷

羅樗妻解氏乾隆中樗卒氏年二十六守節撫子  
文炳成立為州武庠生

狄昌宗妻王氏乾隆中昌卒氏年二十七子樵甫  
歲餘氏茹苦守節矢志不移侍姑疾及夫病兩  
次割臂肉療之

田世仰妻彭氏乾隆中世仰卒氏年二十誓志守  
節三十餘年

田茂袖妻鄧氏乾隆中袖卒氏年二十餘遺二子  
尚在襁褓有奪其志者誓天自明清白堅貞歷  
二十餘載子皆成立

黃平州志

卷八 節孝

二十五  
二十六

張啟儒妻王氏乾隆中夫卒無兄弟氏年二十六  
子一甫二歲翁姑皆七十餘氏養親以孝喪葬  
盡禮子其祥國學生

張燕山妻薛氏乾隆中張卒氏年二十餘一子廷  
英甫四歲家貧守節紡織撫子成立年七十二  
矣

王廷光妻黃氏子詮禮妻何氏乾隆中廷光卒氏  
年二十九事翁姑克肩養葬撫四子長仍禮甫  
十歲次近禮次宗禮次詮禮甫歲餘鞠育成立  
課之耕讀仍禮入武庠宗禮為州學生詮禮短

折妻何氏年始二十二亦矢志黃復與何同撫孤孫家相家鼎皆習儒業能應童子試矣

陳國治妻曹氏庠生掄文次女乾隆中夫卒氏年

二十七一子甫兩月矢志守節事孀姑十八年

備極孝養撫遺孤訓誨成立現年七十有一

狄相妻吳氏年二十六夫卒姑尚存一子甫六歲

或勸以改適氏曰姑老子幼即募食以養亦無

他志姑歿盡哀禮撫子成立年六十卒

張金邦妻孟氏乾隆中金邦卒氏年甫十九矢志

守節奉翁姑養葬如禮撫孤子嚴育成名今七

黃平州志

卷八 節孝

二十六  
二十七

十有一子作舟例授從九品職嘉慶五年題旌

余宗孟妻湯氏乾隆中宗孟卒氏年二十九矢志

撫孤成立兼育兩叔遺孤如所生今年六十二

閨門嚴肅鄉鄰服焉

李世勲妻蕭氏乾隆中世勲卒氏年二十三遺子

半歲翁姑俱存氏矢志靡他奉親撫子不幸一

二年間翁故子亡僅存白髮孀姑氏竭力奉養

含悲守志至姑卒氏年已五十四殯葬如禮終

始不急鄉里稱焉

易興賢妻吳氏乾隆中夫亡氏年二十有遺腹數

月生子鍾珮氏矢志靡他孝事翁姑勤儉持家  
撫子成立

林仲昌妻王氏乾隆中氏年十七歸林生子培夫  
卒氏年二十二堅志守節荼苦自甘撫子成立  
氏年七十矣

田佳穗妻徐氏乾隆中夫亡氏年二十三守節子  
一國相甫十歲撫教成立今四十餘年

金世璽妻張氏乾隆中夫卒氏年二十許遺子大  
山甫二歲產業全無只存基園一幅氏矢志守  
節紡績度日撫大山成人遠出不歸二十餘載

黃平州志

卷八 節孝

二十七  
三六

杳無音耗氏甘受凍餒堅志不移鄰里哀之

時先舉妻周氏適時數年生子二曰松曰栢乾隆  
中夫卒氏年二十九矢志守節撫子成立皆補  
州學生年四十九卒

石宗賢妻毛氏庠生之貢女年十八歸宗賢順事  
翁姑翁與宗賢相繼卒子貽謨貽楷皆幼氏年  
二十七矢志守義奉姑唐氏服勤罔懈姑卒哀  
禮備至訓子貽謨以端謹遣次子貽楷就傅於  
外為佚游者所誘誣以博負氏不知謨恐傷母  
意未敢告屢戒不從乃告之氏曰如是吾負死

者矣痛責之斥責業以償而黠者貪饕未已乃  
訴之官事始白楷亦悔過遵教氏年五十餘尚  
率子婦勤其家云

李必泰妻韓氏于歸必泰夫婦偕好值家窶必泰  
外出經營嗣聞必泰途卒有子輔德已離懷抱  
翁姑命嫁氏立志撫孤事翁姑生盡孝死盡哀  
祭盡禮人謂氏之所為不得於夫必得於子無  
何輔德亦卒氏惟苦守於今六十有二矣

王綱妻李氏年二十九夫故遺子廷召甫八歲占  
鰲甫六歲氏恩勤撫育廷召中乾隆辛卯武舉

黃平州志

卷八節孝

三八  
三九

占鰲為州庠生未幾廷召夫婦相繼卒遺孫永  
年方四歲復撫之中己酉武舉庚寅戊戌歲饑  
氏命子施米粥賑之全活無算卒年八十二守  
節五十餘年

韓啟科妻耿氏乾隆中夫卒氏年二十七家極寒  
翁欲嫁之氏泣曰烈女不嫁二夫若從翁命異  
日何以見夫於地下况翁老孤幼婦去誰依婦  
斷不忍為此於是紡績度日事翁極誠撫孤極  
嚴金石之操始終如一年六十九卒

韓啟蛟妻李氏乾隆中夫歿氏年二十三祖姑及



姑俱孀憐其青年欲令改適氏毀容斷髮誓不更嫁奉二代高堂克盡孝養撫子成立而死又撫孤孫勤勞不稍懈

田仁讓妻唐氏乾隆中夫亡氏年十八止生一女誓不再嫁撫侄為嗣成立完娶氏年七十二卒田先貢妻吳氏乾隆中夫亡氏年二十九孝事翁姑撫遺腹子仁春成立年七十二卒

耿朝棟妻王氏乾隆中夫亡氏年二十六守節艱苦不渝年四十二歿

廩生張德嘉妻曹氏施秉人貢生張國茂長媳也

黃平州志

卷八 節孝

三十九

乾隆中歸德嘉姑歿遺德嘉弟德鴻甫三歲氏撫鞠之德嘉未弱冠即有聲庠序病歿無子氏乘間投繯絕而復甦乃己為夫立嗣自誓奉翁及繼姑經理家政撫夫弟德鴻成名婚娶氏力為多性貞幽寡言笑守節二十二年卒翁命德鴻有子當先以繼德嘉及氏後云

吳宗隆妻鄒氏乾隆中適宗隆數年不育勸隆撫

兄子相猷為嗣又請於翁姑捐服飾為隆納妾

王氏甫孕三月而隆歿氏寬慰之后數月妾育

一子名相品氏喜夫有嗣與妾偕鞠之事翁姑

養葬如禮後數年妾又卒氏撫二子如己出成立婚娶氏年五十餘矣

陳芳傳妻戴氏年十六歸陳事翁姑養葬盡道乾隆中芳傳卒遺一女五歲一子三歲氏年二十四秉貞茹藥工紡績操井臼撫子女以婚嫁備極勞瘁子家修己成立孫能塾矣

鄧維憲妻張氏年十八歸鄧夫卒遺腹七月後生子彬士氏苦志守節撫子成立現年四十八

唐祚甲妻林氏乾隆中祚甲卒氏年二十七矢志苦守撫子元吉成立歷二十八年矣

## 黃平州志

### 卷八 節孝

三十一

丁崇寬妻王氏乾隆中崇寬卒氏年二十四長子永言二歲次永慶甫數月氏矢志守節茹荼飲泣垂三十餘載堅操不移

楊永昌妻陳氏乾隆中永昌卒氏年二十有遺腹嘗祈禱生男以續夫嗣六月果生子文鳳氏立志守節孝養翁姑撫子成立今三十年矣

駱良義妻陳氏弟良智妻王氏乾隆中其夫並卒陳氏年二十六王氏年二十三妯娌共矢冰壻

事翁朝柄及姑同盡孝養撫遺孤咸以義方今

陳氏年五十王氏年四十名清白之聲內外無

閻程一門雙節孝馬

郭紹儀妻王氏乾隆中天卒氏年二十二子甫三歲誓志守節以紡績供俯仰事翁姑養葬盡職撫幼孤慈教兼至子登邦州庠生

曹漢妻胡氏乾隆中漢卒氏年二十二上事孀姑克盡婦道食貧三十餘年撫子毓標成立

王澄遠妻陳氏庠生仲傳女澄遠進士楚士孫乾隆中卒氏年十九遺腹生子培璽勵志撫孤家窶甚有富室求婚輒正色拒之再言者聲色俱厲勸者慚阻迄今二十年矣性端莊課子甚嚴

黃平州志

卷八節孝

三十一

女紅自給鄉里敬且憐之

孫德威之妻金氏德威卒氏年二十二僅一女族姻勸其改適不從金士族而豐于財故妝奩頗厚氏既誓節屏簪珥布衣蔬食奉八十孀姑寢食不離娣姒皆以為不及焉

解文朗妻孟氏家素貧日勤紡績以供朝夕乾隆中文朗病氏籲天求代久之不愈數年乃卒氏年三十安貧苦守撫子奉姑艱辛不怨

王天香妻駱氏貢生珣長子婦也乾隆中夫卒年二十二止二女祖姑及翁姑憐其青年諭令改

適氏曰存亡異志義者不為吾未能與夫偕亡  
以高堂及呱呱者耳忍他適乎俟叔等生有姪  
男撫一以存吾夫之祀吾願畢矣誓不更嫁現  
年三十有六

林世龍妻王氏乾隆中林卒氏年二十八守節二  
十五年持家勤儉教子德懋成名

廩生盧岱宗妻張氏岱宗為進士盧嘉會長子積  
學能文為一時諸生冠乾隆中賣志以歿遺子  
履謙僅數月氏時年二十七守志事翁姑撫子  
稍長昂以從翁遊學不稍姑息今食餼於庠能

黃平州志

卷八 節孝

三十三

繼父志矣

廩生張調時妻狄氏年十八適調時閱二載生子  
汝翼甫四歲調時卒氏勤紡績撫育遺孤入郡  
庠汝翼生三子亦先氏卒氏先以母道而兼父  
道繼以祖母而育諸孫撫錦鏜銳三孫俱成立  
卒年七十有八

張啟鳳妻章氏年十九于歸啟鳳甫四歲生子文  
彩啟鳳卒氏不忍絕夫一脉矢志撫育遺孤文  
彩疾氏焚香祝天願以身代而疾旋瘳如是者  
屢人以為一誠之感格云

胡成賢妻何氏乾隆末成賢卒氏年十八誓志守節遺腹生子氏即不茹葷以祈子壽子今年十五矣

周德藩繼妻徐氏年十八適周三年夫亡時翁姑尚存德藩前妻孫氏遺子邦相幼穉氏矢志靡他仰事俯育不辭勞瘁撫孤成立現守節二十八年

丁良翰妻陳氏年十八歸丁十載而翰卒遺幼子學賢方二歲父歿時猶與父並枕而宿觀者無不涕出葬後家貧甚氏惟以紡織謀生堅志守

黃平州志

卷八 節孝

三十三  
三五

節學賢甫五歲即命就外傳夜歸讀燈下恆紡織以待之孤嫠家惟聞機聲與誦讀聲必至夜分乃已後學賢補弟子員州紳士欲為請旌陳慮一子單寒命其遲以有待復勤課兩孫長茂松次茂蘭悉沐其和丸畫荻之教氏年六十有九而終苦節四十餘年

王廷楨妻黃氏乾隆中廷楨補增廣生旋卒氏年二十七守節撫二子成立凡三十二年而卒長子制禮捐從九品職次子盡禮

馬正乾妻楊氏年二十六夫故遺子六齡家貧苦

志誓不再嫁事姑孝謹紡績供養殘夜孤燈卒無怨懟撫子秉援成立年四十有六矣

盛大璋妻陳氏年二十七夫亡子聯璧甫四歲氏堅貞自守養葬翁姑撫子完節歷四十餘年盛聯璧妻林氏年二十生二女而夫卒誓志守節以事孀姑以夫從子雲鵬為嗣撫教成立氏今年五十一

周書傳妻馬氏子大邦妻沈氏書傳卒時馬氏年二十六遺孤二長大邦次家樞俱穉弱氏矢志守節教大邦遊庠娶沈氏育二孫元遠亨遠俱

黃平州志

卷八 節孝

三五

在襁褓大邦卒沈氏時年二十二痛不欲生馬氏勉以大義遂矢志奉姑撫子茹藥飲水一門雙節今馬氏年五十八沈氏年四十矣

常振經妻張氏夫卒時年二十七誓志守節三子長者年甫六歲少者遺腹氏有才智持家勤儉子稍長遣就夫兄施秉貢生振倫學子又培燦庭俱成名

黃聯芳妻鄒氏貢生秉鑑女年十七歸聯芳生二子俱夭聯芳入庠後遂納妾繆氏以歸氏視之如姊妹妾生子溥梅而夫卒氏矢志撫子鞠育

顧復愈於所生繆氏亦與共守無他志

蔣應熙妻陳氏年二十夫卒生一子作梅姑宋氏年七十愛孫甚篤而陳氏謂愛則必勞時加嚴責常泣誨曰祖母憐兒早孤若我復愛憐則兒將怠逸反不足成祖母之愛矣

巴某妻某氏乙卯苗變夫婦俱逃至巖門河苗猝至夫赴水死婦負三月兒伏草中得活艱辛撫鞠授室成家今婦年八十餘子亦六十許矣

蕭清萬妻熊氏年十六歸清萬奉翁姑以孝敬相

夫子以勤儉生一子名德明僅四歲清萬染病

# 黃平州志

## 卷八 節孝

三五  
三六

氏侍湯藥未嘗廢離夫病篤氏割股以救夫卒後操井臼勤紡績效修母之教子法侃母之延賓過鄰里貧乏輒周濟之現年五十一歲

何朋遠妻丁氏年二十八歲夫亡遺子錫八歲氏撫育成人娶媳李氏生三子錫復亡李守節五年年二十八亦故氏撫三孫成立婚配見曾孫焉卒時年七十五守節四十七年

楊秀璠妻朱氏佐夫養葬二親勤苦力善生子而

殤強夫納妾巴氏生子在德朱代之鞠養而巴任炊爨井臼相愛如姊妹在德稍長而秀璠卒

朱因巴年少勸其改適曰我自能為爾撫此子也巴涕泣以死自誓乃共撫育在德為娶婦吳氏生子正榮而朱與在德先後卒巴率婦吳氏哀毀盡禮既終喪巴命吳曰昔爾先姑子非己出猶代我撫爾夫今孫則吾孫也吾不忍以吾子累汝吳泣曰姑與先姑長少也尚同心撫子况婦與姑猶母女顧不能撫一孫乎撫正榮雖篤於愛而教甚嚴持家力善一遵秀璠所行秀璠卒時巴氏年二十九今七十餘在德之卒吳氏年二十今亦四十餘矣

黃平州志

卷八 節孝

三十一  
三十一

張汝翠妻時氏氏年二十三歲夫亡遺子方四歲守節撫孤歷二十五年而卒子鑲嘉慶二年恩賜九品職銜

張應元妻蕭氏應元卒氏年十九父母欲其改適氏毀容自誓願奉姑以終身家貧不能自給日事女紅以供甘旨遺復生子光第撫之有四孫而光第死又撫四孫今皆成立氏年八十餘矣吳某妻高氏盤溪邨人吳家貧氏勤針黹吳歿家益落氏撫子純傭工自給終身未嘗有笑容守節四十餘年卒年六十餘



張仁鎮妻周氏舉人訓世姑也仁鎮父國極卒時  
母氏秋年二十九仁鎮撫十歲及長娶周氏時  
年十五仁鎮與周克盡孝養外祖父母家貧迎  
與母氏同居生死養葬生子海而仁鎮卒氏年  
亦二十九海幼而多病氏雖篤愛而教甚嚴娶  
沈氏舉人毓靈姑也海遊庠未幾亦卒沈年廿  
餘哀毀特甚周泣謂曰吾家兩世孀居今及爾  
而三當盡力撫孤成立無過傷也沈上事孀姑  
下撫幼子艱苦備至教子純孔純心純忠純心  
為州廩生

黃平州志

卷八 節孝

三十一  
三十一

劉尚友妻姚氏年十四適劉孝養孀姑夫卒氏年  
二十一遺長子方二歲次子遺腹家貧紡織供  
給閱三年姑亦謝世氏盡哀盡禮撫子成立守  
節二十一年

庠生張兆行妻何氏年二十三夫亡無子誓志守  
節撫姪為嗣家素貧艱苦萬狀子復亡無後氏  
孤守十餘年乃終

王學瓚妻張氏年十六于歸未一年而夫卒遺腹  
僅三月堅貞自守撫子經遠成立苦節三十餘  
年

楊明通妻戴氏夫卒時氏年二十八遺子光遠年  
僅二齡翁姑皆七旬餘氏矢志守節紡績維勤  
上事翁姑下育幼子孝慈備至及翁姑卒養葬  
盡禮母楊氏晚歲孤貧養葬亦氏任之

庠生徐希文妻張氏夫卒時氏年二十五翁姑俱  
存矢志守節奉翁姑竭誠盡慎過於人子撫教  
諸子皆以謹飭稱恆紡績以供家用言動不苟  
非至戚未嘗接見遇翁姑生忌日具祭依慕如  
生存時孫作德甫六歲即遣就外傳歸必叩其  
學業未冠為州庠生

黃平州志

卷八 節孝

三八  
三九

石天珏妻彭氏庠生彭茂李三女歸石事翁姑以  
敬順稱生子三而夫死氏年始二十八安貧守  
志撫子成立長次皆務農三子燦坤入州庠  
周澤皞妻蔣氏年二十三夫卒遺子未週歲翁姑  
俱存事親撫子誓志守節夫有弟早亡僅存幼  
子氏代鞠養無懈今年五十餘矣

吳宗聖之妻江氏年十九適吳事姑舒至孝逾十  
年夫故二子繼亡氏痛不欲生既而念姑年逾  
六十夫死子夭大傷姑心已死姑何以堪乃以  
伯氏次子聯元為子越十年姑卒撫子聯元婚

娶孫二長為模次為榆俱業儒

孫念祖妻劉氏年十八歸念祖二十六而夫卒翁姑尚存子人麟甫三歲氏矢志守節躬勤苦以奉甘旨撫子成立及姑卒哀毀盡禮年五十九卒翁年八十常垂泣恨不得孝婦送其終云

白光祚妻吳氏乾隆中歸光祚生子為珍而夫卒氏年甫二十誓志守節撫教為珍成立為布政司典吏

曹世遠妻白氏夫亡矢志守節冰孀自勵撫三孤成立今三房人文繁衍

黃平州志

卷八 節孝

三九  
四十

吳攀龍妻曹氏庠生維斗女適攀龍生二子夫卒矢志守節翁月軒老病竭力孝養撫子成立七十六歲卒

曹掄佐妻王氏孝廉家雋女謹守婦道家貧夫卒貞操守節力撫二子成立

曹沂妻張氏生二子夫卒矢志堅守家貧無以為資刀耕火種撫子成家真苦節也

陳天惠妻曹氏夫亡家貧子幼有欲奪其志者堅持守節至不能自給忍饑受凍矢志靡他

張兆男妻章氏夫亡矢志守節三十八年子初元

為州庠生

王國伸妻曹氏年十八歸國伸歷二載夫歿遺子  
瑛僅歲餘氏矢志守節上事翁姑養葬盡禮下  
撫孤兒成立氏年七十有四

李世昌妻謝氏歸世昌僅六載世昌故遺子二文  
燦文盛氏矢志守節養姑育子備歷艱辛子皆  
成立氏年八十而終

鄭珮妻戴氏年十六歸珮二十一歲夫卒遺腹生

子元相氏甘貧守節紡織謀生有丈夫志戚隣  
咸欽之元相恃恩氏惟擇嚴師教育及成立娶

黃平州志

卷八 節孝

四十一

媳陳氏生孫國泰元相卒撫國泰業儒現為布  
政司吏氏卒年八十守節六十一年

百戶何忠繼妻沈氏先是忠娶許氏生二子長為  
孝甫七歲次為廉五歲許卒繼娶沈氏未一年  
而忠卒撫孤誓節逾三十年年五十八而終二

子皆成名為衛庠生為廉娶馬氏生二子長宗  
茂十歲次崇盛八歲夫婦相繼歿有奴引弟婢

珍喜事幼主無絲粟欺力勤所積奉主婚娶仍  
服事如奴人皆謂沈之節所感而並稱奴婢之

義

節孝補遺

明

周庸二妻鄧氏洪武中歸周生二子彬政夫以討  
螭鞞苗戰死氏年二十六彬甫六歲政生纔四  
十朝氏誓節撫二子成立躬耕讀書至彬子鑑  
為歲貢始陳祖死難事得授彬千戶職而政子  
瑛官右布政使贈庸二太僕卿氏封淑人

國朝

廩生周廷杖妻蕭氏年三十孀居家窘甚撫遺孤  
四長甫十齡幼始四歲水霜自矢事繼姑符如

黃平州志

卷八 節孝補

四十三

廷杖在日教子必以義方稍廢弛即痛哭訓誨  
不使遺先人羞諸子皆以文行稱氏年九十一  
卒以次子學滢貴封孺人子孫科第連綿人謂  
食報云

孫仰緒妻徐氏年十八歸孫家貧日操井日夜紡  
伴讀仰緒以文學稱庠序中康熙丁酉舉人未  
仕而卒氏年二十九有三子長甫九齡幼纔三  
歲矢志守節奉孀姑誠孝養葬以禮撫子成立  
年五十九卒次子公弼為州庠生

白雲衢妻董氏子光前妻劉氏先是乾隆初董氏

歸雲衛生光前雲衛卒時董年甫二十二矢志  
存孤撫教成立娶婦劉氏而光前又卒遺子為  
珩劉氏年二十四亦矢志奉姑撫子孝慈兼盡  
兩世冰霜鄉人重之為珩為布政司典史

庠生金履恆妻楊氏貢生楊再昇女年十九適履  
恆生二子長珪次瓚六年而恆歿上有翁姑珪  
方三歲瓚甫九月零丁孤苦又值苗變氏奉老  
攜幼逃竄甕邑日以針工易米及歸米珠薪桂  
饑寒紡績養葬無憾撫二子入庠守節四十餘  
年卒孫光魁光著悉入庠州人呈請 題旌

黃平州志

卷八 節孝補

四三

毛之貴妻陳氏子方連妻楊氏陳氏庠生述舜女  
年十七歸之貴有鷄鳴視夜之風之貴蜚譽州  
庠卒于雍正九年子方連甫二歲氏時年二十  
六矢志守節旋遭乙卯苗叛奉哀老翁姑攜幼  
子避亂甕邑藜藿自甘而鬻釧以供親食比歸  
室燬田荒結茹紡績不缺甘旨之養翁媪相繼  
卒哀禮克盡撫方連成立娶婦楊氏炯之女結  
褵三載生穎甫六月而方連卒時乾隆十四年  
也氏年十九母家欲奪其志氏曰婦道從一而  
終况孀姑稚子舍之去豈復有人心乎于是拮

揭饑寒事姑撫子子稍長孤燈課讀以慰孀姑  
守節四十一年族里呈請與姑咸奉旌表越  
二年陳氏始卒年八十五今又八年楊氏亦六  
十七矣子穎州庠生

王國佑妻張氏年十七歸國佑三載夫歿遺一子  
珣僅一齡氏矢志守節母兼父道教子有方珣  
游泮食餼為本州歲貢氏年七十八歲繼其志  
者有長孫天香妻駱氏有傳已見前編

賓大儒妻鄒氏龍溪高視人年二十四歸賓四年  
而夫卒遺一子長官氏守節撫子年五十三卒

黃平州志 卷八 節孝補

三

彭應元繼妻朱氏年二十歸彭數年夫卒遺一子

宗周尚幼事七旬繼姑克盡孝養撫前室二女  
如己出喪葬婚嫁皆朝夕紡織勤苦之資今三  
十餘年矣

張炳垣妻楊氏庠生敬承女年十九歸炳垣普安  
教諭鵬程之子也聰穎好學年二十餘卒遺長  
子超然甫二歲次昭然生甫百日氏矢志守節  
上事翁姑孝養克謹處娣姒無間言時祖翁尚  
存尤愛憫之氏每歸寧必扶杖送里許撫教二  
子成立超然授從九品職昭然州庠生

庠生張具恭妻曹氏夫卒氏年三十八矢志守節  
撫子成名年七十四卒子啟明嘉泰

金一瑞妻張氏乾隆中夫卒氏年二十八遺二子

溶澍家貧苦節自守撫子成立現年八十有一  
韓德昇妻文氏年二十三夫卒家貧紡績度日撫

子成立今年六十四勤苦清白之聲人無間言

李占魁妻巴氏勝良長女年二十六夫卒奉養翁

姑喪葬如禮冰蘖之操終始不二年七十五而

終子德元從九品職

徐懋德繼妻蕭氏夫病篤割肱療之獲愈後復病

### 黃平州志

#### 卷八 節孝補

四十五

卒氏年二十八矢志守節為前室遺子安行捐

從九品職教所生二子利行躬行勤儉耕買家

稱小康焉

陳其智妻雷氏夫卒氏年二十四子國福生甫三

月氏矢志守節家貧甚日操井白夜勤女紅以

給衣食有欲亂其節者被髮仰天誓死以守今

五十餘年

戴有璉妻張氏戴有璧妻董氏有璉有璧兄弟相

繼卒父母尚存有璉子元魁有璧子元振元量

俱幼張氏時年二十八董氏年二十五同心誓



節養親撫子成立今歷四十五年稱雙節云  
庠生張鵬翰妻彭氏夫卒矢志守節撫子鼎魁成  
立受室入泮而鼎魁又卒婦林氏亦矢志守節  
數年卒彭氏荼苦逾三十年冰霜不渝以貧不  
能立嗣人咸憫之

庠生蔣其華妻吳氏子夢璋妻郭氏其華卒時吳  
年二十誓志撫夢璋成立娶郭氏生子與才而  
夢璋卒郭復誓志奉姑撫子鄉人題其門曰冰  
霜兩肅

張映朝妻吳氏年二十四朝卒遺孤三歲家貧親

黃平州志

卷八 節孝補

四十六

老紡織供姑膳敬以將孝卒盡哀禮撫子光遠  
成立人咸欽之

王德溥妻劉氏武舉奇揚奇萬之妹年十九歸溥  
萬全知縣國泰第三子也逾年而德溥卒國泰  
改教歸亦旋卒家徒四壁立氏誓志撫子紡織  
度日督課維勤守節十九年而卒子光晉方應  
童試

許其璋妻王氏年二十九夫卒遺腹生子起芳撫  
之成立堅貞守節孝事孀姑今二十五年矣  
劉尚德妻張氏夫卒氏年二十六奉事翁姑矢志

守節翁卒助姑喪葬盡哀禮撫子愛不廢勞子  
銓富銓榮銓華銓思俱業儒

杜大璋妻張氏生一子甫歲餘大璋卒氏年二十  
矢志守節今三十年矣

沈旦妻汪氏清平職貢守先女生長子宏澤而且  
卒遺腹生次子宏祚時氏年二十九矢志守節  
奉事兩世翁姑承顏順志撫子成立皆業儒應  
試今二十五年矣

周澤紱妻楊氏夫卒無子氏年二十七矢志守節  
撫夫從子為嗣撫教成立

黃平州志

卷八 節孝補

六  
四

周澤汪妻汪氏生二女而澤汪卒氏年二十九痛  
夫乏嗣觸地昏死有族叔翁錦世等以澤汪係  
周姓小宗議以大宗幼子承嗣取名宗傳氏愛  
如己出撫育成立男婚女嫁守節不渝年矣  
張德成妻時氏德成卒氏年二十餘誓志守節鄉  
人重之

庠生曹毓森妻徒氏夫卒氏年二十四孝事翁姑  
撫子文衡成立守節二十年而卒

董其誼繼妻李氏紹華女年十六歸其誼十年而  
夫卒氏矢志守節父母舅姑以年少欲奪其志

氏哀憤幾絕乃不復強事八旬翁姑盡孝養  
膳必親一子萬育與前室張氏子萬亨俱幼撫  
愛如一今皆成立矣

陳尚富妻馬氏年二十二夫死矢志守節撫子宗  
堯成立今年六十三矣

周德祥妻張氏夫卒氏年二十八守志撫子邦才  
成立今年六十五

彭萬忠妻馬氏年二十七夫為司曹掾卒于省寓  
一子甫二歲氏矢志撫子成立年六十餘卒

王鍾士妻畢氏鍾士卒氏年三十家甚貧朝夕勤

## 黃平州志

### 卷八 節孝補

七

苦誓節撫孤孝山成立現年六十有三

周光世妻李氏夫卒氏年二十七歲矢志守節撫  
子澤清成立守節四十六年

庠生田茂穰妻張氏穰歿後冰霜苦節宗族稱之  
李紹禹妻何氏紹禹奔父喪於滇而卒氏年二十

甘貧誓節母家欲奪其志不可得會夫從弟紹  
謨生子氏請於謨父光泗曰叔翁寧忍吾翁無

嗣耶光泗初得孫難之而義無可辭氏遂於乳  
哺中撫為子今子年二十餘有三孫矣

王滙遠妻聞氏夫卒時年二十二有子甫歲翁貢

生孚恭姑時俱七旬夫諸兄久出分且亡者過半其四兄遺一子而母亡氏誓志奉翁姑撫幼子及孤姪以孝慈稱今十七年矣  
張宏開妻盧氏夫年四十有二女無子撫鄰人王姓孤為子宏開卒氏年二十八撫子女成立今四十年矣

羅崇恆妻徒氏歸崇恆五月夫卒後遺腹生子杰矢志撫孤成立而卒初崇恆孤且貧撫於叔且先後旦先子貢生嘉禮以家產分杰人咸義之王珣妻汪氏歸珣數年未有子納妾宋生子之屏

### 黃平州志

卷八 節孝補

四九

六月珣及妾俱歿氏時年二十四誓志撫孤暨夫幼弟琮成立琮為歲貢之屏庠生請旌  
庠生林楷妻解氏貢生解聖揆女貢生林天錫媳聖揆家塾氏依膝下通書史能文章適楷十二載生子五楷卒氏年廿有八歲哭楷詩有云百年聚首終歸散重任於身忍息肩立志撫子成名子鳳起鳳鳴鳳文鳳昇俱庠生八十一而卒  
楊光美妻鄭氏家貧事孀姑養葬盡道年十九夫歿遺孤昌熾二歲矢志撫之課讀婚配皆出紡績年八十四卒孫勝春勝周勝景悉教以正

節孝附

曹毓樓妻羅氏職員汪媳監生崇堯女年十七歸  
毓樓善事翁姑翁歿佐夫喪葬盡禮生子瓌甫  
二歲而夫歿氏年二十有二哀毀骨立幾不欲  
生繼念姑老子幼慨然以守節撫孤自任姑有  
疾常侍湯藥晝夜不離疾止乃已姑壽八十終  
婦職無稍缺也課子嚴延師教讀未嘗姑息因  
家務紛繁乃援例太學焉氏寡言笑杜門敏迹  
雖至戚亦不輕往來守節三十餘年如一日孫  
蔭堂蔭坊俱業儒道光六年題 旌

黃平州志

卷八 節孝附

五十九

周邦鍾妻李氏年二十八邦鍾歿子琢章僅十歲  
家貧老俯仰艱難氏糟糠自茹孝事翁姑教子  
苦讀不稍溺愛隱然有丸熊畫荻風琢章為州  
廩生孫 業儒道光六年題 旌

周澤萱妻張氏增生讓世次媳也萱性孝友與兄  
廩生澤茂析居食貧奉母以公產為養膳資氏  
歸萱荆釵布裙雅敦靜好生子翔鳳幼且病而  
萱與茂相繼卒家益窘氏年二十五伶丁孤苦  
矢死靡他歲饑藜藿不充上事衰姑甘旨未嘗  
有缺姑年八十終養葬以禮無忝婦職焉教翔

鳳以忠厚凡家人業多躬親操作以為之倡卒致豐腴氏諄諄以浮華為戒能處約能持盈也卒年七十有二翔鳳入國學孫維城維維

俱業儒道光三年題 旌

王廷光妻黃氏王銓禮妻何氏姑媳雙節備載前志道光七年題 旌

廩生盧岱宗妻張氏進士履謙母也節孝備載前志嘉慶二十五年題 旌

舉人李義貴妻王氏增生霖長女貢生鑑次媳適義貴相敬如賓生子淇甫六月而義貴卒氏年

## 黃平州志

### 卷八 節孝附

十五

二十有七欲以身殉回顧呱呱在抱恐斬夫嗣乃不死時翁姑俱老室如懸磬義貴之故交門下捐數十金以卹之氏冰霜自勵針黹營生克盡孝慈備歷孤苦幾二十年矣淇業儒

黃嘉潛妻李氏 旌表節孝黃王氏孫媳也嘉潛歿氏年二十七子檢甫歲周氏守節不渝奉姑撫子以孝慈稱檢稍長使入家塾囑胞伯孝廉嘉善貢生嘉樂嚴訓之鄉人議請

旌表氏辭以待檢成立蓋深痛嘉潛之業儒未遂而必欲得之於子也今檢已應童子試孫品藻尚

幼節孝相繼篤慶正未有艾云

曹文璣妻張氏文璣歿氏年二十一歲遺腹三月生子登堂矢志守節家貧依兄廩生其萃增生其藻居登堂稍長囑萃與藻代課讀氏茹荼撫養紡績度日無異志焉現年三十有二守節十二年矣

庠生張若金妻狄氏若金歿氏年二十七子星明甫四歲氏矢志貞守奉翁姑以媳代子撫星明今成立孫三錫齡伯齡延齡俱業儒現年五十  
六歲

黃平州志

卷八 節孝附

十一  
五十二

朱德治妻涂氏候選訓導程三女巡撫定元曾孫媳也歸德治生子黥甫歲餘而治卒氏年十九守節撫孤不以貧窘貳志初德治性敏善屬文為童軍冠父緯深愛而切望之未遂早殂緯過痛喪明氏醫藥禱祀逾年自有見現年八十五矣甘旨不給佐以針黹恆脫簪珥購書課子使紹先業黥已入州庠

曹文鏞妻唐氏年十八適曹歲餘生子本澤越三載而夫歿家窶甚代人紡績女紅度日有以子幼家貧勸其改適者輒正色拒之自茹糠粃奉

衰翁以甘旨課子入塾獨任勤苦無怨悔焉現年三十有二

吳必智妻段氏年十六適吳生長子德元而夫歿遺五月娠生次子德恩氏甫二十一歲時夫弟必魁必聰俱幼穉翁姑已早世兩代孤苦無依氏之死靡他以勤儉力穡為救貧計一家皆成立梓里賢之

李開雲妻柴氏年二十八而開雲歿姑老且病子廷耀甫九歲氏矢志栢舟事姑養葬如禮撫子成立守節二十餘年如一日焉今五十有六歲

黃平州志

卷八 節孝附

十三  
五十三

矣

楊興茂妻時氏象樞媳興茂卒氏年二十有四遺腹六月生子宏文氏矢志撫孤以延夫一脉事翁姑盡婦職守節十三年而卒宏文今已成立周雲虎妻朱氏如高女思德媳也生子麟書甫歲周而夫歿氏年二十八守節不渝事孀姑病侍湯藥不急葬祭盡禮撫孤子愛必以勞務使成立今麟書已應童子試孫立鏞

羅權妻王氏武舉國泰女適羅生文珮而權歿氏年二十八歲矢志守節今已六旬矣



金廷標妻郭氏庠生湧次媳年十八適金生子履和甫三齡而廷標歿氏矢志苦守時履和多病人有以此奪其志者氏泣弗聽惟持齋素廣濟孤寒以邀天佑子果成立守節二十六年而卒年四十有九

蔣之浩妻李氏耆壽孀四女庠生廷瑤三媳生子興孝甫六月而夫歿孀姑衰病垣堵蕭然氏水心自矢仰事俯育無異志焉及姑偕夫弟榮魁歿興義氏招魂盡哀喪祭如禮弟孀改適遺女三齡氏撫之如己出自二十二歲守節至今年

黃平州志

卷八 節孝附

十三  
五十四

四十有九

張其江妻黃氏耆壽啟瑞媳年十七歸其江善事翁姑敦靜好夫病危曾割臂和藥以治終不愈尋卒無叔伯兄弟遺子裕宗呱呱在抱氏痛屢絕志存一脉辛勤撫育治家有法持身以禮守節已十八年非至戚不相見也現年四十四裕宗業儒應童子試

庠生曹毓椽繼室張氏年十九歸曹性溫柔敦靜好越十年而夫歿遺二子俱幼孀姑八十事奉益虔養葬如禮無忝婦職撫孤成立長文珩國

學生次文建業儒卒年五十三歲

張其德妻曹氏年十八適張屢舉不育張歿翁姑猶存氏甘撫螟蛉以媳代子誓不再醮自二十八歲守節至今年四十三矣

曹毓珠妻羅氏事孀姑克盡婦職生子三長文壽次文福三文祿歲週而父歿氏年二十有九甘心守節教子有方現年六十一歲

曹文敏妻解氏夫歿時氏年二十三歲子培先甚幼家中資翁姑衰老氏操井臼不避艱辛克盡孝慈以終其節現年五十六歲

## 黃平州志

### 卷八 節孝附

十四  
五五

陳英豪妻李氏年二十九夫歿遺子鍾賢未歲周氏事翁姑以女紅佐甘旨撫弱子寓慈愛於勤勞安貧守節三十餘年現年五十六歲

州屬巖門司入鎮遠府學庠生鄧安邦妻張氏旌表節孝鄧李氏次孫媳也年二十有二夫早逝子尚志生孩六月氏矢志撫孤恩勤鞠育稍長延師課讀無姑息解館必按日督令溫經臨帖夏楚不廢於家勤儉自持茹素二十餘載每焚香對天以盟幽獨命子奉祖姑木主入節孝祠外輸金為焚獻資生平能見大義事多類此卒年

五十三歲子已應試

周塋年妻李氏適周甫八年塋年卒氏年二十七子二長菱六歲遺腹生次子煜家甚窘氏矢志撫孤敝衣藿食種蔬菜以度日歷今二十餘年如一日焉次子煜游庠有文名人以為食報云周緝聖妻李氏士淇女榮濂三媳也年十八歸緝聖越四載緝聖歿遺子聯勳甫二歲家窘甚氏茹苦守節事孀姑克盡婦職姑有疾侍湯藥忘寢食艱苦備嘗撫聯勳成立卒年五十聯勳現應童試

黃平州志

卷八 節孝附

十五  
五十六

楊光遠妻王氏千總王成龍長女年十六適光遠越七載而光遠卒遺子可任撫育婚娶甫生一女可任又卒氏撫孫女字人零丁孤苦五十餘年現年七十五歲

庠生沈德芳妻宋氏耆老鍾璉長媳年十四于歸生子菁而德芳卒氏年二十九以親老子幼矢志守節奉翁姑俱八十餘始逝撫菁成立生孫思謙思牧俱幼而菁歿氏復撫孫成立現年八十五精神猶健人謂天報苦節云

周澤清妻李氏年二十三而澤清歿遺子壽傳甫

六歲氏茹苦守節撫子成人年八十有四而卒  
林德新妻張氏節孝林王氏長媳年十五適林翁  
世龍早逝氏遠事太翁國祚繼太姑及孀姑王  
皆以孝得其歡心後太翁太姑相繼歿奉姑益  
虔左右就養娣姒間不稍諉也年二十八夫病  
故遺子女各三俱幼氏栢舟自矢撫諸孤以慰  
慈顏終姑喪哀毀成禮及子女婚嫁畢氏亦心  
勞而節苦矣現年六十歲

廖如琇妻周氏起魁媳廩生澤茂次女適如琇生

子長上撫甫三歲次上貴甫歲週如琇卒氏年

## 黃平州志

### 卷八 節孝附

十六  
五十七

二十有四矢志栢舟事翁姑以代子職姑哭子  
喪明氏扶持承順無倦色未幾姑歿氏力請娶  
繼姑以事翁復奉繼姑如初生平杜門絕跡如  
琇歿後人罕識其面今二子已成立氏年五十  
一歲

李德九妻曹氏年十六歸德九生子二女一德九

卒氏年二十四矢志守節事孀姑無失禮含淚

撫孤甫成立而女與長子相繼歿氏鬱憂以終

真所謂節而苦者矣卒年三十三歲次子 傳

業儒

庠生魏士美妻楊氏庠生朝清次媳年十五歸士美越四年而士美卒遺子二長三歲次甫三月氏矢志靡他事翁姑克全孝道今氏年五十七翁姑壽逾八旬猶執婦禮如初撫二子成立食報未有艾云

廩生張家相妻陳氏十九于歸二十三家相卒氏撫孤元清寡言笑屏鉛華分家產恥爭多寡歲凶多盜氏置燈於甕懷抱孤兒宵衣達旦其苦如此年七十八而終今其子安居樂業厥孫衆多

黃平州志

卷八 節孝附

十七  
五十八

萬

之女年十七歲許字職員魏士敏為繼室

未于歸而士敏卒聞訃哀慟輒欲奔喪父母阻之而從一之貞匪石不轉每思往奉翁姑撫孤子父母知其志不可奪送之歸魏女遂以孝慈自任守節十餘年而卒是誠完璧全歸世所罕有者已今士敏前室沈氏所生子長習謨次習正三習鑄皆賴撫卹成立習謨入成均

胡文明妻張氏許元媳張金元女也文明少孤孀

母傅亟欲婚之氏年十三歸文明即能得姑歡

心姑歿佐夫喪葬成禮年二十九文明卒承祧

乏人繼胞姪廷魁為嗣愛如己出茹荼集蓼撫之成名生平好善持齋二十餘年不懈現年五十一歲

蠻門監生王廷業繼妻汪氏幼淑慧尤孝事父母願長依膝下廷業聞其賢委禽焉氏于歸撫前室子儉禮甫九歲鳳詔甫一歲有賢母聲越五年生子殿魁而夫卒氏年二十七水霜自勵獨肩重任時翁年八十餘氏婦兼子職深得歡心翁歿率諸子治喪具稱財稱禮家政嚴飭持盈保泰有餘以周貧乏人沾實惠焉教三子慈嚴

黃平州志

卷八 節孝附

十八  
五十九

相濟延師訓誨克紹先業儉禮國學生鳳詔候選吏目殿魁州庠生孫十有五化龍嘉慶己卯科武舉騰芳煥龍慶龍俱庠生餘皆業儒應試曾元象多五代一堂有恂謹風皆母教也

庠生巴龍光之妻傅氏武庠朝俊女性貞靜于歸甫五月而龍光卒哀毀幾不欲生矢志為夫接嗣志未遂乃歸母家守節現年三十九清操不改

王偉士妻蔣氏粵西南寧人偉士官興業時納也氏年十七隨侍四載而偉士卒於子孁鏞朝城

任鑪以年稚欲使改適氏知之閉戶投繯數次俱救止問所願曰吾為主人婢欲侍主人於地下耳無他願鑪善慰之回里服闋後終以年稚不忍孤守命家人婉言勸適仍如前尋死詢之曰我雖婢妾而從一之義一也容我守則苟延性命否則惟一死耳鑪知志堅因築室於宅之左時有黃氏亦偉士妾年長與同處氏閉戶潛居終日以紉針終日為事目不窺外足不出戶家之婦女以餽送飯食衣物始得入室餘皆不能見其面如是四十年如一日晚年尤好善類

黃平州志

卷八節孝附

十九  
六

年茹素衣服飲食之餘悉以給諸貧者卒年六十一歲

解能元妻張氏適能元生子文鳳文詔而夫故氏年二十四歲矢志守節家窶甚春耕夏耨披星戴月撫育二子成丁守節三十八年而歿可謂苦矣孫四

庠生羅騰芳妻土氏適羅有賢聲騰芳卒氏年二十六歲撫孤輔世匡世於今三十六年稱苦節焉

庠生王騰芳妻張氏重安長官司張若齡女國學

王儉禮次媳也事翁姑克盡婦道姑多病朝夕侍湯藥不暫離而艱嗣不育請於翁姑為夫納妾楊氏生二子長鵬驤甫四歲次鵬翥僅百日而夫卒時張氏二十九楊氏二十一矢志同育兩孤如姊妹行歲時設饌祭夫惟吞聲隱泣見翁姑輒拭淚不忍觸其痛也今二子已業儒應試矣

張大譽妻狄氏十五適張事翁及繼姑以孝聞持家勤儉生子三長啟桂次啟梁俱早歿遺孤孫二氏哺之三子啟材甫歲周而大譽卒氏年二

黃平州志

卷八 節孝附

二十  
五

十九冰霜自勵仰事俯畜獨任其事今兩代孤丁皆成立守節五十九年卒年八十有八

曹本坤妻李氏耆老文德次媳處士墳長女年十七適曹生子金萬甫歲半而夫歿時氏二十有二孝奉翁姑糟糠自茹水耕火耨矢志靡他姑先逝事繼姑尤謹翁七十餘始卒氏喪葬如禮撫子成立守節三十四載現年五十六歲



貞烈

正氣之在兩間必不容抑闕而奪之使屈故不獨忠臣烈士慷慨悲歌浩然行其志於事窮勢極之餘即香閨脆質弱不自勝而一念所結指青松以自誓甘白刃其如飴直足雄視鬚眉力劓其澳忍媮媿之習嗚呼彼非巾幗中人哉其秉信蹈義有如此者

宋

宜娘州人有武畧嘗領兵營於黃平今黃平城北三十里有宜娘壘城南五里有宜娘坪舊通志

黃平州志

卷八 貞烈

一  
卒三

以為楊再興之妹相傳再興保障一方人以太公稱之歿祀為土神即太公廟也

明

張國揚妻劉氏夫死時年二十三矢志守節紡績撫子舅姑許適他姓劉知其期櫛沐更衣入室自刎死題旌節烈

舉人朱玉妻張氏夫卒張年二十一哭三日絕而復甦慨然曰婦人之義從一而終吾夫既歿且無子吾何以生為遂具纊經自縊死

曹氏善堅千戶曹義公女聘本衛百戶張姓未過

門夫卒堅守女節誓不再嫁每日誦經禮佛五十餘年無病而卒

金姑桂陽州學正盧聲先之女也山寇郝姓逼城聲先謂家屬曰茲城不堅且人心渙散必不能全我職分當死汝等可暫避之皆泣去獨金姑年十五不肯行城陷聲先死金姑亦投井死王標有詩輓之

國朝

石聲啟妻師氏夫卒年二十二遺二子俱幼氏守志不渝時偽將陳侯府強委禽焉氏不從投繯

黃平州志

卷八 貞烈

六十三

死州牧旌其門曰節烈無雙

庠生李之顛妻郭氏貢生郭巖城女年十九適之

顛相夫子敬奉翁姑姑林氏遘疾醫藥祈禱竭

盡心力姑疾旋愈氏有五子煥唐早遊州庠雍

正十三年苗叛之顛舉家避於老鼠關山莊莊

苗潛引賊入翁姑與夫皆被害氏大呼罵賊撞

石死其女二姑年十五亦隨母撞死煥唐兄弟

以出外賸賊免乾隆三年總督張廣泗題旌

解聖中繼妻楊氏雍正乙卯苗變聖中挈家居於

小壩為苗所執不屈顧孫媳陳氏勉以同死母

受辱與孫能良孫媳陳氏子女五人皆被害

魏紹堯妻時氏雍正十三年苗叛紹堯父年八旬有餘且足疾氏二子俱幼與夫議負翁攜子暫避賊鋒數請於翁翁不許紹堯語氏曰翁不欲去吾將侍翁於此汝可攜二子逃避地方或可得生以延吾家一綫之嗣氏泣曰父子夫婦人之大倫子死父婦死夫一也夫既不忍舍我又豈忍逃且以一婦人攜二幼子以逃倘遇強暴雖生何以自立寧生死相聚耳及賊勢迫近乃共舁翁奔至金鳳山馬槽碕中數日苗至氏恐被辱先再拜辭翁及夫即踴身墜巖而死夫奮力救父不獲與二子俱被害

張縉妻長氏子張兆舉妻盧氏縉前官平遠學正罷歸病痺盧氏佐兆舉治湯藥久而不倦值苗叛縉以官受國恩卒不逃難兆舉既先給兄子初元往營所居食後遺氏奉母攜子女以行獨留衛父長氏盧氏同聲答曰子不可舍父妻獨可舍夫乎且以兩婦人攜幼穉走安能保不辱辱而死晚矣死生有命當不生寧相守俱死耳已而苗至兆舉拒門格鬪死縉遂遇害長

氏盧氏開戶舉火並子女俱焚死

張問德妻彭氏崇禎中問德官昌平知州軍事旁  
午民苦供輸廉俸所入不足資僱募之費氏悉  
典衣飾以佐之甘淡泊操作如貧家婦順治丁  
亥藍賊破黃平問德偕弟問謨率丁壯出禦氏  
開戶投繯死補遺

傅億妻謝氏甕安人億字寓舟江西金谿諸生明  
季遊幕采黔遂娶氏而家焉生二子而卒氏誓  
志撫子及子佑商年十六歸金谿省墳墓次子  
受商甫四齡值孫可望入黔放兵畧地市井無

黃平州志

卷八 貞烈

四  
六十五

賴亦藉勢劫掠氏攜二婢一義子與鄉人避兵  
黃平潘家寨山中亂兵突至氏足病不能急走  
命義子劉二負受商逸去坐山半謂兩婢速避  
曰賊將近倘我為所及死晚矣遂以刮麻刀自  
刎婢亦從死賊至驚嘆而去佑商歸至海關警  
奔至氏死已六日面如生棺斂未葬明監紀與  
億舊識入山弔唁謂其地吉出貲購之闢荆棘  
登而葬焉子孫世為甕安紳士

貞女

黃邑龍溪有貞孝者處士張榮封之女也行年六十有二年未及笄端莊柔順凜然以名節自持及父病篤女常在床褥侍奉湯藥未嘗廢離伊父日以老母年高繼母多病三子尚幼無人事畜為慮貞女愉意承志遂誓心不字秉義撫孤伊父不勝喜懼交集已而瞑目九原也時貞女年方廿二獨理喪事盡禮盡哀越數年祖母繼母漸次而亡治喪亦如之無少間至若重節儉勤紡績持家有道婚姻以時其大概也最難者

黃平州志

卷八 貞女補

一  
六

三十餘年杜門不出都人士悉為深知且量入為出延師課讀旬日必叩其學業督訓甚嚴能明大義亦閨中之不可多得也

賢淑

昔人云願為良臣不願為忠臣愚謂不第為人臣也即為人婦亦然化行俗美家室和平願為賢淑不願為節烈以節烈固門內不幸事也近世史志列女止載節烈而賢淑不概見毋亦以節烈易知而賢淑難稽耶黃平數百年來豈無賢淑然無可徵考僅就見聞確實者列為一編以昭壺範焉

國朝

曹維寧妻王氏庠生三錫長女年十六適曹為繼

黃平州志

卷八 賢淑

一  
七

室生子掄彬家貧備極荼苦撫子成立由翰林出為知府氏兩膺

榮封其淑行見進士王樸詩中

黃文宣妻王氏性淑孝姑馮氏染疾日侍湯藥數月不倦後生一女八子女讀書能文適朱定元封夫人八子皆教育成名年九十九而終

王樸妻陳氏訓導陳天寵女歸樸時翁遠館繼姑曹性嚴急食飲問對偶不當意輒訶之怒甚則捶楚每黎明即呼起赴山採薪覓菜樸時已為名諸生恆偕之往母知則又謂氏諉夫廢學業

皆婉婉自引咎承以愉色猶以為玩已擯舉鄉薦赴禮部試氏猶躬作苦及官石阡教授成進士選嘉定令氏皆留家侍養祿入悉奉母不私一錢姑稍慰姑卒盡哀禮終無怨言生三女皆配州中名士三十未舉子勸夫廣姬侍後生五子愛如己出長為太學生餘皆登賢書文武進士各一氏以幼子焯貴 贈淑人

庠生戴天祐妻張氏處士國楨女少穎慧好讀史性莊儉寡言笑適天祐家頗裕而紡績之業至老不廢姑老失明出入必親扶供饌必親治未

黃平州志

卷八 賢淑

三二  
六八

嘗使人攝輿夫志趣雅合凡憫孤恤困相勸為之或脫簪珥以助生四子教之不姑息夜紡字讀漏盡無倦咕嗶偶間則曰爾忘母相待之勞耶子學皆成夫始卒後俱列科貢猶以學行勗之交遊過從賢則為治具否則呼子責以讀親戚子弟咸敬畏有越行恐為戴母知也夫子俱有傳

黃如瑛妻周氏敬翁姑和妯娌慎言語勤紡績相夫教子克敬克勤端莊淑慎甘淡泊而周貧乏里中欽之子五人世平世任世錦世簡開泰皆

遵母訓開泰入州庠

陳以縉妻張氏性淑慧通詩書縉以家貧出館翁姑多病雖娣姒以班在侍而縫綻浣濯烹飪之事氏必躬親之縉居官廉歸無餘貲而族子及親友子弟貧者猶仰食氏勤儉以佐焉縉卒時二子已成名朝夕視膳必以先賢行事為勗教三女皆有士行年八十九卒其弟孝廉也明題其墓有地下千秋仍舉案伯鸞夫婦共佳城之句人比之蔡邕作郭太碑無愧色云

陳之穎妻王氏進士標第三女性誠孝年四十之

黃平州志

卷八 賢淑

三  
六九

穎未有子而弟妻石氏卒遺子仲傳甫一歲氏勸夫撫為嗣逾年夫卒氏朝夕訓課後仲傳為諸生氏以哭喪明時姑張氏猶存晨夕必命仲傳扶掖定省不以病缺婦職也妾某氏不知何許人之穎無子氏勸之納妾一年而之穎卒氏遣之嫁曰官人黔中名士何致使所愛事他人且主母能容妾於夫在之時顧不能容妾於夫亡之後乎乃已自是長齋事佛年五十餘而卒

王上士妻余氏副使懋學孫女生長富貴夫家貧氏始歸即操作勤儉以奉姑夫遊幕粵西值乙



卯苗叛氏攜子女出避時夫姪孝道孤幼養母  
二姊家無斗筲氏出己資給之亂定而孝道母  
卒復為之營葬撫育而婚嫁焉有鄰媪孤子吳  
士華者聘室為豪右奪氏脫簪珥資媪申訴得  
直復助其婚娶具知禮好施類如此夫恆遠客  
氏遣二子就傅旬日歸省必叩其學業督訓甚  
嚴子孝智為州庠生孝正乾隆乙酉舉人

王覺士妻李氏武舉先芳女孝廉光緒之妹也覺  
士太學生翁武舉槐晚病目藥餌飲食必親奉  
夫伯嫂馮孀居姑秦頗薄之而厚於氏婉轉調

黃平州志 卷八 賢淑

四 七十

護居翁姑喪哀禮備至夫與長次子相繼卒撫  
二孺子一女與冢婦胡撫孤孫婦姑共茶苦相  
勸勉後鄉人議請 旌氏曰吾夫卒時年過三  
十無旌例若隱年就例是使子孫欺

朝廷也教子女愛必以勞言動悉以禮法家雖貧  
稚子應門老婢傳命內外凜然年七十五卒三  
子萬里武庠生孫杰遠庠生餘習儒業

王崇德妻張氏年十四歸崇德善事翁姑姑屢病  
躬親藥餌願以身代姑卒翁繼娶楊氏孝敬如  
初持家不憚辛勤和妯娌無間言生三子仁表

仁育仁海俱入州庠孫錫祺亦庠生年八十五終

鄔希聖繼妻楊氏州士族希聖妻劉早卒遺子起龍及一女皆幼而翁姑衰老楊孝慈備至甘旨婚嫁半出紡織之勤起龍生子昇家貧不能就學恆減衣茹苦以資之及昇補博士弟子員希聖率子孫稱謝曰饑寒溝壑中留此一脉書香吾祖父子孫當世世感之也既而希聖及子婦相繼卒昇授徒鄉里楊旬日必至其塾以誤人子弟荒己學行為戒偶歸省率孫婦以織伴讀

黃平州志

卷八 賢淑

五十一

機聲書聲常達子夜昇中庚午舉人辛未成進士分發知縣以祖母老請近省得四川營山令迎養在署遇

覃恩封太孺人食不兼味衣不重帛率孫婦紡織曰吾家故貧賤毋以官忘素業且傷廉也營山產木棉而民間不知紡織至是皆勸為之昇移疾歸起雲南恩安數年楊屆百齡奉

勅建坊旌表曰貞壽之門並賜銀緞昇旋請終養歸踰二年楊始卒年百有二歲

鄔起龍妻余氏父母早卒年未笄即歸鄔而起龍

繼母楊治家嚴余婉婉順從得其懽心家貧無  
僕婢生子昇昱乳哺之餘祖母輒分提負督以  
紡織而井臼炊爨皆余獨任歷三十年幾無一  
息暇子朝夕就塾必勉之曰祖父母省甘旨衣  
服之資以資汝學宜思樹立以慰也起龍卒時  
余年三十二兄弟以其勤苦議欲奪其志余以  
死自誓翁卒奉姑撫孤垂十年積勞寢疾慨然  
曰吾兒學業有成不負吾姑吾亦可下報夫子  
矣卒年五十後子昇以進士官成都知縣封孺  
王偉士妻張氏以子孝鏞官封事詳墓誌見藝文

黃平州志

卷八

賢淑

六  
七十三

鄔昇妻何氏少事父母以孝聞歸昇時祖父母皆  
在就養承歡無間言後事兩世孀姑飲冰茹蘗  
中恆賴婦順以相慰及姑余卒繼祖姑楊益老  
孝養益篤迨昇宦蜀歷繁劇何上奉祖姑下教  
諸子不以家事關昇慮而布衣蔬食勤紡織如  
未貴時嘗謂昇祖姑祿養固宜豐然翁姑在時  
家貧養薄奈何厚妻子之奉以傷君孝昇後宦  
雲南以繼祖母百齡終養歸孫曾男女羅膝下  
婢妾供頤指而祖姑寢膳皆何躬自奉持夫弟  
昱早卒何迎昱妻陳氏與共居飲食衣服勞逸

必偕族姻貧乏者恆賴調恤年六十七卒子四人詳具昇傳

王賦妻田氏歲貢田豐女年十六歸賦翁姑老病善事之賦因家貧遠出為藩司吏氏勤紡績以佐食數十年不倦翁姑繼卒多方措辦喪葬不累諸叔及賦老歸卒氏盡斥微產供喪葬以針指終餘年鄉人為之流涕

彭元瑜妻石氏夫卒子漢業儒家貧紡績以供館穀漢苦學未售有孫德彰勤訓課以慰母後入庠氏生平樂善孝慈備至宗戚欽其賢淑今年

黃平州志

卷八 賢淑

七十五

八十有五

陳斯瑄妻戴氏年十七歸斯瑄敬事翁姑和妯娌翁姑咸愛重之析居時僅薄田四畝氏助夫教子以耕讀為務子國英國相國佐英佐為州庠生夫卒後持家勤儉雖老猶紡績以率子婦年七十五教子訓孫日勤不倦子婦具甘旨輕煖之奉輒省積以助善事施困乏焉

周雱世妻王氏進士大理評事偉士次女少端穎聞諸兄弟誦書即解大義歸周翁姑早世家徒四壁氏斥華麗躬操作相夫以勤儉每歸寧母

憂其困乏輒自言用頗給恐傷母心也母多病家相去不數里必趨歸侍藥餌俟愈乃去母病篤氏晨夕焚香籲天求以身代兄孝鐸為作孝女傳子頤年為院吏以軍功授從九品職銜蕭之瑜妻楊氏康熙末歸之瑜相夫以勤儉持其家睦于鄉隣敦于宗族人皆稱其內助之賢及晚年教諸子亦然又翕然稱賢母焉壽而彌康年八十子友韶州庠生

戴聖功妻陳氏孝事翁姑乾隆乙卯苗叛姑羅抱病氏夜則奉湯藥日則與夫更遞襁負避至江

黃平州志

卷八 賢淑

七十四

外得免其難及姑病故夫婦雖羈旅異鄉而衣衾棺槨無不堅緻亂定後翁繼娶姑金氏氏孝敬如初至翁姑並故夫亦卒子有璋氏課讀辛勤勤儉持家孫七長光廷次元芳光朝俱庠生林世隆妻王氏親鄰睦族人稱善焉子德茂庠生丁大光妻金氏大光州庠生氏性純靜善事翁姑姑老且病起居飲食必躬扶持進湯藥未嘗安寢冢婦楊督內政事必稟而行翁姑歿哀毀盡禮及析爨家不逾中人而好施與親鄰貧苦恆周恤之屢生不育適太翁鋪天星橋圮勸夫捐

數百金重修晚年生子占魁夫卒教之嚴未嘗姑息今為州庠生

廖復妻王氏自幼寡言笑樂淡樸父純士早卒雍正乙卯苗叛氏甫十餘歲扶老母負弱弟避餘慶之琵琶山採蕨以食後歸復復之先由餘慶遷州之二莊復雖餘慶庠生實州人也氏相夫事二親養葬盡禮復卒教子以義治家以禮年八十餘四世一堂內外齊一子希舜餘慶廩膳生學博李懋思為之傳

王孚禮妻李氏生三子七女常乳孤姪撫如己子

黃平州志

卷八 賢淑

九  
七十五

乙卯苗叛抱少子負姪走避備歷艱辛夫卒後教子皆成立長子德遠為州廩生諸女皆適士族孫曾濟濟年九十餘

文祚昌妻周氏貢生周昊次女歸祚昌事孀姑張氏勉夫力學補增廣生氏克勤家事有淑孝聲生子一治新女三皆適士族年七十七卒

王新邦妻劉氏孝養翁姑生子家鼎家祥夫兄庠生寧邦妻張氏俱歿遺姪家位僅七月氏撫如親生成立婚配所積家產均分人稱羨之年七十五卒孫萬春國學生

何宗應妻孫氏夫卒子騰輝僅十歲未能襲職氏代理土司事六年內育孤兒外撫苗衆人心帖服鬚眉男子或未能及也州牧高亟稱其賢能田惟福妻容氏惟福父秩患痺不能步履氏佐福奉湯藥誠敬不解福中年無子欲納妾父止之曰媳大孝非無子者吾身後即送子來矣後生子名昌年為州庠生

朱文龍妻周氏庠生學渾女巡撫定元之冢婦也歸文龍即奉祖翁就養翁往陽道署雍正末黔中苗叛後祖翁命文龍夫婦隨侍旋里修葺墳

黃平州志

卷八 賢淑

十一  
七十六

墓飲食甘脆氏必親之祖翁卒於里而翁以往陽道留河工棺衾宅兆氏助夫竭力皆合於禮及翁終制歷遷至山東巡撫丁內憂回里治葬建

勅書樓修北門橋造貴人峯諸凡鉅製文龍奉命成之氏主中饋內外食指千計加以賓客往來未嘗言勞遺悞文龍以州同試用雲南氏與俱自晉寧移永順卒於官時長子絃僅十一四子緯生未匝月氏扶襯歸葬翁自內閣謁病歸念冢嗣早逝時爽然不樂氏訓子慰親俾忘其悲及

翁姑相繼謝世盡禮盡哀延師教子紱紳纓緯  
俱庠生次子紳出繼仲氏文彬氏孀居五十二  
年年八十一治家嚴而有法體恤臧獲故能集  
事而無怨言寡言笑善女紅至老猶績責而能  
勤富而能儉尤足多云紱加捐監生改名國珍  
貢生孫元和妻石氏年十八歸元和孝養翁姑敬  
相夫子姑沒翁娶繼姑翁旋卒善事繼姑無間  
言年三十喪產不育勸夫納側室不允再三言  
乃納張氏舉一子夫卒氏操主家政協和側室  
上奉八旬老姑竭力營葬下撫六尺幼子善教

黃平州志

卷八 賢淑

十一  
七

成名內安外睦人稱賢德焉

楊宗相妻石氏年十五于歸翁已逝姑聶氏孀居  
祖翁姑俱存家道維艱夫往來各省奔馳貿易  
兩代甘旨俱氏支持竭力奉養及祖翁姑孀姑  
繼逝相夫盡哀盡禮戚隣欽仰之夫卒訓子如  
錦入州庠長孫作新增廣生氏年八十有五  
明賢淑補遺

王民淳妻馬氏明保定通判金谿令宗周之母性

至孝王氏祖塋後有水田患浸灌翁家貧無如

何氏從姑拜掃聞翁與夫言此遂盡出簪餌買



其田拋荒以培之事翁姑孝養數十年如一日  
以子貴封太安人

王宗周繼妻許氏鉛山人宗周令金谿妻張氏卒  
娶許氏及罷官而國變道梗阻不能歸數年卒  
於谿二子阻隔黔中氏竭力斂殯時年未四十  
母家欲奪其志不從守墓三年子賜綬來奔喪  
道仍梗又踰四年孫槐生又六年綬始奉喪歸  
而資斧缺氏仍與槐及槐母張氏留谿又十九  
年始得歸至洪江而卒年七十二矣

武舉王槐母張氏江西金谿人夫賜綬從父官金

黃平州志

卷八 賢淑

十一  
七

谿官罷時值國變僑居數年繼母許多病繼妻  
張氏阻隔在黔乃娶氏以代中饋及綬首墓黔  
中而翁卒氏與繼姑許盡心斂殯奉許無畧刻  
離踰年綬始聞耗奔喪道復梗復留四年生子  
槐又六年乃奉柩歸以資費艱上奉病姑下撫  
稚子紡績織絰以供衣食槐少長命之學且買  
愛勞並至既聞綬繼妻張生子檀而卒遙愛憐  
之每祈祝必先禱而後槐又十九年始歸年六  
十一卒槐後中康熙己卯武舉

田佳秩妻王氏年十八于歸逾十年夫故翁姑尚

存子國寶尚少養葬代盡子職教國寶耕讀克勤今年踰七十康健不衰人欽賢孝云

賢淑補遺

王登第妻張氏有容德年三十未有子勸夫納妾生子挺等四人人皆賢之

王槐繼妻秦氏事繼姑曹撫前室子煥堂有孝慈稱槐卧病焚香露禱槐瘥而曹復病卒湯藥含斂極盡勤慎夫弟櫻有詩紀其事生子覺士國學生

張于麟妻李氏庠生李傑女性端靜麟雖舊家父

黃平州志

卷八

賢淑補

十三  
七十九

卒母嫁來贅于李衣食學買皆惟婦家是賴氏事夫敬順未嘗以有挾而驕以勤儉佐夫家稍裕生八子五女中年夫病中風家事悉氏經紀逾八年夫卒兒女婚嫁始半氏撫教幼子皆成立女適士族可謂能代終者五子梓選拔貢以母老不忍離氏促之赴都曰吾與爾父所望于爾者不止此也梓官粵西氏始卒贈安人

增生韓試妻張氏性溫謹慎言笑既于歸孝事翁

姑和睦娣姒勤於紡績佐夫成名生二子雍正乙卯苗叛夫曰事勢至此忠孝不能兩全我死

死守城爾攜子外避以存宗祀氏不得已避居  
遠鄉及試殉難氏訓長子德壽食廩膠庠無嗣  
而卒次子德永婚後復亡遺孤孫啟泰方七歲  
德永妻胡氏亦矢志奉姑同撫幼子成立入節  
孝傳啟泰援例授九品職張氏年八十三而卒  
賢淑之聲內外無間

庠生周學翰妻王氏樞長女端莊柔順適周後鷄  
窗伴讀有大家遺矩事姑承顏順志乙卯苗變  
值夫遠出力疾掖姑以行姑餵剪髮易食以進  
姑慰曰爾如是天必有以報爾矣子杰世端方

黃平州志

卷八 賢淑補

十四  
八十

正直樂善好施杰妻楊能繼賢聲亦以氏之事  
姑者事氏長孫卜年乾隆庚子科舉人人以為  
孝德之報云

舉人王彬士妻張氏庠生鄉飲賓于明女武舉大  
勇萬年庠生攀龍應貢孝春之母于歸後事翁  
姑以孝稱雍正乙卯翁樞已去官歸林下值苗  
叛彬士時尚未仕與兄弟奉親挈家避亂於遵  
義孀姑陳氏病氏朝夕扶持治藥餌不稍懈已  
而病益篤氏焚香露禱割臂和藥以進得少甦  
踰數日乃卒翁作孝媳詩贊之及彬士為修文

教諭卒於官後四子皆列庠序兩舉武科人以  
為賢母之訓云

沈宏學妻章氏孝廉守頤之妹舉人榮宗之姑也  
年二十歸沈事翁姑生死克孝生三子而夫卒  
家素封氏治家事馭僕婢皆有法度宗族姻黨  
貧者率賑貸捐修闕廟刊沈族墓碑數十通不  
少吝初諸子怠不務學氏嚴督之遣就夫從弟  
貢生宏任學學皆成長子鍾瑋試不售以弟既  
入庠遂不復應試次子毓靈久有聲庠序稍間  
於學母猶跪而訓之後中乾隆癸卯舉人三子

黃平州志

卷八

賢淑補

十一

鍾瑾早卒孫十人德馨德成德銜皆庠生

周學瑩妻丁氏繼妻曾氏丁氏孝事孀姑佐夫成  
學卒遺子三曾撫如己出時姑蕭年近八旬承  
顏順志克盡婦職學瑩卸任羈旅蒼梧蕭病年  
餘曾寢食與依親調藥餌刻不暫釋及歸里學  
瑩授徒外出曾以母兼父道支持衣食之暇訓  
子課孫學皆有成生三子年七十八以夫貴封  
孺人

陳其謨妻王氏夫卒時年三十二家貧氏日操井  
臼夜勤紡績以事翁姑甘旨無缺撫子大榮國

王成立為布政司掾皆授從九品職銜家漸裕  
性慈善好周濟閭里多稱其惠孫璉璵皆州增  
生卒年八十有六

張之秀妻王氏少許字之秀而父母俱卒年甫十  
二翁姑撫之成婚後生子汝光及翁姑卒夫亦  
繼逝氏克盡哀禮撫教汝光為州庠生之秀武  
岡知州鳳翔曾孫君任之孫景之子也

舉人王孚正妻張氏有賢稱事詳墓誌見藝文

庠生蔣如昂妻張氏年二十餘歸蔣值夫病刲股  
療之而愈及夫卒氏年四十忍饑茹蔬課子學

黃平州志

卷八 賢淑補

十六

十三

業紡績以佐饗餼鍼指以供賓客族戚咸稱賢  
淑焉子廷瑤州庠生

劉士程母陳氏年十九歸夫琬西家極貧歷年遠  
買姑老而翁多病氏躬操作持門戶凡井臼烹  
飪縫紉澣濯扶持寢興皆獨任之又以女工易  
甘旨無頃刻暇鄰居火人皆走避翁病不能興  
氏冒死入負之而火旋熄人以為有神護也復  
能撫幼子睦娣姒卹鄰里以順親志翁姑卒竭  
力治喪葬夫歸謂能以婦道代子職深敬重之  
年四十卒繼室何氏生士徐士印皆習儒業與

士程友愛無間而家近稍裕咸追念氏之力焉  
張希必妻李氏庠生廷杖女温惠和婉寡言笑必  
為撫署掾氏謹飭門戶親操井臼孝養翁姑延  
師教二子和妯娌調貧乏人皆稱賢子起芝州  
庠生起元增廣生

林大坤妻張氏大坤教諭熊第五子于歸時翁姑  
皆老祖母尚存兩代承歡克盡愛敬翁卒繼姑  
久病飲食寢興不稍假於奴婢旦暮辛勤歷二  
十年如一日夫故遺二子撫教備至乾隆丁未  
歲饑氏先出粟濟就食者兩月州人因而施粥

黃平州志

卷八 賢淑補

十七  
十三

子元朝佐皆庠生

張綦妻周氏年二十餘歸張克盡婦道越十年生  
子若淵三歲而綦卒氏持家勤儉撫子稍長延  
師訓課為州庠生

胡行超妻楊氏于歸二年餘夫即外出不歸家有  
孀母一子成友生僅數月閱歲夫弟又死亦遺  
一子而娣改適氏奉姑撫二稚子早夜勤勞家  
貧歲歉藜藿不充數十年未嘗一日飽暖終無  
怨言

王國英妻蕭氏乾隆中歸國英翁姑老且病克盡

孝養及立葬祭如禮國英卒遺子文郁甫二歲  
撫育成立年七十歲

毛大元妻蕭氏年及笄歸毛孝養翁姑姑病氏割  
臂肉療之及夫大元有疾亦然俱獲痊愈生平  
夫妻好善樂施如賓如友其孝義人咸服焉今  
現年俱六十八歲

丁崇仁之妻戴氏年十六歸丁生子三崇仁歿氏  
年三十五翁娶繼姑皮氏生三子氏家貧日則  
身理耕務夜勤紡織翁姑之養葬俱以媳代子  
職不以諉之諸叔撫子俱已成立鄉人咸稱其

## 黃平州志

### 卷八 賢淑補

十八  
古

賢孝現年七十歲

何騰輝妻孫氏少多病歸騰輝數年未有所出遂  
勸夫納妾騰輝篤伉儷勿許力請乃允及妾生  
子愛如己出子旋夭謂子出多母復請納妾逮  
下皆有恩禮騰輝卒氏痛不欲生念夫為巖門  
司世職而曾祖以下無周親以宗嗣之重撫騰  
輝三從兄夢占子煥為後撫教勤懇鄉黨重之  
陳天眷妻張氏庠生眾瞻女夫遠買不歸氏順事

翁姑無怨言翁卒姑以子存亡不測遣之嫁誓  
死靡他撫女長適士族氏甘冰蘖年五十矣

周齊濂妻狄氏幽閒貞靜有大姑遺矩齊濂官四  
川塾江子廷英廷枚氏恐世宦習為紈袴不令  
隨侍鄉居延師課讀後二子俱以文名顯卒年  
四十有八

周杰世妻楊氏殉難楊士蘭女賢淑至性適杰時  
舅姑已逝值家窘杰外出經營有叔一姑三俱  
幼氏提携保護婚姻以時子卜年入奉母儀出  
就外傅雖嚴冬不令回乾隆庚子科卜年得列  
賢書半由造就佐杰治家井井有條今年七十  
有三操持如故精神不衰州人頌其額曰淑德

黃平州志

卷八 賢淑補

十九  
八十五

延齡

劉朱氏漢芳之妻孝廉奇揚奇萬之母也劉漢芳  
楚人家貧來黃貿易遂家焉竭力內助氏勸其  
夫迎老母就養一切甘旨俱氏仔肩及姑病篤  
氏割股以醫之克勤克儉家漸豐漢芳性樂行  
善修橋買義塚遇饑寒曲為調之施粥賑饑皆  
氏一一助之漢芳故後樂施之性老而愈篤二  
子俱中武舉已受四品

榮封現年八十二歲州人咸欽其賢積福所致云



典吏王廷玉妻盧氏拔貢盧可宗孤女年十八歸  
廷玉克盡婦道得翁姑歡嘉慶癸酉廷玉就舅  
父張鑑思南學署肄業是年歲饑日食維艱姑  
又病腹經久不愈暑天荒月氏家竈默禱割左  
臂肉和藥煎湯以進姑病尋愈因體弱不育為  
廷玉置妾撫諸姪以慰其志族黨賢之

羅宗賢妻李氏年二十八宗賢歿子芸方襁褓家  
窘甚氏堅貞自矢藜藿充饑經盤錯而志不移  
卒能撫孤成立年七十五而歿

黃平州志

卷八 賢淑補

黃平州志卷九

藝文志

自十體六義垂之為經後世藝文皆昉焉然書以道政詩以陳風故虞帝傳心周王訪範祇因事而載其言而文周繫易別有成編三百篇正變不同皆有關於政事風俗者不則概從刪逸矣纂言固有體也降及後世龍門傳賈傳錄弔湘賦鵬之篇為合傳故明其與古人埒也班書則并載政事疏以特傳故見其為當世才也非此類也則豈容取夫人之著作而盡收之哉志以志地故文之關於沿革利弊山水人物者錄之大體亦必歸於雅馴若人有專集與夫唱和流傳之作皆不錄蓋志地非選文也

黃平州志

卷九 藝文

藝文上

貴州守勦議

明于謙

正統中尚書王驥征麓川黔兵悉行諸苗遂叛驥還  
討旋以病歸邛水苗陷思州草塘苗陷石阡平越黃  
平思南候璉代驥駐師雲南遠不及討景泰元年命  
保定伯梁瑄督勦未至朝議推貴撫無敢往者侍郎  
何文淵言貴州難守請撤布按以下官吏仍以宣慰  
司管屬土人都司都指揮鈐束軍衛叅議唯唯謙為  
兵部尚書獨持不可因上議云

貴州之設太祖高皇帝開創于前成祖文皇帝經營

黃平州志

卷九 議

二一

於後迄今將百年矣法制已定勢無可更比來邊將  
處置乖方加以征南之師數出遂致賊寇竊發勞師  
遠征然且一年之間各城雖被圍官將死守未之稍  
變今總督總兵等官初未嘗言此地可棄其請兵請  
餉亦未嘗言此地難與守也夫土地者祖宗之土地  
人民者祖宗之人民萬一缺軼猶宜補救今堂堂布  
按盡轄其地小有枝梧動言棄擲日蹙百里伊誰之  
咎文淵曾奉使貴州備諳山川險易夷情向背宜量  
予陞職給勅以往令相度形勢便宜行事至賞賜銀  
幣即就彼官庫支給不必京師運發

黃平州新城記

明黃輝

天子所不得已於播者蓋黃平是視黃平靜不得已於仁黃平圍不得已於義義楮播仁民夷咸御史大夫郭公功公曰重哉黃平夷漢二維茲堦夷漢一維茲穀城黃平城三邑五司已乃新州治命堂曰來遠築石城一千三百丈有奇高一丈有六尺門東西南北皆命曰平命南樓曰七星以拱山故城相東七里谷鑿洞而礮之命之曰靖黎東關益壯開上塘鋪遞以給府城疏古礮翁播以通商艘州遂雄視黔中民肖公像於舊治祠焉州境奠山環河古稱樂源郡宋

黃平州志

卷九記

三一

元改黃平元帥府唐以來領於撫使以五土司屬明興隸屬重慶而守禦以黔千戶所揚首叛首嬰黃平土墼數尺老苗象數萬去孰為乎以險險者播既平所要害倍黔黃平五土司之外無尺寸嗚呼金湯無形形以金湯守之者知郭公意乎仁而義之夷而民之小得己己之小不得已不已也以無使莫邪於志可常為天子席此土矣是役也費餉可六千金工始萬歷壬寅孟冬癸卯秋直指畢公勘竣事曰完以堅往復相度則參政尤公錫類副使管平越府事劉公冠南董工贊役則同知楊可陶副總兵陳寅標下中

軍官署都指揮僉事劉岳旗牌官王宏業知州曹進  
可同知沈玠判官胡承勲吏目楊大棟印捕官李朝  
陽褚綬孫敏千百戶張嘉猷薛應時朱霞韓紹縉林  
藻江惟清婁拱張權土官羅袍楊位楊開運張體乾  
馮國瑞勤勞有差進可屬余為之記

興隆衛學丁祭碑記

周 瑛

聖人之道載諸六經垂憲萬世故大成之殿自京師  
暨天下無處不建二丁之祭自天子至郡邑守長通  
得祀而遍天下韓子豈欺我哉粵稽古興隆在荒服  
外昔鬼方狼洞之域未通中國及我太祖高皇帝奄

黃平州志

卷九 記

四二

有天下四夷咸賓洪武己巳昉置衛而人始知耕守  
之事永樂癸巳昉於貴州置藩臬司設郡縣建學校  
而人始知詩書之習宣德八年甲寅昉於各衛建學  
興隆始有焉初設弟子未有博士擇粗通教誨者領  
之正統癸亥首除訓導江津余師琛來教於茲景泰  
庚午得破天荒登科者柳子謂仲尼之道與王化遠  
邁豈誣也哉惜乎丁祭止於釋菜揆之故典似非厚  
也成化戊子巡按御史許州王公墳按臨謁廟知祀  
典薄迺勸富家得白金一十六兩具案發學權其子  
母歲以助祭始得羊一豕一較定飭重醴帛之類皆

具端數公之知能急先務矣歲癸巳分巡僉事淳安  
吳公倬克紹其美迺以區畫白金九十九兩具簿發  
學置本取息雖名師生燈油之資考試科貢之費遇  
祭有不給能忍吝不以助乎公之知能有在矣弘治  
戊申秋八月巡按御史桂林包公裕下車適逢丁祭  
行事畢喟然嘆曰夫子萬代帝王之師祭不腆可乎  
詢得城北隅隙地平曠可以墾田遂允視篆指揮狄  
侯儒申狀僦工役闢土壤為田四大坵度七畝召力  
田耕歲獲禾百秤足舂白粳一十五石有奇永供釋  
奠之禮公之知能兼二公而有矣庚戌春二月丁亥

黃平州志

卷九 記

五三

職方主事麻城李公文祥謫官經歷攝學事先期治  
祀具羊二豕六粢盛醴帛籩豆簋簠新增十二事遵  
憲宗成命也祭之日詣執事周旋中禮諸獻官北面  
跪祭進退誠敬禮如親弟子者孔子巍然袞冕南面  
而坐以王者當之羣賢以爵配享其禮無以尚矣園  
橋門而望者嘆羨百年來僅見此耳在泮諸生慕聖  
人在天之靈駸駸嚮學感諸公作興之雅請予記於  
戲聖道同天地悠久維綱常而已朝廷重祭祀所以  
重聖道也重聖道所以重綱常也為師者知所以教  
為弟子者知所以學事親必孝事君必忠夫婦別長

幼序朋友信倫理明風俗厚庶不負聖天子崇儒重道養賢圖治之盛心也若或吝於用而忽於祀不惟戾諸公之德而違聖道之大不亦遠乎哉故為刻石廟門垂休於不泯

興隆衛科貢題名碑記

李文祥

興隆建學古未始有聞也貴州志稱邑為狼洞歷代罔收臣其沿革無傳焉暨我明洪武己巳始開衛建官蓋已貢其土而呈其人矣又三十有四年為宣德甲寅始開學招生徒蓋庶且教之矣然時領其事者祇論於鄉而拔焉猶未始有官也又數十年為正統

黃平州志

卷九 記

六四

癸亥始設官分篆而生徒日益衆盛於是人物浸備始赫然與中州並矣未幾今廣西右布政使周公瑛遂以春秋領庚午鄉薦登甲戌進士第而戊子則朱公玉羅公璿同發己酉則公子希默也凡三人其貢士登名胄監然後人知學士之貴狄公瑄以迄於今凡十有二人科貢蟬聯衣冠委蛇視古昔殆將百一焉嗚呼地固若是其未改闢也民固若是其未改聚也而賢才之殊異乃如此亦獨何哉是固足以見國家變夷之治矣弘治二年予以罪謫興隆經歷會學員缺官遂得攝學事凡學中規制久已頽廢而諸科

貢士僅名氏於堂之右壁鐫裂塵蝕日就湮滅間有  
求其人而弗可得者予甚憫焉乃僦工鑿石一通高  
七尺五而廣殺三之一礮為四面畫為四區題曰進  
士曰舉人曰監生而次其名氏於本區內仍各虛其  
餘以待來者樹立於戟門之外且亭焉工畢衆遂乞  
予記昔周公之戒成王曰思皇多士生此王國王國  
克生維周之楨蓋言文王之所由興也康王之命畢  
公曰旌別淑慝表厥宅里彰善癉惡樹之風聲蓋言  
殷民之化不出於勸教則凡思佐王國而化頑冥者  
豈復有他道乎亦惟作人材明勸教而已矣故予之

黃平州志

卷九 記

七五

樹立斯石蓋以彰賢而明教也豈徒為斯名哉嗚呼  
名不易得也古昔人非有大功德於宗社則不得全  
石其名氏又有艱苦其行終身竟湮沒以幾一名氏  
而卒弗遂者名豈易得耶然則諸賢之勒名斯石者  
固宜益知所重而將來有志之士固宜益知所勸哉  
誠若是則知所以楨王國而率頑冥將於是乎賴也  
豈惟立石者之惠使或士焉而忘其名焉而忘其  
實祿位焉而怠其職與忠則古所謂庸人也己雖貴  
且富吾無取焉耳名以遠善亦以遠惡遠之而弗善  
焉孰與不遠哉諸賢當知辨於此矣謹記



學有宮有泮即諸侯泮宮之制也以三方有水形如半月半於辟雍故詩人頌魯侯有曰思樂泮水是也興隆為邊徼重地昔稱荒服外操弄干戈罕習禮儀肆我太祖高皇帝君臨萬邦始入幅員洪武己巳昉置衛漸被王化丕變士風殆與中州齒而學制尚未備宣德甲寅昉於各衛建學初設弟子未有博士正統癸亥首除訓導江津余師珍來教於茲其制漸備惜泮池猶未遑弘治庚戌前兵部職方清吏司主事李公文祥謫興隆衛經歷來守於茲因念夫有宮無

黃平州志

卷九 記

八六

池講學行禮何以節觀者乃謀諸寮案各裒清俸售工技於杏壇之前取泮水之法而鑿池焉欲其經久也則下甃以石欲其相稱也則上乘以橋欲其有水也則引夫泉水欲其薄采也則植夫芹藻於是冠帶縉紳之士鼓舞於園觀之時學之制始備焉經始於弘治辛亥三月丙子落成於壬子三月丁丑不愆期也遊泮師生請余為記嗚呼泮池古制也興學守職也余何言哉第期彼此進修毋忝所生為守者覩是池之制當求魯侯之賢俾人頌之可也為師者覩是池之芹當體天地成物之心造就人材可也為弟子

者觀是池之水則想夫濯纓之思油然而興也至若望爐峯而竊比東山則景仰之懷存諸想像也臨帶水而情殷洙泗則講習之忱勞我寤企也師若弟同得乎泮水之樂斯亦樂得所樂也嗚呼諸生果能於遊泮之暇上求堯舜禹湯文武之道次咀嚼左傳荀卿班固司馬遷揚雄劉向韓柳歐蘇之文斯遊不廢學則道德文章不及乎古人者幾希矣執事請勸諸石余有厚望多士勉旃

月潭寺記 從通志

王訓

貴與楚鄰封當兩疆之界曰東坡由道左入躋攀林麓僅百武許有飛巖倒懸巒岼巧怪垂珠滴乳盡態極奇若神蛟之駕秋雲鳴鳳之騫晴漢又如千乘萬騎浮空以馳仙子靈姝御風而下雖以五丁之力吳剛之技追而琢之不足以方其妙蓋天成也旁有崆峒還不可入而一清泉冷冷自半巖出奔流平野居人飲焉其佳勝無與為比惟在夷區古所弗治故轍蹟罕焉爰自皇明一統始制兵衛隸貴曰興隆隸楚曰偏橋而周道由之由是來往者得以觀遊間有學

黃平州志

卷九記

七

佛者結廬號普陀巖正統間遊僧德彬來營寺址名曰月潭時貴之都指揮使常智為衛興隆倡象募財首建正室中塑法像金碧麗美茂林修竹環擁芳翠遂有聞於四方余惟山川因人而顯宇內佳山水經品題而載輿志者固多若斯巖之美蓋千百而什一也

飛雲巖記

吳維嶽

興隆東行二十里有月潭寺寺左為巖榜曰飛雲距地百餘尺中虛而下散乳液融結紛詭珠狀豎者柱矗懸者珞綴揚者鳥勵突者獸躡躡級漫瞻斂衽徐

睇極意所愜遠洞豁舒而竇際清渠激注而前繞舊  
即巖麓稍右構樓攬轡脂轄者息而飲焉余聞武沅  
江澚溪而還春和晝熙停馭周覽惜於徑去而樓且  
向圯屬按察副使祁君清葺牖闢垣傍飭吏廨時偶  
成四詩手書於石而記其端貴州實殷周鬼方靡莫  
地秦漢以來間稱置郡羈縻未改草昧至我昭代開  
藩樹文武官吏始稱屏藩蠻序之鄉今檢圖誌錦巖  
珠壑秘洞靈淵所至有之若澄泉噴折匿見怪石巉  
屹林立在大都名區得其餘溜斷塊亦足以誇巧而  
競於人者雖周道往往是焉而茲巖之奇又最也當

黃平州志

卷九

記

十一

其湮翳於蠻烟寇莽中穆駿不馳騫節靡指蛇虺所  
穴豹虎所遊提兵拓疆之夫尚超超未嘗輕置足焉  
而今曰冠蓋以臨圖誌以載披霧覩天欣欣有遇矣  
然使生於大都名區則有力與好事者將營以萬金  
侈以象觀笙簧羈轂宵膏繼晷窮遊覽之盛而貴州  
遐壤雜夷中原士彥非膺命不蒞商旅非入滇不經  
其暇而遊遊而知賞者幾人也噫巖固幸而邁昌時  
出穢墟而為人所知即又不幸居於斯不能并大都  
名區巖洞泉石稱雄於世而為人所盡知耶

月潭寺公館記

王守仁

興隆之東有巖曰月潭壁立千仞簷垂數百尺其上  
瀕洞玲瓏浮者若雲霞亘者若虹霓豁若樓殿門闕  
懸若鼓鐘編磬幢纓珞若搏風之鵬翻隼翔鵠螭  
虺之糾蟠猱狔之駭攫譎奇變幻不可具狀而其下  
澄潭邃谷不測之洞環密回伏喬林秀木垂蔭蔽虧  
鳴瀑清溪停迴引映天下之山萃於雲貴連亘萬里  
際天無極行李之往來日攀援上下於窮巖絕壑之  
間雖雅有泉石之癖者一入雲貴之途莫不困踣煩  
厭非復夙好而惟至於茲巖之下則又皆灑然開豁  
心洗目醒雖庸儔俗侶素不知有山水之遊者亦皆

黃平州志

卷九 記

八  
十三

徘徊顧盼相與延戀而不忍去則茲巖之盛蓋不言  
可知矣巖界興隆偏橋之間各數十里行者至是皆  
憊困饑悴宜有休息之所而巖麓故有寺附巖之戍  
卒官吏與凡苗夷狉狉之種連屬而居者歲時令節  
皆於是焉釐祝寺漸蕪廢行禮無所憲副滇南朱君  
文瑞按部至是樂茲巖之勝憫行李之艱而從士民  
之請也乃捐貲備材新其寺於巖之右以為釐祝之  
所曰吾聞為民者順其心而趨之善今苗夷之人知  
有尊君親上之禮而憾於弗伸也吾從而利導之不  
亦可乎則又因寺之故材與址架樓三楹以為部使

者休息之館曰吾聞為政者因勢之所便而成之故事適而民逸今旅無所舍而使者之出師行百里餓不得食勞不得息吾圖其可久而兩利之不亦可乎使遊僧正觀任其勞指揮狄遠度其工千戶某某相其役遠近之施捨勤助者欣然而集不兩月而工告畢自是饑者有所炊勞者有所休遊觀者有所舍釐祝者有所瞻依以為竭忠効誠之地而茲巖之奇若增而益勝也正觀將記其事於石適余過而請焉予惟君子之政不必專於法要在宜於人君子之教不必泥於古要在入於善是舉也蓋得之矣况當法網嚴密之時象方喘息憂危動虞牽觸而乃能從容於山水泉石之好行其心之所不媿者而無求免於俗焉斯豈非見外之輕而中有定者能若是乎是誠不可以不志也已寺始於戍卒周齋公成於遊僧德彬治於指揮劉瑄常智李勝及其屬王威韓儉之徒至是凡三葺而公館之建則自今日始

偈後記

失名髯龍子

光明寶藏本來無相若罣一絲即成魔障幅巾秀才袈裟和尚汝自分別不關模樣譬如空花復結空果野狐自迷葛藤自縛經百千劫終無解脫永墮輪迴

難成正覺我證聖果惟一直心不涉思議不落聲聞  
孰為餓鬼孰為衆生悟卽是佛咸歸大乘堂堂萬古  
無量世尊

冷泉大雲寺舊有聖果亭予因公務止寺中三日人  
客旣退稍有餘暇時取佛書觀之乃卽有悟為聖果  
亭偈書之壁間以示僧衆若於此見得卽能具一隻  
眼若不解呵雖得多聞不成聖果如人說食終不能  
飽大酉髯龍題髯龍子書示聖果亭偈龍陽子曰是  
證聖果矣請登之石以示浩劫

重建寶相寺碑記

郭子章

黃平州志

卷九 記

十四

黃平故為千戶所城東里許有寶相寺為萬歲祝釐  
之宮逆龍匪茹歲稱兵窺所城余以萬歷己亥入黔  
命參將劉效節指揮徐登階李朝陽守備張鶴紳固  
壘共守之賊屢入寇諸君紓忠効策卒不能拔而寶  
相遭兵燹為瓦礫場矣播平余往勘黎苗黎靖余入  
黃平修築城垣闢靖黎硯建如是菴僧三空乃以復  
寶相寺請余始建經閣以倡之己士民布金粟修檀  
乃於故址重構紺宇外為門仍題曰寶相禪寺前為  
天王殿三楹崇二十尺中為佛殿廣五十尺修如之

崇二十四尺題曰大雄寶殿殿中題曰天子萬年為

上祝也。后為樓五楹，崇三十六尺，題曰華嚴樓。貯華嚴等經也。週圍築垣四百六十尺，厚三尺，共糜三百餘金。始事於萬歷丁未年九月，訖工於戊申年五月。工半而三空那維弟子性淨等勵力卒之，乃以落成。期來告且乞言於石以告其寺之后人。余讀阿彌陀經云：西方有佛曰寶相雲樓上人蓮池解之曰：寶相者相好殊特如寶尊貴，故鈔曰相好如寶者，佛有無量相。姑舉一二目相如經言八萬四千清淨寶目毫相如經言琉璃筒胸相如經言紫磨金肉髻相如經言甄叔迦皆所謂寶相也。推之則三十二相具黃金

黃平州志

卷九 記

十一  
十五

色放大光明皆寶相也。又推之各現本末具有八相。出家降魔成道說法以至涅槃皆寶相也。顧豈一朝夕所能就哉。如玉在璞不雕琢之則黽彩白虹之瑞不現如金在鑛不淘洗之則麟趾裹蹄之形不彰。始由業轉現三細而生有六種相名曰麤皆苦相也。繼為化度一切象生而諸象生以種種諸惡加我悉無。嗔恨有五種相名曰修忍則由苦相而入無我我所相也。故忍也者所以鋤其麤以入於細葆其光而成其寶也。非一朝一夕所就也。雖然此猶著也。經曰若心取相即為著無我相無人相無象生相無壽者相。



無法相亦無非法相是名無所著名無所著即無相是名金剛蓋金輪紺馬不足貴神珠玉女不足珍寶之寶也至於施金施田檀越姓氏及田畝具在碑陰

遊鼓臺山記

楊鳳翥

出東平門外越溪去則寶相寺也不越溪西折數武則馬苑也溪水從苑口透出春夏交搆石潑水以為灌田計秋冬石折水落苑中巖石坦如也儘堪坐卧其下流鶯曲水勝敵蘭亭其中積石百頭犬則如犀如象更有如虎豹虬螭者小則如蓋如瓦或斜欹欲墜或重疊玲瓏奇奇怪怪莫可名言右巖壁立千仞

黃平州志

卷九 記

十二  
十六

左則山石嶙峋令人踣踞摩弄不忍去當瀦水時往來有厲揭患僧人性祖募工開徑徑旁植桃花樹若干本春來紅花滿苑余呼為小桃源似矣徑盡處敞一坪所謂山之頭天門者此也由此而進多土田耕樵唱答下有磷磷韻以和之度溪山行草樹蒙茸非杖青藜不前也上至山腰開一隙地則后土祠也所謂山之第二天門者此也自苑口至此計有五里許至此必憇定而后下下石磴者千百十級下畢則攀榆柳過板橋紆迴而上需一時則抵茶亭三天門巍然也盥漱飲茶后復下石磴者數十步至凹處仰睇之

山則在雲霧中而路杳然矣從空鑿梯垂以鐵鍊者  
二共四十餘尺捫之始得上上畢則靈官殿也過此  
而松亭而梅鳩而竹徑元天門外別是一天進此登  
玉虛府陟空中樓推窗四眺身在五雲深處矣兩廊  
有舍舍各有室環山皆松柏竹木風起鉤鉤有聲疑  
欲捲此鼓臺去少頃則從殿外以觀井坐飲一巨碗  
澆澆作透骨狀呼童汲而烹之試以名山茶清泓味  
足香氣撲人惜鴻漸不及同啜也要之此山之奇不  
奇於形懸天半周遭如削而奇於絕頂孤峯上有此  
真象也天下名山亦多矣不無人工點綴之巧此山  
黃平州志

卷九 記

十三  
十七

如村谷中人不知致飾而一種率真自然之態令人  
可仰可親也登臨雖未盡興薄山紫靄不得不揖山  
靈歸歸至馬苑坦巖下乃同二三寮友暨明經胡太  
韶孝廉余存素呼盧浮白飲至月上始攜手進東平  
門時壬子年中秋后三日也

東坡義烈祠碑記

余懋學

播之役賴主上廟算御史大夫司馬郭公幄籌八道  
陳兵六月奏凱捷聞廷臣合辭頌上神武黜縉紳矜  
弁之士下及田夫野老黃童紅女拜司馬公枉席賜  
亦合辭誦公神武公曰憶不佞之節鉞從事於茲殫

鯨鯢築京觀以保此黔苦難有之雖然諸將士所戮力也何敢居露布草疏臚列諸將士斬馘捐殉狀議爵樹功者祠死義者於是東坡諸戰亡兵得次第舉祠祀先是播不道逆我顏行糾黔東九股苗為翼東坡以一如綫路扼其衝既募兵戍守苗日往來不得恣大恚憤因舉兵來寇勢甚猖獗衛城老稚旦夕惴恐無不相持泣下自分必墮虎口今少參梁公銓駐城中馳請幕府指自集衛三老策曰城腹心也東坡肘腋也肘腋誠急當援然勢且及城萬一援兵出賊乘虛襲攻城謂腹心何遂一意嚴城備士大夫弟子

黃平州志

卷九 記

十四

員而下與諸軍荷兜鍪持矛盾雜立于睥睨間自甲夜達曙無敢交目寢者東坡兵殊死戰以衆寡不敵竭力死戰賊屯三晝夜時時奔突已兵至城下偵知備嚴乃引去禮以死勤事者祀吊祭不至精魄何依吾師青螺先生檄治祠祀錄諸兵忠勤昭示方來存慰忠魂庇之寧宇俾無呼號於日寒草短月苦霜白間仁也祠而蒸之嘗之俎豆之報且與簪笏之榮同施不朽茲吾師意哉憶己亥冬滇值順寧之變予實身在軍時聞播賊寇東坡內顧在念不任怛怛憂久之聞賊退幸無恙則又不勝欣欣喜非倖也惟梁徐

兩公指奉謀斷守城而城完是以有今日井廬不改  
室家相保以東坡完興隆微司馬公密畫嘉惠不及  
此今事定司馬公改築吾城垣墉言言與龍新平黃  
諸城并雄稱黔東保障而且祠諸兵垂之永世春秋  
書城諸及防予時也安于為趙簡子縊而死曰我死  
晉寧趙氏定矣趙氏祀之諸兵之為興隆死也異世  
同事也城奠生靈祠慰忠魂皆民所欲舉舉之以順  
民志總為吾隆計久遠非尋常所蠡測者茲司馬公  
意哉成曰敬聞命祠在東坡站關東經始於乙巳秋  
八月落成於丙午春三月費金貳拾兩而縮中構堂

黃平州志

卷九 記

十五  
十九

三楹祀站百戶劉宗仁軍兵夏時董邦仁等外周以  
垣垣有門以其羨貳拾金購田肆畝有奇為歲祭資  
工訖請於司馬公顏祠曰義烈凡有勞於祠者暨田  
區書碑陰

平龍橋記

郭子章

興隆城東十里許故有橋名十里河橋其河流一自  
苗里屯一自香爐山俱山菁澗水至五里泛濫出十  
里河身陡而急春至洪濤靡常病涉殊甚弘正前重  
安土夷集木累土以濟尋築尋圯嘉靖間衛指揮張  
時舉蕭韶請於御史張公禹為橋七洞橋成約費金

千二百餘兩庶幾一勞永逸第水勢建瓴橋中與左右平若與水鬪萬歷丙申夏四月猛漲衝激中洞然補葺尚易己亥冬逆龍拆毀驅石阻燕吳楚越之餉是時梁參議銓徐同知廷綬固守興隆城比貴陽援兵至賊始退明年六月王師克播州鹽逆龍上命裂播地置平越府黃平州而橋圯如故予乃檄尤憲長錫類袁大參應文劉憲副冠南陳副總寅新砌而令平越楊同知可陶率衛指揮張維解其齡巡按宋公畢公後先來巡乃趣之始事於辛丑春二月訖工於癸卯秋八月橋高三十尺有奇中加五尺長二百五

# 黃平州志

## 卷九 記

十六  
二十

十尺翼以欄如其長橋廣二十尺有奇糜工二千有奇糜金千四百二十兩有奇米二百六十石有奇橋竟有司請名予命之曰平龍昔叔孫得臣殺僑如以名其子漢武獲南越相以名其城茲橋以逆龍圯以平逆龍復名曰平龍上以彰天子殺伐之威下以旌諸將士力戰之勲且以志逆龍之毒於殊方令西南諸蠻度此橋也將無曰倔强者何益乎是予名橋意也爰伐貞珉勒於岸詩曰皇帝御宇八極同風萬方安堵湯武文聲東距島彝北臣東土歲在己亥逆龍匪茹夜郎之澌寇我興隆躡我東坡羽書蠱午逆龍

糾苗於彼結陳縱橫跋扈皇帝於斯推轂授鉞剪此  
緜諭明年六月八路烟塵百道旗鼓逆龍投繯竟醢  
其軀俘之明主戍亭撤兵武庫藏戈民歸其所乃命  
司險鑿石通流於彼故土橋名維何命曰平龍用彰  
神武洞開石梁焉得成行車得方軌天子萬年通道  
羅施暨聲黔圉六詔書傳八番檄奏眎此銘語

重安盤江麻哈三浮橋記

郭子章

山川之增損勢相應也有餘於水不足於山東南是  
矣有餘於山不足於水西北是矣而亦有不盡然者  
黔崇崗複嶺礙雲隱日山有餘矣舴艋不通商賈不

黃平州志

卷九 記

二十七

湊水不足矣而山太叢密水不宣洩兩岸壁立水源  
壁走深不可底上下二千餘里惟是重安麻哈盤江  
三渡惟險石梁則江心澎湃何處設墩木梁則山椒  
有木無千尺材勢不得不絕以小艇而榜夫其毒尤  
甚行人既集舟小載重有沒溺之患艤舟守候有饑  
餓之苦地多瘴饑甚則瘴侵而倏為癘鬼地多盜早  
夜不得渡而資歸莊躡地多虎急切不得渡而委身  
虎吻其甚者渡夫與司兵通行人駐江東而渡伴西  
泊伺兵恣索而後移舟於東復恣索渡金是兵虐於  
陸渡凌於水也又其甚者渡與賊通苗逐商至江裔

而渡佯遁商不死賊則死水是苗為腹渡為目也予  
稔知其弊况黥當兵戈後物力大詘乘輿難濟乃謀  
之父老僉曰浮梁便秋八月架橋明年春三月撤夏  
秋之交山水四集即解浮梁之舟分渡以濟予乃會  
直指畢公檄司道令鎮寧知州吳天祿指揮吳東俊  
督盤江橋造船十有六先後糜金二百七十兩有奇  
江干創屋十楹居渡夫歲捐其馬價七十金又移盤  
江哨二十五兵守西岸黃毛哨五兵同十渡夫守東  
岸令都勻府推官羅得星守備薛紹宣指揮邵元爵  
趙清督重安橋造小船三十糜金五十七兩有奇渡

## 黃平州志

### 卷九 記

三十一

夫原係重安江古寨民令守東岸重安哨兵四名守  
西岸令平越同知楊可陶守備薛紹宣指揮奚國柱  
把總馬武卿經歷陳江定督麻哈橋造船十有四糜  
金六十四兩有奇移武勝營四哨兵同十渡夫守西  
岸橋既成吳知州進曰橋之始作也不易而善終難  
浮橋歲計修葺歲敝勢當大修費將安出予曰市田  
若何三橋當孔道滇黔共之滇兩臺陳中丞宋直指  
二公助金五百有奇梅方伯助金五十黎平守井濟  
博八百有奇皆田貲也吳曰市田匪人始腴謊官二  
三年後暗易以石田則法窮安南安莊清平平越四

衛故有賤田改為橋田則田不價而利永且饑溺之切於民一也下四衛改田繕橋而滇黎之金脊貯司庫無濫出以待異日是役也府衛州官分董於下而布政使趙健按察使尤錫類參政洪澄源副使韓光曙劉冠南總理於上法得備書

新建玉清宮碑記

八十五老人朱應旌

吾隆故俗好善而敬神各所年有祈禳之醮月有表懺之會其來久矣各寺觀神祠供晝夜之燈者百餘家以歲計市油一千二百觔有奇雖大歉不廢他境所無者只少一閣崇祀上帝昔有謀創者卜地弗得

黃平州志

卷九 記

十九  
三

吉遂已萬歷乙未歲致仕萬戶侯曹公松百里侯王公國寧千夫長李公柯百夫長韓公邦輔謀於應旌逸叟曰玉閣未建缺典也人心樂從無倡導者吾數人俱林下朽亟圖之何如旌曰誠是也人心不淑雖國法森嚴有恬不知畏者若質諸鬼神證以經典即畏縮而不敢肆故古有象教謂設象以教化人也若建閣肖象上帝之臨望之而生敬畏心就之而生悔悟心維持世教大法也律以非分之瀆曷敢避當共肩其任何患乎弗勝城東郭有菜畦一區昔建壇祈雨於此蓋往觀之即偕步至彼果高濶平爽四山環



拱盛境也問其主三四家合買分業者問其價不過十餘金議遂定乃會致仕別駕胡公良卿等六十人約盟於神積錢穀採木石募緣則僧覺雲為之首工師則丁世美韓黥為之最餘各分任其責至丙申歲東閣歸然矣閣甫完任雲去憲副余公懋學捐俸百金付善士夜拱辰治金肖魚七尊飾以金請黥府路符差官輦至矣其間樂助兵多者鄉耆鍾應巒狄應旌何冕張倬劉寅謝時舉非時朝許可尚暨憲副公之伯子興爵也不憚遠募者致仕百夫長陶公希舜也越數歲而前殿成又數崇合衛軍舍施公費之餘

黃平州志

卷九 記

三

而廂樓翼如也官舍士庶室家脫簪珥之助而牌坊轟如也買閣前地募砌石道蜿蜒而上計三十餘丈庠生狄宗賢施魚池之十募建平礮計一十二孔而規制大備矣斯閣也材以良工用其能且天然形勝萃秀鍾靈所少者金輝煌詘於材力耳我聖朝景運幾三百年今方僅足非有默相之者胡能然哉斯舉也有竭力以創始者有多助以成中者惜曹王諸公先後化去繼贊襄以成其終者憲副公之仲子春元興賢百里侯之冢子千夫長民暉旌之子府幕襄也施田多且先者義持時衮也黃平施助率先

者篆帥孫君克謀也至于董其役而不敢懈司出納而不敢虛旌又何敢自諱其萬一之勞焉助以財者輔以力者與夫銀米工力之費難以悉計住持僧智聰覺亮了禪如寶均有勞役並及之雖曰大功將告完矣余之心有未完者葺其宮墻勿致敝漏藩其竹木勿使剪伐約其僧徒勿容匪人是則有望於后之善人君子無窮之心也是為記

聖母閣碑記

明余興賢

生人之道莫不貴有子孫華封人以多男祝堯詩人以則百斯男頌太妣所從來姚長矣周禮月令仲春

黃平州志

卷九 記

三五

元鳥至之日以太牢祀於高媒天子親往后妃帥九嬪御乃禮天子所御帶以弓韜授以弓矢於高媒之前簡狄生契姜嫄生稷靡不由此自周迄唐未之有改而孔聖之生以父母禱尼邱傳之記載雖窮鄉下邑庸人孺子能言之此其尤大彰明較著者也里中舊祀聖母元君於城隍廟門之小閣若儼居然大僅容膝祀者無能陟降成禮予常謁而怪之元君業為下土嗣續主不難以麟趾螽斯昭景貺於生民里人亦既敬恭明神貌而奉之取蕭取蕝以享以祀乃不能闢半畝之宮為專事地所謂宮室不設不可以祭

者豈其無一人見及此耶鄉紳朱公袞張公時熙張公綱善士義官時衮吳君崇羅君汝明許君可尚相地得玉皇閣之左偏猶可闢構乃捐貲首倡得地方廣若干丈芟荆棘平凸凹庀木石召工匠諸薦紳檀越相繼襯施凡數年而閣成奉元君其上飛甍耀日朱棧干霄信足以妥神靈而嚴祀事左右翼以樓庖溜僧寮具備前為東嶽殿以嶽神掌人世居民貴賤高下之分祿料長短之事故附麗於蕃錫子孫之元君取類聚義云越今丙子歲復前樹棹楔三楹閣僧性慧議礮石表緣起過予問記予坐慧詰之曰子可

黃平州志

卷九 記

三六

祈而得乎曰唯符堅之母祈於西門豹祠而堅生皇甫政祈於魔母堂而子生翟楫之母祈於所繪大士像而楫生此感彼應若鼓答桴若券責負固歷歷不爽者也矧於元君曰子可祈而必得乎曰唯唯否否漢中山王勝百二十餘子女後周李廷哲六十九子女馮在祈伯道無兒香山斬後馮在不祈天固有不可問者愚烏能測其所以然予解之曰是有說焉所祈者文也所以祈者非文也實也實為何德是也是故犧牲既成粢盛既潔齋明盛服以承祭祀祝史陳辭告訢以通祈之文也清明在躬志氣如神不動而

敬不言而信神之聽之終和且平祈之實也籍第令德之不修猥取陳鼎設籩豆奉璋執饗之縉儀日矯舉以瀆元君神將吐之其何福之與有故曰某之禱久矣慧起曰先生之論摯矣雖然元君之靈有不可誣者請以現在論檀越張公初祠文昌帝君繼祠東嶽帝君凡可以致禱者無不至乃行年六十四而舉一子已七十四復舉一子頭玉瑯瑯掌珠璿璿比於徐卿二麟人咸詫以為帝之賜斯固先生所睹記者寧曰閣之建也僅以神道設教乎哉予曰然若張公者是必有以祈者在矣即謂元君之靈捷於舛蠶可

黃平州志

卷九 記

三

也僧慧性及檀越時君許君初佐朱公張公復佐公之猶子廣文君綱時君之子逢春經營拮据是數人者功德當與閣同不朽宅輪助善信士女得以次列

姓名碑陰

時君之子逢春六  
字當在復佐字上

兩蔡公捐貲助修州學碑記 王 櫟

盛朝文德武功超軼前代數十年來設學校增科制  
唯黥受

國恩獨深康熙庚申冬總督雲貴部院綏遠將軍  
蔡公諱毓榮受

天子命提緄緡之師恢復滇黔所至撫輯安全不妄  
殺一夫吾儕世世子孫俱在生全覆庇中矣丙  
寅秋公奉

詔還朝時興隆衛即今黃平新州奉督學道畢公諱  
忠吉檄修

黃平州志 卷九 記

十五

孔子廟方鳩工庀材經費不貲櫟時為弟子員同庠  
友請銜捐助公捐俸四十金修葺正殿至今三  
十年父老子弟感公生全教育言之無不流涕  
乃者太史蔡公珽來督學政實公猶子也振興  
教化視昔有加亦捐清俸三十金助修

啟聖祠蓋新州學宮自疊經兵燹傾圮特甚以故數  
十年幾番建造猶不能聿觀厥成今二公後先  
濟美一以武功著一以文德昭為

聖天子分任戡亂制治之責惟我州人受庇尤深宜  
其俎豆尸祝與田疇學校共其綿長綏遠公去

之日有去思碑在州南門外今衆議移立  
文廟左並以當年耆定厥功及兩次捐助備為紀勒  
以垂不朽古者天子命將出征受成於學執有  
罪反釋奠訊告文武未嘗分途庚申之役逆臣  
授首綏遠公克詰張皇為

朝廷聲靈著赫赫濯濯之盛固已獻馘警宗勳名  
銘鼎石矣而督學公又能以文德繼武功折衝  
樽俎咏天保歌采薇堪比當年文武周公出入  
將相固不止以晉兩謝公西漢兩司馬氏提衡  
而弁論也櫟時家居躬逢盛事重以梓里同人

黃平州志

卷九 記

三五

之屬為記其畧如此

城隍靈應記

朱定元

康熙壬午夏月時元年十六忽病劇甚父延醫胡姓調治想藥與病反藥煎爐中元恍惚見一白鬚老人曰汝不服此藥可與汝父母養生送死否則不能矣元轉述於母母即向父言父怒曰兒素不喜藥故作此誑言臨飲藥時又見一童子至言如前元懼父不敢再言俯首飲訖半刻渾身冷汗牙關咬緊不知人事母哭曰兒逝矣父急請醫至手已無脉針指不見血出一身俱冷惟心窩尚熱父母愴惶悲慟醫乘隙逃去

黃平州志

卷九 記

三六

此父母待元復生轉述之言彼時元不知也元飲藥後即見醫手持利刃從口至腹直下破開將五臟取出見前童復至云原不令汝服藥今則從我去也元即從之去由下水關轉小路至城隍廟門首童令元稍待我復命即喚汝元獨立階前迴視吾城生前所見烟火數百家者今只見烟霧朦朧并不見一人戶須臾童至曰命汝進元進門其光像不與平素同並不見十二司止大路一條高聳直至前殿路兩旁覺至低暗而房宅甚多轉前殿角入正殿見一修容偉

貌者巍然端坐于上童令跪元跪神膝前覺赤身不掛一絲甚為羞赧神曰我原命人來不令爾服藥汝父何執着止信人言不信神言竟服藥至此將若何若為躊躇言曰吾救汝于袖中取藥一枝狀若樹根親手授元曰飲此即愈元投口中嚼而咽之見醫前用及破口腹俱開者漸次復合神命童曰轉引回宅元隨童由前去舊路而回至王家橋始聞父母號泣聲吐氣一口轉生回世父母聞口中吐氣喜出意外飲以沸水少頃元轉述神言父母驚喜曰城隍爺救

黃平州志

卷九 記

三

吾兒也深夜不能赴廟即於園中向城隍廟叩謝後父買牲酬神母緝麻賣鞋買油於神前點燈元少年多病從此不藥而愈加以精神壯健得讀書成名父母嘗謂元曰爾自申時服藥即汗出身冷口已氣絕歷酉戌二時至亥復生皆賴神力兒後富貴毋忘元領諾元至陰府始終並無一言命之左則左右則右毫無主張亦不知父母悲泣想人生去來大概如此元丁巳自浙江觀察丁父艱回里適值苗變之後別廟俱燬惟神廟獨存然傾圮不堪矣元捐餘俸重新



神像懸額置聯并前殿後殿均為修整非敢云  
報德蓋以神之靈應若此且為庸醫所誤者鑒  
也是為記

黃平州志

卷九 記

三

施薑茶碑記

朱定元

寒渴之累人甚矣哉人生一日不飲則渴片刻無衣則寒平居大抵然也况吾黔每多崇山峻壑險陁危橋又當酷日炎風煎砂灼石並披霜帶雪凍結冰堅之會斯時或山高日烈口欲生烟或路遠衣單心窩並冷其為渴與寒也尤甚非得茶水解渴薑湯救寒勢必至內外受傷漸染成疾其所係蓋非淺鮮焉者也城南二十里地名棚木哨羊腸盤嶺鳥道穿雲行旅艱辛跋涉愁苦曲躬擔負狀類登天喘氣呵噓情同涸

黃平州志

卷九 記

壬丑

轍吾友胡君學瑗黃君元章捐缸置水儼然甘露瓊漿繫衆修亭宛矣棠陰槐蔭予美其意之甚善而思其事之有恆爰捐餘俸廿金購楓香樹田一坵交觀音閣住持以為夏施茶水冬燒薑湯之用從此折柳亭邊無異盧仙七碗尋梅道上勝於草聖千杯勺沼烹茶不待西江之遠飲辛潤肺暫同絝纒之温非敢曰廣已溺已饑之心亦庶體立人達人之念云爾

玉閣重修碑記

朱定元

州城東北隅地敞而秀脉婉而腴且四山繚繞  
松杉蔽日明初祈晴雨者就此結壇釐祝叩之  
即應雖曰人之傑抑亦地之靈歟萬歷間本城  
衆先達萬戶侯曹公松百里侯王公國寧千夫  
長李公柯百夫長韓公邦輔謀於元祖中順大  
夫應旌暨經歷公衮協同建閣於斯蓋倣古象  
教之義若曰 上帝臨汝毋貳乃心其維持世  
道之隱衷千古如揭也詎料乙卯苗變逆炬飛  
烟斯閣遂與學宮佛寺官舍民房俱成灰燼後

黃平州志

卷九 記

三十一

各次第修復惟斯閣議論未協城內親友欲改  
大殿各鄉耆舊思復層樓幾同道旁築舍避八  
九年頽垣廢址瓦礫依然元適自山左丁艱旋  
里為之解曰欲修大殿利益衆生也思建層樓  
尊崇 上帝也何不於大殿之中仍架層樓則  
利益衆生之意得伸而尊崇 上帝之念亦遂  
且 上帝之鑒享原不在於雕梁峻宇實係乎  
人之一心果心向夫善則一誠感格可通帝座  
無疆之福自我求之矣城鄉親友僉曰唯唯議  
既協遂卜吉鳩工經始於癸亥孟冬告成於甲

子仲夏蓋亦成吾祖并衆先達維持世道之衷  
於設象教人之意云爾

黃平州志

卷九 記

三五

重修聖母閣東嶽殿碑記

朱定元

書曰作善降之百祥作不善降之百殃夫所謂善者忠君孝親仁民愛物克盡倫紀之道充滿吾心之德是也而祥莫祥於玉燕投懷佳熊叶夢嗣息衍慶門庭誌喜審若是奚必有所禱而祀哉雖然歷稽往昔因禱而生者且紛紛矣如吾隆舊有聖母元君相傳掌人間嗣續此禱彼應響若桴鼓誠余興賢公所謂元君之靈捷於肝鬻者也考其初祀於城隍廟之小閣繼為予先祖公襄張公時熙等約一時好義建閣於玉

黃平州志

卷九 記

三二  
三六

閣之左偏供奉聖母前殿崇祀東嶽蓋以五氣流行木位東方四時順布春居歲首萬物發育皆本於東嶽萬物資生推原於聖母故因類及之且王政莫大於厚民生而順民欲夫天下之嶽有五而東嶽主生民之所欲惟生而坤德又生之所由始書稱東嶽曰岱宗易稱坤元曰資生俱以生萬物為德故廟祀巍煥所以厚民生也且以順民欲也詎料乙卯苗變逆炬猖狂前殿僅存東嶽神像而元君之靈隨昇騰於紅光烈燄中矣善士王成功程萬章等欲復舊制衆

謀僉同爰伐木鳩工重輝棟宇正樓前殿煥然  
一新推其意蓋欲禱東嶽元君之靈俾麟趾蚤  
斯昭瑞慶於下土擴充厚民生順民欲之政且  
使各忠君孝親仁民愛物共勲國家郵隆之盛  
庶幾充滿吾心之德降之百祥耳是為記

黃平州志

卷九 記

三三  
三三

重九遊金鳳山記

朱定元

壬寅秋之重九清風薦爽瘦菊飄香山莊書室  
在鳳山右遠立遙望則青翠欲滴紫靄橫飛心  
曠神怡殊縈懷抱家大人逸興勃發謂余曰山  
光迎客秋色邀人何不偕二三子向名山乞靈  
况萸嶺風清何妨向最高峯頭覽遍江山也冠  
者童子聞之色喜於是攜壺挈饍相與問徑於  
大人大人曰登山孔道鮮迴峯側嶺之奇况人  
行亦行我輩不樂徇衆聞山側小徑曲折奇險  
且其中之瑤草琪花香巖古石待我輩久矣遂

黃平州志

卷九 記

三五

從容出竹坪入密箐霜樹流丹滿林如醉我輩  
恰似武陵人尋春誤入桃源步步皆非凡徑一  
折越山足之小溪荇藻交橫清照眉目若冠若  
童或洗纓或濯足儼然在滄浪之中而秋葉點  
點又從旁溪流出大人笑顧二三子曰豈唐宮  
人題詩處耶且行且笑摳衣而前至山腰野樹  
蒙茸山徑草塞滿目蘆花菽花隨烟飄緲仰睇  
鳳山隱隱在雲霧中而路則莫知所之矣又加  
涼風拂面細雨沾衣余詩曰石因雨積沾泥滑  
風為秋深拂面涼皆紀實也象人皆有退志家

大人獨老當益壯剪棘覓徑越峻壑歷巉巖林  
木蒼黃烟光紫翠而山嵐凝靄若散若聚隨風  
遊戲於平崗低岫之間使人應接不暇及登山  
頂雲開雨霽別是一天憑虛四顧身在紫闕雲  
中金鳳樓前矣少頃清風四起竹木聲豪幾疑  
金鳳飛風帶我而去由是詩興勃發凡身之所  
經目之所遇不能不借舒於管城子楮先生爰  
即鳳樓之前任筆狂書猗歎快哉遙吟俯唱吐  
辭於天半之中染翰揮毫賞懷於雲臺之上墨  
花與天花同墜歌韻偕山韻俱清飄飄乎不知

黃平州志

卷九

記

三五  
平九

天地間復有何事矣未幾烟籠樹杪日轉山腰  
景色逼人不得不辭山靈而去然轉盼徘徊戀  
戀殊不忍別及抵家而明月滿林矣二三子挑  
燈讀書家大人猶率予於東籬月下熟視遙顧  
則浩色溶溶清光流碧金鳳帶月又是一番景  
象因思此日之遊雖乏謝東山之美妓孔北海  
之嘉賓然父子優遊有天性之親焉童冠畢集  
有長幼之序焉且撫景情深各愜所願有天下  
一家老安少懷之趣焉嗟嗟七賢鄴下雖留遺  
興於千秋三月蘭亭縱賞春風於萬古余不自



揣將欲傲而駕之曰不我及也不我及也

黃平州志

卷九  
記

四十五

黔多高山峻嶺重巒疊嶂其深溝斷壑縱橫參  
差無地無之夏秋淫潦山水泛溢則奮迅湍急  
飛騰澎湃難施舟楫行者望洋而嘆不幸則往  
往汨於波臣故橋梁之設在黔中尤為急務省  
之東黃平州治滇楚通衢往來絡繹城北舊有  
石橋不知創自何代傾圮已久行人病之大中  
丞朱公以憂家居目擊心惻乃捐金督工於乾  
隆七年壬戌六月經始八年癸亥十一月告成  
榮聞之不勝慶幸竊以為雨畢除道水涸成梁

黃平州志

卷九 記

五十一

因天順時以為民利此先王之制守土者之責  
也余蒞黔前後幾二十年凡城郭道路橋梁之  
廢墜者率屬修葺創建不遺餘力而公以鄉先  
生鍵戶讀禮蕭然林壑間乃念切濟人重修此  
橋於百年既廢之後以佐守土者之不逮可不  
謂曠舉歟且公以理學名儒得闢閩濂洛正傳  
尤精於詩古文詞稱騷壇巨筆身膺華臚泊然  
無縈而於民生之休戚政治之善否諮詢搜剔  
日昃不遑宦蹟所歷善政善教淪浹于淮徐海  
岱河濟宛洛之間

九重嘉悅倚為股肱行見出而黼黻

皇猷霖雨九有垂竹帛而照寰宇者正自無窮寧第  
此橋之足為公頌乎哉語云吉人為善惟日不  
足余樂觀此橋之成而公平日之克己行仁大  
公無我痾瘵胞與之深衷亦可概見矣因名其  
橋為中丞橋復作歌三章饒諸石俾採風者有  
所觀覽并使公之鄉人歌公德於無窮也歌曰  
黃之水石齒齒跣足中流懼石嚙安得虹霓插  
天起黃之水東奔注行人欲渡而不敢渡巨公  
神力作砥柱繫千年兮蛟龍護黃之水流湯湯

黃平州志

卷九 記

三六

車書萬里通遐荒行旅過之免褰裳中丞之德  
水流長

貴人峯記

李運昇

峯層巒矗全由天作之奇水轉山迴半借人工  
之巧挽順流而滌繞定毓英賢環巨浪於奔衝  
應滋庶富是故滕王黃雀美著東南非僅術士  
堪輿法宜左右瞻山川之秀色慶桑梓之偉人  
勒石垂芳濡毫增喜蓋吾城名勝壯麗南樓人  
說民貧憎嫌北路山拱護而有象水直瀉而無  
情似抱弓以外張若掉頭而不顧述傳聞於文

獻屢籌畫于輿情維近星橋之區頗恃迴峯之岸當年拮据曾營大士琳宮邇日蒿榛燬自苗民逆炬平蕪堪悼誰為隻手之擎蔓草徒嗟孰砥龍門之柱幸鄉鄰之有造非大化之無心川嶽効靈篤生碩望如朱大中丞者信興朝之柱石挽末世之狂瀾獨蒙

聖主之知江淮著績爰寄封疆之任節鉞銘功家國咸欽遠邇胥賴鬻宮之增飾光耀琳琅王路之蕩平并資絡繹思無弗備惠罔不周尤作巨靈成茲盛舉勿謂浮圖遺法肇昉蕭梁彼由貝葉

黃平州志

卷九 記

三九  
三

繁興奉崇寶誌茲如煉石特補天工可諒捐金爰資地利峩然捧日長撐半壁之天卓爾連雲永注一灣之水既崢嶸於城社并粧點夫乾坤實待人而後行固因時以事起北門鎖鑰虹橋與寶塔同功南國衣冠流水共高山并仰范希文懿徵於昔郭青螺嗣美於今後起蟬聯學山學海前功鵠立亦步亦趨人文蟄蟄繩繩閭里熙熙攘攘錦峯繡嶺富春山如在目前唐室秦關題名塔堪擬往事嗟乎孳孳為善初非囊篋之豐盈悠悠我思信是縉紳之領袖大力自負

無資土壤以成功小技堪羞聊借翰香而作記  
七寶山碑記

前僧在朗自隆慶年間開立七寶山有劉明春  
將承丈民田壹拾貳畝捌分山場基址在冊土  
壹拾壹畝玖分東至千公坪南至斗累西至雞  
公堰北至河下擦耳巖立愿捨明永不退悔倘  
劉族子孫日後有悔願自領諸經一藏身遭百  
癩昔年剔歸僧冊其劉宅祖塚陰地仍與埋葬  
於戊子年間被兵毀壞七寶山懸巖陡狹傷壞  
人多常住拋荒二十餘年無僧住坐楊族將荒

黃平州志

卷九 記

四十四

山施入相傳於康熙元年新建更名太平山至  
康熙九年鄰近施主訴明前任州主二山相連  
將常住移與太平山焚獻二十五載前僧身故  
元空元修目覩山高冷菁風雨飄搖難以焚獻  
自庚午年將山移於劉宅舊院重修仍頂七寶  
山焚獻亦係通州古刹元空元修身故三十八  
年復訴前任州主張賞給遵照明珠深穎於五  
十四年九月張宅平地風波侵佔常住告經州  
主李蒙批儒學田踏驗山場四至老田有劉士

英住持僧明益十月初五復訴州主撞鐘鼓入

衙當堂審斷照撫憲出示批諭凡荒田地土無  
論有主無主但無土賦者悉聽民間諸色人等  
開墾呈報不許光棍人等藉稱霸阻憲行甚明  
今詢張劉二比咸稱此山並無土賦錢糧則官  
山可知既稱和尚新墾有田着令除老田壹拾  
貳畝陸分之外新墾照數呈報諸人不得仍前  
侵佔致干重究復批儒學再踏新墾呈報貳畝  
伍分查此田不堪每年中雨水調勻可有十分  
中收七若遇歲旱顆粒無收難以勘丈今將二  
比情愿具報緣由具文詳報當堂查核本州批  
如詳仍嚴飭二比日後不得爭佔如違重究此  
繳十二月立結在案將地名弓口造冊呈報入  
僧以為焚獻之需勒石備載庶此山永垂不朽  
愈見施恩之有自是為碑

鼎建黃平州治記

國朝彭而述

黃平明初隸衛蜀黔文治播之役從而州之事  
肇萬歷壬寅設牧定賦名繫郡縣歷三代稱邦  
治官商流冗土著蕃殖生息闡閩殷賑桓蒲輯  
玉與王國諸侯等稱樂土矣勝國末藍孽掃突  
城為楮尋以孫慙割據巢穴滇黔黃平芟刈如  
薙草象魏聽事之所蕩為烏有今

上十五年

天子命六師遏滇黔黃平以是年四月入版圖當是

時林麓瓦礫虎豹晝遊骹骼載道流離鵠鳩無

黃平州志

卷九 記

四十二  
四十六

復生理椎髻負販之徒藥矢毒弩摩牙阻山谷  
間守是邦者上都杜公單騎至掩涕曰嗟乎州  
無人矣焉治且治無所矣焉州夷漢雜居猥猥  
難馴奈何與二三僮僕棲身城隍廟中徐圖所  
以安輯撫定之者亡何而反側子與兵相勾屠  
其郭守力救止殺亡何而牧馬之檄又至千萬  
其羣彌川塞谷維時儲精槍槩毫無一存主牧  
者則又恐喝答卒吏如霆守乃露次崎嶇蠻柵  
苗壘間開導勸勉人感其誠間有持莖豆稷稻  
相餉者士馬糧糗緣是不乏於是大喜過望不

復滋擾民間守曰是亦足矣得以少緩須臾吾民其瘳亡何而牧馬者復踵至矣守為辦之如前如此者凡數次不止民力殫守力亦殫矣閱明年兵去民稍稍得安水耕火耨石田中少得升斗自活民以漸有人色守曰則民者威儀易重觀臨之卦難治者苗民書重呂刑之篇爰創堂皇以示匡飭經始於順治十六年某月某日斷於十七年某月某日州治以成維時述以滇藩移西粵之官經過憇茲旬日因邦人求所以記州治之成者予應之曰唯唯邦人則又亶亶

黃平州志

卷九 記

四三

陳杜公之勞與州之所以難治者曰大夫從滇來今六師駐滇黔為襟喉驛使冠蓋相望中原協餉縵屬勿絕州距孔道一舍其所乘傳飛輓夫馬不貲平越一郡惟州獨劇又今羽林虎賁之士更番代戍凡礪梁道路及行糧草藟不啻數倍正額皆咄嗟立應不敢后時又新開諸葛等崗河口東南未船頓黃平勿敢以紅朽取整州民之難可知守之難又可知余曰是也今日滇黔天下騷然矣守之勞苦功多人臣之分拭目西南太平洗兵甲不用使得如杜守者甚置



星羅於天下為邦伯何難郵隆哉他如賧饑訓  
士禦侮修學諸政邦人則臺臺言之予曰此又  
人臣之分也他日觀風之使轡軒采之入循良  
傳中可耳此記其成州治者而已

鼎建黃平學宮碑記

彭而述

黃平之名州也自明萬歷壬寅始先是州隸蜀  
之播稱衛以黔千戶守禦之播之亂改州隸黔  
其有學宮也自州始又所屬餘慶甕安學皆統  
於州州治建學流官遠商寓厥中蕃子孫荒裔  
聲教喁喁矣以帖括明經孝廉登進官達走四

黃平州志

卷九 記

四四  
四八

方多顯者明末遭藍寇城復於隍學隨灰燼今  
皇帝十有五年王師定黔州守學博爰為肇啟襄事  
學宮用成時方用兵歲絀不堪舉羸然而宮墻  
在望俎豆孔修真良有司事也計立學以右址  
凡三遷初在城外以風氣渙散移之內既燬今  
復相度更置於此正位乎離朱鳥文明枕山帶  
水面銅鼓二山文瀾馭洄峯出雲表龜著僉同  
終焉永臧矣君子謂是舉也有三善焉以遵王  
也以訓俗也以柔遠也當今

天子得天下以馬上治天下以詩書頒條約學宮妙

選學臣極為嚴重上丁之儀躬率三公六卿諸侯大夫習舞釋菜辟雍鐘鼓何以加焉故曰遵王民之不匡亂是用長爰簡師儒以開鄒魯故曰訓俗又黔僻在遐荒苗犍攸居鳥言卉服夜郎君長不知漢大建學明倫文德覃敷邇人載鐸蛾子時術觀光上國於是乎在故曰柔遠嗟乎由是言之何獨黃平為然哉抑余因之有感於貴州之往事矣貴為羅甸國王之后歷唐宋只稱宣慰其地在水西者隸蜀在思南鎮遠者隸楚在普安正安隸滇其初三省地也不列郡

黃平州志

卷九 記

四十五  
四

縣止以宣慰繫之曷嘗有文教哉自永樂有田氏之變乃立貴州布政居然省會車書朝宗與十四國等矣黃平者又貴之支郡也前代之力亦大矣是役也督撫趙卞二公可其贖守巡張徐二君襄其議其捐資趨事夙夜在公相與有成者則州守學博也余時以滇藩移西粵取道茲州從諸生之請而為之記蓋誠有重夫諸君之有是舉云耳

修學碑記

盧 瑤

吾黃 學宮舊在城東南隅地稍湫隘屢遷凡

七從而得今地時在順治己亥二月定議上請者則鄉先輩周洪德曹司衡諸公也維時經營伊始以衛堂改為之宮室卑庠規制闕焉越康熙丁亥鄉先生震來王公以進士令嘉定遵先人命斥清俸二百金重建於是堂廡寢筵戟門壁池嚴嚴翼翼垂三十年雍正乙卯苗民逆命宮燬於火春秋享祀俎豆無所布薦牲牢歌象管雜沓於荆榛泥塗間以更衣則無其署以登降則無其階甚非所以肅恭將事以妥侑 聖靈也進士秀水金公奉 簡命來守茲土下車

黃平州志

卷九 記

四六  
五十一

謁 聖顧瞻太息曰學校如此其何以展誠敬興教化司牧之任無大於此者迺取前守估修原冊亟請於上報可即揆日命工時井邑坵墟諸凡鼎建城工軍屯官廨兵舍并手偕作公悉以委諸府吏之能者至 文廟則遲迴再四遴擇董理之人於是震來先生子上舍光士孝廉煥士實任其事鳩工庀材殿堂門廡鄉賢名宦忠孝節義之祠明倫之堂以次修舉高其采廡廣其階除繚以垣墻塗以丹粉工將竣而公報擢銓曹粵西靈川廖公來攝篆事慨然樂董其

成閔三月而工畢先是奉文增設祭器金公賈  
經理之仲秋上丁釋奠莘莘俎豆小大駿奔觀  
者交悅州人士伐石以進命余記之余惟四代  
之學虞庠上下夏序東西殷膠左右周保傳所  
紀為學有五士之入乎此者有俎豆筐篚之器  
笙鏞琴瑟之音屈伸俯仰之儀藏修遊息之所  
而師氏以三德三行教國子司徒以六德六行  
六藝賓興之此四代之所以為教也迺宋李觀  
之記袁州學也反覆於秦漢之間深維乎廢興  
之故獨以禮樂忠孝為國家教學之意彼豈不

黃平州志

卷九 記

五

知六德六行六藝之不可缺一也而惓惓云爾  
者古臚其目此舉其綱道固各有取也吾黃際  
創殘之後

聖天子首加意於建學明倫賢有司汲汲於興廢舉  
墜寧第使之弄筆墨以邀利達如李觀所譏哉  
其以消干戈沴戾之氣而答君親生成之德者  
舍禮樂忠孝固無可為者矣嗚呼可不勉與是  
役也經始於庚申夏落成於壬戌冬糜帑金之  
兩以十計者九十有二金公復捐清俸百五十  
金以濟其不足公諱作楫廉明仁恕催科不擾

凋瘵遺黎公實更生之廖公諱丕勲勤恤民隱  
平糶濟民全活甚衆均如韓子所云事神以誠  
治人以明者詎日者貢生胡學瑗協理者武舉  
李光裕生員黃承高李光宗王孚初狄本聞運  
昌爰撫其本末而為之記

聖像碑記

訓導陳文政

欽惟至聖先師道德獨隆於千古尊崇備極  
於歷朝山陬海澨凡入小學者莫不有一聖人  
在其心目中正無事多設像教而後生其敬凜  
也黃平古樂源郡在前明為播地自郭青螺先

黃平州志

卷九 記

哭  
三

生戡定播逆隸黔省以來固已人敦禮義戶盡  
詩書至我朝列聖相承遍膠庠于宇內興賢  
育才文教蒸蒸日上矣舊制自太學暨直省郡  
縣大成殿咸立聖像明嘉靖中命廷臣更  
定禮制以像鄰佛教除闕里外概令撤去嵩  
奉木主惟時黃平尚為安撫司黃平所不在府  
州縣之內故聖像遂未並撤雍正乙卯有苗  
蠢動災及黌宮兩廡被焚惟正殿獨存聖容  
無恙益著神靈紳士亟為修建以復舊觀乾隆  
十有一年奉移訓導一員典祀事焉政少讀書

孫峩山先生祠遇孔齋求觀 行像上有  
聖祖仁皇帝御題詩讚後於畢節又獲見銅范 聖  
像今歲乙酉授是州訓導叩謁之下復趨殿中  
敬謹跪瞻正與前此所見不差錙黍政生何幸  
以未到 闕里之下士轉得三仰 聖顏以遂  
景仰之私州之士大夫又何幸而不啻常依杏  
壇親炙

聖人之雅化春秋絃誦其敬事之是為記

龍淵書院記

李 臺

龍淵書院者吾 先師盧桐園先生講學處也

黃平州志

卷九 記

四九  
五三

自先生之没及今幾三十年往時同門諸子太  
半淪喪其存者皆已衰殘匏落無能繼先生之  
志大懼遺澤之遽沫而淵源將不可溯也共思  
表諸貞石而臺申之以一言曰嗚呼教化行於  
鄉閭風流著於徒侶斯固學士所追懷永慕而  
豈達人志願之所僅屬哉惟先生誕膺天衷聰  
叡明哲孝友溫恭仁篤莊雅夫其姿量恢濶蘊  
蓄淵懿浩浩焉汪汪焉奧夫不可測已若乃砥  
節礪行直道正辭貞固足以幹事練達足以濟  
時抱負固期閑遠也早歲席珍衡門收朋勤誨

蔚有成材去而薄遊往來汾朔迨乾隆丙辰魁薦於鄉益周歷南北淹留吳浙者有年已而旋里里之長老慮子弟之誤業而喜先生之歸也相與敦延主講席焉方是時聲氣所感四方異縣廩至麇集齋宇不勝容率構旁舍為依止先生憫俗學之敝陋於是課之經籍以求其根柢博之史傳以裕其藻飾授之古今大家文以端其趣向口講指畫昕夕不倦一時生徒少長躋躋魚魚樂鼓舞造作之有方皆黽勉敬業爭自切磨先後百餘人類各有所成就每歲科兩試

黃平州志

卷九 記

五十  
四

食餽遊庠者趾踵相屬而貢明經者若而人領鄉薦者若而人即臺之謫劣亦獲登名於朝其敢忘木本水源之所自耶吾黃文教風甲黔南至先生而更集其盛際其時者莫不欣欣向風矣今幾時耳人往風微徒餘陳迹追維提命莫覩前徽宜同志之懷焉懷德而不能忘也矧先生抱經世之志豐其學而塞其遇僅一就儒官遂齋志以沒焉尤天之不可問又靡獨俛仰今昔不勝興衰之感已也先生諱瑤字玉青桐圃其別號也以辛未授官清鎮縣儒學教諭癸酉

春卒於官年五十有六長君嘉會丙戌進士今  
任思南郡學教授次君嘉銓廩生次君嘉植增  
生方先生講學時中丞奎山朱公里居慕之題  
書院之額表於前坊

龍淵書院碑記

袁 洽

卜子曰百工居肆以成其事聖經云知止而后  
有定書院為致道者之肆未臻乎靜安慮得而  
先求有定之所居其間者上而堯舜禹湯文武  
周孔之道下而關閩濂洛諸夫子之學務有以  
窺見其淵源而遙接其統緒暇則尚論往代旁

黃平州志

卷九 記

五十一

及風雅皆於此間致力焉所係不綦重哉余於  
甲午歲承乏是州竊聞此邦為黔南人文輩起  
之區因思竒尤畢集文行振興端由書院下車  
之日詢之司鐸及縉紳先生知竟為缺典不禁  
慨然公餘求二三同志相籌又不獲旦暮過夫  
以當為之事縱乏可為之基敢不毅然堅必為  
之願經營久之於 宮牆之西得文昌廟舊基  
及在官荒地橫弓以長者十五有竒縱六十有  
六除瓦礫平坑坎次第鳩工庀材適廉憲陳簡  
齋先生遷任安藩蜺旌過處詢知其事欣然畀



余三百金以速其工余因得藉以有成焉中建講堂頗為宏深堂後為山長憇息之軒左右為諸生肄業舍內外共二十間前層為司守者之居最前建坊顏曰龍淵龍淵雖州地名然易曰見龍在田又曰或躍在淵蓋言進德修業欲及時也好學深思之士亦可顧名思義矣院後仍建文昌閣配以兩廂隔以門垣題曰桂香宮啟其秀也來學者衆更可於閣之上下栖止旁餘隙壤足植卉木為遊息地屋宇軒敞墻垣重疊既幽且邃為廚為福無不咸備是工也經始於

黃平州志

卷九 記

五三  
五二

己酉十月落成於庚戌八月木石工用共計千三百餘金固未嘗絲毫累人也又自己酉至癸丑積漸籌畫置獲間田如千畝歲約入市斛租穀如千石師生修脯膏火亦復充然以是垂之永久諸弟子肄業其中人文蔚起賢豪奮興上下三千年尋求道脉處則耕莘釣渭出則旋乾轉坤當亦思夫余念茲在茲者歷廿載而始得慰其願庶幾上副

聖天子右文作人之雅化云田畝坐落坵段除存冊檔外更勒碑陰以備稽考是為記

新建星山書院碑記

袁 治

一州也別於新故稱舊焉州遷矣何舊之足云  
鄭曰新鄭蔡曰新蔡厥舊無聞同風俗定新制  
一耳目彼疆此界此紛然者無取乎爾已然而  
草昧淳樸念舊猶然州之移也猶近黔東西罔  
不號舊黃平者君子因俗而理何為必舍其舊  
哉况舊州中殿廡俱列 孔室猶存州之秀良  
強半出焉有志教養斯民者每顧其地而油然  
動矣斯其為舊州也其又有異于他州郡之舊  
焉者矣予作牧已來或間歲至焉或歲再三至

黃平州志

卷九 記

聖  
五七

馬八年之間民與予輒相安焉惟舊文廟設訓  
導以分守諸生皆就廟行禮幾忘廟之已移于  
新州也者儼然獨州予嘗欲革其風顧重拂邦  
人士之意且 聖祀大典有舉無廢可也壬寅  
癸卯之際舊州人既新 聖廟復修建義學于  
其右而請記於予予維黔省義學始於我

朝自于撫軍

題請編立俾庶民子弟入學肄業

聖 祖皇帝特允所請

欽頒文教遐宣四字懸額學

舍於戲夏后誕敷未必逮是無分新故無間遠  
近民生其間莫不優遊化日永享昇平矧為士

者習絃誦明道德其有甘於悖教長傲忘厥分  
而作不靖者哉志載新舊州各設義學比於鄉  
校術序蓋教育人才之地隨在宜有則新舊州  
之各有 文廟亦固其所近諸君子風氣日上  
咸知自愛獲雋者輒多舊州之士義學之繼文  
廟而新之也不可謂非諸人士之盛意也嘗於  
其成而落之太翁馬鞍諸山森森相向平播之  
礪猶有前人遺蹟焉望西門河直達濟沅佑舟  
散輓何莫非東吳萬里若夫聽此洞開諸葛來  
之謬又令人想名士風流襟期莫測軒之堂之

黃平州志

卷九 記

五十八

以廨以舍豁露氣象欲過新州殆足增茲地之  
勝而永斯文之盛歟向苦膏火脩脯概無所資  
時迴龍寺僧違法滋事僉曰宜遂予因奪其產  
以畀學自茲以往士之負笈來遊遠不及數十  
里近可不違幣帷束脩足以擇良師館穀足以  
濟寒士與新州學舍爭標競爽可無遷而為良  
不亦善乎至於狗場小東坡學田仍歸新州義  
學俱仍其舊學舍中端謹廉幹之人衍其規則  
稱其出納矢志上進勿替引之以衛茲學彼都  
人士予也竊有厚望焉

夫古者致治之盛衰視學之興廢記曰國有學  
遂有序黨有庠家有塾此當極盛之時美備之  
制也故海內邊塞四方萬里之外莫不有學焉  
然昌明之任責在有司是則守土者不於此以  
占其能事哉予以攝篆來知黃平地當衝道駟  
傳之繁迎送之劇酌應紛錯起不待晨臥不及  
暖廢飲食冒風雨至官舍壞不能修葺器具弊  
不能改作勞苦如是而欲冀其立學訓士以敦  
教化之本乃事勢所難也非所賴於能吏哉前

牧袁公以剛毅明敏之才久蒞茲土興廢除弊  
事無不舉政誠優矣而公固素優於學者也州  
之舊城向固有學州人士樂公之教育興舉修  
建已煥然一新并建星山書院甫經創始值公  
移攝威寧作記題額而去予得代公按臨舊城  
僅見講堂一間而窗扉廊舍廳事未備且脩廡  
不給膏火無資蓋公去不及觀其成是必有藉  
於後來者予不敏欲董成之乃與諸士議爰立  
募簿擇士之端謹能事者分司役力一票至公  
無私出入無懷侵潤持此意以告同志捐資襄

助以底完美先是書院建於學宮左維地不廣稽省志義學向在文廟右因以左舍為明倫堂易書院於右於是開拓宏敞俾講藝有堂門序有位棲士有舍積儲有助予復捐俸置產而紳士中亦有捐田割畝者不益見州人士尚學之效而予亦得與袁君不負有司之責歟記工自癸卯二月始事至甲辰十月落成凡捐資各戶二百五十有五木石工料費錢千三百實有奇增置紅梅樹田二畝五分西市店一所講堂師帳書舍庖廡無不畢具堂之上為樓祀明王文

黃平州志

卷九 記

辛

成公以昭黜學倡教之始誠州學之大備矣我朝作人雅化振邁前古將必有振興鼓舞以鳴國家之盛者州人士感袁公之德復請記於予夫公固已記之矣又何所為記然興利除弊公誠先為其難以予之不敏而繼公後不尤難哉今州人士既幸得其所難而卒幸得其所尤難此皆可喜無憾也予行將轉代於公公不日且至未竟之功公必始終其盛究無所謂難也而州人士之於學其亦自是日起而有功也夫

周官黨術庠序之制甚詳先儒謂周公作之當時有未及盡行者漢多沿秦法然孝弟力田取諸鄉里其猶有先周之遺乎我

國朝興學右文振邁往古新闢疆土首先建學考千八百國類宮之設未有若斯之盛者也直省府州縣又各立書院俾之膏火興賢育才之典罔不備且悉矣而民間私塾在所不禁蓋磨世礪鈍莫善於學而興起之而沐浴之必有其漸惟懼其不廣也黃平一州為明神宗平播所設我

黃平州志

卷九 記

五十五

朝戡定苗彝凡興葺建置務以宜民勵俗余牧此八年見風俗人物蒸蒸日上與前志迥殊焉其漸被已深矣城南十五里曰石頭堡居民數千家道左巖上有三官閣閣前兩桂樹亦舊物矣常住經人民捨置產畝歲得米數十石迺住僧輒多不法屢犯案牘居民苦之去秋復以蕩費訐控余維村落寺觀之設原以衍香火作一方觀瞻人好施捨奉寧古佛飯彼釋徒求所謂利濟則無有然苟恪守清規雖無益固無害耳至於僧徒鬪狼倚產侵奪妄結訟端是反足以禍

此鄉而梗王化何以堪此不若以此現在精廬  
改為義塾令居此者以長其子孫以率其子弟  
習儒好學起懦化頑未必非助流宣化之一道  
也爰允民人請立為此鄉書塾顏曰石頭堡義  
塾云既又請曰自吾鄉之以茲閭僧人病苦者  
久懵不知所措今此除害興利實非淺鮮第思  
久計願賜泐石以垂示後來其亦可乎余曰可  
哉夫利慾之情因生日起貪嗔癡妄日汨焉而  
不自知風俗一偷且有以官吏為侵漁者矧此  
髡奴不識道理踞非己有之地食非己力之產

黃平州志

卷九 記

五十六

蕩然罔忌擾累一方亦固其所繼自今官斯土  
者體鄉民不得已之情上以長育人才下以馴  
擾黎庶家絃誦而戶可封豈必鄒魯之秀良耶  
爾民人亦宜湔滌澆風習禮義而尊長上世守  
茲塾永為

盛世仁毋自作不靖使吏胥得操長短是不肖僧  
人之續矣既以語之并具規條籍產數識諸碑

陰

重建平龍丁未橋記

袁 治

州東十里舊有石梁毀於楊應龍明中丞郭子章戡亂後重為創建因命名曰平龍巔末備載郭碑橋高三丈餘廣二十尺有奇規制宏壯結構堅凝歷二百餘年稱鞏固焉乾隆丁未夏五大雨兼旬猛漲衝激巨石奔騰而是橋與距城五里之石橋先後崩折余維兩橋固滇黔衝要星使必經方思與州人謀所以築之適 廉訪陳憲因公赴銅仁歸見橋圯謂余曰是不即建不獨病涉者而有妨兩省郵傳修之不容一日

黃平州志

卷九 記

三

緩也君其克倡此舉乎遂捐廉俸五百金命余董其事兩城紳士商民聞之莫不欣欣然體廉憲意咸樂輸襄事焉工始於六月越明年戊申仲春告成灰石工匠兩橋計費九千七百餘兩而斯橋實用八千六百金橋之高廣較前有增仍驪水為七大洞鑿石壘址中實以灰相接處更以卵石鈎鈐之壑底平其磧礪使水勢平入洞無搏激患上翼扶欄如其長之數而兩之經營細密逾於昔制工竟余請壽貞珉於 廉憲公以為兩橋之成非成於余成於爾州人之力



也爾其無沒州人之善可矣余自愧牧茲土者十有餘年於公事無所補苴而竊幸州人士之樂事赴功既無廢前人經久之制並足貽奕世利濟之休是烏可不分別志之首事新州則進士盧嘉會王孚鏞孝廉沈毓靈胡成人舊州則副貢張鵬程職員劉琬西武孝廉劉奇揚生員戴九德司出入則吏目吳國相陳壩巡檢江懷鑑進士王孚鏞孝廉胡成人余第四子廷揆隨王胡諸公後督領工匠不憚辛勤與有微勞焉其兩城樂輸紳士商民姓氏及所捐銀數備勒於左橋名仍舊蓋欲存前賢之勲績於不朽也距城五里橋因起建之年月日時命名丁未紳士捐數已總列是碑督理之人修造之法與斯無異不更勒石是為記

黃平州志

卷九 記

五  
六  
西

新葺飛雲洞殿閣記

福康安

飛雲洞在黃平道左數點中勝概者必首屈一指焉乾隆庚寅間余纔逾舞勺三奉

恩命省先公於征緬軍營取道黔疆得數數過之覽山水之巖巖磊落詭譎萬狀未嘗不歎息徘徊不忍去而身荷絲綸心馳帷幣未敢稍為流連每一經過輒忽忽如有所失迨邊境寂寧纓槍淨掃先公振旅還朝余日侍

御前兢兢奉職初不意復於烟霞紫翠間覽佳賞也

庚子春余欽奉

黃平州志

卷九 記

五五

恩擢自盛京將軍移制滇黔五月既望復過黃平暢覽縱觀得未曾有維時澍雨初晴林巒鮮美凡茲洞奇偉之狀靈幻之形莫不迴巧獻技畢效於余前若喜余之復來者嗟乎余與茲山其果有遇乎山麓有古寺其中為三世佛殿殿左建養雲閣閣之前楹懸先公題額曰巖壑大觀閣前有池廣畝許人之至是閣者必紆道池旁宜覆以橋便行人之往來洞中有大士像洞上為接引佛閣皆因山石之自然如藻繪焉夫浮屠之說清淨無為而世所稱洞天福地大都處

於荒遠奧僻桑麻不樹之區故宜佛焉今茲洞  
僻在遐壤而靈秀奇傑不可思議是誠祇園鹿  
苑也且佛者好生而惡殺其說主於教人為善  
黔古牂柯地夷獠之所居性多佞佛宜乎因其  
勢而利道之亦古所謂神道設教之意也爰捐  
廉俸舉殿閣佛像葺而新之并構橋於池上金  
碧莊嚴輝映蒼翠因識余與茲山相遇之顛末  
若即若離而今乃得盡覽茲山之奇以愜余志  
洵乎余與茲山其相遇殆非偶然也故縷筆而  
為之記

新修黃平州署碑記

高星煥

異常之建樹存乎我不朽之事功利用恆蓋我也者量黎庶之斗斛而裁輿情之刀尺也所患者不能撫躬靜觀將有時不見有我委棄形骸簿書高閣悠忽澁忍竟不事事有時惟知有我侈心蕩志荒樂縱欲昧人敢怒惟己是適兩失維鈞嗚呼可尤有說焉每見過人之士膽氣挺出擔天下之重任一時亨屯平險居然負奇異於衆顧任重而不能道遠成功而未能永貞操履中衰志節半廢不恆其德又奚取諸茲之州

黃平州志

卷九 記

三

治古興隆衛也若黃平設州則古樂源地前明庚子恢疆播酋立府平都建州屬越治於斯始速

國朝康熙年間裁衛歸州兩署並存官因事駐不常厥居雍正甲寅移州於衛此地遂永為州治矣乙卯歲因兵燹公署草創閱今二十三年楹斜垣圯湫隘卑濕余恭膺

簡命牧茲二年慨然者久之用捐清俸大啟爾宇夫道有率由而無弊者舊章遵循最戒紛更喜事况土木興作勞民傷財聖賢悼焉然事有不可

因陋就簡者以佚道  
見今獨異於古所云  
也此余所以因俗成  
乎過此以往牧斯土  
我之地匪我子孫之  
之計因疏觀夫凡事  
出一我以任勞怨竭  
所持惟我並舉帝天  
在我之返觀兼冀行  
懈久道化成余與有

黃平州志

卷九 記

深居養重局碁消夏  
任情恣睢哂衆從欲  
始勤終怠先潔後污  
換面黑白改妝本此  
表斯昔而顏其額大  
以言乎其操守也恆  
也觀中以自考也我  
勗來者時乾隆庚辰

重建白衣閣合祀五顯神碑記 李 臺

釋氏宗空道流尚元二端之分門角立如水火之各顯其用而不可合併也久矣然吾聞老子跨青牛出函關關尹喜占紫氣而邀迎之著道德五千言遂西走流沙入大秦別闡教於西域則西教之興殆其濫觴歟朱紫陽亦謂釋經之精義奧旨蓋獵取於老氏而後世之為其徒者翻襲釋氏之粗以自樹用是寢以不競由斯以譚道之可以相藉者必其勢之可合而不必岐視之也于道且不必岐視則其象設之顯示者

即偶合焉應亦無乖於禮爾奉佛者曰菩薩佛門之大弟子也觀世音則又證法如來以大慈悲而救苦難于南瞻部洲固海內善信所祀而祝焉者也昔吳越王夢白衣人求葺其居寤而有感因建天竺觀音看經院則白衣住相之所昉矣奉道者曰諸天之神太微玉清所統屬而布護下界以護國祐民者也乃若吾黃世祀土神厥號華光道流謂北斗所降精顧第不深考然傳聞明季叛苗藍二既破郡城及舊州直擁烏合數萬來犯城方戒嚴無何賊象至北山岡

遙見三天將高逾樓堞率大隊自郭外迎敵旌  
旗甲仗閃爍騰趣勢如電掣風駛逆衆大懼潰  
遁自相蹂躪死者無算時城內見賊遽自退相  
愕不解乃率衛軍出追擒獲餘黨訊得其故懷  
然於關聖華光之陰行捍衛吾民也記曰能捍  
大災禦大患則祀之吾人之奉夫神而以秋報  
賽者由來已久其亦有當於國典也歟神之廟  
舊在北郭外再燬於火而莊像皆無恙自是寓  
祀他宇不常厥居至雍正乙卯黑苗猖獗吾城  
諸古剎蕩為劫灰城東白衣閣范金寶象也而

首僅存乃華光寓城北之三楹巋然獨完茲又  
靈異之尤著者往歲里中諸長德共謀所以重  
奉大士而並以妥神之靈者相與斟酌權宜復  
鼎新斯閣而併祀焉經始於乾隆丁巳越辛酉  
而落成族兄光緒寶與董其事既自為記而徵  
予文以壽諸石荏苒宦途未克即應者閱卅餘  
載矣今予以憂歸兄年且逾八袞復用此敦囑  
因推明夫合祀之義並有不容已于建設崇奉  
者如此至工費之若干以及常住之存留所以  
為善後永久之計者具詳兄記中茲下贅云

重修真武山碑記

魏 鑑

今夫佛教與聖教各一教也至其現身說法欲使天下後世同歸于善而不為惡者則無不皆此民胞物與憂樂與共之懷蓋嘗觀聖人之道惟子臣弟友禮樂農桑不過尋常日用坦易近人然正其義不謀其利明其道不計其功此惟有道之君子能之而愚夫愚婦則固難以語之而夫子曰民可使由之不可使知之若佛之教夫善男信女者曰輪迴六道善則轉輪而為仙佛神人不善則有冰刀地獄舂磨鋸解之苦而

黃平州志

卷九 記

五十一

為禽畜蟲豸夫使天下無論智愚賢不肖以至愚夫愚婦胸中時凜凜有一地獄之懼則不善者轉而為善矣胸中時欣欣有一仙佛之慕則善者益進而為善矣此誠循循善誘夫愚夫愚婦而胥向于善非

聖王神道設教之本心歟蓋天地之間有為晝而陽為夜而陰有或動而作有或靜而止無一不相需以成化相嬗而遞行然後乃成其造化向使專一而不錯綜豈足以盡天地之大哉今夫人日逐逐於名利爭趨之途而不知止蓋亦動之



極矣登 祖師之山參佛大乘心經而得夫明  
心見性之旨棄去一切寧不足以息其貪妄之  
念則夫佛之為教雖與聖人去取各殊動靜不  
一不猶夫晝夜陰陽闐闐動靜為天地造化缺  
一不可者歟余自雍正四年來倅威寧繼移大  
定六年之內皆奔走于烏蒙軍旅間官署席不  
暇煖及雍正十年題授黃平曰事簿書軍務其  
於叢林方丈蓋不啻仙凡之隔也興隆之西有  
真武山者為 祖師梵院通境之所崇禮也經  
理乏人田土樹木多為土棍之所占踞控經于

黃平州志

卷九 記

卷九  
三

州余為清理委敦實善士曹子海者掌其工資  
稽其出入不數月而寺宇重新工無濫費常住  
田畝并勒諸石以垂永久庶 祖師香燈可以不  
替矣事竣曹子復請序于余余愧不文爰約  
畧而為之記云

蓮興寺碑記

蓮興一刹肇自前明有田二十二畝乃必令堡高坡揚寨必三寨先人好善樂施後人所當共保勿替也蜀僧方桂與其徒元壽等苦行勤修以成此廟又買田一十三畝恐日久生弊呈州建碑同立重誓歷傳至僧明澗皆能遵守又後之僧人所當效法也寨必坪田三畝零則康姓施入亦不可沒也乃竟有不善之徒罔念前人功德將碑中要字鏟削以圖侵佔三寨合議重修此碑倘再有鏟碑匿田及住持私積逃走者

黃平州志

卷九 記

七  
三

並如前誓夫子孫不忘其先志與寺僧能守其師法皆可取也是為記 寺田山林開後 冷家灣田共八坵 寺後二坵 寺右一坵 寺左二坵 陳宅門口一坵 山門口二坵 楊家坟一段 大林邊二坵 大街上一坵 平南壩二坵 下大路一坵 觀音閣四坵 雷打人一坵 寨必坪三坵 幾棒冲一段十八坵 寨勞六坵 李宅門口一坵 半腰井二坵 曾溪堰一坵 寺門沙壩田一段 上河

壩上段十五坵 中段十七坵共三十八畝零

馬鞍山一幅田二坵 社壇山林一幅康翁捨  
入 寺前大林一幅 續畝帶田三坵 嘴頭  
坡二坵 青樹壩二坵 太公廟門口一坵共  
一畝八分原當銀三十兩寺內兩次贖回 乾  
隆癸巳僧佛智法光重修上殿乙巳僧印綬印  
海重修下殿嘉慶丁巳僧續興重修兩廊附記  
于此

重安江江西會館記

李 紅

凡士商之客於四方者必設會館為歲時頌禱  
地有事則聚而議焉而出於吾鄉人為多其在

黃平州志

卷九 記

七  
奕

黔楚間尤盛蓋猶古者鄉校之意特僑寄為異  
耳然人情比閭托處習而忘之及遠遊日久聞  
鄉音輒喜雖旁州郡之人如親戚然因是有以  
聯其情誼不然者則鄉人是非之公亦于是出  
焉顧不善歟重安江城在平越都勻鎮遠三郡  
之交前臨大江風景闊濶又為滇黔通道仕宦  
商賈肩摩而踵接驛舍之外闌闔連屬亦繁盛  
之區也乾隆十八年鄉人魏捷萬徐必祥曾良  
友熊天祥蔡以文蔡遠臣吳學萬等始合謀釀  
金購基與田二十年鳩工庀材越十年熊人河

魏及萬蔡作舟等迺藏其事又三十餘年嘉慶  
戊午予以甕安令攝平越篆鄉人蔡麟舟魏國  
仲施奇珍等以勒石之文來請因為論館之所  
由設在于篤桑梓親睦之風而公其是非非僅  
為黨同之具其所祀神皆鄉之德施于人者人  
皆知之不具論至萬壽名宮昉自昔代然今當  
四海會同之世自神及人實皆為

聖天子祝無疆之福則尊嚴之地凡往來差使皆未  
可假館住宿停寄物料以褻越視之也其田畝  
基地載碑陰

黃平州志

卷九 記

充五

一買謝東昇基地一幅前後左右二十二丈  
一買陳世珍<sup>德</sup>基地一幅 一買李象吉基地一  
幅 一買趙世勳基地一幅 一買曾受街基  
一幅 一買謝廷藩基地一幅 一買章顯宗  
基地一幅 一買蕭漢<sup>臣</sup>雲土地一幅地名王家  
坪並茶園在內 一買王世埽等街基一幅  
一買劉元錦田二段地名馬桑冲 一買張青  
英田一坵地名壩尾大小十七坵 一買計仲  
遠田一坵

重建平播橋記

許克家

舊城東三里有河曰冷水河相傳昔有冷水和尚者禪修旁之山隈後化去土人艷之故名河自楓巖小村而來繞城北下衙紙坊合樂水滙濟入沅冬春之間潦盡寒流僅一小溪而已夏秋山水暴漲急湍飛瀑千澗交溢嘗汎濫數十畝民病涉焉明巡撫郭青螺先生平楊應龍後建橋其上名之平播播為應龍巢穴而舊州亦播地也雍正十三年逆苗蠢動橋亦被毀寶相寺僧佛能者募捐重建不數年旋為大水所傾

黃平州志

卷九 記

七十一  
七十六

自是擇淺渚架木作梁以通行旅雖一歲數易究之水漲時往來者咸數日止山以俟莫敢或越佛能之弟子印元憫行人守候之艱欲繼其師志為橋力不克勝請於州刺史袁蓼塘先生商諸紳士之強有力而心存利濟者於是戴君深仁偕印元為募修之倡自守土以迄士庶共捐金六百五十兩有奇印元之助米益薪又在外焉刺史率州人士相度妥基以舊址地卑而澗為洪波巨浪所必經難期久固因遷於上流半里許水之紆迴處依山作柱鑿石為足僉謂

可保永無傾圮之虞復遴選紳士之能事謹恪  
者劉子琬西戴子九德董其事以歲己酉秋初  
經始落成於庚戌春仲既畢而刺史屬子泐石  
以記予愧無文粗誌其顛末如此其捐金則附  
鐫之碑陰云

黃平州志

卷九 記

七

重修舊州學署明倫堂記

許克家

黃平舊州為漢牂柯郡地其後設縣設府設州  
歷代沿革不一

國初遷州治於興隆衛城而舊州

聖廟不廢乾隆中復請分駐學博一員典司祀事予  
以乾隆戊申來秉州鐸分駐其地見學舍荒蕪  
堂室幾圯慨然有增修之意會以他事未果姑  
就其可強為支撐者量購材物稍為補葺繚以  
土垣益之粉堊庶幾可以少安矣乃未及一年  
而棟欲折椽欲崩僂焉有不可終日之勢詢之  
弟子員知其地當雍正十三年為苗蠡焚劫殆  
盡諸官廨皆於灰燼之餘拾其殘缺者改為之  
故質薄而易壞兼學署居

聖廟東偏地甚卑濕黌宮前後四溝皆繞屋偪壁流

焉故朽敗尤易也先是署南高阜上有草創遺

址數楹未就久亦絕無人跡頗疑之弟子爭來

告予曰此前人欲建書院為其地高而狹嫌難

竟工因而中棄者也先生蓋卜之予曰地固學

地也諸子為水濕計則得矣雖然高則宜稍削

狹則宜稍培即平址功屈指已所費不貲况重

黃平州志

卷九 記

三

之營建乎予病未能也言未已而鄉城衆弟子接踵至咸願醵金為助衆議僉同於是庀材鳩工諏吉舉事先闢土次砌石次及屋宇次及階除牆垣瓦石竹木一時並興其間為門為堂為室為書舍為輿廡為廚為溷無不備具蓋五月而成焉計銷金六百八十兩有奇諸子共集者半予亦捐置者半其董事則劉子琬西徐子懋迪戴子九德張子道統游子宏傳劉子奇相林子開泰陳子堯劉子奇萬戴子德彬既歲事而諸子請記予喜吾黃人情之厚諸子從事之

黃平州志

卷九 記

七十三  
七十九

誠且願後之官是者隨時修治之俾諸弟子員長得趨蹌於執經辨難之地以無負

聖天子文學之旨與黃人士尊崇之意焉則善矣故記之



黔南黃平州萬壽宮碑記 江西程巖

聖天子聲靈赫濯薄海內外萬姓蒙休百靈效職凡  
有功德於民者皆有廟祀而禦大災捍大患如  
我西江福主許大真君其尤偉者也真君生於  
晉習儒學道令旌陽有德政厥時妖蜚作孽生  
民罹害真君仗法力制之遂使江湖永奠千百  
年來精靈猶著其感應之速捷於影響普天之  
下均沾惠澤固不獨大江以南西道諸郡已也  
廟像之祀徧於寰宇宜哉貴州當滇楚蜀粵之  
交為天南勝區山水奇秀甲天下黃平更推絕  
黃平州志 卷九 記

七十五

特文物之盛足與天下爭衡其地靈故神之託  
於斯者亦愈靈而吾鄉之貿易茲土與寄籍馬  
者不下千百數皆賴神之靈以默佑之舊創萬  
壽宮於城之東隅以妥以祝罔或不虔自卯辰  
以來苗民逆命毀於兵火吾鄉人之流困而失  
業者亦既有日矣幸

天子神聖威加萬里底定苗疆俾吾鄉人流而復集  
困而復蘇又以神之庇行者有什一之獲居者  
有生聚之繁而文物之興亦與地著者稍分其  
盛咸曰神之福我如是苟聽其祀之終毀也非

所以云報也神雖無恫吾其何以為心於是象  
議僉同謀復厥祀經始於乾隆七年四月越十  
二年八月工乃竣其址上下二十二丈左右二  
十三丈其宇堂十楹門四進餘屋兩間戲臺一  
座共用銀九百五十餘兩向之荆蕪蕪穢今則  
棟宇嵯峨也向之瓦礫堆填今則金珠焜耀也  
向之牧豎樵夫歌吟而上下今則衣冠俎豆拜  
跽而馨香也夫而後神有所妥民有所祝不既  
康乎吾於是而見太平之象已徵於此矣蓋苗  
民之歸化已久兵火之慘可保無虞神之福我  
者勤

黃平州志

卷九 記

七十五  
十一

地基田畝開後

一買陳茂修基一幅前抵街左抵關廟右抵  
李宅又後一幅外又二塊 共二契 一買岳  
繼聖基一幅上抵墻下抵街左抵關廟路右  
抵萬壽宮墻 一水府廟地承通城紳士付  
在本廟管理有約 一買李毓麟山地一幅  
地名龍場坡三岔冲界至載契 一買周廷

臣北門壩葫蘆田三坵民差一畝二分一  
買周中建西門外隆二甲屯田一坵計弓口  
三畝 一買許允鬱安三甲民田一坵地名  
猴坡大小三十三坵 四至載契 一買周際  
盛民田二坵一坵金家坪大小五十坵一坵  
燒香田大小六十坵 四至載契 一買王宗  
伯水府廟官田二坵地名下壩 一買梁楚  
珍紅排樓石規田一坵科差六分 一買張  
繼先馬路脚下獨田二坵半河小窩舖大小  
五坵新開二坵 四至載契科差三分 一買

趙子勳科田一坵五里橋膀上 一劉奇方  
施民田一畝二分地名猴坡脚下楊水田一  
坵又猴坡三坵 一狄英施民田一坵大小  
十坵地名羅寨小羅壩 一楊學賢施送馬  
店大街地基一間 一買蘇榮宗五里橋田  
一坵 四至載契 一買蘇榮宗五里橋石龍  
坡山土一幅墾田一坵山林竹木俱有 四至  
載契 一買蘇沈氏同男蘇承周五里橋石  
龍坡山土一幅基田一坵 四至載契

重建飛雲巖聖果橋記

安嘉相

遊人入黔者必侈談飛雲巖之勝懸瀑千仞奔  
溪驚澗湍流所匯有橋以通往來之道蓋巖壑  
之美峯巒之奇此穹然者實與之蔽虧掩映而  
不惟藉資利濟已也歲乙卯淫雨為災水漲齧  
石橋圯行人病之乃架木以代石橋閱時未幾  
傾欹立見守鎮遠郡今守貴陽郡 賜川程公  
發大願力毅然起而修之因以其事上白 大  
憲咸樂捐金倡始適嘉相奉檄代牧黃平 公  
以其事屬之是役也材取其大而裕工責其堅

黃平州志

卷九 記

七  
三

而精經始於己未之冬閱七月而工成計費千  
有餘金出於 當事及守土之捐措者十之三  
出於紳民之樂輸者十之七其鳩工庀材郭少  
府仙舟實董其事而都人士周君卜年劉君琬  
西李君繩武等咸僕僕工所無間晨夕出入有  
節省試有程勞來有經故人不少怠而工無或  
曠得計日而觀厥成也橋故無名因寺名月潭  
土人以月潭呼之竊謂山水奧區必經名賢搜  
剔地以人重月潭之名雖曾見於舊志歷有記  
述顧於暇日摩娑石碣見聖果亭偈字奇詞古

跋稱冷泉大雲寺聖果亭髯龍子書偈於壁龍  
陽子請登之石則知陽明先生謫宦來遊此其  
手書真蹟髯龍無考味其跋語似當事之賢而  
邃於內典者與姚江宗旨契合針芥此偈此亭  
獨有千古茲橋成當必求其可以千古者則因  
月潭之名又何必不因聖果而名之乎且果之  
為義至大云聖學云禪理明心見性廣種福田  
皆是物也而斯橋之普濟衆擎亦有取焉至冷  
泉當即今之雲根泉大雲月潭是二是一難憑  
臆揣以語陽明之蹟則貞珉具在光怪旁溢毋

黃平州志

卷九記

錢

寧捨彼而取此願告山靈且以示都人士之修  
輯志乘者

寶珠寺記

陳善述

寶珠寺樂源古刹也。明季蓋二張先壁相繼披猖，遂成灰燼。所存者惟常住數畝、田耳。僧調御從師騰初，誅茅結菴，越數年甫建前殿而騰歿。其時調御亦衰邁，難支得徒融通相與竭蹶從事。而兩廊後殿始完備。馬調御示寂後，融通歷盡艱險，獨力撐持數十載。如一日自鏤接引大佛一尊、章馱一尊，增置常住。又將前殿三間擴而為五，是皆生平辛勤苦積，口甘淡泊，身受饑寒，不敢以一絲一粟自私自利。而建此功德，誠

黃平州志

卷九 記

錢

哉。苦行頭陀也。茲欲將新舊常住勒石以誌不朽。乞予言以記之。予非不知山門之興廢由於常住之有無，向非有舊常住數畝，則此山不能復興也。不自今日矣。乃故詰之曰：山門田土，輒稱常住，有說乎？融曰：在俗產業更番授受，罕有至十世百世者。一入山門，則仗佛力無敢侵奪。如山之良止而莫能移易，此常住之所由名也。予曰：恐未必然。昔蘇子瞻有云：世豈無無佛而滅鬼者乎？烏能禁其侵奪也？融曰：猶有說。夫人之捨此業也，非為本身圖福祿，即為子孫祈綿。

遠彼不捨而反思侵奪其人之存心與張藍無異不但本身墮落而欲冀子孫之綿遠也難矣即如貧僧舍身浮屠辛勤所購僅以付諸空門誰則不愿宗祧之相承不墜而奪之也予曰信如此言則常住可保無虞矣又安用勒石為哉融曰此言其常耳僧老矣能保後之焚獻此山者皆如我哉又況於山以外者能保其後之所遇悉如前之人哉萬一不然雖有簿約或委草莽或投水火將畝數無稽坵段迷失官冊之錢糧如故僧家之田面不敷賠累既多住持難任甚且置莊嚴之法像棄崔嵬之禪林而成冷廟荒烟皆不可知也而欲再為振興也難予曰然勒石誠不可已也是為記

黃平州志卷十

藝文中

沙洲集鷺說

徐而陵

黃平城北約里許為芷坊灘也一水自西遠城而下至此則潞洄曲折遠際無涯中有沙洲一聳踞江心如舟如盤凝然不動四面皆水兩岸上雜以邨舍遍植桃柳濃陰掩映有樓臺倒影落花流水之趣雖西湖佳景不是過也當秋水涸洲固亭然玉立不足異即春夏水漲洲亦砥柱中流不隨湮沒白鷺千百為羣點染清波

黃平州志

卷十說

恍然與錦鱗游泳者競秀爭妍也噫嘻彼斯鷺者胡為咸集於斯耶彼誠見夫斯世皆炎而此地獨涼斯世皆濁而此地獨清耶抑或有得夫流水行雲之趣而行乎不得不行止乎不得不止耶即不然或自處以正不隨波逐流而有樂于此洲者耶嗟乎夫人寄形宇內誠不可不留身後名也居廟堂之上無求溫飽處家庭之中不忘孺慕人生之大節無虧即百世之芳名不朽俯焉仰焉隨地可以自盡優焉遊焉隨時可以自樂任人世之顛倒覺清白之在我庶幾無



愧于斯洲斯鷺而可傳於弗替也因為之贊曰  
沙明似雪鷺白如霜與清流而互照共明月以  
分光觀高山而仰止友魚蝦而徜徉固宜地靈  
毓秀人傑鍾祥振西離之健翮序北闕之鷓行  
知應運之非偶樂

盛世于義皇使斯洲之鷺亦偕鳳麟而比美並龍馬  
以相將

惜陰說

朱定元

嘗讀書至吉人為善惟日不足未始不嘆古聖賢之及時進修有如此吾人生聖賢之後學聖賢之為人所賦之五官與聖賢無異所處之倫常與聖賢無殊然每自暴自棄悠悠終朝伊何故哉蓋善惡分途夫人而知之矣遡厥由來大約因循實甚偶爾失足輒曰可以改圖於異日也可以補過於將來也抑知一時偶誤畢世貽羞一事偶差終身莫贖況去日之多來日之少即惕惕終朝猶恐遺憾於夙夜矧暴棄而不知

黃平州志

卷十 說

三三

返耶今而後願我同人念夫時之忽忽其不留也思乎老之冉冉其將至也德與年俱新無悔臨巖勒馬功與時並進無嘆補漏江心苟謂後生之歲月無窮當際之優遊甚適吾知今日所遇閱異時而遷目前所經不轉盼而謝往者紛紛不止也來者茫茫莫知也迨至日月易矣而人如故年齒益矣而德不加行不過中人聲不超里巷窮年皓首而始嘆壯盛之已非驚遲暮之忽及亦已晚矣總之金烏似箭人縱急圖猶不能於耄期之餘復挽已逝之歲月玉兔如梭

天雖仁愛亦不能為怠荒之輩長留無盡之居  
諸嗟乎哉春秋代謝往復何常悲桑榆兮易逝  
告無愧兮何年以故庸愚玩日惟覺其長志士  
惜陰每憂其短古聖賢之及時進修願吾友共  
效之矣

示龍場諸生教條

明王守仁

諸生相從於此甚盛恐無能為助也以四事相規聊以答諸生之意一曰立志二曰勤學三曰改過四曰責善其慎聽毋忽志不立天下無可成之事雖百工技藝未有不本於志者今學者曠廢隳惰玩歲愒時而百無所成皆由於志之未立耳故立志而聖則聖矣立志而賢則賢矣志不立如無舵之舟無銜之馬漂蕩奔逸終亦何所底乎昔人有言使為善而父母怒之兄弟怨之宗族鄉黨賤惡之如此而不為善可也為

黃平州志

卷十 教

五五

善則父母愛之兄弟悅之宗族鄉黨敬信之何苦而不為善為君子使為惡而父母愛之兄弟悅之宗族鄉黨敬信之如此而為惡可也為惡則父母怒之兄弟怨之宗族鄉黨賤惡之何苦而必為惡為小人諸生念此亦可以知所立志矣已立志為君子自當從事於學凡學之不勤必其志之尚未篤也從吾遊者不以聰慧警捷為高而以勤謹謙抑為上諸生試觀儕輩之中苟有虛而為盈無而為有諱己之不能忌人之有善自矜自是大言欺人者使其人資稟雖甚

超邁儕輩之中有弗疾惡之者乎有弗鄙賤之者乎彼固將以欺人人果遂為所欺有弗竊笑之者乎苟有謙默自持無能自處篤志力行勤學好問稱人之善而咎己之失從人之長而明己之短忠信樂易表裏一致者使其資稟雖甚魯鈍儕輩之中有弗稱慕之者乎彼固以無能自處而不求上人人果遂以彼為無能有弗敬尚之者乎諸生觀此亦可以知從事於學矣夫過者自大賢所不免然不害其卒為大賢者為其能改也故不貴於無過而貴於能改過諸生

自思平日亦有缺於廉恥忠信之行者乎亦有薄於孝友之道陷於狡詐刻薄之習者乎諸生殆不至於此不幸或有之皆其不知而誤蹈素無師友之講習規飭也諸生試內省萬一有近於是者固亦不可以不痛自悔咎然亦不當以此自歉遂餒於改過從善之心但能一旦脫然洗滌舊染雖昔寇盜今日不害為君子矣若曰吾昔已如此今雖改過而從善將人不信我且無贖於前過反懷羞澁疑沮而甘心於汙濁終焉則吾亦絕爾矣責善朋友之道然須忠告而

善道之悉其忠愛致其婉曲使彼聞之而可從  
繹之而可改有所感而無所怒乃為善耳若先  
暴白其過惡痛毀極詆使無所容彼將發其愧  
恥憤恨之心雖欲降以相從而勢有所不能是  
激之而使為惡矣故凡訐人之短攻發人之陰  
私以沽直者皆不可以言責善雖然我以是而  
施於人不可也人以是而加諸我凡攻我之失  
者皆我師也安可以不樂受而心感之乎某於  
道未有所得其學鹵莽耳謬為諸生相從於此  
每終夜以思惡且未免況於過乎人謂事師無  
犯無隱而遂謂師無可諫非也諫師之道直不  
至於犯而婉不至於隱耳使吾而是也因得以  
勉其是吾而非也因是以去其非蓋敦學相長  
也諸生責善當自吾始

丁祭教

國朝鄂爾泰

竊惟

至聖先師萬世之師表也冠帶集團橋

天子有臨雍之典春秋屆仲月上丁修釋菜之儀內

則命夫胄子三公外則寄於有司羣牧典恭嚴

也誰敢懈焉本部院前蒞南藩職司秉憲恭迓

丁祭親齋沐而宿黌宮先令儒官較簿書而正祭器乃知牲或已經宰殺既失告全致潔之心物豈盡屬肥鮮更乖博碩蕃滋之義且或常供不充夫額數任先後以那移珍品不給於豆籩致菹鹽之雙疊兼聞各學亦有同風罔知共竭精誠但解奉行故事甚或尊蠱未備疇詳犧象之形琴瑟雖陳莫辯敵麓之狀觀者如墻如堵任彼咆哮祭者似醉似癡頽如聾瞽一尊纔薦滿庭之燎火無光三獻未終兩廡之燈輝已滅於是登鉶與簠簋悉憑顛倒几筵鹿兔與榛莩

似遇摩空鸚雀分甘奪醴半由承祭之家人拍地喧天遑問糾儀之齋長駿奔髦士霎時怒髮衝冠輿隸膳夫一片雄心染指凡此之類罪豈勝誅皆由約束不嚴亦以躬行未善不思主爵則身膺一命幸得窺聖人門墻分獻則職任半壇原以司泮宮俎豆平時未知化導已蒙尸位之譏臨事不克恪恭難免曠官之咎於是飭郡守州牧縣令等職兼以誠教授學正訓導諸員各矢乃心以襄大典預期三日牲牲皆供乎饌牽先事一朝品物盡陳於類璧齋戒沐浴來觀

習樂試歌舞於明倫堂前料量潔清退服寢衣  
斂精神於尊經閣畔庶幾必誠必信斯夙夜之  
惟寅無怠無愆知神人之感格是并申之條約  
用以頒諸學宮業經江南各學遵照奉行在案  
今本部院蒞任滇黔合行通飭為此仰各府州  
縣等官并教授學正訓導諸員務須恪遵奉行  
今將條約開列於左

一既奉

肇聖五王不惟簠簋豆籩照數增設即牲牲亦應各  
增其四有議共牲者其說不可從考之典禮惟

黃平州志

卷十 教

九九

配享有可以共牲者專主無共牲之禮書云文  
王駢牛一武王駢牛一其明徵也自三代至漢  
唐皆不聞共牲之說惟後漢有青帝赤帝共一  
犢白帝黑帝共一犢者議者非之唐開元時五  
品以上室異牲六品以下共牲豈有王爵而可  
共牲者乎其各照數增一為五可也

一祭牲祭品皆有定額一豆一籩罔可缺遺况  
牲取親割以告虔也取其毛血以告全也可既  
宰而入學門乎豕曰剛鬣註謂其豕肥則鬣剛  
羊曰柔毛註謂其羊肥則毛細而柔弱此博碩



肥膾之所由稱也可以瘦瘠不堪之豕羊而飲之灌之以充牲牲乎既宰且不可瘦瘠且不可况可缺其額數而肥吏胥之囊橐乎月令曰犧牲勿用牝又曰命宰祝循行犧牲視全具按芻豢膳肥瘠察物色必比類量大小視長短皆中度五者備當上帝其饗註曰上帝且歆享之况羣神乎嗣後各官俱須先三日親至學視牲牲如法然後稽其數使人牧之以待先一夕親割雖奸其何所施乎

一丁祭先數日集樂舞生演習精熟先一日與祭官親同往觀不得草率從事

一丁祭先一夕凡與祭官齊集學宮齋宿不得有一員私宿本署

一丁祭之日庭燎燈燭務須光明如晝以俟祭畢後已除神前燈燭外即官員不得各自張燈一丁祭之日櫺星門內不得容一閑雜人所有事宜止許學書幹辦及小心謹慎門斗二人或四人照管燈燭其官員僕從人等一概於門外伺候萬無使僕從持燈夾墊相隨上殿及上兩廡之禮君師一體毋得自取罪戾以遺失禮之

愆

一丁祭之日既不許容一閒雜人自無有搶奪祭燭及祭品之事倘或仍有潛匿門內乘空搶奪者以盜賊論即時擒獲解報以憑盡法重究一學宮之地聖賢靈爽所依不惟丁祭宜修治肅清即平日尤宜掃灑潔淨近每見黌宮以內栽瓜種菜學圃成澆灌之場曝被晒衣諸生絕往來之路甚至丹楹刻桷徒供蝙蝠棲遶鳥革翬飛盡是魑魅巢穴蛛塵百斛廟貌埋埃垢之中颺糞千箕腥穢聞宮墻之外皆已安之若素久且習為固然甚至先儒先賢兩廡之神牌倒置鄉賢名宦兩祠之神位傾頽非其子孫有誰咨問加之朽蠹若罔聞知凡爾學官所司何職即諸門斗多亦奚為嗣後教官不特巡察務令門斗分班輪值逐月掃除學宮之內不得容一毫塵埃庶亦無忝厥司慎哉毋忽

學校志論

曹掄彬

自宋仁宗賜袁州學田詔天下州縣立學增置學官歷南宗元明擴而張之至

本朝而師儒縫掖遠溥海外文治之盛于斯為極黃平自建學以來三百餘年擬巍科登甲第者百餘人吁亦可謂盛矣獨是世風日降士多貧窮吾見兒童五六歲亦嘗令就學稍長家貧易而為農者有矣商與工者有矣或吏胥而卒伍者有矣卒業于學者十得一二焉嗚呼詎不難哉雖然亦視乎自奮何如耳苟有傑出之資必不

黃平州志

卷十 論

十三

為貧所困試思古來豪傑何嘗不自困苦中來哉獨是先王謹庠序以立教五禮六樂七教八政養耆老恤孤獨上賢以崇德簡不肖以黜惡非專為人梯榮弋祿之資也是故修之于家而獻之於廷德行高妙志節清白表正風俗視民不佻君相之所敬求長吏之所尊禮也乃或孝弟無稱踰閑蕩檢造請夤緣侵漁武斷圭璧之躬士有闕矣有司束濕又何怪焉司馬溫公曰士先德行而後文藝而經術又為文藝之本蓋經術者格物致知之學所以進于誠意正心修

身而為齊家治國平天下之具也今學者焚膏繼晷而唯科舉是務即所謂科舉之文亦非有原本經術發抒義理得之心而宣之口者也不過揣摩迎合圖取膏粱文繡已耳就其所學寧堪自問哉夫人不患才之不成而患志之不立年盛質美始涉學庭講修典訓志道據德之基也積分優補久列膠庠力學不倦依仁遊藝之漸也古之學者自一年以至七年謂之小成九年謂之大成故能經術湛深時務明達本末貫通紹休聖緒敷奏以言則文章可觀明試以功

黃平州志

卷十 論

十三

則盤錯皆利出為家國天下之良材處亦人心學術之攸賴也若但取斷爛時文以求應舉粗知對偶便望巍科閭里童昏儼然師塾又安望其知類通達強立不反乎以此求才徒虛語矣胡安定先生教授蘇湖嚴師弟之禮視諸生如子弟諸生亦信愛如父兄其教人之法有經義齋有治事齋經義齋擇疏通有器局者居之治事齋人各治一事又兼一革如邊防水利之類故天下謂湖學多秀彥許魯齋設教燕京弟子出入進退嚴如君臣相其動息以為張弛課誦

少暇即習禮或習書算少者則令習拜跪揖讓  
進退應對久之人人自得尊師敬業下至童子  
亦知三綱五常為生人之道今則博士弟子漠  
如路人甚者避不相見其師平日之教可知矣  
鄉塾之師或崇飲戲謹倚席不講弟子亦蔑視  
其師師之去留不關父兄悉由于弟之好尚如  
此尚可冀其相與有成乎昔文翁治蜀每出行  
縣擇諸生之明經飭行者與俱蜀人爭為學官  
弟子比于齊魯明道先生令晉城鄉皆置校正  
兒童所讀句讀教者不善輒易置之鄉為社會

立科條旌善別惡由此觀之有司者民之父母  
而師率之責無所諉也誠有司留心文治義學  
社學聿新棟宇聘有學行生儒主之民間塾師  
必籍其名覈其文藝品行隆其禮復其身有教  
約以嚴其師師有殿最有教法以課其徒徒有  
賞罰月朔與學博諸生講求

御製訓飭士子文文字一本之經術申之以孝弟忠  
信禮義廉恥無為沾沾科舉是崇都人士之文  
章德業又焉可量也

李鳳臺傳

朱 襄

李鳳臺名朝陽西南名將也先世祖貴永樂八年調

黃平千戶泗水人考族譜則盱眙武靖後始祖德乃增枝

子代父行適靖難遂籍任城籍改潘陽遷樂源非得

已也公生六歲孤十歲母他適惟外父許是依長通

武舉子業騎射稱絕技詩史間及焉性篤孝友鄉黨

間恂恂如二十歲襲武畧將軍職有治聲長八尺豐

頤廣額出稠人一頭地諸上官愛之為饒將材神將

也萬歷二十七年播首叛公統草營軍圍鐵柱攻

海龍皆任先鋒播首授首正公守壘日時二十八年

黃平州志

卷十 傳

十五

六月六日也撫軍郭公子章巡按宋公興祖合疏題

曰黃平被播賊攻圍數次千戶李朝陽固守無虞抵

敵見效酋長避其雄風黃庶資其保障亦何壯也本

年川貴總督李公化龍題平播功曰黔將李朝陽等

后嘗則鳴劍抵掌誓投湯蹈火以不辭見賊則躍馬

揮戈若掣電奔雷而直搗自非有萬死一生之義旅

何以收一月三捷之奇功疏上迺有世襲揮使命郭

公得邸報贈以聯自是千年鶴從今萬戶侯二十九

年宋公薦曰氣橫塞上夷驚神軀天挺矢發空中鵬

落妙技人推三十二年直指畢公三才薦曰鼓士氣

以投醪障孤城于壘卵奇而能正勇且有謀路苗叛  
公任征剿撫按郭全兩公題平苗功曰指揮李朝陽  
英風追虎賁之三千壯志懷鵬程之九萬冒九死雖  
危不避提三尺所向有功三十四年直指金公忠士  
薦曰猿臂技射雙鷗燕領封堪萬里智勇邁衆謀畧  
通神三十六年督撫郭公薦曰賈勇親登險壘用奇  
克保危城腹貯五兵射貫七札本年推守備奉勅協  
鎮西南平二安爭官難私厥諸奸就擒操練以時焚  
糶警服三十七年直指馮公一垣薦曰控弦破敵撮  
米成山戈揮萬馬皆奔囊傾六奇盡拙三十八年直

黃平州志

卷十傳

十六

指張公世璣薦曰壯志惟雄一劍奇謀可動九天破  
壘全城有李將軍名號攘夷退賊富范老子甲兵部  
推滇閩以患目致政歸禮名師教子弟仍督耕桑  
事暇聚庶老輩效牛羊會樂之此公出處大概也要  
非專恃武功者孤而好學德以深遠向在師中不喜  
殺不妄淫非真名將曷以臻此余傳是以知公深也  
然必入剡章者總欲後之人知公功績蓋當世如此  
乎其烈烈也公有四子喬襲揮使任副戎達植通皆  
廩生孫則先春行十有五人云

周母崔孺人節孝傳

朱定元

女之事夫猶臣之事君也事君者居恆尚慷慨  
談節義一旦遭不測鮮不喪其所守况女子乎  
夫女子性柔懦又未嘗讀書苟能守從一之節  
矢死靡他詎不與魯之敬姜宋之陶母齊芳並  
烈哉吾黃節婦崔孺人係庠生周公廷材妻也  
年十五歸周雖年方及笄弱不勝衣而孝奉翁  
姑敬事夫子承歡勸學克敦婦職無何翁既淹  
逝夫又淪亡遺孤二長學尊六歲次經三歲孺  
人年僅廿二晝夜號泣殆不欲生姑泣諭之曰

黃平州志

卷十傳

七

吾之望婦如子也况兩孫孤幼嬾死吾身何倚  
藐孤何依乎孺人勉從姑命緝蠶度日針指延  
年糴米養姑己甘茹荼拾薪供爨單衣蔽體甚  
至手指裂血見者憫之孺人哀泣無怨矢志不  
移遇姑久病孺人廢寢食侍湯藥茹素三年請  
以身代迨姑之歿也衣裳棺槨悉遵典禮既克  
以婦道兼子職又能以慈母為嚴師訓誨二子  
伯也入庠仲己食廩鳳翥鵬飛殆未有艾孺人  
守節四十三年現年六十六歲白髮彌堅青松  
不改族黨公舉奉



旨旌揚孺人苦節洵可謂迴天地之正氣立世道之綱維培姬氏之家傳彰

盛朝之雅化愧人臣之貳心挽波靡之邪行而無愧者也嗟乎倫常名教豈其盡在鬚眉孝義仁慈不必皆由學問且余正恐讀書男子未易若是之節孝兼全表表天壤雖曰與日月同明山岳比操又何忝焉余同居桑梓忝屬葭莩既景其懿行復爰其德範因樂得而為之序

盤溪先生傳

武陵戴嗣方

盤溪王先生者黔之黃平人也名樞字庶瞻居黃平城東十里橋蟠溪有隱德黃之人無論貴賤大小不稱曰庶瞻惟稱曰蟠溪人以地顯乎抑地以人傳乎問其邑人曰居蟠溪左右者數十家惟先生為人望故以是歸之余曰黃之巨室如先生者亦不乏何羣焉以所居地名其人者之不前聞也又曰蟠溪居衆山之中秀峯羅列黃邑之靈萃焉而先生三子或遊泮或掄元或奪魁其風水兩兩相映故云然然其子之秀

黃平州志

卷十傳

十九

發在後而其名之彰聞在前亦豈足為定論乎余自楚來黔嘗至其家見夫鄉里中間有待以舉火者親友內時有需助以供婚娶葬埋者先生罔不樂應之至於鰥寡孤獨尤時時在念也余曰斯殆其陰行善事者乎先生曰余祖某公好施捨始官於蜀繼官於滇囊不甚厚及歸悉以散給鄉里之困窮者先嚴先慈繼其志每於地方荒歉時出所餘以賑之常曰吾寧食粥以均被饑餓之人迨予之身亦不忍見鄉鄰親友中艱難者而必為之相通有冠婚喪祭者而必

為之代謀有困苦無告者而必為之周恤此予  
之生性使然非敢以此沽名而釣譽也余聞之  
嘆曰易有之善不積不足以成名若先生之家  
其善之積亦已久矣宜乎奪蟠溪之秀而為此  
溪之望族也稱之曰盤溪非人以地顯殆地以  
人傳也雖然孟子有云好善優於天下豈徒蟠  
溪一區蒙其惠乎以蟠溪稱先生黃之人愛先  
生敬先生不敢以先生之名名先生耳倘先生  
推其好善之心以兼善天下天下之人且將愛  
之敬之不稱以蟠溪而稱以庶瞻將亦若有海

黃平州志

卷十傳

三十一

內之人戴司馬溫公之德舉黃童白叟不稱之  
曰司馬涑水而稱之曰司馬君實且吾又見今  
之學者宗周子稱之曰濂溪尊程子稱之曰伊  
川慕蔡氏鄭氏來氏蘇氏諸儒者稱之曰西山  
東坡紫溪瞿塘誠使先生廣好善之量於天下  
又惡知天下後世不相傳蟠溪之名於不朽也  
故余畧其他行深契其隱德而表著之亦祇書  
之曰蟠溪王先生傳

王公雁階傳 并序

李 臺

乾隆辛卯予官翰林表第王孚正宜中孝廉以就試春官留京邸聞泣請為先舅氏立傳曰先公行誼惟兄捨之乞畀一言以彰前徽藉不朽予惟舅氏生未邀一命名業無由著見於世而直亮之姿淳懋之行實為一時邦彥宜宜中之亟欲表揚謂予粗能知公可以紀其行實且予史官也闡微發幽有載筆之任據實而書不當以戚昵為嫌爰不辭舛陋為之傳曰

公諱上士字雁階先籍浙之上虞明初遠祖榮

黃平州志

卷十 傳

三十一

三公以千夫長從征滇黔事定留守興隆衛隸中所世襲本秩曾祖諱祖堯祖諱家棟考諱椿號壽伯同懷四人長遠士次即公次欽士次純士先是鼎革裁軍家棟公失世秩屬戎事游臻所領軍屯租庸額征無藝壽伯公丁其時承辦艱劇載罹荼苦以是家業中替公生而倜儻性警敏強毅遇事輒奮發不屑為猥瑣曲謹狀自其少時志操已異人年十五失怙既免喪喟然歎曰守先人遺業遭時象吾曹皆手一編即誰撐門戶理生計者遂棄學經營家政凡外而軍

需旁午徭役徵輸內而食指紛繁支吾贍給以一身任之奉母盡孝甘旨必以時備友愛手足煦喁特至嘗服賈走四方旬日一歸家人勞燕豆觴將母怡然樂也伯氏素不耐事以公有幹才悉委焉公亦順適之不推勞有姊二人弟妹各二人龜勉婚嫁咸及時如禮與人交真率坦易多熱腸肯濟人緩急受人委托殫心力如謀己事胸中無人我見也尤敬禮宿德遇文人達士有才望者樂與通款曲相慕悅然素直諒無隱情人有過輒面折若不可容顧能省改則又

嘉予之不復計前失故一時多憚其剛嚴而亦願親附之里黨習公之耿介有因事相競將致訟者公徐喻解之多釋然以罷居平雖頗逐什一而行類康伯不掩人以自利嘗訓子弟以民生在勤勤則不匱之言謂治生不妨於儒但當本誠厚檢心地毋詭以自便毋刻以自封順事恕施義富而福亦裕所致應逾饒蓋本身以施教也雅與先君厚善及先君宦粵再任劇邑助理內外條緒肅然一如自治其家事有從拂喜愠皆形於色其見真每如此前後凡三適粵存

予家遠先君以補官卽世京師予得耗匍匐北  
奔公憫予煢煢孤少毅然偕行至濟江登舟水  
大漲沂流客舟多沉溺雜貨蟻漾江面榜人且  
懼且恐予時亦心動公獨不為意言笑如常時  
僅五日抵武陵迎櫬以歸此予所極不忘者公  
居北鄉新村距城七十里晚年息遊聚順畝入  
城市惟加意賒貧乏服屬子姓暨附閭而居者  
每散貸資本俾負販自給猶時叩其盈縮且指  
畫之有贏則為心喜否盡慰勉之恆孳孳然不  
倦故藉舉火者甚衆以乾隆十一年丙寅正月

黃平州志

卷十 傳

三十三

十六日無疾而卒年五十有七子二孚智庠生  
孚正乙酉科舉人孫六德隆郡廩生恩遠增生  
餘業儒公自以少孤嬰累失學故課子最嚴切  
方童稚卽令負笈遠從明師歲終乃許一歸率  
以為常用能光啟其緒中所王氏於興隆為著  
族其撮高第登貴仕者趾相接也而宗支近屬  
則自公從叔祖家儁領順治庚子鄉薦後至是  
而孚正乃繼之說者謂公令德所召云

曹封翁甫修先生傳

王 禮

曹氏為興隆望族其先世潞州來安縣人洪武初從太祖起行間有戰功世襲本衛千戶后陞指揮使三世祖廣公修學校立祠堂義學文物始盛事詳衛志崇祀名宦公生武武生賓賓生世遠遠生松栢檜三公是為三房族益盛以明經入仕者屢傳十一世而至修甫先生今己丑進士翰林院檢討掄彬之贈公而檜公之第四世孫也先生諱維寧字甫修為人浩浩落落不喜置生產家貧無積粟從不為意弱冠時補第

黃平州志

卷十 傳

三十四

子負走場屋數四終年教授生徒出其門者孝廉張縉明經張繡廩生胡大賓餘悉知名于時為士林所俎豆性至孝謹事尊公色養兼至順治庚子歲斗米千錢人不死亂輒死饑先生偕兄弟且耕且讀挈家就養于楚之天柱縣左右攜持卒免于難以視夫時之輾轉流亡不能全活父子兄弟間者先生則誠人傑也尊公晚子二未婚娶屬先生與其兄克生公曰二弟惟爾兩人是依先生特為婚娶成禮未幾行四維弼之婦殂無出久不能娶會及門以修金進先生

悉為續娶費因連舉丈夫子迄今子姓克延先生以兄道成父道也嘗從事吳先朗高其南兩先生得舉業正宗為文皆有法後生輩過而就正輒拳拳樂為指授未嘗以不出門下有所區分里中惡少有以非理侮者閉門不與校其人卒以盛德感就館荆請第粥以小忿死于鬪旁人聳息理質先生涕泣愁然謂斯人素無眦隙此實天命有數終訟是使兩破家也尋隱忍赴公解釋人人皆以難之先生非歉于理蓋遵于數云先生生于崇禎甲戌卒于康熙丁丑以明

經終不獲施用葬裝藥山前娶贈母周太孺人繼娶封母王太孺人實余從堂姊也余繼母曹太孺人即先生長房松公五世孫余兩家蓋甥舅云嘗謂盛德之家其後必昌天之報施往往不爽今令子高擢巍科讀書中秘從此服官近禁黼黻休明用以顯揚橫塞先生之潛德當有國史書之為紀其畧如此



曹母王太恭人節孝傳

詹銓吉

太恭人姓王氏先世浙江上虞人由始祖榮三公從明太祖起行間征南留守興隆衛世襲百夫長因家焉後九世民牧公以明經歷任雲南楚雄府別駕有政績至十二世庠生三錫公與弟庠生三聘公同居友愛終身無間言恭人三錫公之女也恭人幼體羸善病及笄正靜端莊不苟言笑父愛之甚謹於擇配不以許凡子雖時贈公曹號甫修公者方為諸生有聲庠序間先娶周恭人早歿不即續絃親友以恭人之賢

黃平州志

卷十傳

三六  
五六

告贈公聞之曰是固吾所願求者因遣筮修馮三錫公亦喜曰是足以配吾女矣及結婚之夕適吳三桂謀逆流離奔竄不遑寧處贈公偕恭人避賊於苗地之蒙加及逆孽孫叛據滇黔招致名流而贈公聲名籍甚且挨次當貢搜羅迫脅欲污以偽職贈公伺隙潛逃竟得脫終不受其點染其時恭人產冢君掄彬于蒙加識者有以知天意之有在也及寇平乃返故里則屋廬田產悉為荆榛瓦礫之場生理蕭然無以度日贈公雖以古代耕然百孔千瘡終難為計維太

恭人曰亂離失業者象奚獨我家於是親操井  
臼且以針指易錢米偶或不繼則枵腹度夜毫  
無愠色其憔悴襤縷之况贈公每顧而愀然恭  
人則處之泰然懼傷贈公心而隳其志也後贈  
公攜嗣君館于雷坪忽遘疾不起嗣君扶櫬歸  
里恭人號慟幾絕而復甦以撫孤為重不忍即  
以身殉無如鸞鳳之側亦來臬噪曾有長親欲  
奪其志恭人毅然曰從一而終婦之道也尊行  
當以義相勗耳此言何為至於我哉長親逡巡  
懷慚而退自是一意撫孤其戒飭冢君之詞慈

黃平州志

卷十傳

三

義兼盡聲淚俱下而冢君仰體親心用承厥志  
刻骨銘心罔敢失墜至於登賢書成進士官

禁近沐

恩綸每一報至太恭人益色喜然其持己也益謙以  
恭其訓子也益諄而篤每以己之守節况子之  
守官洎迎養京師因訓冢君以酒戒有所謂蓋  
世功名當不得一矜字彌天罪過當不得一悔  
字者恍如清夜晨鐘發人深省後隨官吳興益  
推其意而為敬刑卹獄養恥培士之訓視昔之  
多所平反則喜笑異平時者猶為偏而未全之

見也嗚呼太恭人之婦道固無待言太恭人之母道亦可謂曲盡爾矣若夫濟人及物之仁取舍是非之義則不以窮約而改其操不以富貴而易其志恭人方食貧時其四叔喪偶不能再娶恭人力勸贈公以所得修金為之繼室後竟得舉子以延祀有盜竊恭人壽藏衣裙殆盡廉得其實矣而恭人念其母老無以為養遂止不治里中宴人質子豪家過期當沒為奴時孺人僅存膳田一分無所顧惜命冢君典田代贖俾之完娶此皆恭人居窮守約而為濟人利物之

黃平州志

卷十傳

三

事也迨其後冢君官庶常貧自若也親友或勸之舉貸以濟用恭人婉謝曰吾甘貧久矣兒初入仕途負累過深將來如何能做好官美其意而不從其言顧於伯母之孀居子夭者及叔母之子幼無依者皆迎致其家以養以教使無失所而其自奉則衣麤食淡常如一日即就養官署亦食不重味衣不重采曰吾為後人惜福耳此皆毫無矯拂而安處善樂循理如此其大如此其細可畧也銓嘗與冢君同官翰林竊聞高風一二以地遠不獲升堂展拜及來吳興又以

踈遠之跡幾二十年不入省會而登堂之願遂至終虛後自湖州旋里而冢君復來守括蒼未逾年而太恭人之仙馭已上昇矣冢君以

嘗眷方深奉

旨在任終制雖冢君之心不能無隱痛然穆孝作忠亦猶行太恭人之志也銓伏處窮山辱冢君命褒其行事為傳先以介紹重以書幣竊懼蕪陋不足以發揚恭人之懿德羞縮不敢為者久之而冢君督之益切爰敢讀其所示行狀撮其嘉言懿行著于篇

黃平州志

卷十 傳

三

詹銓吉曰坤之取象以順而健行為足以應地而承天若王太恭人之見之明而守之固彝險一致老而益堅非所謂順而健行者歟至若家溫食厚好行其德者或有矣乃自處窮困凡耳目之所感觸輒忘其貧以拯人之阨必不使此心闕過而不得遂其誠造次必於是顛沛必于是者哉恭人之克昌厥後也宜哉

李節母王孺人傳

傅玉書

孺人姓王氏清平副榜諱純修公女黃平文學青陽先生之配副榜候選教諭印川利仁之母也王家席素封李雖世族貧無負郭田孺人於歸時年甫十六佐豕婦奉翁姑恭謹謙讓而操作勤苦有德曜風廚爨園蔬之餘恆夜紡以勸學先生父贈翁為玉屏學博憂歸講學里門先生與兄豐宜大令稱競爽焉乾隆丁巳先生捐館舍印川生甫睟踰年贈公亦卒大令時未遇資研田以養服食益窘太母念家貧孫幼恐

黃平州志

卷十 傳

三十一

孺人父母奪其志每送之歸寧輒涕泣不出一語孺人喻其意不至外家者十年蓋誓志匪他且不欲使親有週舉也及大令官陳留太母年高未就迎養孺人奉侍寢食晨夕無倦先是丁丑家遭回祿而大令時官廣文貧無以歸印川遂欲學為謀食計孺人泣曰猶憶爾父坐爾于膝顧吾而言曰吾得耳提其子教以數行書死亦瞑目予時訝為不祥至今言之亦痛也家雖貧余敢憚艱辛使爾廢學耶印川由是益自刻勵孺人則日事灌園夜勤紡績以勗其學數年

由博士弟子高等食餼選乙酉拔貢旋中庚寅  
恩科副榜孺人自持家訓子雖艱窘中一介不妄  
取及印川文名日起生徒從者日衆禮幣所豐  
孺人悉用以賙助自奉裁足而已乙未族鄰呈  
請題旌建坊蓋守志三十九年矣孺人泣曰  
從一者婦道之常吾豈以為名哉幸吾子學成  
名立可對死者於地下耳今又二十四年印川  
有三子長鑑為州廩生鈇鎖及五孫皆業儒鑑  
已抱孫一堂五代濟濟英多人咸以為母德所  
積者厚其流蔭遠而益昌云

黃平州志

卷十 傳

三十一

戴節母傳

甯安傳玉書 竹莊

戴節母姓谷氏黃平州文學九德之母也父曰  
相輔平越人幼學未成以農為業節母生而穎  
異稍長性婉淑而舉止端嚴識趣明斷父每述  
古書傳列女事輒疊疊問難究其終始聞鄉鄰  
女婦有孝順節烈者必贊嘆羨慕否則怫然不  
置一語蓋天質然也年二十二歸處士君承烈  
處士父國紳生處士昆季四人而命處士為兄  
以忠後節母于歸時所繼翁姑已先卒佐夫奉  
墳墓若歲時祭祀必誠敬前室有遺女甫四歲

撫鞠如所生時國紳翁及妻老且病其諸子產業蕩費殆盡養頗闕處士君常供奉之節母謂夫曰君雖出繼而叔翁媪故本生父母也即翁姑在必命君迎養况我不逮事翁姑若得為君事本生父母庶稍盡婦職乎處士君稱善遂如其議然前治所後喪葬繼奉二親甘旨藥餌家日窘節母晝蔣園蔬夜勤紡績以助之未幾處士君卧病連延三年節母獨力支持勞瘁尤至時夫年已逾三十未有嗣息二親恆以為憂及文學生二親與夫皆喜甚曰此天祖所以酬孝

黃平州志

卷十 傳

三三

婦也既而處士君卒節母痛絕者數已念二親慘戚幼子無依乃忍痛慰翁媪曰婦在猶子在願老人毋自太苦也由是承顏視膳以及持家訓子無不曲體親心夫兄弟及子姪雖先異居時有所賙助越十餘年二親卒喪葬盡哀禮教子愛勞兼至迨學業既成屢試不售而節母年例已符鄉人合詞請

旌有司以子未成名僅予閤額文學即以是年入州庠迺得詳請彙題奉

旨旌表踰九年始卒享年六十有八照例設牌祀節

孝祠文學性峭急喜面折人過亦因以自律故於事未嘗輕為惟公義所在則勇往蓋於母訓為競競云孫二長元霖次元賓國學生論曰嘗見婦之事翁姑固分所當然乃姊妹之間諉勞逸校錙銖因以缺養者比比也節母于夫所後父母既不逮事而能誠敬于祀又贊夫迎本生父母而終其養不以諉異居受產之兄弟夫既卒且時調之此世俗所絕尠者蓋孫見義明確故能備歷艱苦守志成家卒奉褒旌為閨壺範宜哉



送陳千戶還興隆衛序

周瑛

今天順三年己卯之八月天下武臣子弟襲替  
比試來京者千有奇夏官司馬以其事請命悉  
如例恩至渥矣吾郡武畧將軍千戶陳君之元  
子庸實預焉夫庸世家河南息縣厥祖慷慨有  
大畧洪武初以戎功授昭信校尉百戶卒於官  
厥父迺克負荷正統中南夷弗廷從靖遠伯王  
公問其罪用奇功陞千戶茲以年邁六旬使庸  
代其職庸蓋篤實人頗讀書諳理道騎射雖其  
餘事然彼較武於東教場者或為馬驚或為威

黃平州志

卷十序

三

懼甚或為弓矢畏不稱者多庸能三試三中故  
監試內外大臣咸以遠大期之庸既拜朝命南  
還有日郡之縉紳士微余言贈別粵惟自古國  
家之所賴以捍外者武觀易謙之六五利用侵  
伐書之泰誓我武惟揚詩之皇矣依其在京可  
見矣然武非法不行古之太公望六韜黃石公  
三畧皆法之善者故能成功當時為法後世庸  
茲歸矣宜潛心二書景行先哲樹立功名俾無  
忝於迺祖迺父則肯堂肯構庶無愧於詩書所  
稱矣方今文武並用之際英雄豪傑之士皆有

帝臣之願庸蓋以豪傑自期事上有忠勇之風  
臨下無貪酷之習則人將指而言曰陳氏有子  
如是國家得武臣如是興隆之山嶽所鍾如是  
顧不偉哉

文章與時上下而又限於地理之不同故時不能無古今地不能無遠近遊藝之士生其時處其地園其風氣習俗之不齊則文章之美惡亦因之此天下之通論也惟豪傑之士則不然雖曰生於今後於古播越於僻陋之域而其志大其氣昌其功精以勤則其文章可以高視一世與古之人不相上下是故漢之去古為尚近唐次之宋又次之然其時司馬遷韓柳歐蘇之數君子或產於北或產於南已非三代之時之比而蘇氏之所產又遠且后若以古今人論宜其

黃平州志

卷十序

三

淪胥以陷而不能自拔也久矣數君子者乃能奮發淬礪追古之豪傑而友之其文與詩皆可與古之豪傑並若馬遷之文舍六經諸子無與為比韓之文近於馬歐之文師於韓而柳與蘇則視韓與歐在師友之間皆不可以優劣辨出此言之謂後世無文章邊鄙無豪傑可乎弘治乙卯余奉命巡按貴州省以學校為務思得豪傑之士賓而禮之以為之倡求之縉紳之間得一人焉曰周君廷潤君興隆衛人名瑛先世文祖自江右來從戎於茲君少補衛學生能篤志於學以不能得良師友則遊學於蜀之瀘州比再期

歸領景泰庚午鄉薦登甲戌進士第授秋官屬歷官  
廣西右布政使致仕歸且十年年老矣而好學之志  
不衰取其平日所為詩文自始仕以至於今凡四十  
餘年總若干篇首手自校錄萃而成編命之曰草庭  
類稿以示於余而求為之序且曰瑛之心非敢以古  
人自期直不欲自棄於僻陋之域以與庸衆之人等  
耳噫君其可嘉也哉余聞之貴州之地三代以前無  
有也我國朝洪武永樂間創立省治建學立師以風  
化斯土蓋自遠古以來皆棄不錄而今乃以中國之  
治治之可謂遭逢其時而遊藝之士乃往往扭於風  
氣之偏習俗之陋不知儒業為何物視詩與文忽焉  
若不與其事君所遭與衆人同所居與衆人同而所  
志特與衆人異用能自拔於流俗之中以成宏博之  
學作為詩文既富且贍而又象體畢備可謂得古人  
之用心矣嗚呼君誠可嘉矣哉

黃平州志

卷十 序

三

孝子張兆舉建坊序

盧 瑤

乙卯苗變吾黃受禍最烈被慘者遺骸纍纍相望其以死孝著稱邀

皇仁旌卹者得二張焉其一為張公顯于昌一為張庭升兆舉于昌之建坊也余以其孤之請為排纒其事畧鐫之坊額矣越月而兆舉之坊成其孤姪初元乞余言敘其始末嗟乎余何忍敘庭升哉庭升之妻余同懷女弟也夫婦以父母舅姑之故與一子三女畢命於凶殘鋒鏑之中行路聞之皆為雪涕余每念及淚泫泫下不止尚

黃平州志

卷十序

三

能搦管吮毫述其遺事耶顧念純孝幽芳風雲抱憤余以至戚知之最詳而嘿無一言是無以暴揚遺跡而慰幽魂於地下也爰洒淚和墨誌其梗概焉兆舉尊先人碩彥公諱縉孺人長氏公以康熙戊子舉於鄉任平遠州學正未幾染痿痺之疾致仕里居病日劇先是公有長子兆男早世遺孤初元兆舉其次子也自幼承顏養志得二人歡心公之任平遠也振興學校訓課文章兆舉佐理宦况清苦又以其餘力往來省會奔走家園凡所經理纖悉不遺其侍父疾也

禱祠藥餌扶掖起居六七年來如一日雍正乙卯春杪風聞苗變居民震恐兆舉備肩輿跪請遠避公曰予雖無官守身受

國恩脫有不虞繼之以死豈宜先去以為民望事益急復請公仍執前議但云命爾婦奉爾母挈孫男女暫避皆泣曰寧有舍親而求生者乎兆舉不得已乃給初元赴旁邑有所營辦四月二十六日城陷居民奔散公與孺人及兆舉夫婦子女皆遇害嗟乎以庭升之才力固足出父母於危即瀕危矣亦足脫父母於死祇以親誓死報

黃平州志

卷十 序

序  
三九

國子媳亦誓死殉親且於倥傯惶遽之中計脫孤姪以存宗祊一綫慷慨之際有從容馬庭升頌然長身雙眸炯炯豪飲善飯膂力絕人使遭時遘會其成就必有可觀而詎知其止於是哉雖然忠孝節烈萃於一門塞蒼冥而光簡策於是乎在視震耀暴著於生前者孰重孰輕必有所能辨之者矣

孝子張于昌建坊序

盧瑤

孝子諱于昌字公顯其先世以武功起家一世祖士傑以前明千戶陣亡河口二世祖宏三世祖鎮陞授指揮俱能捐軀赴難一亡於河灣一亡於水西此後代立軍功子姓彬彬繼起稱望族七世祖瑛始以文學顯崇祀鄉賢嗣是科第蟬聯司民牧秉教鐸者接踵而出至十世祖五瑞以選貢任雲南洱海觀察使其姪誠即于昌之父也于昌生而樸讞至性過人事二人以孝稱比長充營書資月餉以供甘脆有第二人居

黃平州志

卷十 序

平

南鄉之皎紗力農自給其父往來城鄉間愛于昌尤篤晚年染疫火之疾纏綿床褥藥餌飲食悉于昌親調寒暑晝夜罔間雍正乙卯閏四月苗變居民聞風奔竄于昌先命二弟奉母由間道走平越未幾變益急于昌泣語其子朝品曰汝祖病篤動蕩決無生理又萬不可闔門同死致絕先人禋祀吾誓以身殉汝護家口遠避善事祖母勿以我為念其妻與子泣拜而去廿四日凱里陷遠近震動于昌素厚善者諷之曰處艱危者思出險今呼吸存亡汝宜為計于昌泣

然曰子欲生我乎有父則身死而心生無父則  
身生而心死心死身安用之吾籌之熟矣子勿  
以狗彘不為者望我也廿五日苗焚擄重安于  
昌聞之從容負父出北門踰山越嶺約五里至  
三眼橋覓巖穴設卧具奉父寢其中時翁已奄  
奄一息不絕如綫于昌泣守其旁次日城陷醜  
類雲集烟塵蔽天沿鄉搜掠將至于昌所翁已  
先時氣絕時同處三眼橋者尚有七人見勢急  
曳于昌同遁于昌以父死未葬為辭撒手行至  
蕭家坡擬間道求棺殯殮七人各逃去不復相

黃平州志

卷十序

聖

聞于昌遂遇害六月大兵至苗潰流移者稍稍  
引還前七人中有言及于昌始末者領其子與  
弟導以屍所翁屍仍完好尋于昌屍不可得越  
數月鄉人有醜金掩骼者於衆骸中拾一小石  
猴有知之者曰此于昌少時所玩弄常佩者也  
因知骨殖雜象骸中不復能辨認矣乾隆四年  
事聞於

朝五年奉

旨蒞表六年鳩工建坊工既竣為備著其本末以垂  
不朽云



飛雲巖志序

朱定元

六合之內不乏名勝然或山奇矣而水不秀即山水已臻其盛僅足以供往來遊跡之賞玩古今山客之搜羅倘無益於地方鮮利於民人士君子亦未遑遠諏遐訪於其間也黃平之東二十里有巖曰飛雲忽現奇觀適當衝道卓哉黔國之咽喉夷穴之門戶也此地得則仕商絡繹於途農工謳歌於野此地失則施秉清平不通餘慶甕安難保其所係甚非淺鮮稽之古人飭令土司分段保路立石寺前俾傳永久蓋有深意存焉且巖巔之水奔流飛瀑自高而下雖大旱不涸遠近灌田數百餘畝其近溪邨莊以及行旅渴乏之輩朝夕得而飲食甘芳清潤取之不禁用之不竭者盈千累萬况冠蓋往還旌旗環繞夷人聚族而觀莫不交羨我

朝車書兵甲之隆典章文物之盛用夏變夷之道即於此潛孚默化其有益於地方普利於民人

不甚彰明較著哉自明迄今疊被苗患妖氛所值罔不灰燼月潭古寺獨巍然於兵戈擾攘之餘豈非山之靈地之傑而天有以佑之乎余生

長龍淵密邇靈巖深悉其裨益於地方人民非  
一日矣矧當

聖天子宵旰勤勞深仁厚澤遠播遐陬黔中人文雲  
蒸霞蔚日盛月新又安知非靈巖先為之發其  
秀也耶至於挺翠標奇幻如天章五色因風欲  
飛名賢學士或存治化於記序之中或寓振興  
於詩歌之內敷華棧藻俱有裨於世道人心蓋  
不僅風雲月露繪畫山川粧點太平而已也且  
所謂志也者識也史也以永鑑觀文獻所屬也  
余不揣固陋編輯以志之俾後之君子有所考

黃平州志

卷十序

甲三  
四三

究云爾是為序

如旭朱公墓誌銘

沈德潛

貴陽朱公奎山既巡撫山東服闋補官任閣學  
潛為同官朱公明達而誠體用兼備久於河堤  
多治績心敬禮之朱公曰某何能佩先公教庶  
免於愆戾也暇日縷述先德謂潛曰先公既就  
窆矣志石有待敢乞銘於子感其誠不容以不  
文辭公諱如旭字東昇燦菴號也本金陵籍始  
祖子輝公於明洪武時由粵西調征滇南留守  
黔之黃平州因家焉代有巨人長德公生而峻  
整愛古文講求經濟學凡兵屯算法農田水利

黃平州志

卷十 誌

四四

諸務無不嫻熟少歲值逆藩吳三桂開科羞應  
偽試遂絕意仕宦事父鳴鸞公盡子道值寇亂  
負父倉皇避山中寇脅以刃願以身代寇曰害  
孝子不祥舍之去事母夫人羅至老彌篤弟熾  
窘艱于嗣公割己產為置妾終身友愛禔身饒  
饒式化家邦隱然有徐孺子姜肱王彥方風教  
子以嚴里中有宿儒周名學致者學邃性剛面  
折人過人不敢近公曰圓者易親恐流於狎方  
者難近可奉為規延為家塾師卒受其業既子  
登賢書官淮揚間迎養官署公曰居官無他遇

事敏行潔己敏無廢事潔無汙行而一以不欺  
行之遂以少時講求凡經國恤民一切利害通  
塞之故如畫沙聚米俾當官者一一見諸措施  
由行水暨理民由佐郡暨秉節由淮揚暨山左  
其功在河防澤在民社名在衆口為國家旬宣  
屏翰藩材者承公教也先是公里居時知古州  
逆苗將勾引熟苗為變思捍禦而城郭頽圯州  
城無兵守土者莫能備公曰我無死守責曷為  
身燼也遂攜家避江南乍行而苗患作焚燒屠  
戮所過赤土公懂而免得達淮署骨肉保全作  
避苗說以記其事衆稱知幾晚歲遊金焦虎丘  
西湖諸勝形諸詠歌既欲更探天台武夷匡廬  
羅浮曰青鞋布襪不妨老人著也後聞逆苗既  
靖迫于省墓歸而卒遠遊之志未克遂云公生  
於順治丙申卒於乾隆丙辰年八十一

誥封中憲大夫後 晉封通奉大夫配程夫人有淑  
德贊勲家政八十齊眉孝敬慈惠堪擬古人子  
一人定元癸巳舉人見任內閣學士兼禮部侍  
郎孫四人墓在州東百繼之原葬於乾隆七年  
十一月初二日潛本史官於士行之高者宜搜

擇矧同官之考敢不紀其實俾傳之永久耶爰  
作銘曰

抱器在躬隱蓬藿後賢政成陰雨膏樹蠹建牙  
秉家教德隨年尊力彌邠斯人云亡四國悼爰  
魄佳城爽而燠我鏡銘辭卜遠耀豈弟君子神  
所勞

曹甫修墓誌銘

周起渭 漁璜

公諱維寧字甫修生於崇禎之甲戌年八月初五日卒於今康熙丁丑年三月二十日以州庠廩生貤令子封葬黃平州之西鄉裝藥地今其子掄彬官翰林院檢討請于朝而錫之命於戲報施天道也顯揚盛典也光大前烈克承先志尊親之教也按曹氏為江南望族先世滁州來安人洪武初從明太祖起行間出征黔南以戰功世襲興隆衛千戶後陞指揮使掌衛篆三世祖廣公廣生武武生賓賓生世遠遠生松栢檜

黃平州志

卷十 誌

四七

三公族益盛繁以明經入仕者代不乏人傳十一世而至甫修公乃檜公之四世孫也公少而敦敏弱冠補諸生攻舉子業走場屋數四數奇不遇因以其學教授生徒一時知名之士皆從之國初時黥屬兵荒溝至公偕兄弟耕讀不輟雖往來就食于他鄉而事育之外不忘進修厥後歲期序貢衣食奔走兩親相繼逝而公之年亦就衰矣至其敦族睦鄰推解利濟薰風沐德遍洽休聲雖兇頑冥悖之流亦無不受格而恥為所短則陳太丘之激揚清時郭有道之人倫

東國不過是也公行二伯維楨庠生叔維弼季維基俱處士姊二一適沈一適張前娶周氏贈孺人繼妻王氏生太史封太孺人

張孺人墓誌銘

楊培本

孺人張氏庠生兆先公次女舉人棟選知縣王公宜中之元配也孺人之卒本以姪婿卽事喪所讀公所為行畧盡然增哀敬先是本歲時往來公家輒盤桓兼旬始歸而親族姻黨道孺人之賢如一口蓋不獨家事治其輔成公之德義有為行畧所未及者公赴禮闈留京屢歲孺人

黃平州志

卷十 誌

哭

治家勤儉而教子嚴及公之歸長子恩遠已入州庠次子亦能勤其家公喜甚而不謂孺人遂不獲與公偕老也已酉歲予官貴筑教諭恩遠來應鄉試造學署而徵銘乃質言而係以辭孺人卒于乾隆丙申年六月二十一日享年五十有三子二人長恩遠增生次恩貴監生女三人適士族孫七俱業儒以乾隆四十一年某月日葬桐木坳茶山原銘曰

助內克勤惟福之綏作孀賢達惟德之宜生有令聞女嬀所儀沒有遺施君子所怖

重修善化寺接引殿引

朱定元

竊考五帝首出三王嗣興紀綱振飭斯民樂利佛於此時安處西方優遊自在不肩與中國爭此土也迨後風俗涼薄人心不古其奸宄邪慝思逃法網佛不得已乃以慈悲救度於是有王章繩之而頑梗如故刑罰加之而靡僻依然者一旦聞寶音梵語而慕心生焉見刀山劍樹而畏心起焉覩地獄報冤輪迴受苦而戒心勃然發焉是將陷溺之乾坤轉而為光華之宇宙且輔造化所不及並濟政教之窮者非佛力而何

黃平州志

卷十

巽

故謂五帝三王為盛世佛可也謂佛為後世之五帝三王亦無不可也然帝王以仁義治天下而庶民子來高崇宮殿非帝王好為美觀乃黎庶報禮之義佛以慈悲救拯衆生而乃聽其風棲露立雪壓草浸於情則不安於理則不順矣吾隆城南有善化寺建立通衢衆庶瞻仰後殿供接引佛三尊皆丈六金像崔巍輝煌其感發人善心者不少爰多歷年所棟折矣雨洞其肩椽崩矣露洗其面加以垣頽址墮莓草浸堦苟非重興土木煥金碧于鳥革翬飛何以振啟愚



蒙展焚獻於晨鐘暮鼓有僧某矢志重修然工將始於一日資實借於十方因叩引於予余字慚青簡文愧紫臺遙慕坡公却少鎮山之玉帶緬懷蒙正難比題壁之紗籠但愿君子仁人揮金洪度共成天上珠宮結種玉福緣重構寰中紫殿嗟嗟純陽報德降黃鶴於江樓竇老好施折桂枝於月窟夫與者固不望報而受者必無不還之理也是為引

募化修五里墩茶亭引

朱定元

人生事功不必有所待而後起也苟有利於人濟於物可以補天地之有憾而不為盛朝之所擯斥者事功即見焉矣抑不必功自己出而不借資於人也即合衆人以成一事而此事果有利於人濟於物可有補天地之有憾而不為盛朝之所擯斥者而事功無不見焉矣世之論者吾惑焉非曰事功有待而起即欲功自己出縱不然或以創寶塔為因果建佛寺為功德淪於無而入於虛皆非宣聖老安少懷之志而於立

黃平州志

卷十一 引

五十五

人達人之意未廣也吾黔道路夙號崎嶇故里三里一涼亭五里一茶院解人煩渴與為休息而吾隆南行五里崎嶇尤甚舊有茶亭一座乃前任州牧徐公捐倡所造也予髫年恆往來其間見遊人旅士之憇於茲者莫不食德於無窮頌德於不衰為之咏樂土而賦樂郊焉厥後風雨飄搖兼鮮修葺則圯宇頽垣皆在荒烟蔓草之中而利人濟物之舉年來化作野人家矣噫嘻春夏征夫目斷萋萋芳草秋冬過客心傷黯黯寒雲恨庇廕之無依汗雨淋漓揮日下悵休息

之罔賴淒涼涕淚灑冰天此誠天地之有憾帝  
王所不及仁人君子宜目擊而心傷者也丁亥  
有僧碧蓮踵修其事基址初立竟以無緣罷去  
今年春其徒欲成厥志以利濟斯人於是聚石  
工集材木將建石亭以垂不朽然獨力難成不  
無求助因過予而叩引予愧不文然利人濟物  
之舉心切向往且快其事之不必有所待而後  
起也功亦不必自己出也尤喜不淪於無入於  
虛且於天地之有憾不無小補也蓋庶幾吾夫  
子老安少懷之念立人達人之心云爾因將此

黃平州志

卷十 引

至三

意以告同心吾知懷利濟之志者自必欣然樂  
助矣

鼓臺山賦

明史應元善長

夫何天半嶺岼之青黛兮乃首出羣峯而崔嵬  
惟逢逢之縣於上界兮故錫以嘉名曰鼓臺奠  
六鼇以為藥兮左環崑崙而右鉤蓬萊稟扶輿  
之異形兮撐東南之半壁於不墮於是勢峻嶒  
以孤往挺雄概於列嶂矗入霄以逼太清平伸  
掌而摩曠蕩險捫鐵徵以神驚靈似玉虛而有  
像當青旗之搖曳兮花琪樹而瑤草芊芊輪擁  
祝融以眩曝兮藕十丈而開華山之井蓮得白  
藏之剪拂兮見倦鸞懶鹿而眠其顛怪凜冽之

黃平州志

卷十 賦

五三

朔颼兮迫蒼松碧栴而號于岼有黃冠而跨雀  
兮吹鳳笙嫋嫋以飛仙羨老衲之蹲石而談三  
品兮忘歲月如許之遷延乃有雨色晴嵐匪元  
匪白古檜翠筠蔽樞柵擊磬杵鐘斯朝斯夕  
天乎人乎同棲虛碧疑喬雲之結夫寶蓋兮類  
律令之擎夫大擎特轟雷而掣電兮宛岱宗動  
而萬山隨弄擊柄於霧中兮朱霞輳而玉颼馳  
聳瓊樓與紫閣兮紅雲爛熳而影垂濬銀河於  
天上兮是即觴王母之瑤池試大小月圍之片  
片兮較康王谷之簾泉而清猗何必飽飲菊潭

兮服此即可以傲索帶之啟期重曰危峯湧出  
業其臺兮靈霽執桴聲其鼗兮泉源灑瀚山而  
潢兮回觀廬瀑瞪乎後兮鎮以北帝伏魑魅兮  
况諸名嶽其伯仲兮

黃平州志

卷十 賦

五十五

請故明指揮陳一德祀名宦狀 羅士良

為孤忠久協輿情異時未邀旌典謹陳死事情  
由懇入名宦崇祀以豫幽魂以勵臣節事竊照  
完名者生人之巨節卹死者風世之弘規故志  
士仁人恆待錄於君子忠臣孝子每獲表於  
盛朝茲有先明崇禎十六年原任興隆衛掌印指揮  
陳一德者素性剛方居家孝友三事繼母聿昭  
底豫之誠兩育遺孤克篤猶子之愛撫已凋之  
軍士思比挾纊尤溫賑欲斃之流離情較痼瘵  
倍切且三世有功於學名存聖座之陰一死無

黃平州志

卷十 狀

五五

忝於生慘切輓章之筆慨自秦王孫可望以八  
賊之餘孽脇受明封恃一己之姦雄妄窺神器  
尊獻忠為義帝荼毒滇黔幽故主於安籠剪除  
宰輔作威作孽罪孚燕山三兒任革任因惡比  
漢廷王莽陳一德目擊心傷泣語同事曰吾儕  
世受國恩今君父在巖沛百姓罹湯火莫能挽  
救徒生無益異日諸君當收我於市也象亦潸  
然淚下迨至癸巳孟夏秦寇楚歸路經興隆一  
德上書陳言三事一曰主上播遷甚不得所一

曰糧賦太重十倍於額一曰祖制宜遵未可更

變書中語言激切觸忌犯鋒遂蹈於刃至死其  
色不變臨難猶罵不休更可異者西角天鼓應  
歿而鳴賊庭青氣結空不散而近悲遠泣固無  
論已總以一念貞誠上為君父靖難下為生靈  
保全志足動天地泣鬼神雖越年四十事若昨  
朝而父老子弟猶能疾首傷心者祇緣人以地  
限有美弗彰事以世殊雖勝不錄致使九泉之  
厲節未邀一字之褒崇今撫憲博訪遺事不令  
曩烈鞠為茂草卹典委於荒烟也伏念臣之死  
事史不絕書若陳一德殉國於時勢已去之餘

黃平州志

卷一狀

五六

抗節於惡燄正熾之日不惜一腔之血以報累  
世之恩誠殘統之孤芳實邊圉之僅見懇賜勘  
詳准入名宦崇祀俾幽魂得分俎豆之光而頑  
廉懦立人心思煥旗常之色而風易俗移輿情  
允協公論獲明矣

代陳允德等請陳一德妻余氏節孝旌表狀

周學裕

為芳節久協輿情歷來未邀旌典敢祈闡揚節  
烈獎重彝倫以答幽光以彰潛德事竊惟杞婦  
銜哀霜操時輝彤管共姜誓死冰心獨映青編

振古如斯於今勿替如黃平州已故指揮陳一德之妻余氏為指揮余洪烈之女生等之宗兄嫂也芳苑植根何假婦柔之誠清流濯秀早通女史之箴珠樓傳合卺之觴髮方覆額繡帳結同心之侶弱不勝衣乃能定寢晨昏虔供棗栗事姑先意承順孝德格天佐夫篤志忠貞抗身報國觀伊夫陳言觸忌有似叩馬孤忠慷慨殉身堪比睢陽厲舌從此玉簫長寂錦衾永隔三秋靈草難尋青鏡忽飛一夕用是冰霜自守矢志栢舟首似飛蓬兼辭膏沐心如匪石獨扃粧

樓上事霜姑下撫弱子遲遲春日長如小年嫋嫋清風偏吹素帳無何繼姑染病偃息在床湯藥親嘗衣不解帶忽焉長逝棺槨自盡經營杳矣難追殯葬親為指畫婦修子職潔祭祀以蒸嘗母作師資嚴義方為庭訓蕭條秋月常登織女之床寂寞春花獨濯扶風之錦丸熊教子截髮奉賓是以長子食廩餼於宮墻蜚聲譽序次子官訓導於貴筑騰譽藝林咸賴芳徽為之振起遂使太邱之門第媿美琳瑯豈若栗里之庭階半荒松菊至若長齋夜誦花散香燈繡閣朝



叅聲流貝葉夙契無生之旨超離塵世之緣洵  
足比節松筠爭光日月者也茲者恭逢

聖天子闡揚節孝各上憲弘獎人倫呈乞臺前俯念  
余氏甫歌黃鵠年僅二十二齡歷遍青霜時經  
五十八載事姑至孝教子成名懇賜勘詳得邀  
褒異庶幽光騰於閭里桃李生春華袞被於闈  
轡山川增色矣

黃平州志卷十一

藝文下 五言古詩

飛雲巖

明鍾惺

吾聞山出雲巖則雲之室茲巖雲所為雲與山  
為一山雲老亦堅浮者化而實初至怯空遊梯  
磴乃歷歷下上於其間步步可遊息石以雲為  
神雲以石為質石飛雲或住動定理難詰草樹  
過泉聲尋之莫可覩

秋日邀諸子遊黃平鼓臺山國朝米璉

風日具清皎秋氣在巖谷之子三五人逍遙互

黃平州志

卷十一

詩五古

一

追逐領畧各為情幽勝隨意足修枝著微黃新  
條蔭深綠樵徑縱橫開落葉迷荒麓時聞鷄犬  
聲隔籬見茅屋杉檜隱荆扉短籬雜蒨菊委折  
得石梁溪流淨寒玉殘陽漸欲低孤筵引清穆  
剝蝕古跡深摩挲苔蘚覆憑弔見興亡蒼茫動  
心目小酌倚長松高霞照幽獨仰視浮雲翔因  
悲時序促塵網暗相牽高尚難自勛安得素心  
人共卧深山曲

飛雲洞

常安

飛來何處雲却到黔山佳片片入洞中化石結

鐘乳象如饗路垂氣若噴烟霧造物駭奇怪渾  
似人工鑄洞外澎湃聲半空懸瀑布虬松老漢  
唐鳥道路迴互心目亦豁然低徊還四顧役夫  
從前行斜陽正滿樹

飛雲洞

國朝陳惠榮

古巖如屋覆山根足幽邃石形各異狀一一煩  
仰睇玲瓏冰筋滴比榔蜂房密滑突人乳垂拳  
曲佛手繫大者疑雲龍頭爪露靈異又如洪濤  
翻盤渦互騰沸沉沉太古色青蒼鬱虧蔽遙想  
融結初真宰勞位置下有不測洞蒙幕鬼窟悶

黃平州志

卷十一 詩五古

二二

蘊蓄雲水根吐納山川氣倉皇昔經過鞅掌役  
王事今茲撫石欄揮洒勞人淚方池一泓水清  
徹識我意老栢勢更奇撐拄青霄際日月促勞  
筋倦足此暫憩摩挲亭上碑遊人富清製愧無  
曹劉才難勒石上字好帶片雲歸閒擬柳州記  
遊鼓臺山

明李占春 少白

秋晴變氣候殘暑蒸林靄同人久相期尋山荒  
郊外翩然來故人偶爾成良會杖杖泝荒溪曲  
折尋清澗蘓葉間密疎竹樹幻明昧縹緲問孤  
峯巖壑信奇最昂首接太空浩浩滄風大怪石

爭怒橫漢光繞如帶絕壁隱高天古穴沒松檜  
斷碣考遺踪山靈如有資轉矚閱滄桑俯仰發  
長慨

送閣學朱奎山予告歸里 國朝劉統勳

官久使人俗進退何所據我亦思休官先生先  
我去形骸任所便野老共箕踞尋芳時獨往嘯  
歌免猶豫攜榼一開罇談笑乏忽遽今日訂前  
期雲深在何處

汪由敦

春日麗芳郊暖風催行騎買舟水面遊蘭漿蕩

黃平州志

卷十一 詩五古

三三

空翠天許作閒人山川發幽異廿載涉宦途滴  
盡生民淚時將一寸心期與古人對今獲悠然  
歸烟雲託高寄俯仰海天寬丘壑任遊戲暫且  
卧東山應有徵書至

過飛雲巖

董德嘉

黔石突凌霄飛雲莽奔轅雷雨扶泥滓嵌空作  
雲竇巖洞各端倪窺冥不可究造物于炎荒孕  
結偏靈秀緬想巢居前巋然此堂構軒翥象雕  
甍寢幕泉擔雷蒼龍衛左方白虎侍其右殷殷  
列垣坑森森具庫廐般輸夫豈能鬼斧一以斲

怪石露天真賦形隨所受或懶如鷓蹲或猛如  
虎鬪或如倪迸逸或如馬馳驟如蟬或垂綫如  
鳥或引味容與或如鴛狡捷或如狝細或如江  
鷗大或如海蟹天下瑰瑋觀總向斯巖簇變化  
少雷同所以惹鬱富以茲悟物理莊生齊亦繆  
傍巖太古松勢與巖爭壽秦時大夫封避地不  
肯就山浸滋松根疏瀹為平囿遊人頗掬取飲  
之甘如酎古之登山者伐石書篆籀幾久蝕苔  
藓漫漶半難讀後來日紛紛羅列比宴豆脫藁  
載竹筍以山藏其副我為山靈思理應惻雕鏤

黃平州志

卷十一 詩五古

四四

安得無字碑停雲立清畫

前題

饒學佇

飛雲本非雲石髓下青黛萬古嵌層巖長檐似  
車蓋遠行塵鞅疲駐馬聞清籟絕壁自嵌蒼長  
溪互滌帶橫流卧石橋身已入圖繪半壁俯清  
池荷衣絕塵盞古磴掃莓苔高柯叢蔚蒼忽登  
十笏基已覺諸天大作態學雲容生質疑神怪  
奇峯似夏時湧碧千巖會寧知出岫歸未許為  
山壤或如萬溜懸飛瀑寫清汰或如青螺旋佛  
髻同香界一本發華芝千行倒垂薤或如後猊

蹲或似龍蛇蛻獨出定無羣雙成亦相對陰巖  
滴鐘乳服食吾所戒琢玉蘊胚胎懸珠流沆瀣  
臺前兩石筍空曠絕倚礙老樹作虬盤空亭效  
鰲戴我疑混沌初噓氣成狡獪又疑出媧皇煉  
質留荒外飛雲本非雲觸石為霖霈膚寸徧人  
間仍歸此巖內秦鞭所不及保爾貞自在每聞  
平泉莊水石聚所愛齋頭能得一已下米顛拜  
羅羅萬寶攢目送不能速僧房日可中漏下蓮  
花快回看百里程塊塔皆烟靄

步學使畢鐵菴飛雲巖韻

李益蕩

偏橋  
監生

黃平州志

卷十一 詩五古

五五

夜郎舊荒服居民鮮殷富突兀覩高山藜莽亦  
何茂漢獠風最淳急公惟恐后巖穴有高人似  
雲不出岫米風輻輳來昂首舒眉脰躋觀洞中  
題奚翅賈鳥瘦乍驚獅象橫還疑龍虎仆丹青  
山顏色崢嶸聳甲冑天造壓全黔尋常未敢鬪  
雲飛巖自靜源頭艱追究諸巒皆拱服誰能出  
其右岑椒翼然亭俯視嶺頭鷺月印禪心寂潭  
空瀑布溜板棧複道行往來藏狻狖遠眺曇花  
墜近看烟霞覆生成體自然神工難刊鏤無風  
雷亦飛不雨巖偏雷寶殿羨崔嵬梵聲散順椽

兵燹幾廢弛復得攢毛湊東坡雖仰止虹橋獨  
挹秀郁郁紛紛間曠觀目不替鍾靈在一方人  
文豈其陋茲值大衡臺樞衣倚閣扣怒如饑渴  
時臨流試一漱披雲逸興飛雄豪跨宇宙方信  
倚馬才馨香同蘭臭奎壁射上方光滿比邱袖  
留帶鎮山門和南酬邂逅漸予門外人典型不  
能覩前人述未備重銘碑上櫓襪線難續貂瑤  
章惟三復今遭聖明時遠通歌無寇名巖譽亦  
彰佛田欣已禱閭黎日課參卧戈忘墩墩多士  
連茅茹覃恩沐薪樵山靈如有約相將夙願就

黃平州志

卷十一 詩五古

六

吳囊隨意攜茶鐺何須慨汲泉和雲煮說榻遣  
長晝來觀大士音歸禮菩薩繡盛跡勿鬱湮揮  
毫風雨驟

丙寅秋同姑蘇朱久則過月潭寺步學使畢公

韻

宋安全

偏橋舉人

一林天地空一壑烟霞富繁英盡露凋孤幹經  
霜茂一峯突如來諸峯矐乎後雲是未來身飛  
飛不出岫如虬蟠輪囷如虎觸關脰友風而子  
雨觸石合石瘦威稜驚武功仰喜呀不仆山腰  
彎緣藤石帑綴其冑何年破太虛鬼斧無爭鬪

展布俯月潭真源恣討究根柢結老龍寒冽侵  
左右樹影搖娑婆溪舌捲鷗鷺誰把陰石鞭滴  
殘鬱林溜嶺背濕蒼葱窟宅暖猿狖不椽石亦  
礮如夫笠同覆惟唯自成觀衆形謝雕鏤其上  
如有神其中別有靈人天象外幽巖花空中揉  
朋來不買山山水水故輻輳探穴竊而深卜地靈  
以秀另眼向山青了無決滲督有松徑不荒有  
竹居何陋日夕下東坡牛角時一扣醉石文可  
跌酌泉玉可漱孰念西南隅怪物出宇宙雲海  
忽揚波薰蕕亂聲臭十年嘆知音佳山尖領袖

黃平州志

卷十一 詩五古

七七

北海畢使君東來欣邂逅惟此一片石相將話  
奇觀詩成五字吟文分太史籀宗匠制南荒培  
塿皆興復吾道有長城山精不敢寇繫鉢聞瞿  
曇濯池見阿耨重摹石經碑補題路傍暎禮教  
重成均稚人歌薪樵予曰魯瑛璫熊熊光欲就  
非雲亦非烟何以償其儼只有月如恆往來無  
宵晝泉石起膏肓江山生錦繡敢謂馳大區願  
言追步驟

辛巳遊飛雲洞

王 攢

山靈本類智所惡於其鑿非假公輸成翻為拙



匠削鑽穴入土偶得不廢瓔珞伐石刊碑銘不  
如真磊落來者日以踵往者日以却鍾碑詩如  
畫十年被擊搏洞腹難為容魚目喜相攫靈物  
世所寶安忍視漠漠身到不放過其下頗寥廓  
松風蔭月潭石橋鎖幽壑亭閣闌無物題額殊  
可看遊人便覽眺風雨無蝕剝更有飛雲志一  
編貽後學山得文以名文得山為樂海外寶青  
蓮赤壁傳蘇作余竊不自知請與細商酌

避苗行

朱如旭

堯舜正當陽蠢爾宜斂手誰激犬羊輩跳梁亂

黃平州志

卷十一 詩五古

八八

黔首驚聞叩水破孤城豈能久兵單難應敵郭  
圯不足守悠悠誰與謀挈眷從西走逆炬亂飛  
烟狂腥衝南斗破城如摧枯殺人若屠狗骨肉  
驚離散夫妻傷失偶性命分俄頃遑問家在否  
日午猶未食面垢不言醜夜坐蔓草中加之風  
雨吼傾盆徹五更肚饑衣濕透雨淚兩交流最  
苦白頭叟遙傳城已破糧食盡烏有州牧持大  
義七尺碎虎口混遭屠戮者黑冤誰為剖歧路  
將何之兒佩漉揚綬亂離去鄉井安全仗神佑  
何日返故園團圓慰衰朽

飛雲巖

天柱 羅航龍

峭壁挂雲根驚風馳木杪烟嵐終古浮薄雲飛  
未了松泉漾其下浸月逾清皎島嶼此中涵俯  
仰盡奇功

宿月潭寺

朱定元 奎山

月落人方歸入寺月仍見始知飛雲高直遮天  
之半雲澹月光寒影與泉聲亂古松矗千尋石  
花香一院游賞興未闌禪室靜堪戀解衣投匡  
床夢入三山畔

黃平州志

卷十一 詩五古

九九

五言律

再憇飛雲巖

明江盈科進之

郵亭依梵刹古壑傍人烟  
泉滴渾疑雨崖浮不碍天  
蘚深埋舊刻藤老長新顛  
車馬重來日登臨憶往年

過善化寺

夏言桂洲

月向潭中靜泉從雲外流  
寺門通徑曲樓閣傍崖幽  
掃石懷留偈憑軒一散愁  
偶來得奇賞忘却入遐陬

飛雲巖

郭子章青螺

黃平州志

卷十一 詩五律

十一

萬丈闢巖局浮雲去復停  
幻裝螺髻碧巧綴石痕青  
老樹清堪掬飛泉靜可聽  
憑欄紆遠望暫博客懷醒

靜黎洞

郭子章

皮林甫罷兵振旅入黃平  
山繞猿聲近江環雉堞清  
連空巖洞響何晚暮烟生  
徒倚禪壇下憑欄寄野情

飛雲洞

學使趙燾

若個費神工鑿將石骨空  
幾拳拳倒掛一幅水斜通  
過客題難盡閒僧玩不窮  
千年松柏樹楚

楚在橋東

善化寺

劉之彥

曲岫銜孤寺清溪澹不流巖深嘗積雪春半似  
兼秋老樹山中日閒雲世外每安禪猶此去攘  
攘更何投

旅次咏孤雁

汪蛟

自從侶伴失只與野寒俱殘照一身影天風吹  
欲無鳴哀聽不盡託審下仍孤驚徹羈人淚遙  
情共客途

山居

鄒大賢

黃平州志

卷十一 詩五律

十一

濃雲封谷口無客到山居鶴瘦思奇藥人間搜  
異書野花知節候流水自盈虛枕石高松下脩  
然見古初

黃平秋晚

吳中弘

谷口殘陽隱千峯逸落霞風光迷野寺水氣暗  
昏鴉夕鳥向空下村燈帶郭斜遙聞牧笛返猶  
被近林遮

秋夜暑中贈王孟友

梅朗中

王子多秋氣尋秋惜未殘烟容花上淡山骨月  
中寒竹愛鳴泉漱琴宜冷石彈於茲助逸興

夢亦清安

黃平途中喜晴

劉懋和

沉憂增積晦霽色強開顏貪看耦耕樂幾忘行  
路難青歸古陌上響發長松端步履隨新旭遲  
遲興未闌

飛雲巖

國朝彭而述禹峯

黔山殊易了得此忽驚人象馬空中下鸞凰物  
外真化工勞結構鬼母泣酸辛不作梁州貢夜  
郎古外臣

其二

黃平州志

卷十一 詩五律

十三

古栢蹲山隈奇峯逐面開三山湧作柱百怪結  
成胎海若全身現河圖鬪寶來未經秦亂後莫  
作武陵猜

宿月潭寺

王 櫟

丹穴開靈輿珠璣萃九苞雷音翻澗底山月挂  
松梢人過東坡路鴉歸老樹巢禪林聲寂寂時  
聽晚鐘敲

題王大令櫟贈翁飛舄先生傳

蔡 璉 若璞

禦變才堪濟全親意自真艱危持大節草野有  
孤臣食報詩書遠流芳俎豆新使旋應入告

泉下賁 恩綸

前題

周 彝

忠孝書生任艱虞世故屯守親同蔡順靜變繼  
何蕃清議千秋重鴻名九死存采風使者事真  
不愧蘋蘩

前題

段 曦

靈毓雲巖秀先生德望隆里宜名孝義謚不愧  
文中 國典明裡重鄉評月旦公即今崇廟祀  
千載仰遺風

月潭寺

閩中黃良佐

黃平州志

卷十一 詩五律

十三

忽入嶽我路嶽嶽一洞幽白雲翳曲徑紅日淨  
孤樓竹閣泉聲響山空石氣浮月潭鄰有寺步  
屨且遲留

夏日園中

朱定元 奎山

遠樹排青嶂輕陰散綠烟鳥銜花外雨魚戲水  
中天土沃藥彌盛石多松更堅披襟推物理步  
履法前賢

其二

窗開深樹裏路入短牆東香滴荷心露清搖竹  
尾風鳥呼扶杖客蝶繞灌花童莫道園林小乾

坤爽氣同

春日樓下新園

朱定元奎山

樓前餘隙地嶺外逗流霞徑曲香留蝶臺高檻  
繞鴉鑿池銷舊水種樹發新花對此翻經史何  
庸泛若耶

斜廊連竹砌飛閣繞松風杏艷露添色蘭跣石  
點叢綬輕拖草綠袍重染花紅得共芳菲節陽  
春滿座中

雅趁幽人趣誰云近市諱林深憑鳥宿山缺情  
雲遮曉露侵衣潤花香入夢賒垂簾人跡靜應

黃平州志

卷十一 詩五律

十四

許讀南華

送朱奎山中丞予告還里

周長發

清績尊臺閣閒情寄磻阿一帆懸畫舫萬里返  
吟窩尚有丹心在其如白髮多抽身真未晚容  
易入烟蘿

迴龍寺

徐而陵

迴龍旋地軸綠樹暮雲遮踞石雄於虎環流曲  
似蛇松高留宿霧寺古帶殘霞覽勝歸來晚乘  
舟學泛槎

黃平新州漫興

陳文政

突几羣山裏城雄莫與儔浮圖凌曉曙飛竦砥  
中流通楚當衝道入黔第一州兩齋饒寂寞詩  
酒未云愁

黃平舊州漫興

地偏民較庶就阜累江城兩日輪應市千門半  
是耕舟通澗水疾境抱鐵關平款段乘將出聊  
為問俗行

寶相寺

寺自播平復名仍寶相歸鐘聲傳近郭池景靜  
朝暉初至花如待暫停鳥不飛青螺留古碣五

黃平州志

卷十一 詩五律

十六  
十五

蘊早通微



五言絕

飛雲巖三首

國朝晉江黃岳宗

觸石雲連起何年此洞開無心時出岫飛去復

飛來

乍見駭心目翻疑幾洞天紅亭依綠樹托出亂

雲前

巖我傳勝景石室自天然舒卷多佳態何須怪

米顛

題飛雲洞四首

蕪湖韋謙恆約齋

誰將泰山雲幻作石洞古夜深應更飛去為天

黃平州志

卷十一 詩五絕

十六

下雨

本以石為身翻若雲之狀雲耶與石耶孰是真

實相

頑石與慈雲佛性本相等說法逢生公石亦當

首肯

巨石何玲瓏巖壑中畢具送與米襄陽此間作

常住

飛雲巖十詠

山陰吳壽昌蓉塘

虛巖綴玲瓏靄靄多無比為重出山心歸根堅

不起石雲

廣址亦天成倚空平似掌說法坐移時俱生點  
頭想石臺

海外三瓊島移來小小峯侵晨照初日艷彩發

芙蓉石三小峯

寒穴黝而深中含水盈尺傳說在山人呼龍為

蜥蜴巖後石洞

出竇聞淙淙清音漱寒玉本從石髓分一掬味

真足雲根泉

石頂椽三四垂藤不易攀文成有遺碣終古鎮

名山聖果亭上有陽明先生碑字

# 黃平州志

## 卷十一 詩五絕

二十七

清境絕纖埃方塘開一鑑遊客過橋多花宮聽

仙梵平橋

鸞鳳高棲樹香深幹益堅蠻中無甲子知汝植

何年古栢

潭月兩何有禪心視白毫門前日輿馬莫遣寺

僧勞月潭寺

青螺隔溪水卓立成孤秀空亭在佳人嵐氣落

襟袖滴翠亭

七言絕

寶寺曉鐘

明高任重

草樹藏雲古佛堂  
鯨音清曉徹諸方  
山僧未諳敲鐘訣  
一百八聲隨短長

白巖仙洞

高任重

白雲常鎖洞門陰  
丹竈烟銷歲月深  
仙子不來靈液在  
冬能作雪夏為霖

梯子顛巖

高任重

登臨路繞翠微間  
此地會當虎豹關  
倒影桑田疑欲墮  
山光樹色古今閒

黃平州志

卷十一 詩七絕

一十八

翁播龍潭

高任重

靈物蜿蜒蟠處深  
興雲作霧晝陰陰  
須知變化原難測  
潭水沉沉自古今

飛雲巖

萬士和一作士連

洞裏幽深未可窮  
洞門奇峭護雙龍  
風雷若有山靈妬  
飛作江南鐵柱峯

飛雲巖

吳維嶽

何年巧石學雲飛  
雲去雲來與石依  
蒙石何須憂混沌  
天然開闢本無機

飛雲巖

甘雨

縹緲孤雲繞洞飛，雲光月色兩依依。巖頭一線塵踪絕，指與遊人悟息機。

飛雲巖四首

國朝晉江黃良佐

綠水斜流白板橋，飛來紅紫亂風飄。桃源亦是人間地，應有漁舟路不遙。

一峯聳翠暮烟青，絕頂何年架此亭。自是紅塵飛不到，松陰鳥語透雲屏。

千尺銀河界翠微，水晶簾下濺珠璣。此中應有仙人藥，蝙蝠秋深繞洞飛。

蘭若松風捲翠嵐，遊人欲去又停驂。山僧贏得

黃平州志

卷十一 詩七絕

二十九

長年住夜半安禪，對月潭

祀鬼

王 楹

不信醫兮祇信巫，殺生救死甚糊塗。可憐昨夜籬邊犢未畢，耕耘又被屠。

銅鼓

王 楹

村中銅鼓應如雷，木梢長腰兩下推。最是牂江風景異，蠻花棘鳥鬧春杯。

秋興

朱定元

鶴帶烟飛秋氣老，鴈橫天去暮雲平。千家砧杵黃昏後，玉露無聲月滿城。

送朱奎山中丞予告歸里

秦蕙田

一葉風帆許遂初歸裝羸得幾肩書雲山總沐  
君恩賜豈學嚴陵瀨上漁

表海曾經戟府開金笏玉節照蓬萊只今畫鷁  
青齊路父老還疑借寇來

楊柳旣旣別意濃翰君進退自從容江湖廊廟  
關心在獨樂名園恐未公

前題

劉綸

郵傳千盤指釣磯賃租三月滯王畿僕夫

不會留連意要見西川解甲時

黃平州志

卷十一

詩七絕

三

安江夜靜登城卽事

李臺笠山

臨江寺裏鐘初歇照壁巖頭月半輪閒步女牆  
無箇伴潺湲惟有夜濤聲

安江早春

李臺

兩岸巖風生玉樹一天冷韻屬梅花莫因疎影  
橫斜句錯認孤山處士家

輿隆雜記有序

李臺

病假匡居日與蠹簡為緣藏書無多數緒意

輿都索首夏涼雨織綿益形閑寂偶思鄉里

土風畧微聞見漫就絕句若干首荒俗歌謠

語無詮次比於竹枝浪淘沙之調采風者寧無取諸

香爐鬱律矗長空萬馬奔騰一障中見說隆城

文物盛地靈融結在巽宮

隆城地脉會此

行宮坡上古南樓翠巘屏開曉色浮一簇仙茅

鍾氣早慣先梅柳占春頭

東郭梅花逐暎風嫣然萼綠笑蒼穹何人肯向

黃昏裏領畧寒香瘦影中

清溪如帶束城圍歛艷春流入水關花柳輕陰

度闌闌家家鵝鴨影瀾瀾

# 黃平州志

## 卷十一 詩七絕

四  
三十一

烟嵐墨畫紙房河一望青疇擺極多霸裏分班

通堰水月明風靜聽農歌

青嶂排空鎖石關架梁高擁紫微間摩崖中字

丹常渥珍重嘉名是榜山

蒼茫古刹麗城東三百年來氣鬱葱鶴鶴高飛

松檜燼還餘綽楔玉清宮

五字額余公懋學手蹟也

余公翰墨久消磨空想當年振玉珂聖母閣前

留卧碣韓陵一片重摩挲

碑文最佳

先正風流遠邈明首開甲第自周瑛林居晚愛

龍泉側彷彿猶存舊草亭

周布政公草亭遺趾在龍祠旁

夏夜追涼大井前歌聲如串濺珠圓過江曾試  
梁谿勺浪號人間第二泉大井最甘涼江南惠泉遠不及也  
安江垂柳綠生梯送盡行人向碧鷄穩渡中流  
休悵望老君關似上雲梯

雲巖海內悉知名冠蓋從容慣駐旌新向峯前  
添候館山靈殊不苦逢迎

路入東坡故麗譙芳塍彌望碧迢迢溪聲野色  
空濛裏點綴春風十里橋

二月春蕪茁嫩苗盧家赤脚滿山椒乳漿甜蕨  
堆盤滑不數江蓴並海瑶奶漿菜名海瑶玉珧柱也

黃平州志

卷十一 詩七絕

五  
三

四月蘭湯浴佛辰月潭齋鼓鬧說說紅顏霜鬢  
紛膜拜風雨輕鳧也苦辛弓鞋謂之鳧

高秋禾稼畢登場處處新炊杭稻香且喜又逢  
看會日旌幢鼓吹賽華光

新年節物臘前治粧妝餼餽楚俗宜除夕紛紛  
燂寒具更煩砧杵擣香齋

飛雲巖

羅毓星

碧落留雲雲不住撐霄捧日堆岑樹怪底飛還  
飛不還半宿蒼厓半作雨

七言古

敦本歌

國朝張也明

聖宮在昔無定區三遷卜築城南隅高城睥睨萬烟  
火平野橫鋪千膏腴雙薦峯高疊蒼莽五星屏  
峙排如掌十里龍從天上來百丈雲開日中榜  
先師道貌望儼然云從曲阜像中傳 聖澤地靈兩  
鍾秀春闈秋宴如蟬聯維茲梁棟及墻堵歷年  
久已摧風雨更遭蠹逆火燎城却喜三焚不及  
庶饗宮舊有修葺資隸也不力反居奇幾將禮  
樂文章地蕩作頽垣碎瓦基金子奮然攘臂言

黃平州志

卷十一

詩七古

二十三

誰家不識師道尊獨把百金輕一擲巍巍煥起  
樞星門由是樂源多儒者聞風羣起不相下繡  
闥滿堂金碧裝雕甍四合琉璃瓦戟門寢室盡  
輝煌門外難窺數仞墻試問何人圖厥始仁山  
佳胤為之倡金子耳聞目有覩更求缺畧思彌  
補 天子拜臺花覆碑大成寶殿龍蟠柱自  
言餘力不留遺珠欲求圓玉去疵善始成終兩  
不愧此心惟許 聖人知

飛雲洞

靖道謨

豐隆當年求處妃南過嶽我愴忘歸徒御不戒



喪駟第化作巖石雲不飛石勢輪困更飄颺千  
年猶作飛雲狀紛紛郁郁嵌玲瓏軒然高敞窮  
殊相金柯聳擢玉葉舒魚鱗劈絮堆砲車驚蛇  
走虺出穴窟猿臂鳥伸龍攫拿世人日看飛雲  
態看盡飛雲無此圖巉巖雙峯峙洞口蹲踞昂  
首如蒼狗武丁巨斧削不成不隨風捲長相守  
蒸濡靈液飛素練蒼壁白衣垂片片潺湲衝激  
響鏗訇空裏阿香車輪轉雲昏雨洒雷填填咫  
尺幻出心目眩造化不憚憊忽勞直將混沌都  
鑿徧南行險路難登陟來躡雲巖一休息襟袖

黃平州志

卷十一

詩七古

二  
十四

飄飄爽氣生瓔珞俱帶飛揚色世間原有飛來  
峯峯可飛來去亦得願假巨靈手劈開褰裳乘  
之周八極

飛雲洞

苔上沈世楓

龍標城西山勢雄蜿蜒磅礴趨黔中飛雲古洞  
尤竈窈蔚秀不與羣峯同五丁斧鑿絕險入瓔  
珞玲瓏鐘乳濕千巖灑氣共吐吞太虛浮雲憑  
呼噏雲飛漫漫彌八區遭逢際會風吹噓為卿  
為高文明見為雨為霖大澤敷蒼生既潤功不  
與縹緲山頭覓歸處雲歸還向洞中來晶晶晴

空塵萍去

祝家節姊曹母孺人壽

太史翰  
彬之母

王

樵震來

憶姊結褵癸丑臘曹郎四十未衰颯伯父禮之  
為館甥孔父年長願父納伊予小子花燭前見  
郎偉貌入門闈是時姊年十有六祇肅內政絕  
紛還須臾風鶴起邊城士女奔竄出閨閣羅幃  
解作裏糧行止宿茅坡風露匝提甕出汲事井  
臼不以亂離乖好合郎嘗寄食資硯田有時脫  
珥佐饁榼十月生子蒙加名地東寧馨慶額眉目  
始伯氏寶之若掌珠宅相他年擬簪盞生女未

黃平州志

卷十一 詩七古

又三  
二十五

髻郎奄逝鳳去臺空氣嗚咽離迷黑雨覆枯萱  
煢煢在疚幾難存破面解親誓不二攜持藐孤  
杜蓬門刺指燈前易升斗採薪籬下供饗餼茅  
簷月冷啼孤村破屋松風愴心冤兒女伶仃迫  
嫁婚戶庭闌寂悲蘋蘩二月桃花八月桂東家  
男兒看及第有子不能慰母心辜負當年嫁老  
壻悠悠蒼天實鑒之望子成名如望歲戊子之  
秋己丑春麒麟坡下草芳芬皇華報到金泥捷  
館閣恩榮荷 聖君蓬門未啟賓朋至不見  
歡顏但揮淚曰子誠不負未亡惜哉爾父已不

暨稽首北天切致辭願兒始終無忘志

聖人在上勉事之學古入官理無二惟子孺慕出顏

色念母未嘗忘一食攜我塵襟泣母德謂母聖

善誰其識我不為言孰為言寫作長歌紀其實

君不見予家先姑守窮廬當年旌表在志書

隆衛節婦王氏百戶胡融妻詳衛志至今爭傳王氏節堂令範

堪比如

康熙壬寅三月同友人登古佛山得二百十字

錄贈滄田師

吳門 蔣 深 鴻 泥

羣峯積翠當窗落雨後輕陰日光薄少年騎馬

# 黃平州志

## 卷十一 詩七古

三  
二十六

老乘輿前驅只許馳雙鶴數里幽花暖更香千

章古栢垂為幕入門鳥雀不聞聲但聽風鈴動

高閣老僧引上拜經臺欲趁飛颺縱芒屨攬身

俯瞰萬文潭深戒臨淵前復卻寺前東轉有龍

湫碧水冷冷總無着霜髭不剪嬾迴照掬取先

除雙眼膜日斜小摘蔬筍新蠻盃攜來茗先淪

人生口腹亦何為至味無如飽藜藿我聞僧言

此開創餘民苦被封狐虺謂蓋賊兕鉢能將法

雨施青燐免令悲幽壑六十餘年選佛場匆匆

小劫風驚籜陳迹悠悠且勿論作達吟詩恣歡

喙相期結社構山亭白雲堆裏將茅縛

飛雲洞

晉江黃岳牧

走馬嶽我道縱目飛雲巖九天下垂倒舒捲鳳  
翥鸞翔態不凡石室玲瓏開仙座玉華名勝那  
能過一片悠悠萬古春無數才人相倡和朝雲  
散去暮雲生空中蛩下兩幽清誰道雲程高萬  
里舉頭華蓋結亭亭

登西竺寺望山廊作

傅龍光月川

佛言西竺有香國世界乃在蓮花中寶華湧座  
偶然耳此境要與羣生同黃平北來三十里一

黃平州志

卷十一 詩七古

又三  
三七

峯巖蕤插天起山氣氤氳青雲端望之臨風花  
旖旎山腰石厂成修廊千葉千花森開張紺宇  
琳宮妙結構嵌空半吐蓮花房遊人夢醒情無  
那月白風清看欲墮豈知化城如花開山僧鎮  
日忘機坐西邑儒生不解禪什九寓言烏乎可  
倘得舉世廬其居吾詩亦付昌黎火

飛雲洞

傅瑤光靈川

老雲片片媚天碧剛風吹落堅作石從龍降雨  
已無心猶令世人詫奇闢誰遣飛瀑來橫空濤  
聲騰涌松間風浮圖倒影月潭底寒光晶晶生

蛟宮

飛雲洞

商邱陳淮

昔門大士多應身示現空相參微塵揭來南天  
自南海海天漠漠飛慈雲雲飛上山山石立嶠  
忽縹緲成輪囷似看噓氣出山骨却訝僵石生  
雲根雲來雲去幻復真山靜常持不動尊本來  
妙湛了無住是法非法人非人我遊靈山及靈  
辰撥雲入洞循山門何緣見石便肅拜整頓袍  
笏加簪紳莊嚴妙相儼巖際寶珠瓔珞驚天神  
參天龍樹張蒼鱗八功德水清且溫香城淨域

黃平州志

卷十一 詩七古

四  
三六

杪昔聞鷲峯鹿苑非所論山風吹衣衣袂分袖  
中雲氣猶氤氳願為花雨散空界南荒編灑花  
續紛

訪李笠山通政王序東進士承示州志稿因賦  
長歌紀之

清平孫錄清臣

冬日晴和動高興暮年策馬龍淵徑為訪同年  
李笠山可憐一別霜盈鬢多才更有王序東慨  
然欲勅全州乘領我東西南北遊為我歷指諸  
名勝行宮坡與奎山連聖母玉皇高閣并東嶺  
梅花四季開西隩龍泉千尺浚香爐山在半天

高掛榜丹巖遙與映應是黔南第一州果然輩  
輩出英雋隆城甲第自蟬聯 昭代衣冠殊  
鼎盛內中秘與外中丞前布政與後通政多少  
耆宿並名流從頭歷數都難盡地靈人傑語不  
虛頃來目擊洵有証不有青編共流傳萬古千  
秋誰復論天生王君補其缺著作鴻裁肩獨任  
况有名卿為主持更集時賢同考證殘碑斷碣  
亦摩挲整老山僧頻問訊雖云節目未周詳要  
領規模已先定他年剞劂告成書蘭臺石室寧  
多遜

黃平州志

卷十一 詩七古

五  
三九

西竺行

陳學溥

崑崙之脉從西來迤邐黔中紛崔嵬特聳一峯  
名西竺九曲溪水相縈迴乃上山之阿攀援資  
鐵索下視三千丈心膽驚欲落蒼蔥樹隱三春  
鶯蒼翠栢藏千歲崔林間縱目看遠峯羅列拱  
揖雲霧中亭午下山日將暝回首惟見青芙蓉

七言律

題輿隆衛壁

明王守仁

山城高下見樓臺野戍參差暮角催  
貴筑路從峯頂入夜郎人自日邊來  
鶯花夾道驚春老雉媒連雲向晚開  
尺素屢題還屢擲衡南那有雁飛回

七夕過善化寺

鄭綱

二宿東隣寺上樓雷聲終夜鬪溪流巖排古樹  
青常合雲擁危巒瘴自浮往事有懷徒撫劍十  
年此地幾鳴騶人間兒女憐今夕說盡牽牛萬

黃平州志

卷十一 詩七律

一  
三十

古愁

讀飛雲巖吳中丞維嶽碑感賦 黃龍光

何處閒雲傍石飛飛來化石却忘歸藤稍帶雨  
秋光冷澗道迴風暑氣微亂後山川顏不改愁  
來丘壑意多違浮生過眼俱陳迹空向人間說  
是非

飛雲巖

鄧廷瓚

偶從古刹尋遺踪亂峯削立摩蒼窮幻出南海  
釋迦景移來西筑兜率宮過客題詩刻湘竹老  
僧入定巢雲松門前流水更清徹仙源似與銀

河通

炎涼久坐困烟塵一到靈巖眼乍清借問昇平  
何以報空懷忠赤竟無成洞前怪石三株樹崖  
上飛濤萬壑轟無數蠻豕需法雨棠陰遍地鳥  
嚶嚶

前題

陳紹英

巖外泉流河漢銀裹來靈氣上嶙峋多奇總有  
峯皆幻得意何妨相是真小憩暫令開作憶憑  
虛容可化為輪憶從南國司雲後擬改飛騰不  
礙身

黃平州志

卷十一 詩七律

三十一

顧言

嶺岼絕壁俯千松直躡飛雲寄遠踪一竅空明  
涵碧落三峯還向吐芙蓉山僧卓錫栖能定野  
老扶藜話正濃乘興探奇忘日暮忽聞林薄又  
鳴鐘

前題

姚啟盛

天開石室貯維摩人境悠然現普陀瀑布却從  
巖頂瀉雲烟都向檻中過長松宿雨鐘初發香  
徑花飛鳥自歌為愛名山停屐齒好將塵慮濯  
清波



潘世奇

恍疑靈鷲結天都，錯落珠璣入畫圖。  
鬼斧闢開成葢窟，神工巧構冠祥符。  
泉通曲徑清音繞，嵐映晴暉翠障鋪。  
極目形容無處盡，雲迷五色也模糊。

沐天波

懸巖百尺絕纖塵，塵慮巖頭盡洗清。  
梵相莊嚴疑幻出，雲根奇詭訝生成。  
倒身手探星辰近，長嘯聲傳林壑轟。  
幽勝更從何處覓，坐中山鳥不聞嬰。

黃平州志

卷十一

詩七律

三

謝三秀

亂後招提喜獨存，上方鐘磬靜黃昏。  
松穿怪石仙人掌，月覆空潭玉女盆。  
僧懶煮茶尋雪乳，客偏攜酒對雲根。  
重來莫遣迷歸路，記取桃花是洞門。

再過飛雲巖

拄杖來尋物外機，月潭半嶺掛松枝。  
空山月出僧歸早，古洞雲深客到遲。  
小市且沽新釀酒，短牆猶憶舊題詩。  
禪燈木榻棲遲夜，此意唯應靜者知。

東坡仙島

周 瑛

層巒疊嶂簷瓊樓彷彿三山東海頭水泛碧桃  
流澗壑烟籠綠柳鎖汀洲祥光隱隱陀頭起紫  
氣陰陰洞口浮白鶴玄猿栖自古蒼苔仙跡舊  
遨遊

北嶺險關

造物分明巧鑿開嶙峋高出白雲隈西連蜀劍  
嗟同險北並秦關怯遠來夷譯驚從天外語柝  
聲疑在白邊回強弓勁弩休經此車馬轟轟氣  
自摧

黃平州志

卷十

詩七律

四  
三

榜山疑秀

蒼龍山勢抱孤城峭壁平平類削成雨暗苔痕  
疑墨古日移雲竇訝文生前臨泮水千尋碧下  
瞰江流一派清為愛乾坤多秀氣丹梯飛上自  
題名

帶水環流

源發東山貫北河縈迴如帶湛澄波浪花噴雪  
寒光滿芹藻浮烟秀氣多清比滄浪應澈底繞  
流泮沼自盈科觀欄喜識朝宗勢不獨時聽孺  
子歌

安江曉渡

渺渺江流值晏津，朝曦初浴往來頻。  
檣聲鷺起沙鷗宿，曙色平分野草春。  
雪浪噴花迎棹，烟波暝樹怯垂綸。  
天光雲影徘徊裏，盡是呼舟喚渡人。

南樓春曉

百尺危樓倚碧霄，登臨佳景值春朝。  
桃花點點飛紅雨，柳樹依依鎖畫橋。  
一水護田烟浪繞，四山聳翠雪痕消。  
遠聽牧笛兼漁唱，盡是康衢擊壤謠。

黃平州志

卷十一 詩七律

五  
三四

爐山烟雨

爐峯奇怪自天成，非蕪沉檀得此名。  
帶水含烟疑變幻，遠濃近淡卜晴陰。  
山腰漠漠橫蒼翠，水面濛濛罩淺清。  
絕頂方塘靈莫測，為魚為物若多情。

龍淵靈異

古洞深沉別有天，水雲腥處老龍眠。  
為靈能應四時禱，分脉常沾萬頃田。  
吞吐烟霞巖穴裏，倒懸星斗石橋邊。  
箇中風景應難識，異草奇花不

記年

安江待渡

余興賢

重安江色綠於蘿江艇催人急似梭鳳嶺烟開  
曦馭出霓旌風裊使軒過閒窺鷺步沙清淺靜  
聽漁歌韻倚那更是四時饒景色青山兩岸白  
雲多

鳳嶺來青

余興賢

鳳嶺蒼莨接絳霄琳宮深處彩霞飄十洲不羨  
神仙地一徑頻來士女朝林靈經風青不斷石  
嵐過雨翠難消老來結得同心侶共向山中採  
藥苗

黃平州志

卷十一 詩七律

六  
三十五

梅岫春登

胡同寅

幾多春色到梅花灌木陰中鳥語譁翠柳依依  
彌野岸錦桃灼灼遍溪沙登臨舉酒情偏劇拈  
韻分題興轉賒醉後嘯歌天地窄不妨潦倒接  
離斜

過興隆寄大錯和尚

汪蛟

仙骨翩翩香案身衣冠嘗見禮星辰名高海內  
無知己寒盡黔南憶故人天際孤鴻時送目溪  
邊落日獨傷神窗前昨夜思君處夢入梅花寄  
早春

重安江晚渡

夏言

重安江色清可憐江頭下馬渡江船黃茅野屋  
淡秋日粉堞山城愁暮烟朱旗郵兵走相報繡  
衣使者來行邊故人經年不見面何得萬里同  
尊前

宜娘營

郭崇爵 仰台

南山土阜接雲平野史相傳女將營舊駭風雷  
屯虎豹今看壁壘穴鼉鼉嵐光尚幻旌旗影溪  
響猶疑鼓角聲二百年來文教洽纛弓橐矢控  
名城

黃平州志

卷十一 詩七律

七  
三十六

前題

邵人李 達 徹亨

郭外禪林曉露清五更鐘韻忽錚錚元音斷續  
溪聲靜竇偈宣揚日暈明萬石不因撞筵響豐  
山却候降霜鳴如茲切切開迷路猛省偏深世  
外情

七里晴嵐

邵人李 通 徹明

七里峯峯曉露涵迎暉樓上坐晴嵐翠烟作帶  
山腰束碧霧如虹日影含飛入海濤成蜃閣挹  
來朝氣潤書龕須臾三足天中布野眺悠悠與  
正眈

沙洲鷺集

陳正心知先

紫霧山山襯夕陽春鉅斂翼泊溪旁鴻歸錯認  
千門雪鷗過或驚六月霜玉膽瓶前橫瘦影蘆  
花洲上舞霓裳攜尊對飲何須燭勝爾崑蟲襲  
夜光

鼓臺仙境

孫光啟仲熊

峽岷危巒湧出然空中樓閣接重元紅雲蓋結  
通明殿銀漢流來卓錫泉歌笑捫蘿驚野鹿遨  
遊陟頂挾飛仙傳聞佳叻飄翩集撫雀吹笙萬  
仞巔

黃平州志

卷十一 詩七律

三七

銅釘筆峯

陳于宸 廣虞

突出奇峯似筆形尖頭插漢撼奎星管昂天外  
臨蒼點穎落江心蕪洞庭何客借書蒼頡字無  
人掇草太元經文鋒八面銅釘銳博得封侯是  
五丁

馬苑桃花

陳良能 心猷

雲封古壁透溪沙更有山桃二月花入曉忽驚  
暘谷采舉頭尤訝赤城霞漁郎扣石仙扁閑游  
客流觴野興賒不獨武陵春色媚此中依舊樂  
桑麻

陡巖赤壁

邵人張拱北紫美

赤壁楓林兩岸隴正堪載酒蕩輕舟星稀月朗  
雄安在衣縞裳元夢已收遐舉不須窮海岳浪  
遊聊可狎鳧鷖陡崖不減臨臯勝夜醉金風泊  
蓼洲

石龍水口

張居乾正之

樂源不獨峙千峯更喜波心控石龍力障狂瀾  
橫一柱氣吞碧落聳崇墉東流江漢源何遠西  
注彭潒勢自雄水秀山明稱獨勝尤饒晦澹足  
提封

黃子州志

卷十一

詩七律

九  
三八

登七星樓同諸僚友作

巴人楊鳳翥卷阿

公餘同步七星樓帶水雙環雉堞浮岑口遠光  
迎檻入鼓臺清響隔溪流蒼蒼一色看巴楚歷  
歷層霄瞰斗牛一自汾陽經理後謂青環撫軍治安  
遺策共君籌

遊鼓臺和卷阿楊刺史作

興隆余興賢存素

共醉平原已及期杖藜出郭更探奇磴邊瑤草  
寒香細山半扶桑霽色移泉透一泓堪泛酒崖  
磨千尺欲題詩追隨軒蓋登臨後異代風流此  
一時

七夕後一日同友人遊鼓臺山 宋世裕吟我  
天衢華露溢來多咫尺雲梯接玉河况值新秋  
巖氣爽正逢佳夕鵲橋過何人跨鶴凌青嶂有  
客開尊映綠柯坐嘯共尋方外興不知朝市有  
烟波

馬駿峻嶺

李占春 少白

形勢盤旋若駕軒神騏蹠躩萬峯連駿披雪巘  
蒼松老足踏雲根怪石堅控勒不加閒菟裹斗  
升難豢絕崩竇遙看隱見河圖影疑在羲皇未  
畫前

黃平州志

卷十一 詩七律

十一

兩岔漁歌

李占春

兩水濛沔抱遠岑漁舟隨浪任浮沉歌聲競唱  
三更月罟影齊鋪一壑陰蓑笠治生饒隱趣風  
波謀食亦驚心道人不禁江湖想往往披衣澤  
畔吟

寶珠古刹

李占春

琪花瑤草襯琉璃古刹丹青映水湄寶藏三車  
藏貝葉珠光五色見摩尼上方鐘擊哆囉韻半  
夜禪參法導師安得塵緣都解脫頻來此地啖  
松脂



萬邨陰晴

李占春

山形綿亘勢縱橫開國會雄細柳營疊嶂瀑泉  
縣露布層崖古檜掛風旌結成密霧知將雨散  
盡浮雲喜欲晴地利天時都占却年來誰復事  
南征

梯子崖

張問德 惺初

懸崖峭壁勢巖岉鬼斧開梯一線寬曲磴下驚  
無世界浮雲高擬作闌干從來不信函關險過  
此何憂蜀道難百折千迴天路近塵寰杖底任  
漫漫

黃平州志

卷十一 詩七律

十一  
四十

石人洞

沐天波

石人洞口白雲深一曲滄浪路幾尋藤莽牽衣  
添野翠蘭蕙生我襲微陰夜來城上孤燈邈雨  
後山間夕照臨漫說漁人淨不到涓涓流水是  
知音

喜李少白自楚歸里

錢邦芭 開少

三楚遨遊一劍輕山川無恙慰君行南風故國  
人千里夜雨孤帆夢幾程湘漢波連殘月影洞  
庭雲擁斷潮聲歸來長物都刪盡檢點詩囊白  
雪清

其二

歷盡崎嶇千萬山蕭蕭楓葉點衣斑天涯日暮  
雁初落故國秋深人未還十載風塵悲短髮半  
生事業老朱顏相看世故多離合擾擾塵勞未  
可刪

山中祝馮衲生

鄭延齡

曾與烟霞結舊盟深山惟許鶴知名不教薜荔  
終無侶既煉丹砂必有成南國一歌狂也肆西  
山長嘯聖之清人間多少迷津者君獨道遙度  
此生

黃平州志

卷十一 詩七律

十一

飛雲巖

國朝 田 雯

飛雲巖立翠千重草色登臨日下春莫信人間  
惟五岳須知天末有三峯秦灰漢壘羣仙宅雲  
陣花幢古佛蹤如此奇山誰領畧曾無七十二  
家封

村居即事

陳天寵

數椽茆屋倚林開春景宜人句自裁嘹唳鶯聲  
穿曲逕呢喃燕語度層臺蒼虛山色和烟入雲  
靜松陰引日來休向武陵尋邸事村居差擬小  
蓬萊

和思南劉未澆遊飛雲巖四首

橋編

張雲霽

東坡遙望烟光迴到處驚飛朵朵雲  
樹色陰晴欺畫幅  
泉流斜直巧迴文  
露垂玉露形初結  
霞映丹崖影莫分  
一片溪山看不盡  
洛陽宮闕幾

經焚

時值張李亂後

其二

雲光結就不須茅佛國峯巒列四郊  
嬾嬾微烟過隴畔  
萋萋落葉下林梢  
溪橋暗渡遊人屐  
嶺樹平樓野雀巢  
獨許禪心恣領畧  
石門月下

僧敲

黃平州志

卷十一 詩七律

十三  
四十二

其三

閒雲片片卧亭心  
影入清池碧漢臨  
天半虬龍橫絕壁  
空中虎豹踞危岑  
晴霞晚照幽峯曉  
寒雨朝飛曲澗陰  
眼底滄桑何日了  
年年古洞只如今

其四

松杉萬個結山根  
翠色迷離曉日昏  
月映前溪侵溜影  
雲封古道濕苔痕  
幽泉有意徐趨澗  
野鶴無心自到門  
最是劉郎風韻好  
空林題句幾驚魂

贈鄭公

薛子珩

雲山疊疊起三峯，驅得淵魚靡遁從。時值亂離  
難尚法，民當窮窶易為允。一方允矣資調護，兩  
邑居然惜折衝。雨洗兵來人喘息，履聲三殿聽  
從容。

自述

薛子珩

詩思還從物候新，豈知書劍老風塵。眼前好惡  
何能定，夢裏輸贏總未真。幸得酒盃消白日，每  
看兒戲憶青春。日為醉客兼吟客，身外浮雲那  
足論。

黃平州志

卷十一

詩七律

十四  
四十三

輓陳納菴先生

王 棧

頻剪霜林秋勢毫，龍淵蕭瑟死陳陶。彩鈴不叶  
仁人夢，柳汁偏遺志士袍。氣入烟雲常變幻，魂  
來風雨助呼號。從今再過虹橋畔，誰復周行示  
我曹。

帶水環流

朱定元

宛轉清泉繞澗河，通江入海自盈科。環溪鷗鷺  
飛騰早，曲渚魚龍變化多。埜渡雲橫山有色，芳  
堤風靜水無波。一灣碧浪圍青嶂，月岸時聞孺  
子歌。

沙溪夜月

朱定元

一輪皎潔靜無聲，映入清溪鳥篆平。  
桂魄影搖沙萬頃，苔痕冷浸月三更。  
烟籠雪岸連天碧，風掃銀蟾照水明。  
此際有人閒坐望，人間天上鬪雙清。

玉峽飛虹

朱定元

瀲灩清泉一徑通，碧波深處隱長虹。  
澗雲生白常疑雨，桼樹排青不斷風。  
五夜鳥鳴因月上，四時山翠落江中。  
觀瀾喜見鯨波靜，斜掛雲橋瑞色籠。

黃平州志

卷十一 詩七律

十五

九月登金鳳山

朱定元

秋深山徑綠苔封，異鳥奇花次第逢。  
巖帶曉烟清有色，嶺含宿雨靜舒容。  
面前削壁疑無路，石畔尋踪遇好峯。  
緩步從容登極頂，天闔雲外暮聞鐘。

過中橋河

朱定元

林間茅屋掩荆扉，柳媚桃夭乳燕飛。  
松影凌波青撲面，竹香籠岸翠沾衣。  
中橋水漲人呼渡，半嶺雲深僧未歸。  
恍過武陵花下路，犬忘客至鳥忘機。

石門龍臥

即龍門沖  
詳見名勝

戴琪

山空誰擬貯深淵一洞中涵溥博天神物待時  
施雨化石門鎮日抱珠眠雲封秋蘚微藏用浪  
擊春雷看涌泉須信卷舒同大造年年膏澤滿  
桑田

仙洞魚飛

即躍魚洞  
詳見名勝

戴琪

怪石棱稜鎖澗河錦鱗隊隊濯清波風薰夏日  
飛騰遠濤鼓春雷變化多削壁連雲橫玉竦懸  
流垂練擲銀梭未知力捲滄溟水肯作人間化  
雨麼

黃平州志

卷十一

詩七律

十五  
四十五

寺挺孤峯

即西  
寺

戴琪

石壁嵯峨擁化城不緣雕琢敞幽清四圍山向  
階前俯一徑人從鳥上行鐘磬幾聲天際落烟  
雲千態足邊生晚來燈火懸霄漢星月溶溶萬  
顆明

溪流九曲

在葛  
浪洞

戴琪

漫將九曲羨河流千古佳名此共收山外盤桓  
圍玉帶林間絡繹掛銀鈎野田夾岸珠盈圃廬  
舍環溪壑作樓倘得仙槎能借我乘風取次上

瀛洲

紀苗惠詩十首并序

國朝曹掄彬

乙卯春余內艱服闋偕眷北上行次潯水傳聞  
苗掠八弓漸延鎮遠居民奔竄莫可禦止余亦  
有戒心倉猝覓舟而下時四月中浣也警報日  
甚遠邇聞風落胆山路奔馳日不下萬計蓋黔  
遠處天末近百年來沐

聖天子柔遠招攜輕徭薄賦目不覩兵戈為何物耳  
不聞擊鼓為何聲習於太平者久故一聞苗匪  
風鶴草木皆足驚人不思堵禦羣事遠征職是  
故耳二十一日辛酉苗燒凱里閭城遭戮二十

黃平州志

卷十一 詩七律

十六

四十六

三日癸亥苗奪重安越三日乙丑攻黃平新州  
兵少無援城破州牧死焉一時全家遇害者如  
張君碩彥初子大生王子克明其餘不知姓氏  
者盈萬累千流血成河橫屍遍野皆慘不忍言  
閏四月初五甲戌攻破黃平舊州二十九戌戌  
破餘慶五月初七丙午下清平苗所到處擄掠  
子女燒燬房倉挖取藏物掘發墳墓勢如燎原  
莫可嚮邇若非哈元戎抱赤心之忠破積習之  
見提兵救援則全黔幾何不盡為苗虜乎幸蒙

天聽遠切殷憂

特加提督將軍之銜更煩近

御大臣之駕費銀百萬賑濟流民一時西江渴紂  
皆得起死回生矣夫以一時之異慘實千古之  
奇災約畧大端疏為小引不揣巴里賦詩十章  
不獨少抒余之憤毒並備將來之有成乎苗患  
者不無取焉

盛朝德化溥邊城四遠曾無鋒鏑驚不道陸終遺孽  
種却教槃瓠吠狂聲新敷雨露天垂澤頓改烽  
烟塞起兵鼓臂漫誇螳力勇難容大地樹樓槍  
潑天勢湧風搏雪漫嶺旗翻蕩白麻

苗皆衣白  
旗幟皆以

黃平州志

卷十一 詩七律

十七  
四七

白布為之人盡畏苗如畏虎毒逾逢蝎更逢蛇窮貪  
席捲藏嫌薄肆惡焚原殺遍加回首城鄉皆赤  
土爭教人不仰天嗟

驟驚烽火舉家奔挈子攜妻判死生一路聞風  
人奪兔相逢對面語吞聲崢嶸峻嶺侵星涉慘  
淡荒郊帶月行最是可憐垂白老扶藜飲泣獨  
傷情

豺虎無端薨地來山坡露宿撼風雷天垂閃電  
燐銷焰地捲飛蓬人藉埋野燕失巢空絮咭林  
鳩喚婦互疑猜可憐家室漂搖盡夜不成眠眼



自開

四郊多壘暗心驚末路流離苦不禁但得繩樞  
容旦夕何妨鹿豕共光陰囊餘斗粟難肩運圃  
廢盤蔬費力尋多感鄉人敦古誼一壺濁酒勝  
千金

一線羊腸絡繹程無端三月阻人行投繻驛使  
公頻悞逐末鄉民橐盡傾電掣每疑旌旆影鷓  
張遙雜鼓鼙聲何時盡掃豺狼跡攬轡周行奏  
蕩平

微軀釋服誓將捐請

黃平州志

卷十一

詩七律

十八  
四六

命彤廷救倒懸徒捧赤心忠報國空持寶劍想籌邊  
山魃現晝甘人肉羅鬼當塗恃逆羶安得王喬  
授仙術晷飛日下不須鞭

山頭雲黯障妖氛賊發慈瑩慘甚焚不道已歸  
三尺土竟難永保百年墳驚聞破擲心俱裂奔  
抱遺骸淚更紛誓雪大讎伸母恨乞師盡殪犬  
羊羣

一柱遙撐半壁天師中鷄印賀新懸縱橫蛇豕  
勞殲戮顛倒乾坤藉轉旋六省提封歸掌握三  
軍司命重威權風馳雨驟烟塵掃銅柱銘勲著

萬年

卹典送從天上來歡聲動地震如雷已甘涸轍  
難生活詎意洪波遍草萊幸免蒼黎填野壑難  
將聖德報涓埃復仇雪恥須快事痛定須防禍  
有胎

飛雲巖

王 樾

自涉江湖倏幾秋年年拜掃望平疇先人墓在  
東坡路古洞雲生石徑頭樹欲靜時風不靜心  
從憂後轉增憂歸來丘壑原無恙觸目空桑淚  
自流

黃平州志

卷十一 詩七律

十九  
四九

一望黃茅白葦中居然秀氣接長虹深山忽現  
蛟龍變匝地翻成虎豹雄蹊徑半灣除塞礙光  
天一隙透昭融眼前周道歌平砥萬里雲霄咫  
尺通

謝却塵鷺始見清從來異物必潛名滄浪濯足  
惟其濁日月容光謂有明木石在山原可友龜  
龍出世不常生雲巖奇麗寰中罕安用天台雁  
宕行

歷盡風塵已廿年江南冀北雨花天果然名勝  
他鄉少誰識登臨此洞偏光怪離奇空色相風

情雨氣廢鑽研鞭山惜得長房術移向中原遍  
大千  
空谷何當留勝蹟居然爛熳見天花消磨劫火  
存龍象舒卷層霄見物華川澤難容湖海氣仙  
源舊有斗牛槎重來燕集逢春日沽酒東坡第  
幾家

方外從來產異材四靈原以德為胎蹊間茅塞  
芟除盡馬首雲端錦繡開列矣寒泉疏隙縫闢  
然拳石接樓臺雲巖想象天衣好藻火山龍共  
剪裁

黃平州志

卷十一詩七律

二十  
五十

仙人窟宅海龍宮醞釀精奇迥不同疊嶂鎔研  
雲似墨孤峯拔起氣如虹他山漫擬堪為錯列  
子真成可御風不用蓬萊覓三島夜郎佳勝在  
黔東

林鳥知還解息機長途日日看征旗自憐丘壑  
堪為侶何況雲山盡可依風浴本含廊廟志澄  
清莫謂石泉非何時得遂初衣賦來共潭間坐  
釣磯

眼底韶華去復還春來佳氣滿鄉關百年風月  
誰為主此處烟霞見一班石蘊精能應降雨雲

疑幻巧竟成山攢花簇錦  
鈍頑

萬象森羅富瑰琦風流此  
多成幻惟有雲山到處官  
坡寧讓大蘇奇千年誰識  
等彝

紫氣分明護景星葆成華  
傳嘉會頑石何年却効靈  
山無夢到榛苓龍飛鳳舞  
未經

黃平州志

卷十一 詩七律

巖穴應藏太古書空濛雲  
都歸實誰信文章不蹈虛  
山結就羽人居溪前二酉  
石渠

浮實嵌空似矯揉玲瓏陶  
皆成象海上蓬萊此作樓  
臺石室備琳球由來寶藏  
擬收

飛雲巖八景詩 并序

東南形勝有飛雲巖者嵯

假人工盡歸天巧既凌空而作幕祥開汾鼎之符抑噓氣以為樓樹就蓮花之座烟霞滿洞天都煉石成雲翠黛迴廊信是吹雲化石他如峯亭危徑潭月含清鶴影松梢泉飛石壁觸目皆呈佳趣賞心迥出塵寰欲盡形容殊慚筆墨爰分八景擬誌山靈

巖雲擁蓋

煉就凌空勢獨來頻堆色相洞天開綴將玉葉層層起擁出金翹面面回舒卷態隨風雨幻參差巧盡鬼神裁靈竒直欲留千古巖結雲兮雲

黃平州志

卷十一 詩七律

結臺

潭月澄清

現出靈巖一洞天澄澄夜月淨重淵影含龍窟精華孕光映蓮房色相仙明鏡臺空千古照碧池波靜六塵緣看來上下都參活不是山僧座裏禪

峯亭曲徑

危巒直向溪中起擘絮斜從嶺外橫曲檻另開天地面蒼碑有陽明先生碑記獨揭古今英盤盤直繞凌霄徑疊疊堪脩出世程到得蓬萊真境界松

雲水月滿懷清

靈巖瀑布

疑是銀河落九天飛流直向碧峯懸千邨澤自  
層濤出萬壑雷從一澗穿簾捲珠光澄洞口練  
拖雲影拍山肩到來漫問桃花渡一望仙源更  
宵然

虹橋卧波

碧濤如練淡溪烟彼岸全憑玉竦聯吸澗影橫  
潭上月凌波勢倚洞中天纜將雲嶽千秋壯駕  
出星河一徑仙試看黃華來去者從容萬里暫

黃平州志

卷十一

詩七律

三十三

五十三

停鞭

石磴梯雲

洞中蹊徑迴參差望裏仙階拾級時拂面霞光  
隨步繞着身文錦向衣垂行來嬰珞歸瓊宇踏  
去繽紛屬玉墀漫說丹青人不到朝天正對五  
雲馳

松梢鶴影

洞口森森古來攢獨藏鶴影翠陰盤依稀繞樹  
身還潔彷彿乘軒骨自珊蒼髯叢中飛玉艷綠  
雲深裏卧霜寒更餘頂上珠光朗透出層林映

日丹

嶺外風聲

忽聞嶺外過來聲若個山頭盡欲鳴  
玉鐸響餘潭月小銅烏吟雜洞雲清  
嘯驚虎豹憑威走勢秋雷霆作陣  
行堪羨靈巖多變態故教爽籟一時生

過飛雲洞

寶安傅龍光月川

縹緲直疑雲出岫  
璘璘驚見石垂天  
平生竟儻滄洲興寤寐  
猶應羽化仙  
誰挾風雷歸洞口  
真扶日月上巖巔  
壁間在昔饒佳句  
裂石穿雲少

黃平州志

卷十一 詩七律

三四  
五四

自然

送朱奎山中丞予告歸里

長洲沈德潛歸愚

曾聯鵠序掌絲綸更仰烏臺執法新  
詔許同時辭政府天容二老作閒人  
山看銅鼓雙芒屨江泛松陵一釣輪  
從此相思萬餘里尺書珍重託鴻鱗

前題

豫章袁白修

春樹如烟絮欲飛  
潞河新水一帆歸  
買田潁上盟難負  
射虎山中願不違  
道左何人知老輩  
天邊有詔返初衣  
到家檢點兒時事  
手植松今

大幾圍

前題

郭石渠

野鶴新辭鷓鴣班豈緣雲水慕高閑  
謾歎詎肯忘天闕膏澤曾知被海寰  
盛世羅才多士出故鄉衣錦幾人還  
何年得附耆英會把酒相攜釣一灣

重過飛雲巖

河東 裴宗錫

洞口飛雲出岫遲儘教人詫化工  
奇靈花片片吹難落海浪層層捲未移  
大抵浮生都幻景不堪往事重尋思  
青松翠竹巖前路指引天親仗

黃平州志

卷十一

詩七律

二十五  
五五

佛慈

雲山勝景

廣寧 張景宗

先公持節建奇勳六詔從歸憶所欣  
玉峽乳珠飛杳靄瑤臺花雨墜續紛幽  
光潭底生明月靈氣山頭釀白雲廿八  
年來塵霧隔仙源重喜條羶葦

飛雲巖

麻哈艾 茂鳳品

動靜為根理可思雲情石態故迷離  
從浮得定歸真實似在還飛默轉移  
造化端倪巖畔悟樓臺氣象海旁疑  
洞天偏向黔中結掩月樓霞未



是奇

瀑布

艾茂

崑崙遠派半天懸，怒噴長空氣肅然。  
雪洒片時寒畏日，朔來終夜吼晴川。  
疏風朗月隨生趣，流水高山妙入絃。  
湧壁雷音工舉似，洗心尤快食寒泉。

秋日有懷玉少義同年

艾茂

一室清風自掃除，開函喜得故人書。  
感懷正際三秋候，契濶無何四載餘。  
菊老東籬誰共賞，鴻來北塞意相於。  
論文把酒渾如昨，安得床聯雨

# 黃平州志

## 卷十一

詩七律

夜廬

二十六  
五十六

補編

康熙庚申紀事示諸兒

王家偈

掃盡蠻烟日正明，升沉隨運不須驚。  
羞從亂賊原吾分，歧想弓旌卽世情。  
蕙帶荷衣憑野服，心田藝圃順時耕。  
庭除有訓師韓憶，又看綱綜振令名。

鼓臺山

陳文政

黃州倚障勢穹窿，法鼓宛然雲際中。  
鐘鑄銅山分部立，花催馬苑一春紅。  
漁陽莫起狂生弄，龍

斷還他小子攻此地宜孃稱好武淵淵相助落  
天風

謁羅公祠次朱中丞韻

累卵孤忠尚欲支力窮誓死幾能移兇頑劫火  
摧城日正大光天照膽時浩氣未吞封豕盡烈  
祠直埒碧山齊我來父老談遺事競道中丞哭  
有詩

黃平州志

卷十一 詩七律

二十七  
五十七

五言長律

遊飛雲洞遇風率成六韻

明金谿傅

億萬舟

雲蓋巖前結風聲嶺外多澗松青不斷野竹翠  
相摩夕靄當窗落晴嵐卷幔過蛟螭拏絕壁鸞  
雀舞盤院樓迴看噓蜃橋橫詫駕鼉直疑瀛海  
近蓬島鬱嵯峩

丙寅夏日偶憶乙卯苗氛事痛心疾首因次唐  
人劉長卿行營五十韻紀事

薛子珩

盛代承平久蠻疆反氣橫蠶叢盤毒蝎鳥道繞長

鯨共說

思咸撫誰知怨轉萌

時苗疆蒙  
免賦頒賞因冒詔

黃平州志

卷十一 詩長律

五六一

盤逆借  
生鸞

薄徭原是惠染指輒為名甫送皇華使

旋看劫火驚忍心同鳥獸流毒徧黎氓地久無

城廓人從未戰爭孤羣頻聚散月暈屢虧盈良

吏職乘障

謂州牧  
羅公

金章送上京王師方信宿吾

輩逼橈槍有水疑嘶馬逢山慮伏兵麾鋒空萬

砦縱火亂千營逆眾酣西指鄉夫怯北征挈家

爭走蜀登嶺暗吹笙心恐更生少逃忻再造榮

親朋杼積憤別種効輸誠

謂花苗  
歸附

稱說紅巖險

應教黑種平流離妻帶女苦楚卧兼行削壁天

垂峻深溝石疊成桑麻如夙種鷄犬若歡迎鼓

角喧心急溪山入眼明謂堪供避世或以度餘  
生詎意魚遊釜翻嫌水太清謂花苗附鱸腥原

共味馱舌故同聲木刻諸村信金鳴幾日程人苗

以木刻鳴書生非李郭洞主豈韓彭堅壘難除

蔓求援儼負荆時在洞遣人求賀蘭真固執南

八枉忠貞唇齒分吟域津塗絕旆旌拔藤仍走

險仗劍更衝營白骨盈沙礫冰心沁水精時余

中得免自茲常辟穀那復望和羹瘴嶺微軀脫温

泉夙尚傾謂到石戒心依鹿洞微服待真卿

時在阡寓學署中同荏苒三秋度飛騰一剑鳴

# 黃平州志

## 卷十一 詩長律

五十九

張綱兼節制呂望共權衡謂張呂二公龍戰誇無

敵鴻歸竊有情雨洗戎蠻血風翻力士纓巴峽

穿巫捷襄陽下洛輕殘灰埋水榭剩蘚架山楹

屋壞為巢坐刀閒買犢耕瘡疾雖欲起衽席尚

愁縈更上千秋鏡謂今制張公期將萬戶并民憐餘

蓄罄官慎小鮮烹耕鑿依然舊衣冠漸已新黃

疇蓄稷稻碧沁戲鴉鵲堞壓峯巒小戈揚井邑

晴奠安資柱石鞏固賴金城借寇常馴雉遷喬

待鸛鶯 昇平歌有永何必羨蓬瀛

曹掄彬

苗叛述事

顧免驚弦歲飛龍御宇時雍正乙卯苗叛風行

須電掃露布可星馳城郭應無恙田廬孰忍辭

鷄衣安舊族菜粥飽貧炊不料金牌事翻成節

鉞悲揚威將軍被解兵待罪酣歌重燕笑高卧集狐疑羽

檄飛騰至戎冠苒苒垂烽烟連郡邑戈甲任逶

遲勁弩排山谷環刀列土陴遠颺無捷足舉寶

斷餘貨烈焰冲霄漢飛灰積水涯千村空片瓦

萬戶乏遺糧白髮愁僵仆紅顏哭叱離夜深仍

露次日吁不療饑黃犬噬殘骨烏鴉啄暴屍慘

傷盈耳目腐穢咽心脾閩外資名將營中列大

黃平州志

卷十一 詩長律

三 六

師六軍嗟壘廢兩帥懼身危更念賢司寇徒存

墮淚碑

聖君明藻鑑荒徽荷 恩威

飛雲巖

張鏡心

不憚躋攀苦高臨大士臺巨靈驅怪石東海失

蓬萊色相空中現曇雲天上來晴巖飛法雨風

窟響轟雷倒岸坡前插長坡澗底迴泉心噓玉

液石肺湧珠胎鍾乳垂垂下金莖朵朵開塵襟

聊此濯把酒共徘徊

黃平州志卷十二

軼事志

祥吳雜記

寓賢苗蠻

寺觀

仙釋

方技

均之此地之事也何以軼蓋天文分野地輿疆域皆確而可據者一州之災祥往往未經奏報史冊無由載然實地之利病人之得失而應於天者若寓賢既無官守於此仙釋方技又非四民之恆業顧其人品誼雖不同要各有所傳不容沒也至可喜可愕衆所艷稱而其事與人無可附麗即出自士大夫而本傳不及載者亦錄於雜記用廣異聞焉

黃平州志

卷十二

軼事

祥異

五氣之休咎必原於五事庶徵載時若恆若大  
約與人事相為感召者也黔地古屬荒要瘴雨  
蠻烟素所稱為漏天者今則淑氣祥風旁敷遠  
暢天地順而四時當人有德而五穀昌矣然天  
災流行亦所時有人事見於下天道應於上患  
逆之際昔人三致意焉黃平雖叢爾區不可以  
其微而忽之也

嘉靖六年興隆饑 七年興隆大旱

九年興隆烈風雷電擊人

黃平州志

卷十二 祥異

二

十三年興隆大水山崩橋圯蕩析民居

十九年興隆大饑 二十三年興隆地震

二十五年興隆大疫

隆慶元年七月黃平大雨雹傷稼

四年二月夕興隆星殞有聲如雷

五年興隆恆雨大饑

萬歷元年夏五月興隆大雨雹

七年秋九月黃平興隆地震

八年秋八月慶雲見 十年黃平興隆大有年

十八年十九年歲大熟

二十二年興隆大饑虎噬人黃平被雹亦饑

二十三年興隆虎患食百餘人

二十五年七月十七夜亥時有大星墜南方尾長

數尺其聲如雷

二十六年四月十里橋石碑忽磬折如人拱揖狀

居人驚跪拜禱連動一時始定

二十七年大旱 二十八年復大旱人多饑死

三十年冬十月黃平州察院行臺芝生一本十三

枝丹蓋碧莖

三十一年秋雨傷稼 三十二年大有年

黃平州志

卷十二 祥異

三

四十六年黃平旱 四十七年復旱

四十八年黃平大水天雨皂角子

天啟七年黃平興隆蝗 冬霜不殺草 十二月

朔夜黃平景星見

崇禎四年黃平興隆蝗 九年夏秋黃平疫

十三年閏正月大雪積久不消

十五年黃平大火燬數百家

壬辰夏黃平大旱

丁酉黃平八九十三閏月大雨



順治十七年黃平興隆大旱 康熙元年有秋

二年大水 八年重安江大風雨雹壞居民

二十七年夏五月有蛟起舊州都凹山水隨泛溢

突偏橋鎮遠而下漂泊廬舍橋梁人畜無算

雍正元年大有年 六年大熟

七年大有年西門毓蘭橋稻穀一莖兩穗每穗四

五百粒至七百粒

九年大有年 十二年大有年

十三年苗叛燒殺鄉城居民逃亡

乾隆三年虎噬人 八年饑

黃平州志

卷十二 祥異

三

十六年大有年 二十七年饑

三十二年舊州李樹結實俱成茄子或成扁豆

三十五年四五月麥壞大饑多死者

三十六年大熟 三十九年旱饑

四十二年饑 五十年五月初六地震

五十一年旱

五十二年夏五月大雨雹數日水溢冲毀居房橋

梁無算 五十五年大有年

按董仲舒劉向皆以旱為勞民興役之應京

房易傳飛候曰政多陰私故有淫雨之應又

曰食祿不益政化天示以蟲蟲無益於人而食物者也又占以為貪吏與民爭食之應五行傳曰暴雷擊人為刑威失中之應周太史伯陽甫曰陽伏而不能出陰迫而不能升於是乎有地震蔡邕封事曰政酷暴則虎狼啖人由斯以觀雖曰天運亦由人事也然重農積穀雖旱澇不為災即雉雉桑拱未始不可轉移妖固不能勝德也

寓賢

豫章子羽會稽伯鸞猶曰終於此也宗炳衡岳之宇杜甫錦江之堂亦尚久於此者也古人遊踪所閱後世每爭傳之以為其地重甚有如杭之六一泉不必永叔曾至者不知於古人何與於後人亦何益吁是可思好德慕義之情夫然而有矣州之寓賢無幾其事已常著於古蹟然不厭錙于申之誠以其人之風義固足增重於地云

明

黃平州志

卷十二 寓賢

六一

陳湊號桂水蒲圻人天順中為戶部主事以言事謫黃平善詩文多著作及引後進奴不及後賜環去

司馬星本名人龍號賓虞山陰人天啟初偕弟昌遊黃平人士多從講問遂設帳授經義每一義出人爭傳寫亦工詩賦古文詞居數年兄弟俱卒門人葬之郊外每歲清明節知交及門咸具酒脯為之展墓

司馬昌 亭見上

吳仙郎江南人旅遊興隆借寓周氏館館師高奇

男與之談賢其淵博以師席讓之率生徒受業  
焉後多為名士詳見奇男傳

胡解字深之豐州人崇禎中以進士為河南提學  
適諸生譁譟觸親藩謫戍興隆衛文采風流有  
振興士類之益

張同敬號別山江陵人大學士居正曾孫崇禎初  
以忤強藩謫戍興隆後起用至兵部侍郎國變  
死難桂林

劉息承天人以進士奏邊事忤旨謫戍興隆衛文  
章氣節衛人咸企慕之

## 黃平州志

卷十二 寓賢

七二

國朝

秦杰字萬才浙江會稽人康熙初為貴州都司以  
老致仕子毓麟官興隆千總迎養來衛數年卒  
毓麟丁憂閒居值裁衛貧不能歸喪然在官多  
惠政衛人德之僉議以上下高溪屯軍黃福絕  
產歸焉遂留家于此

朱國材字鳳宇江南歙縣人由武舉官黔之永寧  
國初黃平苗叛奉檄應援以守備留守興隆衛  
後遂家焉子鼎為州庠生孫紹舜廩生紹孔紹  
曾及曾孫泌相元孫家陵俱庠生

陳國器字維一 人以貨授理藩院經歷職子琦字嗣韓官黃平吏目迎養來署歲餘琦卒官國器與琦孫浩遂留家焉子孫皆入士伍

徐起陝西人為黃平舊州巡檢奉職廉謹以疾罷貧不能歸遂留家焉

孫球字崑岡豐城人博學能文康熙中遊黃平設帳論文從者多登仕籍年八十一卒于浪洞葬唐家坪

周汝振字相脉豐城人繼崑岡設帳為文輕清靈雋必以經義為本卒葬羊腦其門人多成就者

## 黃平州志

卷十二 寓賢

八三

至今學者猶稱道焉

論曰黔中古荒服前代始設衛繼設州猶草昧耳宦商而外自達官要人及中州知名士非罪謫貧困孰肯來久于此然如陳胡張劉諸公風節凜然至今談者引以為重幾與王新建埒即吳仙郎兩司馬兄弟輩羈旅跋涉窮老異鄉然淵源所漸學者未之或忘蓋非獨忠直之好出于秉彝即文章之士流風餘韻亦有足以自永者也

寺觀

秦廷方士漢夢金人二氏之來舊矣宜儒者所  
弗道顧其遞為興廢卒流傳不絕毋亦以因果  
靈佑之說有神道設教之意歟黃平州衛分合  
列板圖者三四百年郡人士家塾義田一切未  
聞即祠堂亦僅有之而琳宮梵宇且遍於巖岫  
水溪之間夫將於此祈福禳災必各致其改惡  
為善之實幸勿謂土木莊嚴可徒以佈施為功  
德也

城內玉皇閣

明朱司馬  
應旌有記

黃平州志

卷十二 寺觀

九一

聖母閣

明余知府興賢  
朝朱中丞定元有記

白衣閣

里人李通  
政臺有記

文昌閣

一在西門  
一在水關

城隍廟

萬壽宮

在城東隅江西人祝  
乙卯殿于苗乾隆七年  
肇所也雍正

工址上

下二十二丈左右減一丈為堂十楹門  
四重餘屋二間臺一其鄉人程兆巖作記

壽佛寺

奎星閣

以上  
城內

東門外三官閣

魚籃閣

三清殿

觀音閣

在十里橋地頗幽雅里中人士多讀書于此登甲乙科為名諸生者比比焉

五顯廟

迴龍寺

東坡三官廟

城隍廟

五顯廟

元真觀

明季紳宦張問德兄弟夫婦死節處

月潭寺

即飛雲洞以上城東

# 黃平州志

## 卷十二 寺觀

十二

南門外善化寺

明初古剎

五顯廟

元真觀

彌陀寺

黃猴鋪

又昌閣里人王紋王經建子廷輔廷矩等增修

觀音閣

明時舊剎康熙中重修乾隆二年王黃程胡解五姓增修

五顯廟

里人王純建

皎沙觀音閣

重生觀音閣

榔木哨觀音閣

重安城隍廟

觀音閣 創建無考僧印寔重修

萬壽宮

壽佛寺

五顯廟

金鳳山寺 詳見名勝圖說寺創自前明寶慶僧玉堂重修

玉麟山寺

天塘文昌閣

巖門迴龍寺

萬壽宮 以上城南

# 黃平州志

## 卷十二 寺觀

十三

西門外闕帝廟

觀音閣 在仁里上

丫口寨觀音閣

三教閣

真武山 以上城西

北門外觀音閣

罈子窰文波寺 見名勝

楊泗廟

金坑五顯廟

界牌寺 順治中僧祛疵創修餘慶明經楊光遐有記里人王進士樛有聯



圓通寺

代章五顯廟

柳塘五顯廟

常興寺

賃地五顯廟

黃衍五顯廟

朗虎觀音閣

牛大場高峯寺

雷公廟

廣佛寺

袁平州志

卷十二 寺觀

十四

古佛山見名勝圖說國初僧見每創省池能

皆增修大徹琢玉  
俱能守其師法

龍溪萬壽宮

壽佛寺

聖壽寺

興佛寺內有桂花  
樓見名勝

廣佛寺

雲巖寺

龍江寺城以北

舊州城內

玉皇閣

壽佛寺

東嶽廟 隆慶十年明僧澄憲重修孝宗年號乾

桂月堂

城隍廟 明千戶褚綬李朝陽等創雍正中僧普

募增觀音樓有記

廣長菴 明季徐應魁姚昇明建

普陀菴 見古蹟

黃平州志

卷十二 寺觀

十三

奎星閣 即武侯祠州紳文政有記又名雲起樓陳學博文政有記

指歸菴 明季蜀僧陳空李志和募建蜀人邱李二姓助之康熙中僧知良行高相

修增

五顯廟

福智院 見古蹟

觀音堂

萬壽宮

文昌閣 乾隆初張學博玉卿以寺中四畝勒石

漢相祠

川主廟

仁壽宮

在舊城內臨江郡人客于州者鱗三百

及堂庶椽楹如干當自有記蓋凡江西人客他

省率建萬壽宮茲易萬言仁者以所祀諸神中

合省然曰仁壽則猶祝稱用以別于

財神廟

兜利宮

藥王廟

魯班廟

火神廟

關聖廟

# 黃平州志

## 卷十二 寺觀

十四

中應坊土地祠

東門外寶相寺 見古蹟名勝并圖說

新關聖廟 崇禎時紳士李喬郭崇爵等建今廢

太翁鋪觀音閣

南門外鼓臺山 見山川名勝并圖說

寨網屯翠屏山 敦人董縣尉

西門外黑神廟 明時舊刹久圯尼佛愿

二郎廟

古公祠 祀明州牧古德恆

楊泗廟

水許廟 離城五里許在茂林修竹之中

南嶽廟 即蓮興寺古刹 國初僧寶曇後僧無

平西霸王廟 即蓮興寺古刹 僧法光徒印海秀修

紅巖寺 在何家坊

寶寧寺 在羊馬頭

圓通寺 在波洞

純陽菴 在波洞

吳家菴 在寨壁

楊家菴 在寨壁

寶珠寺 即岑卡寺詳見古蹟名勝圖說

# 黃平州志

## 卷十二 寺觀

十五

永善菴 在梭洞

永興寺

松雲菴

雲居山 在上塘見名勝圖說

五顯廟

觀音閣

萬壽宮 以上俱在上塘

釣巖觀音閣

老鮓河觀音閣

紙房廠川主廟

白雲山

永興寺

迴龍寺

興佛寺

萬善寺

高巖寺 以上俱在紙房廠

清池觀音閣

九龍山寺

玉皇閣

迴龍寺

黃平州志

卷十二 寺觀

十六

鳳凰山寺

梓潼閣

朝陽寺 見名勝以上皆在清池

木老坪岑臺寺

準提閣

開聖堂

玉皇閣

香寶寺 以上俱在木老坪

七坡高寨永興寺

太平寺

觀音寺

樂善寺

朝陽寺 以上皆在七坡高寨

北門觀音閣

先建門左載李志後廢重建于右康熙末李州牧廷基謂于成不利

仍移于左

蓮花寺

飯圓菴

龍王閣

見古蹟即龍神祠又名勝內有翁播龍潭明郭撫軍建祠後圯尼佛重修

太平寺

在琴坡上明總兵南黨建載古蹟後移山半復圯寺僧募修

重陽界牌寺

# 黃平州志

## 卷十二 寺觀

九十七

浪洞雲霧山

見名勝寺內有張孝廉也明聯額

米寶寺

詳見古蹟

西竺寺

詳見名勝李志所載巖閣即此

靜室菴

朱家菴

五顯廟

以上俱在浪洞

平溪觀音堂

五顯廟

梓潼閣

蒙家菴

迴龍寺 以上俱在平溪

洛巖五顯廟

梓潼閣

西竺山 以上在洛巖

翁巖梓潼閣

五顯廟 以上在翁巖

小地五顯廟

中華山 見名勝

七寶山 見名勝 以上俱在城北

按黃俗信鬼自昔已然獨至今日而風愈下

黃平州志

卷十二 寺觀

九十

矣憶張公鳳枝袁公治修理兩州

聖宮書院樂輸者固多而慳囊難破者亦復不少

龍翔書院則陳廉憲今陞撫捐金三百以始之

袁公捐千餘金以成之所撥置田畝復備價

而贖取之且有竊竊然議其後而敗乃事者

獨至修廟則不惜多金爭先恐後豈以佛之

能禍福人不若書院之僅為名教計澤及士

類耶所不解矣然邑中廢疾者間有得所資

以生活焉亦福田利藪也佛慈廣大之說此

為近之

仙釋

老與佛之道皆吾儒所不取然老氏清靜無為非與儒異所異者心之公私耳佛則襲莊列之意而言尤近理故惑人愈甚要之亦自私而已然則何志乎仙釋蓋氣專志壹能篤信其師說故耳朱子曰彼有人焉嘆吾黨之不篤也夫道非所道能如是且有以異于眾使返之于吾道庸可量乎若夫修煉黃白符咒果報施捨之說蓋佛老之糟粕而世艷稱之乃至有儒名而墨行者又謂之何也

黃平州志

卷十二 仙釋

十九

明

釋慶能號德彬正統間卓錫月潭寺戒行勤苦嘗晝誦經有虎入寺僧眾驚走能不為動虎徐去或問師有道乎曰華嚴力耳歲己巳苗來寇衛眾請逃避能曰吾辛勤構此誓同存亡獨不去寇至逐之門曰幸殺我於外毋污佛地苗義而去之眾歸問其故亦曰華嚴力耳

韓野雲未詳何許人雲遊至黃平服道士服往來州衛居止無定所性嗜酒以藥濟人手提一小籃求者取之不竭不問何病投輒效時而冠袍



整潔時而衣履檻樓人邀之飲食終日不言醉飽否則兀坐一齋未嘗炊爨矍然喜延客客至酒食精異水陸備陳皆非市中所所有問之其主人亦不見有所購辦也後十餘年一日言拜客去不知所終

賣桃道士者不知何許人隆萬間來黃平日手一筐號于眾曰吾桃愈疾且延年視之與常桃異欲買者必先詢所食為何人或妻或子女惟一農者言母久嗽氣喘予一枚復求益道士曰爾妻子亦有病者乎曰否母疾果愈更欲延壽耳

## 黃平州志

### 卷十二 仙釋

二十

採其囊錢已罄方徬徨假貸道士笑曰吾桃正以奉親乃效耳舉二枚畀之持歸食母下咽即霍然愈命往謝焉他人歸至家桃悉化為泥咸入市物色不得正驚訝間農者至言母食良效一桃尚存眾不之信趨視之依然桃也羣以為仙醪金建遇仙坊今南門街土地祠也

釋三空四川人幼出家隨眾習法事一日誦華嚴有悟遂入峨嵋修靜三年乃雲遊幾遍天下由石阡至黃平適郭撫軍青螺方相度興築與語有契重建寶相寺居之年八十五無疾化去

釋寶曇四川人常止城西南嶽廟播酋亂廟燬募  
貲重建聚徒百餘人分四房嚴持戒律年八十  
六無疾坐化

釋志和四川人本姓陳舊充州皂隸性猛壯常奉  
粟至人家犯者婦畏而縊自首投獄旋得釋即  
祝髮為僧建指歸菴復遍禮名山數年歸入雲  
霧山自耕而食年六十餘一日沐浴上座聚徒  
言訣以苦行二字勉之端坐而逝

釋合舜號述中廣安人姓戴氏少出家師梁山僧  
燕居明季流寇擾蜀避地入黔後燕居亦至平

黃平州志

卷十二 仙釋

三十一

越復從之數載乃遍遊吳楚再至平越初東關  
雲水菴又開新添沿山鋪獅子禪院最後入黃  
平演說上乘遠近皈依一日出遊得上塘雲居  
山喜其幽勝結茆以居里人遂請建刹繼有江  
西陳氏子質黥遭亂不能歸遂從述中披剃號  
碧雲師弟皆戎行精嚴佈施日衆碧雲弟子坤  
俊本州張氏子願力堅定以合舜來州初住城  
中關帝廟日久漸圯故增修焉其後陶勳鑄鏈  
洪學皆能守其師法開壇傳戒恆數百人合舜  
有語錄三卷詩一卷行于世人謂其頗得無生

之旨云

吳懸鄉州人世傳天師道家設雷壇旦夕虔禮妖  
崇幻惑之家得其符咒怪立除苦旱祈禱甘澍  
即沛遠近神之年九十五授壽官冠帶無疾而  
終葬時舉棺甚輕人謂尸解

國朝

申朝聘本衛學廩生天資聰穎博洽典墳晚遁鬼  
龍山中究道藏授符籙從者頗多自號丹陽子  
年八十餘步履顏色如四十許人不出山二十  
年無疾而卒

黃平州志

卷十二

仙釋

三十二

浮屠賴空者黃平人姓賴氏康熙時諸生能文而  
喜禪試牘輒作莊列家言屢遭詆謫性兀傲嗜  
酒喜為詩有子十餘歲一日飲酒肆大醉卧不  
去肆中人皆就寢賴夢遊東林寺見惠遠談禪  
語契遠顧弟子為落髮賴意未決迴避間自墮  
几下爐火未熄然其髮痛而覺則儼然髡矣遂  
書囑妻子好自立弃儒冠為僧於古佛山自名  
賴空或問不捨姓何為僧曰佛豈無祖父者吾  
固云所賴空矣今且欲賴乎空則吾亦空矣山  
長老適病遂授之方丈空戒律甚嚴不復飲惟

不能已於詩嘗鋤茶寺園虎突至空笑曰我病未能除綺語爾來可為脫塵軀虎搖首匍伏自是每講經虎輒伏階下聽施以食遂不復傷生物犬豕皆習而易之黔中寡經藏僧不知有律論乃杖錫走東林購三藏書歸作樓貯之暇則校正訛悞遠近士夫好禪及善知識者率來求觀皆供養之以俗事至者不見也他施濟事多不載其弟子數傳至今尚有師法戴學博珣為諸生時常遊其山空已七十餘有唱和詩近齊已處默云或曰空即號滄田者或曰非也

黃平州志

卷十二 仙釋

五

二十三

釋明壁號靈巖州人戒行清高居高巖之長松菴地近甕安邑中諸僧多就之受戒後皆能守其教數傳之餘猶稱道本師以為法事載甕安舊志

論曰廣能野雲以下諸人彼各造其術無可論者顧嘖嘖不置非羨之也其精能與施濟亦有足多者耳賴空去儒而從釋丹陽舍儒而學仙揚子雲稱在宮墻則麾之茲列二子仙釋而猶著其初服惜二子也

方技

方技雖小道精其術者往往出於恆理之外如禁咒幻化之屬雖聖人所不語而前史猶記之毋亦有惑於此耶至醫以濟生死卜以決嫌疑則周官詳其職焉地處邊遠民俗淳質無詭誕奇譎之事其可傳者皆能謹於其業而有益於人者也然則視他志雖若平平轉為信而有徵矣

明

張懷陽四川綿竹人崇禎中來州本道裝後忽入

黃平州志

卷十二 方技

一  
二十四

山披剃居寶珠寺後捐數百金增修之然懷陽雖忽老忽釋絕不言修煉黃白之術亦不見有參禪說經之事惟以醫理濟人凡告以病者先決其生死不予藥者必不起予即隨手效從學者無分士民僧道或授方脉或傳針灸或教各技藝受教者皆邁等倫年八十餘謂從者曰某日時吾當逝至期又戒曰我死勿妄言如何得道如何坐化我但知氣盡當死無徒惑人也

國朝

安世德舊州平西霸人少從歲貢張繼融學與陳

秀南孝廉兄弟俱為師愛重應童子試列前茅  
顧信祈禳法見巫者疏狀科儀則又病其俚且  
妄因以意更定之惟休咎亦以笑卜人叩之輒  
驗遂稍稍為親知者延致州牧魏有少子病且  
劇聞而招之辭不獲先以疏禱進魏詫謂非若  
輩所能為及禮神容止禱祝大異俗巫益訝之  
已而公子病果愈獲厚餽延者日眾每視其人  
平昔行事為述遷善改過之忱蓋以神道用其  
諷勸也後遂無繼之者

論曰周禮讎以逐疫月食之桃弧棘矢以射妖

黃平州志

卷十二 方技

二十五

烏而諸醫之職尤詳且備蓋鬼物災崇之變血  
氣陰陽之乖皆可崇正以勝邪理固然也特生  
死殊壽定于命者非巫醫所能移而養性修德  
則勿藥有喜與聖人言其禱久矣之旨同又不  
可不知耳近世巫之術妄誕鄙陋蓋不足言而  
業岐黃者亦日趨于膚末如世德固鐵中錚錚  
者而懷陽之技神異若是其於道流釋子殆有  
託而逃也歟故並著之方技焉

雜記

聖人之傳易也十翼之末有雜卦左氏之傳春秋也內傳之外有附傳蓋天下理與事往往有正言之所不能盡者軼事志志之餘也軼事而有雜記又軼事之餘也要為此地之所可志觀者勿以齊諧志恠莊生寓言視之

明

解誠齋撫軍與五開何雲從閣部貴陽楊龍友兵部俱為孝廉時同在都門一日解何偕謁文信國祠午倦假寐解夢信國以詩屬和詩云絃歌

黃平州志

卷十三 雜記

三六

人可角牛刀卓立飛騰障晚濤莫訝風流如柳絮堤邊未肯逐滔滔未和而覺語何則夢亦然共疑首句角字不穩解曰想是割鷄割字偶悞得毋我輩止為縣宰耶何曰角者抵也信國殆以幹濟操守相勵但下二句殊不似為我輩說俄而楊至述以語之楊曰絃歌自是作宰下五字二君姓耳二公悟曰然則次句吾兩人名也第末二語竟作何解楊笑曰柳即楊也二君侃侃自將常以風流薄我豈知張緒風中人亦非隨波逐流者乎相與大笑而罷後二公果由縣

宰存至大用功名節義悉如詩言揚亦殉義信國真神靈哉

國朝

黃文宣妻王氏事姑孝嘗以姑病露祝後夢神與蘭一枝剖八蕙語云爾姑壽已終憐汝誠以此昌汝後後生女敏慧能讀書八子皆成立女即朱奎山中丞夫人也

朱奎山中丞少時嘗病父以醫者藥丸飲之遽死若見二童子引之至官府有貴官坐堂上命人探喉中出藥復予二丸使服之謂曰爾前程甚

黃平州志

卷十二 雜記

二十七

遠歸語爾翁勿輕聽妄人悞飲食并告庸醫後毋妄藥害人也仍使童子掖出遂吐而甦及後數歷內外歸老而卒有星隕冷屏山聲光轟奕遠近多聞見之

王震來進士妻陳氏事繼姑孝姑嘗無出而性刻雖恭順顧以為偽也每虐使之日不暇給天將曉則呼令採苦山中時地足林莽多虎患進士夜出就館未旦則歸俟於門偕以往比晚而歸以為常一日天雨曹視泥中有進士履迹謂陳避勞廢夫學異日呼陳往潛尾視之及山麓聞



虎哮聲陳欲歸進士曰患汝孝不誠耳世豈有孝婦為虎食者乎行不輟曹聞虎聲惕息伏山澗不能步俄而虎至見進士夫婦輒踉蹌越澗他去曹久之乃歸自是知其孝而悔焉

王震來進士為嘉定令時有逆旅主人謀死三客上官納賄寢其獄震來力持之致風雷掣刃之異事詳本傳已而罷歸值雍正壬子鄉試揭曉後震來夢三人被血匍匐以白兔謝且掬水灑庭前桂覺語客往覘之桂花已先卸獨三枝忽再華極盛方嘆異而報錄者至三子同捷

黃平州志

卷十二 雜記

三八

平溪張國楨夢二鶴降於庭俄失其一後生子縉及一女皆穎慧秀逸縉弱冠應試太守郭稱之曰山川靈秀萃於斯矣惜英華太露耳入洋而卒女適戴文學天祐即進士琪之母也

戴文學天祐嘗值山水驟漲冲決古冢夜聞婦人泣聲旦視之骸骨暴露具棺瘞之有老尼過涉而溺命家僮救之留三日而死亦葬焉逾日夢尼偕少婦拜謝言願酬美材後水復漲獲油杉丈餘於田中遂為文學夫婦棺朱中丞作墓誌載其事

鄺燦齋進士父母先卒事繼祖母孝科名未遂學  
至苦授徒少暇日暮猶執一卷坐廟簷下沉心  
玩索有前輩經過不見也心怪其傲後夜夢鄺  
翁謝曰吾兒念祖母專學失敬俟來歲當以雅  
連謝過也異之殊未解已而聯捷分發四川適  
寄雅州黃連致饋云

林春元醫學年五十時病卒見城隍神諭以生平  
好善延壽一紀逾日而甦積善益力至卒竟無  
病八十時儒學樂公贈聯云壽國壽民天錫壽  
仙方仙藥地行仙然則一紀豈三十年耶抑又

黃平州志

卷十一 雜記

四  
三九

以後之善而增耶

戴晉侯副榜授徒山寺寺後井中夜每作婦人啼  
疑為蛟屢啼或將他徒為文祭之是夕雷電交  
作水及門闌端坐講易及雨止天曉視之井側  
墻圯三尺田中有迹深寸許如十圍巨索曳過  
者達於河乃知果蛟也然人畜不驚田產無損  
蛟亦有善者歟或以為龍也則能變化不當有  
迹也

田文學昌年父惟福母容氏其翁病痺夫婦事之  
孝四十餘未生子翁卒後容氏夢翁抱一釋子

與之曰此北門吳和尚也覺而生昌年惟福訪之城中北門果有吳和尚戒行頗誠且好善前夕化去人傳為孝感云

楊山壽者何其善之僕其善貧乏質之於鎮遠羅宅山壽傭工積金自贖歸其善已亡妻張氏流離不能自活山壽迎之於家以母事之此可以愧良家子孫不能養其親者且可以愧仕宦而不忠者矣

有苗人阿宥性樸直以耕山織屨為業日食雖無餘常分減以食病餓山水決荒冢每為修築少

黃平州志

卷十二 雜記

三十一

病腫及疫有人以無名草藥治之而愈宥窺得其草遂常療人疾遇貧者不取一錢雍正乙卯之亂宥實不預以隣家株連被拘當死營卒某嘗患腫為宥所活宥囑某臨刑日當利其刃得無苦某佯諾之實不能定行刑者誰也及決日繫累以百十數每卒應戮一人某適值宥牽之候令比令下矢宥所在勿卒取日前決人首級以應幸兵官事倥惚不暇察後數年宥自山中以物饋某謝其釋己某驚曰爾逃幾累我我奉令何敢相釋因問何以脫曰若斷索踢我令去

我跌落坡下非釋我耶乃知神救也

曹太史炳菴憂歸時州有請乩者神每至輒自稱  
呂土地一日太史在坐乩云是同年進士因贈  
詩云瀛臺話別已多年君列黃堂我列仙黼黻  
鴛班同視草繽紛鸞馭各朝天居久之聞九股  
苗煽亂復問于乩判曰一尸加一口一辛加一  
走蓋避字也又云此地不可久居吾去矣再叩  
寂然已而州城果陷不避者俱遇害其時太史  
言呂進士名字里居甚悉今不復記矣

張孝廉也明別號雲溪居士常集舊州地名為七

## 黃平州志

### 卷十二 雜記

六  
三

言律八章凡用地名一百三十六詩云西岑東  
望五星垂洞水穿巖曲折奇舟過龍門初得浪  
獵從馬苑編張旗美人晚對藍橋月巢父豪吟  
石牒詩城下深溝勤壘土山邦長享太平時  
田翁播穀刈茅荒銅鼓山高樂水長野洞芹花  
開百季金盆溫水浴重陽天宮時擁黃羅幔皇  
甫閒遊綠柳塘新築射壇洙泗岸文坡學接舊  
龍場 白珠鎮下敢擒龍搦管同稱墨硃工兩  
泖漁歌尋呂洞百憂王事嘆姬公大張辟穀仙  
人脚老李敲詩甕口中樹映甘棠花映地渡橋

春艷板橋東 老蘇晚歲好雲居龍洞金坑發  
古書黑石射時疑朗虎青池釣處喜花魚勤勞  
范蠡拖船去瞌睡陳搏老夢虛欲覓中橋蓬水  
路寧瀾渡口馬蹄初 高巖曉日落巖霞一椀  
茅坡白水茶葛葉綠沉潭底葦楊梅紅擬樹中  
莘石牛飲澗奔長嶺趙馬揚鞭騁下衙必令總  
騰雲霧上謝家子弟妬王家 龍王閣下矯龍  
吟匹馬騎來箭洞深金竹沿江隨浪動紅梅照  
水向溪尋老唐墳古悲平墓蘇小村遙隔錦林  
日已平西愁月黑花山猶聽鷓鴣音 碧岑都

黃平州志

卷十二 雜記

七  
三十二

種孟翁梅落木江邊集古臺老者醉隨樓底卧  
宜壤營向廟坪開團山豁出紅巖閣冷水淘清  
黑土堆遙望城頭懸七寶九龍飛躍破塘來  
琴山面水鼓洪音波動白蘋溪水濱海月洞天  
非小地松風巖屋老高人花塘影映川心錦柳  
井泉甘甕脚春平地秋河高塋樹石屏難寫樂  
源真雖遊戲之作用語亦多影惜然其牽合之  
巧屬對之工固是一時詩豪惜其正集不傳耳  
楊秀璠者素好善平越猪場橋壞議重修以溪有  
井泉為泥淤不能下石好事少年聞秀璠名謬

為神語是夢云要得河井乾除非楊秀璫遂募  
諸其家秀璫信之稱貸捐三十金并自荷其水  
車往諸父老問所以來責少年誕誑然業已知  
此姑附和之以車轉水泉遂涸橋因以成

鼓臺山有杉一株大數十圍初時風折其末山僧  
恐為雨灌以瓦缸覆之久而皮與缸合梗幹歲  
長數圍而巔不復長旁枝亦樛屈四出不上撐  
而下垂望之如戴毘盧披袈裟然僧戲呼為大  
徒弟朱中丞以憂歸購大杉為外槨諸檀越議  
賣此樹以修廟已受價數十金付僧矣一夕僧

黃平州志

卷十二 雜記

三十一

夢一行者踉蹌拜牀下稱弟子求救驚覺則天  
已曙正疑訝間聞山下喚門聲出視則檀越領  
匠來伐樹僧頓悟曩夢立還其價至今人稱焉

重安觀音寺僧

康熙初夢瞿曇授之袈裟曰

以鎮此山以為偶然耳村民某氏婦浣衣江岸  
有木匣從上流泛來泊搗衣石而止呼其夫取  
歸啟視之油罩什襲中有衣金光爛然不識何  
物其夫持以問僧則織錦佛衣也金鈎玉環光  
采照人以石米易而藏之過道場禮佛必僧有  
戒行者乃得服餘人服輒暈欲仆云

苗蠻

狎獍即楊荒有楊龍張石歐五姓所謂土住老百姓也自明置郡以後衣冠嫁娶與漢人同昔則荆壁不塗門戶不高今衣冠文物家詩書而戶禮樂矣

天家男女衣服多尚青色左袒婦人長裾自織自染俗有天家青之名自言姬姓至今尚行周禮以十一月為歲首祀祖請本姓老成輩打土語祭之性懦不習兵男耕女織頗稱勤儉

狝家五代時楚王馬殷自邕管遷來其種有三一

黃平州志

卷十二

苗蠻

三十四

曰補籠一曰卡尤一曰青狝有黃羅班莫柳文龍等姓好樓居衣尚青以花帕束首婦人多織好以大花青布蒙髻長裾細褶多至二十餘幅拖腰以綵布一幅若綬性勤於織以十二月為歲首歛牛馬鷄犬骨以米糝和作醢至酸臭為佳婚姻皆以苟合始每歲孟春跳月用綵布編為小球視所歡者擲之奔而不禁聘用牛隻喪則屠牛召戚友以大甕貯酒執牛角灌飲葬用棺以傘蓋歲時擊銅鼓為歡或掘地得鼓以為諸葛所遺不惜重金爭購每畜蠱以殺人否

則反噬其主故雖至戚亦毒之又斂毒藥以染  
箭鏃中人血濡縷立死出入負弩帶刃睚眦之  
仇必報性兇悍偽詐綁掠無辜人口謂之掠白  
放黑或聚眾劫掠禦人於塗近頗淳良寧戢矣  
西苗性勇出入寢處俱佩刀挽髻於前衣純青左  
袒而褲短有謝馬何羅盧雷等姓娶婦分床異  
寢必私通孕育後乃同衾葬不用棺醉後每仇  
殺歲時吹長蘆笙撞諸葛鼓婦人隨男人後搖  
擺進退亦自有疾徐之步驟馬

黑苗有土司者為熟苗無人管者為生苗衣服皆

# 黃平州志

## 卷十二 苗蠻

二  
三十五

尚黑婦人縮長簪耳垂大環頸套銀項圈衣短  
而裙長男女皆跣足陟岡巒躡荆棘捷如猿猴  
勤耕樵女子更勞日則出作夜則紡績食惟糲  
稻舂甚白炊熟成團手食不用碗箸艱於鹽以  
蕨灰浸水代之寒無重衣娶無媒妁過節跳月  
吹笙聞時山歌木葉兩相勾引於深溝密箐促  
膝私語謂之搖阿妹父母不之禁親戚不為羞  
相歡即成夫婦行聘用牛生女必為舅媳舅無  
子任舅索值謂之外甥錢又謂之還娘頭錢葬  
用棺殺牛召客祭天地祖宗必用牝牛名曰喫



姑藏至其性剛惡戇悍出入佩刀喜鬪嗜殺睡  
眠之仇雖久不忘報而後已或捉白放黑或焚  
擄劫掠無所忌憚反覆不常其光悍之習甚於  
諸苗聞男子初生時三朝用秤稱若干重鐵數  
如之當日用火煉過埋土每年生辰取出煉而  
埋之至十五歲將前鐵打成刀佩之以助兇狠  
謂之苗刀最鋒利近雖勦撫寧貼但此輩性情  
各異寨大丁強尤湏時加防護也

林獠有王黎金文等姓男子挽髻於頂短衣佩刀  
女人頭挽歪髻身着短裙而衣則前後三幅繡

# 黃平州志

## 卷十二 苗蠻

三  
三十六

結五彩婚姻不通媒於通寨之內共起一房名  
曰馬郎房歲時跳月吹笙任其擇配相歡先苟  
合而後成親喪祭以迄會親多與黑苗同性亦  
兇惡但不得黑苗為首不能反也

犵兜一名蓋牌男人性悍衣青左袒褲亦用青刀  
器常佩女子短衣重裙雖不及种家之長而百  
褶堆擁則過之繡五彩於前後胸背並衣袖之  
間背負海巴蠶繭纒纒如貫珠多嗜酒喜逐虎  
羅雀其藥箭傷人見血立死然無敢為盜但輕

梟無恆性耳

打牙另是一種喪葬祭祖過節會親諸凡行事以迨男女衣服多與林獠同惟女子將嫁必先折其二齒恐防害夫家即所謂鑿齒之民也又剪前髮與眉齊取齊眉之義性兇好鬪不輕與漢人往來惟住山箐自耕自食

紫臺苗男女裝束與漢人同而諸行事與天家類惟夫死妻嫁而後葬曰喪有主矣男人多力善鬪近來間從戎立功而亦漸讀書若初見不知為苗類也

跋

丁巳秋繡以書院事與戴子九德聚處數月戴子每言吾州志無成書深懼先民之文章政事忠孝節義所謂鄉邦之望者久而失傳此後人之責也曩者嘗事於斯盍即成之繡懼不克勝任以語繡章周子周繡其說亦誣繡偕周子謀于銀臺李笠山先生先生曰此僕所有志而未能者也

黃平州志

卷末 序

君其任之僕雖老願相與從事以底于成焉適劉子琬西戴子德彬至亦欣然樂附遂共商之兩城紳士衆議僉同戊午三月請於刺史陶公南園具文申請既如所請即於六月經始越庚申七月歲事噫嘻吾州之志自前明百餘年有方伯周廷潤先生與隆衛志顧舊本散失閱二百餘年有別駕李少白先生黃平州志然止載舊州

且多缺畧及州衛合併百餘年有朱奎山先生志稿又數十年有家曉園先生志畧皆草創未就迄今始克成編蓋五百年於茲矣成志之難固如是哉且夫志之要方輿食貨學校三者而已重守土者明地利厚民生者慎賦役廣教化者端士習三者得而凡建置秩官諸類皆可統舉而條分焉然而徵文考獻尤於人物係之獨念黃

平自宋元以來其間科名政績儒行壺幽可垂之竹帛而不朽者指不勝屈乃年湮代遠或傳其事而不能實其人或著其名而不能詳其事如羅公祠之從事諸賢僅二三人可稽在數十年者且然又何怪前明之鄉先輩僅能考其名於敗殘譜牒之遺其他佚失何可勝道然則今日之志烏容已也夫天下事可待後人而故身任之

是名曰僭非甚切已而必欲為之是名曰  
妄鑪極知僭妄無所逃罪然亦不敢辭謹  
就各底本及搜採所及輯為草稿十二卷  
列傳則屬之同年生傅子竹莊顧鑪學植  
久荒未能表章徵信每一脫稿動經數易  
與同學諸子商榷討論是時南園先生奉  
使滇南未及就正爰鑒定於州刺史劉公  
鶴亭安公桂甫筆削於司馬周公希甫考  
黃平州志

卷末 序

三三

證於學博許公後田少府郭公仙舟而笠  
山先生實總其成既訖工為綴數言於末  
其謏陋弇鄙闕畧之處不無有待於後人  
之不視為不切已而刪定之者是役也載  
子九德力為多尤賴兩州人士共勦厥事  
姓氏俱載簡首不具錄時

嘉慶五年庚申六月上浣里人王孚鑪撰

并書



黃平州志校勘記

卷首 周有聲序

一頁七行 「聲名」，「名」，似應作「明」。

一頁十六行 「不禁之而止」句，原本脫「不」字，據「

黃平縣志」(以下簡稱「縣志」)增補。

卷首 傅玉書序

三頁三行 「序東」，原本誤作「序末」。

卷首 許克家序

一頁三行 「沂」，原本作「沂」。

一頁十二行 「地理」，「理」，原本作「里」。

二頁八行 「魚鳧」，「鳧」，原本作「腹」。

卷首 李臺序

校勘記

黃平州志

一頁十三行 「起」，原本作「啟」。

二頁八行 「瞭如指掌」句，「瞭」，原本作「燎」。

卷首 凡例

五頁九行 「母」，原本作「毋」。

五頁十行 「妍媸」，「媸」，原本誤刻為「媸」。

卷首 圖

十二頁十四行 「徵」，原本作「征」。

卷一 疆域

一頁七行 「申畫郊圻」句，「畫」，原本誤作「畫」。

二頁九行 「萬山莽互」句，「莽互」，原本作「莽互」。

卷一 山川

七頁三行 「芷隍河」，原本作「芷房河」。

卷一 名勝

七頁五行 「祈禱」，原本作「其禱」。

卷三 官師

又五上頁四行 「鑲黃旗」，「鑲」，原本作「廂」。

又五上頁十八行 「直隸」，原本作「直隸」。

卷三 名宦

四頁十二行 原本缺「萬歷二年」四字，據貴州通志增補。

五頁六行 「三十五年」，原本作「三十七年」，據貴

州通志改。

五頁九行 原本缺「天啟」二字。

十四頁十三行 「不假幕友」句，「假」，原本作「律」，

# 黃平州志

校勘記

二

據貴州通志改。

卷三 武備

六頁十二行 「里苗」，原本訛為「里苗」。

八頁六行 「引兵救援」句，「援」，原本作「授」。

十頁二行 「哈元生遺子」，「遺」，原本作「遺」。

十二頁三行 「壘塞」，原本作「壘塞」。

卷四 田賦

六頁四行 原本「九分七厘」，「九」字，與前行重複

，刪。

卷四 經費

一頁六行 「以衛民也」句，原本脫「也」字。

卷四 蠲卹

四頁四行 「過難民」，「過」，原本作「過」。

卷四 物產

一頁十七行 「苦蕒」，「蕒」，原本作「蕒」。

卷五 聖制

十六頁三行 「繡染」，「繡」，似應作「渲」。

卷五 廟祀

十四頁二行 「滎陽」，原本作「滎陽」。

卷五 祀典

一頁十一行 「登」，原本作「登」。

二頁十九行 「十哲」，似應為「十二哲」。

三頁十二行 「奕葉」，疑為「奕葉」。

四頁九行 「獻」，疑為「獻」。

校勘記

# 黃平州志

卷五 田畝

三頁六行 「拼」，原本作「摶」。

三頁十三行 第三字「址」，原本誤作「址」。

十頁一行 「白鱔塘」，原本作「白膳塘」。

十三頁三行 「蘭」，疑為「蕭」。

卷六 選舉

四頁十六行 「筭」，原本作「筭」。

十三頁六行 「恩科」，「恩」，原本訛為「思」。

卷六 貢生

二頁十九行 「褻」，原本誤刻為「褻」，下均同。

卷七 鄉賢

一頁十五行 「聰穎」，「穎」，原本誤作「穎」。



九頁十七行 「觀」，原本作「觀」。

十三頁一行 「褒旌」，「褒」，原本作「褒」。

十四頁六行 「不獲已」，「獲」，原本誤作「護」。

卷七 忠孝

五頁十六行 「孝宗」下疑落「弘治」二字。

六頁七行 「祖年八十」句，原本缺「年」字，據縣志

增補。

卷七 宦蹟

七頁十七行 「安陽」下，疑落「令」字。

十三頁十六行 「淮南」，疑為「淮安」。

十五頁一行 「毫」，原本作「毫」。

十八頁七行 「博白縣」，原本作「博白縣」。

黃平州志

校勘記

四

廿二頁十行 「中軍都司」，「中」，原本作「巾」。

廿三頁十四行 「臨穎」，原本作「臨穎」。

廿八頁二行 「敲扑」，原本作「敲扑」。

卅二頁十二行 「天顯尤篤」，「顯」，疑為「性」字之誤。

卷七 學行

又六頁四行 「性端穎」，「穎」，原作誤作「穎」。

又六頁十二行 「穎」，原本誤作「穎」。

九頁一行 「劇」，原本作「劇」。

十五頁一行 「舐」，原本誤作「甜」。

十七頁五行 「倡首募修」句，「倡」，原本誤作「獨」。

又十七頁 此頁原本缺漏，係照黃平縣志增補。但未行

文字疑有訛誤之處。

十八頁三行 「猪圈」，原本作「猪捲」。

十八頁十行 「澧州」，疑為「澧州」。

廿二頁三行 「輒記不遺」，「輒」，原本誤作「轍」。

卅一頁四行 「鳩工庀材」，「庀」，原本作「庇」。

又卅三頁 此頁原本缺漏，係照手抄本增補。

又卅三頁六行 「礪」，原抄本誤作「碼」。

又卅三頁八行 「採訪」，原抄本誤作「標訪」。

又卅三頁九行 「稗」，原抄本誤作「禪」。

又卅三頁十九行 「剛直」，原抄本誤作「剛查」。

卷七 尚義

又三頁八行 「尸祝」，原本作「戶祝」。

五頁九行 「北先」，原本作「興」。

黃平州志

校勘記

五

五頁十三行 「增生」下刪「護」字。

七頁十三行 「以疾卒」下刪「祖」字。

十頁十七行 「鋤」，原本作「耨」。

又十六頁八行 「怙恃」，「怙」，原本誤作「姑」。

又十六頁十二行 「葷」，原本作「暈」。

十七頁八行 「今年」，原本誤為「年今」。

十八頁十七行 「輒」，原本作「轍」。

十九頁七行 「躬」，原本作「窮」。

卷八 節孝

一頁三行 「祠祀」，原本作「秩祀」。

十五頁七行 「壺範」，原本作「壺範」。

十六頁十五行 「子」下疑落字。

廿三頁十九行 「躄」，疑為「躄」之缺筆字。

廿九頁十三行 「投環」，「環」，原本誤作「環」。

卅三頁十二行 「孤嫠」，「嫠」，原本作「嫠」。

### 卷八 節孝補

七頁八行 「椽」，原本作「椽」。

八頁一行 「恭」下疑落字。

九頁十二行 「冢貧老」句，「貧」下疑脫「親」字。

十一頁十六行 「購」，原本作「搆」。

十六頁五行 「姊妹」，應為「娣姒」。

十六頁十八行 「致」，原本誤作「妖」。

十八頁廿行 「於」下疑落「官」字。

### 卷八 賢淑補

## 黃平州志

校勘記

六

廿頁五行 「和藥煎湯」，原本無「藥」字。

### 卷九 記

又一頁十八行 「孟冬」，原本作「冬孟」。

六頁十三行 「水」，原本作「本」。

八頁八行 「癖」，原本作「僻」。

十一頁二行 「糜」，原本作「糜」。

十六頁三行 「拆」，原本作「折」。

十九頁八行 「晝夜」，原本作「晝夜」。

廿三頁十行 「盼」，原本作「盼」。

卅二頁九行 「盼」，原本作「盼」。

卅四頁十七行 「蒙葦」，原本作「蒙葦」。

卅五頁一行 「壑」，原本作「壑」。

卅九頁十二行 「壁」，原本作「壁」。

四十三頁十七行 「盤」，似宜作「盤」。

四十六頁十五行 「府吏」，「吏」，原本作「史」。

四十七頁十八行 「糜」，原本作「糜」。

五十六頁四行 「書塾」，「塾」，原本誤作「塾」。

六十三頁八行 「寢」，原本作「寢」。

六十九頁十三行 「曾受街基」下疑落「地」字。

七十二頁十九行 「削」，原本作「屑」。

七十三頁七行 「劉子琬西」，「琬」，原本作「琬」，據

本書前文改。

卷十 說教傳序誌狀

三頁廿行 「耄」，原本作「髦」。

黃平州志

校勘記

七

九頁十七行 「牲」，原本作「生」。

十六頁一行 「壘卵」，「卵」，原本作「卯」。

廿三頁三行 「沂」，原本作「沂」。

廿九頁二行 「括」，原本作「括」。

廿九頁五行 「移孝作忠」句，「移」，原本作「亦」。

卅頁四行 「於歸」，「於」，似應作「于」。

卅頁十四行 「是」，原本作「生」。

卅頁十五行 「遭」，原本作「道」。

卅三頁三行 「競競」，似應作「競競」。

卅三頁四行 「姊妹」，似應作「姊妹」。

卅七頁三行 「凡」，原本作「凡」。

四十頁十一行 「皎」，原本作「皎」。

四十四頁廿行 「淮揚」，原本作「淮揚」。

四十七頁十五行 「游」，原本作「游」。

五十五頁十六行 「顛」，原本作「瀟」。

五十八頁七行 「穩」，似應作「穩」。

卷十一 詩五古

二頁二行 「鑄」，原本作「錯」，據縣志改。

三頁二行 「盼」，似應作「盼」。

五頁十七行 「寂」，原本作「菽」。

卷十一 詩七古

二頁一行 「困」，原本作「困」。

又二頁十一行 「嗚吧」，原本作「嗚吧」。

三頁<sub>五六</sub>行 「明興隆衛節婦王氏百戶胡融妻詳衛志」，

校勘記

八

黃平州志

原本作「明隆興節婦王氏百戶衛胡融妻詳衛

志」。

三頁八行 「友人」，原本誤作「人友」。

卷十一 詩七律

一頁五行 「煤」，原本作「煤」。

四頁九行 「弩」，原本作「努」。

五頁四行 「暝」，原本作「暝」。

十一頁十七行 原本缺「行南」二字，據縣志增補。

十二頁十七行 「壑」，原本作「居」，據縣志改。

十五頁十八行 「總澤」，原本作「總澤」，據縣志改。

廿七頁四行 「累卯」，「卯」，原本作「卯」。

卷十一 詩長律

卷十一 詩長律

三頁四行 「揚威」，原本作「揚威」。

卷十二 祥異

三頁二行 「居民」，疑為「民居」之誤。

三頁三行 「都四山」，「凹」，原本作「挖」。

三頁四行 「漂泊」，「泊」，原本作「泊」。

卷十二 寓賢

一頁十五行 「帳」，原本誤作「帳」。

卷十二 仙釋

四頁三行 「崇」，原本誤作「崇」。

卷十二 方技

一頁十五行 「針灸」，「灸」，原本誤作「灸」。

卷末

# 黃平州志

校勘記

九

原本作「明隆興節婦王氏百戶衛胡融妻詳衛志」。

三頁八行 「友人」，原本誤作「人友」。

卷十一 詩七律

一頁五行 「煤」，原本作「煤」。

四頁九行 「弩」，原本作「努」。

五頁四行 「暝」，原本作「暝」。

十一頁十七行 原本缺「行南」二字，據縣志增補。

十二頁十七行 「呈」，原本作「居」，據縣志改。

十五頁十八行 「蛇蟻」，原本作「絡澤」，據縣志改。

廿七頁四行 「繫卵」，「卵」，原本作「卵」。

卷十一 詩長律

三頁四行 「揚威」，原本作「揚威」。

卷十二 祥異

三頁二行 「居民」，疑為「民居」之誤。

三頁三行 「都凹山」，「凹」，原本作「挖」。

三頁四行 「漂泊」，「泊」，原本作「汜」。

卷十二 寓賢

一頁十五行 「帳」，原本誤作「帳」。

卷十二 仙釋

四頁三行 「崇」，原本誤作「崇」。

卷十二 方技

一頁十五行 「針灸」，「灸」，原本誤作「灸」。

卷末

# 黃平州志

校勘記

九

一頁七行 「銀臺」，原本脫「銀」字。

三頁六行 「商權」，「權」，原本誤作「確」。

三頁十三行 「兩州人士」句，原本脫「州」字。